

FRANCISCI GLISSONII

In Incl<sup>ta</sup>

41 K. 10. 51

Cantabrigiæ Academia

Medicinæ Professoris publici,

& Collegii Londinensis Socii,

ANATOMIA HEPATIS.

Cui præmittuntur

Quædam ad rem Anatomicam  
universè spectantia.

ET

Ad calcem Operis subjiciuntur nonnulla de  
*Lympha-ductibus* nuper repertis.



---

*Nulla est disciplina, aut ars, quæ singulari consum-  
mata sit ingenio. Columella.*

---



L O N D I N I,

Typis *Dn-Gardianis*, Impensis *Octaviani Pullein*, apud  
quem extant venales. M. DC. LIV.





1757:97

*Almæ Matri*

CANTABRIGIÆ

ACADEMIÆ CELEBERRIMÆ,

ORNATISSIMOQUE

Medicorum Londinensium

COLLEGIO,

*Sibi æternùm colendis,*

FRANCISCUS GLISSONIUS

Hanc suam

*Hepatis Anatomiam*

GRATITUDINIS ERGO, OFFICIOSE

D. D. D.





## Lectori Benevolo.

**L**Am annus decimus tertius elapsus est, postquam (itâ jubente celeberrimo Medicorum Lôndinensium Collegio) mihi publicè prælegendi munus incubuit. Quo tempore id sedulò operam dabam, ut hepate carne suâ exuto, penitiorem illius fabricam detegerem: factûmque adeò est, ut observationes plurimas, quarum in hoc libello fit mentio, tunc temporis proponerem. Placuit Amicis præsentibus rei novitas, & quæ inde verissimiliter in rem Medicam profectura esset utilitas; mihiqûe acriter institerunt, ut quæ intra privatos Collegii can-

## Lectori Benevolò.

cellos exhibuiffem, quamprimum id commo-  
dè fieri poffet, publici juris facerem. Ego  
verò tenuitatis meæ probè confcius, tum  
etiam negotiis alijs variè diftrictus, ut ijs  
morem gererem, hætenus à me impetrare  
non potui. Nuper autem, cùm à curis A-  
cademicis; rebûsque meis privatis plusculum  
otii fuppeteret, fcirémque Prælectionum il-  
larum editionem etiamnum expeti; volui  
tandem amicis cordatisque Viris obtempera-  
re; eorum fententiæ fecurus, qui, nifi  
quod ipfi faciunt, nihil rectum putant. In  
eum finem itaque rem totam in ordinem  
redegi; paffimque hic illic, factò diverti-  
culo, difceptationes aliquot vel novas, vel  
pleniores institui: intérque alia, in ipfo  
operis exordio, de lymphæ-ductibus paulò  
fufius egimus. Quâ in re fi quid dictum  
fit, quod ijs, quæ antea in Tractatu  
ift hoc à me afferuntur, diffentaneum vi-  
deatur; nolim me illico levitatis aut incon-  
ftantiæ reum agas; quoniam vix aliter  
fieri poteft, quàm ut fententia, quam  
recens

## LECTORI Benevolo.

recens amplexus fueris , veterem aliam  
aliquo modo sugillet. Neque tamen com-  
modum arbitratus sum, novâ necdum ple-  
nè stabilitâ, veterem sententiam retractare.  
Utcunque , pauca ( ut arbitror ) hujus  
generis occurrent ; iisque facile , opinor,  
venia habebitur. Profectò id verè te-  
stari possum , me haud leves quasque ve-  
risimilitudinum umbras hic temere secta-  
tum esse ; verùm omnia , quantum li-  
cuit , ad rei ipsius trutinam fideliter ex-  
egisse. Et si quando ( quod cuilibet , lo-  
ca avia semitâque minùs tritam pera-  
granti , facile eveniat ) à scopo aberrav-  
erim, id tu mihi, spero ( **LECTOR**  
Candidè ) humaniter condonabis. Sunt cer-  
tè in his nonnulla adhuc, quorum incer-  
titudo atque perplexitas altam mentibus  
nostris caliginem offundunt : quæ tamen  
plurima, nisi malè hariolor , ventura pro-  
pediem ætas in apricum proferet. Dubia  
autem hujusmodi, non nisi hæsitanter af-  
serui ; & interdum eo fine à me pro-  
posita


## Lectori Benevolo.

posita sunt , ut felicioribus ingeniis ad  
hec Naturæ arcana porro eruenda calcar  
addiderem ; idque facient expeditius , si  
exutâ inveteratæ opinionis larvâ , rem  
ipsam penitiùs indagaverint. Hec, amice  
LECTOR, in limine præmonitus, æ-  
diculam ipsam , si libet , ingredi.

---

TOTIUS

---



# TOTIUS OPERIS SYLLABUS.

*Prolegomena quædam ad rem Anatomica  
cam universè spectantia.*

## CAP. I.

*Anatomizæ definitio & subjectum. pag.1*

<b>N</b> ominis ratio.	ibid.
Operatio principalis ad eam spectans.	ibid.
Ejusdem differentia.	2
Operationes alia.	ibid.
Finis hujus Artis.	3
Quæ sint in Anatomia observanda.	ibid.
Illius subjectum	4
& definitio.	5

## CAP. II.

*Primæ corporis humani divisiones. pag.6*

<b>D</b> istinctio nominis.	ibid.
Illius divisiones tres.	7
Earundem consensus.	ibid.
Reductioque	



*Reductioque ad dichotomiam.*

ibid.

*Divisio quarta.*

8

### CAP. III.

*Solidarum five fixarum partium divisio. p. 9*

*Distinctio partium triplex.*

ibid.

*Quousque sibi consona.*

ibid.

*Methodus procedendi in ejus explicatione.*

10

### CAP. IV.

*Notionum, materiae & formae partium, explicatione.*

p. 10

*Quanam sit partium materia.*

ibid.

*Qua forma earundem.*

ibid.

*Convenire eas in genere cum materia ac formâ artificialibus.*

ibid.

*Definitio earundem communis.*

11

*Tam Ars quam Natura in materiam agit formamque producit.*

ibid.

*In quibus Ars & Natura conveniant.*

ibid.

*aut discrepent.*

ibid.

*Materia naturalis definitio propria.*

13

*eiusdem divisio*

ibid.

*Forma naturalis definitio propria.*

ibid.

### CAP.

**CAP. V.**

Quid notiones istae, *similare*, *disimilare*,  
*organicum*, & *inorganicum* significant.

**D***efinitur pars similis.* p. 13  
*item dissimilis.* 14  
 ibid.

*item dissimularis.*      *ibid.*

*Similitudo in partibus similaribus requisita.* 15

*Diversitas in dissimilaribus.*      *ibid.*

## CAP. VI.

De distinctionis partium similiarum, & diffimiliarum, organicarum atque inorganicarum origine. 16

**P**Artes tum similes tum dissimiles fundantur in materia. 17

*Organica & inorganica in forma.* 18

## CAP. VII.

Quomodo partes fimilares , totam partium  
materiam repræsentent ; & organicæ  
earundem formæ. p.18.

**U**ltima partium materia est tantum simili-  
laris. ibid.

*Materia di similari caret unione naturali. 20*

*Partes organica totam formam absorbent. 22*

*Usus distinctionis partium in similes & organicas.*

*organicas.* 23  
*Objectioni satisfis; ex triplici vasorum con-*  
*sideratione.* 26

## CAP. VIII.

De partium similiarium naturâ reali. p.26.

**D**efinitio partis similiaris. ibid.  
 Definitio Elementi. 27  
 Elementum est, vel intermedium vel ulti-  
 mum. ibid.  
 Intermedia elementa sunt multiformia. ibid.  
 Mistorum separationes varia. 28,29  
 Vis,quâ similia suis similibus congregantur. 29  
 Elementa ultima. 32  
 Elementa chymica & Aristotelica inter se  
 comparantur 33

## CAP. IX.

De partium similiarium divisionibus. p.34

**P**artes sunt, vel excrescentes vel infor-  
 mata. ibid.  
 Ha dividuntur in spermaticas & sanguineas.  
 ibid.

spermatica in { molles,  
 duras, &  
 tensiles } 35

Tensiles

Tensiles in { membranosas,  
fibrosas, &  
ex utrisque compositas. } ibid.

Census partium membranarum & fibrosarum. ibid.

Partes ex fibris & membranis composita. 36

Partes laxiore sensu { pingues,  
sanguinea dicta, musculosas, &  
dividuntur in parenchymata. } 37

Parenchymata in { sanguinea &  
phlegmatica. } ibid.

## CAP. X.

De partium organicarum essentiâ reali.

Quinque partes forma organica. 38

1. Situs. } ibid.

2. Magnitudo. } 39

3. Numerus. } ibid.

4. Continuitas. }

5. Figura, qua est vel { externa. } 40  
{ interna. } ibid.

Figura interna partes. 41

Cavitas. } ibid.

Meatus. }

Pori, sive permeabilitas. } 42

Ramificatio. }

Circa cavitatem quid inquirendum. } ibid.

Quid circa meatum. } Quid

<i>Quid circa poros &amp; permeabilitatem.</i>	42
<i>Duo genera permeabilitatis.</i>	ibid.
<i>Utraq; plurifariam inter se conveniunt.</i>	43
<i>Estq; illis idem finis, &amp; consimiles morbi;</i> <i>nempe obstructiones.</i>	ibid.
<i>Harum tria genera.</i>	44
<i>Quid circa Ramificationem.</i>	45
<i>Figura accidentia communia, asperitas, &amp;</i> <i>laevitas.</i>	ibid.

## ANATOMIA HEPATIS.

### CAP. I.

<b>D</b> <i>icendorum ordo.</i>	pag. 47
---------------------------------	---------

### CAP. II.

<i>De situ hepatis.</i>	ibid.
-------------------------	-------

<b>H</b> <i>epatis situs generalis.</i>	49
<i>ejus gibbum.</i>	ibid.
<i>Cavum.</i>	ibid.

<i>Tumores situm illius variant.</i>	ibid.
--------------------------------------	-------

<i>ejus ligamentum</i> $\left\{ \begin{array}{l} \text{primum.} \\ \text{secundum.} \\ \text{tertium.} \end{array} \right\}$	$\left\{ \begin{array}{l} 50 \\ 51 \\ \text{ibid.} \end{array} \right\}$
--	--

<i>Alia ejusdem connexiones</i>	ibid.
---------------------------------	-------

<i>Motus illius obscuri.</i>	53
------------------------------	----

*Affectio-*

<i>Affectiōis hysterica exemplum.</i>	55
<i>Inflatio ventriculi.</i>	56
<i>Hepatis adnascētia.</i>	57
<i>Non idem est omnium hepatis partium motus.</i>	<i>ibid.</i>
<i>Quaestiones quatuor discutiendae.</i>	<i>ibid.</i>

### C A P. III.

Quæritur primò, Cur hepar supremum in abdomine locum occupet? p.60

<b>E</b> rror refellitur.	<i>ibid.</i>
Vera cause assignantur.	<i>ibid.</i>

### C A P. IV.

Quæritur secundò, Cur hepar potiùs in dextro, quàm in sinistro hypochondrio positum sit? p.61.

<b>A</b> orta & vena cava non debebant in eodem latere collocari.	<i>ibid.</i>
Oportuit aortam esse in sinistro, & cavam in dextro.	62
Hepar situm suum à corde mutuatur.	64
Cordis positura.	<i>ibid.</i>

### C A P. V.

Quæritur tertio, Cur in homine (& ad ejus normam, in aliis quoque animab.  
libus)

libus) hepar semper in dextro hypo-  
chondrio situm sit. 66

**I**nquirendi occasio. ibi l.  
Causa hujus situs efficiens. 67  
Causa finalis. ibid.  
Causa alia. ibid.  
item alia. 68

### CAP. VI.

Quæritur quartò, Utrum situs hepatis in dex-  
tro latere, plus roboris, motuque ex-  
pediendi promptitudinis, huic lateri,  
quàm alteri conferat? p. 69

**C**omparatio laterum. ibid.  
Influentia hepatis in latus dextrum. ibid.  

{	Lienis,	}		70
{	Pancreatis,	}		ibid.
{	Omenti,	}	in sinistrum.	ibid.
{	Ventriculi,	}		71
{	Aorta,	}		ibid.

Hepar plus roboris suo lateri confert, quàm  
alia partes, lateri opposito. 73  
Gentium in ea re consensus. ibid.

### CAP. VII.

De magnitudine hepatis. 77

**M**agnitudo relativa. ibid.  
Partium mensura. ibid.  
pondus.

<i>pondus.</i>	78
<i>Hepatis longitudo.</i>	79
<i>Latitudo &amp; crassities.</i>	ibid.
<i>Pondus medium.</i>	80
<i>Ponderum discrimina.</i>	ibid.
<i>Interna lubricitas.</i>	82
<i>Hepatis diminutio.</i>	85
<i>Ejusdem tumores;</i>	ibid.
<i>Horum communes causæ.</i>	ibid.
<i>Affluxio, &amp; obstructio.</i>	ibid.
<i>Affluxionis tres causæ.</i>	ibid.
<i>Atque Obstructionis totidem.</i>	86
<i>Tumores calidi.</i>	ibid.
<i>frigidi.</i>	84
<i>Tumores parenchymati ejus peculiar-</i>	ibid.
<i>res.</i>	ibid.
<i>Calculi in poro bilario.</i>	88
<i>Hydatides in tunica hepatis.</i>	89

## C A P. VIII.

<i>De partium hepatis numero.</i>	90
<b>H</b> <i>Epar est unicum.</i>	91
<i>A liene plurimum discrepat.</i>	ibid.
<i>Cur non geminum factum sit.</i>	92
<i>Cur lobis careat.</i>	93
<i>Partes hepatis similes, earumque enumeratio.</i>	94
<i>Partium integranium defectus.</i>	95
<i>Redundantia.</i>	ibid.
<i>b 2</i>	<i>Observati-</i>



*Observationes duæ, de morbis hepatis in  
numero partium aucti. p 96 97*

## CAP. IX.

De hepatis continuitate.

<b>C</b> ontinuitas tunica.	98
Lesiones continuitatis tunica & parenchymatis.	99
Solutionis hujus periculum.	ibid.
Causa.	100
Vulnera.	ibid.
Partium divulsio.	ibid.
Parenchymatis { contusiones.	{ 101
Erosiones.	{ 102
Obstructiones.	{ 103
Solutio continuitatis in vasis.	105
Vasorum hepatis vulnera.	ibid.

## CAP. X.

De figura hepatis ; & primò generatim de  
figura illius externâ. 108

<b>T</b> otius hepatis figura externa.	109
Quibusnam comparari possit.	ibid.
Ovi segmento adumbratur.	110
à quibus determinetur.	111
Rationes sive regulæ sex, figuram hepatis deter- minantes.	112, 113, 114, 115
Regula	

*Regula prædicta humano hepati applicantur.*

116

*Queritur cur hepar humanum sit indivisum.*

ibid.

*Hepar toti trunco quodammodo conforme est.*

117

*Qualisnam sit trunci in homine figura.*

ibid.

*ejusdem figura utilitas.*

ibid.

*Postulata quadam utilitatem eam demonstrantia.*

ibid.

*Ex illis illatio.*

119

*Quid longitudinem ac latitudinem hepatis definiat.*

120

*Quidque crassitiem atque ovalem figuram.*

121

*Hepatis flexibilitatem aliqualem, sed minorem quam in aliis animalibus, requiri.*

ibid.

*Aliquot hepatis humani privilegia, ejus flexibilitatem promoventia.*

122

*Cavitas hepatis in homine minus profunda est, quam in multis aliis animalibus.*

125

## CAP. XI.

De partibus quibusdam figuræ hepatis externæ, deque earundem causis. p. 126

**D**E hepatis gibbo. ibid.

Carvo 127

parte sinistra. ibid.

b 3 dextra.

	<i>dextra.</i>	128
<i>De fissura hepatis.</i>		ibid.
<i>Inaequalitates in cavo hepatis.</i>		129
<i>Hepatis Porta.</i>		130
<i>lobus.</i>		ibid.
<i>ejus usus.</i>		131

## CAP. XII.

De figura hepatis internâ : ac primùm de  
vasis bilariis extra hepar conspicuis, iis-  
que universim consideratis. p. 132

<b>V</b> <i>Aforum hepatis divisio.</i>	133
<i>Vasa fellea foris conspicua recensentur.</i>	ibid.
<i>Eorum ab internis ejusdem generis vasis diffe- rentia.</i>	ibid.
<i>&amp; cum iisdem communitates.</i>	ibid.

## CAP. XIII.

De vesicula felleâ.

<b>E</b> <i>Fus figura.</i>	135
<i>Connexio duplex ; quarum prima, nempe illa cum hepate , diversimodè firmatur.</i>	ibid.
<i>Vesicula fellea radices.</i>	136
<i>Harum insertio.</i>	ibid.
<i>Vesicula officium.</i>	138
	CAP.

## CAP. XIV.

### De Meatu cystico.

<b>A</b> ltera vesica biliaria connexio.	139
Annulus ejus fibrosus.	ibid.
ejusdem usus.	140
Meatus cysticus valvulis destituitur.	ibid.
Ductus illius amplitudo.	ibid.

## CAP. XV.

### De Poro bilario, quatenus extra hepar conspicuus est.

<b>P</b> ori bilarii dignitas.	141
capacitas.	ibid.
Objectioni respondetur.	143
Porus iste valvulis caret.	ibid.
ejus longitudo & amplitudo.	144

## CAP. XVI.

### De Ductu communi.

<b>I</b> llius proportio ad meatum cysticum & hepaticum.	144
Connexionis modus.	ibid.
Valvulas nullas habet.	ibid.
Ejusdem insertio in intestinum.	145
Regressum omnem praepedit.	146
Insertionis hujus discrimina in variis	anima-

## CAP. XVII.

De Vasorum felleorum, extra hepar positorum, actione atque usu: eaque super re *Laurentii* sententia primum expenditur.

148

- I** Inquirendorum methodus. 149  
 De actione atque usu hepatis sententia triplex. ibid.  
 Opinio *Laurentii* examinatur, & ad tres propositiones reducitur. ibid.  
 Quarum prima perpenditur. 150  
 Ejusque fundamentum convellitur. 151  
 Valvula rejicitur. ibid.  
 Observatio illius enervatur. 152  
 Non viderat valvulas quas descripsit. ibid.  
 Porus bilaris rectè in intestinum aperitur. 154  
 Erroris ejus occasio. 156  
 Observatio retorquetur. 157  
 Propositio secunda refellitur; 158  
 1. à meatûs cystici angustia. ibid.  
 2. à ductûs communis amplitudine. 160  
 2. à

3. à propriis vesica fellea  
radicibus. ibid.

4. à perpetua ejusdem pleni-  
tudine. 161

*Tertia illius propositio expenditur.* 162

*Attractionis organica quatuor modi.* 163

### CAP. XVIII.

*Fallopii sententia examinatur.* 165

**E** Adem quinque propositionibus ex-  
ponitur. 166

*Quarum prima & secunda admittuntur.*  
167

*Tertia, solum ex parte vera est.* ibid.

*ut & quarta.* ibid.

*atque etiam quinta.* 168

### CAP. XIX.

*Tertia opinio, Julio Fafolino attributa, &  
à Riolano comprobata perpenditur.* 168

**I** Lla tribus propositionibus comprehen-  
ditur. 169

*Quarum prima partim conceditur, &  
partim refellitur.* ibid.

*Secunda quoque ex parte recipitur.* 170

*Restrigitur autem.* 172

*Tertia*

*Tertia propositio examinatur.* 174  
*Eadēque partim recipitur.* 175  
*partim rejicitur.* *ibid.*

## CAP. XX.

*Sententia Autoris de prædictarum partium  
 usu, propositionibus duodecim compre-  
 hensa.* 176

PROPOS. I. { *Vesica fellea semper plena*  
                   *est.* *ibid.*  
                   *ejus rei rationes.* 177  
                   *Quomodo à vesica urinaria*  
                   *discrepet.* *ibid.*

PROPOS. II. { *Vesicula ea dilatata am-  
                   plius recipit.* 178

PROPOS. III. { *Repletur naturaliter à ra-  
                   dicibus suis.* 180

PROPOS. IV. { *Vasa reliqua fellea sunt eti-  
                   am bilis promptuaria.* 182

PROPOS. V. { *Vesicula plus solito repleta, ad  
                   excretionem stimulat.* 183  
                   *Unde id fiat.* 184  
                   *Non fit tamen excretio to-  
                   talis.* *ibid.*

PROPOS. VI.

- PROPOS. VI. { *Motus bilis naturalis quis sit.* 185
- PROPOS. VII. { *Insertionis obliqua clausura affluentem bilem repellit.* 187  
*Id quomodo fiat, ostenditur.* ibid.
- PROPOS. VIII. { *Clausura illa à compressione fit validior.* 188  
*Hujusq; rei causa.* 189  
*ut bilis in vesiculam resiliat, duo requirantur.* 190
- PROPOS. IX. { *Regurgitatio isthac tandem facit irritationem.* 191  
*Bilis non pedetentim, sed collectim effluit.* 192
- PROPOS. X. { *Differentia insertionum ureterum in vesicam, & ductus communis in intestinum.* 193
- PROPOS. XI. { *Effluxus isti ut plurimum cessant durante coctione, & de eâ re Fallopii sententia rejicitur.* 195  
*Causa alia finalis.* 197
- PROPOS. XII.



PROPOS. XII.

Bilis congestio ex usu  
est. 198  
idque tripliciter. 199

1. Obstat putredini. ibid.
2. Obstructionem & sanguinis coagulationem impedit. 200
3. Hujusq; depurationi conducit, alligando ad se sanguinem biliosum, quo expurgetur. ibid.

Hac allestatio sive attractio similis asseritur. ibid.

Quibus mediis perficiatur. 201

Effluvia, excitare possunt corpora graviora ad appetendam unionem cum corpore alio; at bajulare non possunt. 202

Nostre de hac re sententia. 203

Tria ad hanc attractionem requiruntur. ibid.

Haec adeo occulta est, ut intelligi non possit. ibid.

Qualisnam sit attractio. 204

Cur dicatur similis. ibid.

Dicta praesenti negotio adaptantur. 205

Objectioni, de promiscuo sanguinis motu in arteriis, respondetur. 206, 207, 208

Propositionum harum elenchus. 209

CAP.

## CAP. XXI.

Duæ administrationes Anatomicæ, quarum  
operâ vasorum felleorum in hepate vesti-  
gia clariùs innotescant. 210

<i>Administratio prima.</i>	ibid.
<i>Instrumentum illi inserviens.</i>	211
<i>Eodem utendi modus.</i>	ibid.
<i>Quanam sint observanda in ejus usu.</i>	212
<i>Administratio altera.</i>	213
<i>Quæ, ut à Spigelio proponitur, est manca.</i>	ibid.
<i>Ejusdem modus alius etiam mutilus.</i>	ibid.
<i>Administratio Autoris.</i>	215

## CAP. XXII.

Summa eorum, quæ de internâ hepatis  
figurâ dicenda restant.

<i>Quomodo figura parenchymatis in- terna dignoscatur.</i>	216
<i>Hepatis vasa.</i>	217
<i>Quo ordine tractanda veniant.</i>	ibid.

CAP.

## CAP. XXIII.

Rationes quædam communes, quibus vena Cava, vena Portæ, & Porus biliaris inter se conveniunt. 218

<b>C</b> <i>ommunitas</i>	{ <i>prima.</i>	ibid.
	{ <i>secunda.</i>	221
	{ <i>tertia.</i>	222
	{ <i>quarta.</i>	ibid.
	{ <i>quinta.</i>	227

## CAP. XXIV.

Differentiæ, quibus in excarnando hepate, vasa ejus primo intuitu ab invicem distinguantur. 232

**U***tilis est hujusmodi discriminatio.*  
ibid.

<i>ejusq; varii modi</i> :	{ <i>primus.</i>	ibid.
	{ <i>secundus.</i>	ibid.
	{ <i>tertius.</i>	233
	{ <i>quartus.</i>	ibid.
	{ <i>quintus.</i>	234
	{ <i>sextus.</i>	ibid.

*Proportio*

*Proportio ramulorum capillarium Portæ  
& Cava est quodammodo aqualis. 235*

## CAP. XXV.

*De Vasorum horum in hepate distributi-  
one: & primùm de illâ Venæ Portæ. 236*

<b>U</b> ndenam vasorum in hepate dis- tributio ordiendâ sit.	ibid.
Distributio Portæ.	237
Radices hujus extra hepar.	238
<i>A ventriculo.</i>	ibid.
<i>A liene, pancreate, omento.</i>	239
Venarum hæmorrhoidalium usus & origo.	ibid.
Radices Portæ ab intestinis & me- senterio orta.	240
Distributio Portæ intra hepar.	241
Sinus ejusdem.	242
Canalisq; venosus.	ibid.
Rami Portæ { Primus.	243
{ Secundus.	244
5. num. { Tertius, quartusq; & { Quintus.	ibid.
Distributionis horum æqualitas.	245
ejusdem usus.	246

## CAP.

## CAP. XXVI.

De radicum five ramorum venæ Cavæ in  
hepate distributione. 246

**R** Adices vena Cavæ. ibid.  
Quoniam versùs in iisdem sanguis  
fluat. 247

Ex toto hepate equaliter oriuntur. ibid.  
Harum capillarum coitio in ramulum,  
ramulorumq; in ramum majorem. 248

Ramorum truncus. ibid.

Rami  $\left\{ \begin{array}{l} \text{minoris.} \\ \text{maiores.} \end{array} \right.$  ibid. 249

## CAP. XXVII.

Quomodo Porus bilarius in hepate distri-  
buatur. 251

Pori bilarii truncus, huiusq; distributio. ib.

Figura exprimens distributionem Portæ &

Pori bilarii, detractâ capsulâ. 254

Aequalis terminatio capillarum pori bila-  
rii in toto hepate. 255

CAP.

# CAP. XXVIII.

De distributione capsulæ, venæ Portæ atque  
poro bilario communis. *ibid.*

**C**apsula hac cur diversimodè ap-  
pelletur. 256

<i>Illius</i>	{	<i>Origo.</i>	257
		<i>Dignitas.</i>	<i>ibid.</i>
		<i>Connexio.</i>	<i>ibid.</i>
		<i>Distributio.</i>	258

# CAP. XXIX.

De Arteriæ hepaticæ distributione. 259

**E**jus ortus. *ibid.*

*Capulam Portæ ingreditur.* *ibid.*

<i>Illius</i>	{	<i>Distributio.</i>	261
		<i>Terminatio.</i>	<i>ibid.</i>

# CAP. XXX.

De Nervorum in hepate distributione. 262

<b>E</b> <i>orum</i>	{	<i>Exortus.</i>	<i>ibid.</i>
		<i>Distributio.</i>	263

Galenus, dum hepatis sensum duntaxat he-  
betem concedit, defenditur. *ibid.*

# CAP. XXXI.

De Vasis aquosis, sive Lymphæ-ductibus  
ad hepar spectantibus. 266

**E**orum primi Inventores. 267

*Hæc vasa Acellio errandi ansam dedisse.*

## CAP. XXXII.

De Vasorum in hepate connexionibus, iisque primùm, quibus Porta & Porus biliaris mutuò conjunguntur. 269

**T**Ria connexionum genera ibid.  
*Quorum primum est illud quo Porta cum*  
*Poro bilario conjungitur.* ibid.  
*Intèrque ea vasa nullam esse anastomosin, experientia & ratione probatur.* 270  
*Connexionis horum vasorum veri usus redduntur.* 271

## CAP. XXXIII.

De Venæ Portæ & Cavæ in hepate connexionibus, quæ secundùm genus earum constituunt. 272

**C**onnexionum hujus secundi generis tres species. ibid.  
*Anastomoses in illis nuspiam reperiri.* 273  
*Connexiones istæ quibus in locis occurrant & quales sint.* ibid.  
*Quomodo Anatomici à tribus illis connexionum generibus, anastomoseòn specie decepti fuerint.* 275  
*Quomodo primum harum genus iis imposuerit.* 275, 276  
*Quomodo secundum.* ibid.  
*atque item tertium.* 278  
*Anterum de hac re testimonia.* 279  
 Bartholini

Bartholini *sententia perpenditur.* 280

*Experimentum egregium.* 286

*Connexionum harum usus.* 288

*Tertium connexionum genus non immediatum, nempe inter vasa biliaria & ramulos Cava.* 289

*De Tabulis sive figuris excarnato hepatis adscriptis.* ibid.

*monita* ; { *primum.*  
*secundum.*  
*tertium.* } 290

*Tabulae ista hepar à parenchymate suo liberatum exhibent.* 292

*Figura prima simam hepatis partem cum vasis representat.* ibid.

*secunda, gibbam hepatis partem & vasa ibidem sita explicat.* 293

#### C A P. XXXIV.

*De actione atque usu hepatis : & primum universè de quarumlibet partium actione & usu, deque methodo in dicendis propositâ.* 294

**D**E actionis usûsq; partiû discrimine. ib.

*Usus duplex.* ibid.

*Activus, & passivus.* ibid.

*Activus est, vel publicus, vel privatus.* 295

*Num agens naturale quicquam in usum publicum moliatur.* ibid.

*usus privatus.* 297



*Dividuntur quoque actiones & usus, in simi-  
lares & organicas.* ibid.

*Dicendorum methodus.* 298

### CAP. XXXV.

*Num Hepar sanguificet.* 299

**V***eterum sententia tres proponuntur,  
& refelluntur.* ibid.

*Prima ratio eas conjunctim refutans; Neque  
Cor, neque Hepar, neque Venas primum  
sanguinem conficere.* ibid.

*Quidnam sanguinem primum efficiat;* 300  
*& quomodo.* 302

*Rubedinis ejus causa, calor & motus.* 303

*Qua causa variis instantiis confirmantur.*  
304, 305

*Quid deinceps sanguificationis opus perpetuet.*  
306

*Secunda ratio predictis omnibus sententiis  
adversaria.* 307

*Nullam harum partium sanguini satis assimi-  
lem esse.*

*Quod confirmatur tribus argumentis, atque  
etiam experimento.* 308

*Objectioni contra experimentum hoc allata  
respondetur.* 309

*Probat, sanguificationem esse actionem simi-  
larem.* 311

*Chyli & sanguinis discrimina.* ibid.

*Hepar particulatim à sanguificandi munere  
eximitur.* 313.

*Primò,*

Primò, quòd hepar palleat post primi sanguinis generationem.	314
Deinde, quòd vena lactea ad hepar non distribuantur.	315
Venarum lactearum duo esse genera.	316
Hepati cordiq; diversa esse munia.	319
Rationes peculiare ob quas cordi sanguificandi officium denegatur.	321
Peripatetici reconciliantur in gratiam.	324
Vena singulatim sanguificandi munere privantur.	325
Quomodo vena sanguinem conservent.	ibid.

### CAP. XXXVI.

Num hepar sit origo, five principium venarum.	327
<b>T</b> RACTATIONIS ordo.	ibid.
Principii definitio.	ibid.
Varia illius significationes.	ibid.
Ad tria genera reducuntur.	328
Principii terminationis, duo alia genera.	330
Ad prædicta reducuntur distinctiones principii secundum Galenum.	331
Vena habent principium continuationis,	332
scaturiginis,	333
finale.	334
Quo sensu dicatur cor in reliquas partes principatum obtinere.	335
Sanguis est principium venarum efficiens.	336

<i>Materia &amp; forma earundem.</i>	338
<i>Expenditur sententia Galeni,</i>	339
<i>&amp; Peripateticorum.</i>	<i>ibid.</i>

### CAP. XXXVII.

<i>De totius hepatis officio.</i>	341
-----------------------------------	-----

**Q**uid officii nomine intelligendum veniat. *ibid.*

*Ufus nobilis ac publicus hepati concessus.* 342

*Nempe sanguinis depuratio per bilis secretionem.* 343

*Qua de re propositiones quatuor expenduntur.* *ibid.*

### CAP. XXXVIII.

*Propositio prima. Bilem esse excrementum.* *ib.*

**I**lius elementa, è quibus constat. 344

*qualitates.* 345

*amaror.* 346

*color.* 346

*Atrabilis.* *ibid.*

*Humor biliosus non nutrit.* *ibid.*

### CAP. XXXIX.

*Propositio secunda. Calorem vitalem, jugi sanguinis coctione bilem necessario producere.* 347

**Q**uid gustus, ad modum productionis ejusdem cognoscendum, contribuat. *ibid.*

*Quomodo idem promoveri queat.* *ibid.*

*Gustus præcipuè à spiritibus afficitur.* 348

*Vox*

<i>Vox spiritus liberatur ab ambiguitate.</i>	ibi l.
<i>Mercurius est, vel pinguis, vel macer.</i>	349
<i>Mercurius macer non constat ex mistura phleg-</i> <i>matis &amp; spiritus oleosi.</i>	350
<i>Sententia pugnationes.</i>	ibid.
<i>Uterque Mercurius defenditur</i>	ibid.
<i>Spirituum sulphureorum discrimina.</i>	352
<i>Spirituum, aliorumq; elementorum status triplex.</i>	ibid.
<i>Primus, Fixationis.</i>	353
<i>Secundus, Fusionis.</i>	ibid.
<i>Tertius, Volatilitatis sive exaltationis.</i>	ibid.
<i>Quomodo status isti ad gustum referantur.</i>	354
<i>Acor dulcedini precedaneus fundatur in spiritu</i> <i>salino etiamnum fixo.</i>	ibid.
<i>Non tamen summâ fixatione.</i>	356
<i>Amarities ab initio orta in quo fundetur.</i>	ibid.
<i>Dulcedinis origo.</i>	357
<i>Illam precedunt, sed non immediatè, vel astri-</i> <i>ctio vel asperitas, vel sapor ex utrisque mix-</i> <i>tus.</i>	358
<i>Eam immediatè precedunt, vel aciditas vel in-</i> <i>spiditas.</i>	ibid.
<i>Tria insipiditatis genera.</i>	359
<i>Quibus mediis spiritus reddantur volatiles &amp;</i> <i>fugitivi.</i>	361
<i>It omnes avolantes, vi fermentationis, vappam</i> <i>post se relinquunt:</i>	ibid.
<i>Simplicis autem exhalationis vi, liquorem aci-</i> <i>dum.</i>	361.

<i>Amarities altera, qua dulcedinem sequitur, adustionis proles est.</i>	363
<i>Quomodo dulcia amarescant.</i>	364
<i> Applicatio prædictorum ad generationem bilis ex sanguine.</i>	365
<i>Qui fiat ut spiritus sanguinis dulces profugiant.</i>	366
<i>Exhalationis earundem series à primo usque nutritu.</i>	367
<i>Quantos sumptus natura faciat ut vitam tueatur, à priore demonstratur.</i>	369
<i>item à posteriore.</i>	ibid.
<i>Transpirationis insigne momentum.</i>	ibid.
<i>Excrementorum sanguinis generatio, bilis natura explicanda conducit.</i>	370
<i>Capitis hujus summarium.</i>	371

## CAP. XL.

*Propositio tertia. Sanguinem biliosum præcipuè ad ventriculum & intestina ferri; bilémque in eo transitu ad facilem à sanguine separationem faciendam inclinari.*

373

**C***ongregatio similium conceditur & asseritur.*

373, 374

*Quousque eadem in sanguine procedat.*

374

*Bilem versùs ventriculum & intestina pellici.*

375

*Cur sanguis biliosus ad has partes propellatur, cum*

cùm bilis iisdem diſſimilis ſit. 375,376  
Pituitam in inteſtiniſ a bile ſeparari. ibid.

Objectioni, circa deductionem bilis verſus ven-  
triculum & inteſtina, ſatisfit. 376

Cur ſanguis bilioſus non rectè ducatur ad hepar  
per arterias, ſed circumducatur per venas.

377  
Parenchyma hepatis agrè ferret arteria impe-  
tum. 378,379

Tres alia hujus circumductionis utilitates. ibid.

### CAP. XLI.

Propoſitio quarta. Sanguinem bilioſum, non  
debere ad Cavam reduci, nondum ſe-  
paratà bile. 380

H Epar ſolum huic ſeparationi deſtinari. ibid.  
Quo itinere ſanguis ad porta truncum per-  
veniat : & cur indè in Cavam non im-  
mediatè transferatur. ibid.

Proprium hepatis officium evincitur. 381  
ejuſdem dignitas. 383

### CAP. XLII.

De vaſorum peculiarium, ipſiùſque paren-  
chymatis actionibus atque uſibus parti-  
cularibus : & primùm de iis, qui à Por-  
tâ, ejùſque capſulâ communi atque ar-  
teriâ hepaticâ præſtantur.

P Ortam arteria affinem eſſe. 386  
Eandem aliquo modo pulſare. 387

Nervum

*Nervum hepaticum, mediante capsulâ, illam pulsationem promovere.* 387, 348, 349

### CAP. XLIII.

De Parenchymatis actione atque usu particulari.

**P**arenchymatis hujus dignitas. 390

Parenchyma hoc coli vicem prestare. *ibid.*

Colaturâ esse vel artificialē, vel naturalem. 391

Hujus varia genera. *ibid.*

Colatura ad excretionem tendens, est triplex 392

Naturales colaturas includere actionem similem. *ibid.*

Partes organica separationi huic inservientes. 393

Similares partes eidem officio destinatae, quomodo operentur. *ibid.*

Dari partes parenchymatis non modò sanguineas, sed & biliosas. 394

### CAP. XLIV.

De actione & usu radicum Cavæ, porique biliarii, atque etiam nervi hepatici.

**U**sus vena Cavæ, & pori biliarii. 396

Ad pori biliarii usum quid, & quantum contribuat vasorum felleorum irritatio. *ibid.*

usus nervi hepatici, & quid conferat ad hanc irritationem, 397

Qua vel originalis est, vel per consensum. 398

Consensus hujus causa. 399

ejusdem usus. 400

### CAP.

# CAP. XLV.

De actione & usu Lymphæ-ductuum, sive  
canalium aquosorum.

**C**ertum est eosdem humorem aqueum abdu-  
cere. 401

Nec minus constat, quoniam eundem transferant. ib.

Dubitatur verò, unde primum is in hepar adve-  
niat. 402

Pars ejus maxima accedit per arterias. ibid.

Reliquum per alia vasa.. 403

Quanam ea sint. ibid.

Nervi scilicet. 404

Non autem vas aliquod quinti generis. ibid.

Hujus sententia argumenta. 405

Contra eandem scrupuli moventur. ibid.

1.<sup>o</sup> Inde sequi, non omnes partes sanguine nu-  
triri. 406

Quod evincitur. ibid.

Quia sanguis multis partibus nutriendis est  
dissimilis. ibid.

Quia iisdem minus fixus & permanens est,  
406, 407, 408

Quia partes ipsas depradatur. 409

Quia ista ab initio ex sanguine haud facta e-  
rant. 411

Quanam partes sanguine minimè nutriantur.  
412

Quae ex sanguine consistunt. ibid.

2.<sup>o</sup> Eandem sententiam, succi nutritii distribu-  
tionem



- tionem nervis attribuere. 413  
 Eademq; rationibus confirmatur. ibid.  
 A partium absorptione in paralyfi. ibid.  
 Ab usu emplastrorum cephalicorum in phthi-  
 si. ibid.  
 A macie eorum qui sanguine abundant. 414  
 A rore, è nervosarum partium vulneribus,  
 stillante. ibid.  
 A strumarum origine. ibid.  
 A generatione seminis in testiculis. 415, 416  
 A fractorum ossium conglutinatione. 417  
 Ab albuminis generat: in utero gallinae. 418  
 A nutritionis inaequalitate in Rachitide. ib.  
 Tria præcipuè obijciuntur in contrarium. 419  
 1. Nervos cavite manifestà destitui. ibid.  
 2. Eosdem in defunctis inanes esse. 421  
 3. In viventibus transversim sectos, ni-  
 hil liquoris effundere, nec ab injecto  
 ligamine intumescere. 422  
 Quibus, ordine quo proponuntur, responde-  
 tur. 419, 420, 421, 422  
 3.º Ex hac opinione colligi, nervos succum nu-  
 tritium alicubi imbibere. 423  
 Non haurire eundem è musculis, membranis,  
 tendinibus. ibid.  
 Nec ex ossibus. ibid.  
 Neque è corde, pulmone, aut renibus. ibid.  
 Nec magis è pancreate. 424  
 An cerebrum eum suppeditet. ibid.

<i>&amp; quomodo.</i>	ibid.
<i>An à ventriculo &amp; intestinis sufficiatur.</i>	425
<i>Objectioni ab exilitate sexti nervorum paris ducta respondetur.</i>	ibid.
<i>Insigne illius conjugationis cum aliis partibus &amp; nervis commercium.</i>	ibid.
<i>Fallopium, hujus paris descriptio.</i>	426
<i>Ejus cum aliis nervis triplex connexio.</i>	ibid.
1. <i>per plexus.</i>	ibid.
<i>Eorundem communitates.</i>	ibid.
2. <i>per associationes.</i>	ibid.
<i>quarum duo sunt genera.</i>	427
3. <i>per inosculationes.</i>	ibid.
<i>Connexionum harum usus.</i>	428
<i>An nervi succum nutritivum è ventriculo hauriant, non definitur.</i>	ibid.
<i>Quid lien huic muneri contribuat.</i>	429
<i>Lienis bubuli dissectio.</i>	ibid.
<i>Vasorum illius quatuor genera.</i>	ibid.
<i>Arteria, &amp; vena.</i>	ibid.
<i>Earum distributiones &amp; connexiones.</i>	430
<i>Tenuitas tunica vena splenica.</i>	ibid.
<i>Ejusdem foramina, &amp; horum ramificationes.</i>	ib.
<i>Nervi splenici.</i>	431
<i>Fibra nervosa lienis.</i>	ibid.
<i>Eidem vas excretorium peculiare deesse.</i>	432
<i>Cur tot nervi in liene reperiantur.</i>	ibid.
<i>Et quorsum tot nervosa fibra.</i>	433
<i>Obiter ostenditur, quo potissimum medio partis alienius</i>	

<i>alicujus usus proprius innotescat.</i>	<i>ibid.</i>
<i>Fibras istas, lienis usum indicare.</i>	<i>ibid.</i>
<i>Eâsque liquorem aliquem ex eodem elicere.</i>	334
<i>Non quidem verum succum alibilem, sed ejusdem duntaxat vehiculum.</i>	<i>ibid.</i>
<i>quod in vicinos nervos transferunt,</i>	435
<i>qui impuritates ejusdem in glandulas renales derivant.</i>	<i>ibid.</i>
<i>Glandula renales humorem unum ab alio fecerunt.</i>	436
<i>Non tamen à sanguine.</i>	<i>ibid.</i>
<i>Quisnâ usus sit plexus glandulis illis vicini.</i>	437
<i>Quid nervis cum glandulis sit negotii.</i>	438
<i>Glandularum divisio, respectu habito ad nervos.</i>	<i>ibid.</i>
<i>Glandula excretrices, earumque usus.</i>	439
<i>Glandularum reductricum usus.</i>	<i>ibid.</i>
<i>Glandula nutritia.</i>	440
<i>An glandula mesenterii sint nutritia.</i>	<i>ibid.</i>
<i>Venarum lactearum duo genera.</i>	<i>ibid.</i>
<i>Cur primum eorum in mesenterii glandes terminetur.</i>	441
<i>Non fit id ob chyli alterationem aliquam, sed secretionem potiùs.</i>	<i>ibid.</i>
<i>Quod separatur, non esse excrementum, nec materiam in venas reducendam, sed ipsum succum nutritium.</i>	442
<i>Per quae vasa is auferatur.</i>	<i>ibid.</i>
<i>Tres glandulas lumbares eidem usui destinatas esse.</i>	<i>ibid.</i>
	<i>Atque</i>

Atq; etiam thymū in junioribus animalibus. 443

Tria obijciuntur in contrarium. ibid.

1. lienem & glandes esse membra valde diversa ibid.

2. lienis officiū esse, melancholiā asseruare. ib.

3. Glandulas ac lienem minores esse, quā ut huic muneri sufficiant. 444

Objectioni primæ respondetur. ibid.

Glandulis istis ac lieni suis inter se convenire.

Et quā differunt diversa obire munia. ibid.

Ad 2<sup>am</sup> objectionem negamus, Lienem melancholia deputatum esse. ibid.

Tertia objectioni satisfit, Solidas partes hand multum alimenti exigere. 445

Sanguini vigecuplo plus, quā illis impendi. ib.

Item non necesse esse, nervos omnem laticem lymphæ-ductibus suggerere. 448

Quarta difficultas circa motū succi nutritii. 449

Humores in vasis quinq; modis moventur. ibid.

1. Instar fluminis eodē semper decurrentis. 450

2. Cursu, intermediā quiete, interruptio. ibid.

Quoniam alimentum statim à pastu feratur. ibid.

Quisnam sit illius motus, tempore somni. 451

& quis, sopore finito. ibid.

3. Humores moventur reciprocè, scil. prorsum & retrorsum in iisdem vasis. 452

4. moventur electivè seu attractione similari. ib.

Estque attractio huiusmodi validior in nervis, quā in arteriis. 453

quia

quia humor in iis placide movetur. *ibid.*  
Et quia fibræ nervorum faciunt, nè humores  
diversi in iisdem conturbentur.

Ac denique quia nervi frequentes connexiones  
inter se habent. 454

Electivi hujus motus utilitas. *ibid.*

5. Humores concitantur ab irritatione, cujus  
tres sunt causæ.

Plenitudo. *ibid.*

Acrimonia. 455

Vigoratio nervorum. *ibid.*

Quæ dicta sunt, referuntur ad lymphæ ductus,  
nervosque qui in hepate reperiuntur. 456

Lymphæ ductuum horum progressio, & deple-  
tio. 457


Liquoris illius utilitas. *ibid.*

---

### Errata sic emendentur:

P. Ag. 30. lin. 4. minimè conv. pag. 31. lin. 31. dissimilari. p. 37. l. 13. — tulum ejus parenchymati, in ipsa humoris bilarii se-  
gregatione admiscetur. p. 43. l. 5. pro & lege verim. 16. l. 6. quibus aliàs  
eq. p. 45. l. ult. pro partes leg. corpora contigua. p. 50. l. 16. inferantur.  
p. 73. l. 11. operosis p. 104. l. 14. apoplemata p. 105. l. antep. sanguis  
p. 109. l. 15. figuram p. 118. l. 15. hanc p. 120. l. 12. pro longitudine leg.  
profunditate p. 135. l. 22. hepatis p. 151. l. antep. aliudve p. 157. l. antep.  
ostensâ p. 177. l. 19. illa, p. 190. l. 14. clysteris p. 191. in marg. pro contrâ  
leg. minùs, p. 243. l. 7. adversam p. 293. l. 9. adde E. 1. E. 2. E. 3. Tres  
illius rami primarii. p. 296. l. 4. pro sit leg. sit p. 302. l. antep. — dam esse,  
p. 356. in marg. Obor— p. 383. l. 9. quarum p. 394. l. 25. cum paren-  
p. 397. in marg. pro art. hep. leg. nervus hepaticus. p. 403. l. 6. à fine,  
— catur, p. 423. l. 27. præ cæt. *ibid.* 28. quæ reliq. p. 430. l. 8. in in-  
teriora p. 437. l. 12. reliquorum p. 443. l. 10. reducarum in Indices  
sub litera L. l. 22. lege, lymphæ-ductuum latices tardiores esse,

PRO-



# PROLEGOMENA

quædam, ad rem

## ANATOMICAM

universè spectantia.

### CAPUT I.

*Anatomia definitio, & subiectum.*



Namque, sive *Anatomiā*, indefinitè Nominis ratio.

sumpta, dissectionem quamlibet significat; subiecto autem cuiuspiam peculiari, certæque methodo adstricta,

Artem quandam, sive artificialem dissectionem denotat: nimirum, quā in subiecti proposito, omniumque ejus partium perfectam, quoad fieri potest, notitiam deducimur.

¶ Dissectionem dixi artificialem: nam licet & Anatomia operatio principalis. aliz quoque plurimæ operationes sint, quæ ad Anatomem spectant; illa tamen præcipua est, reli-

B

quisque

quisque ferè omnibus administrandis occasionem præbet. Non est autem animus, cæteras quaslibet operationes, quæ ad perfectiorem subjecti cognitionem faciunt, excludere; (hæc enim, cum Artis hujus finis sit & scopus primarius, distinguere debet ac determinare, quænam ad eam pertineant, & quæ secus: ) sed hoc tantùm volo; ut dum præcipuam operationem, unde ars tota denominationem suam mutuatur, exprimo, aliquo saltem modo generaliter Artis hujus naturam indigitem; accuratiorem ejus descriptionem post pauca exhibiturus.

*hujusque  
differentiæ.*

Porro, artificialis hæc dissectio, non *manuariam* solum, sed etiam (& quidem præcipuè) *mentalem* comprehendit. Quamvis enim illa ordine prior sit, utpote quæ ad alteram necessariò deducat; hæc tamen præcipuè artificem *Anatomicum* denominat, locumque habet in corporibus tam vivis, quàm demortuis: nec quisquam cadaverum dissectionem manu factam expetit, nisi quatenus corporibus viventibus dignoscendis lumen præfert; ut nempe per mentalem partium designationem, earum rationem tam in vivis, quàm mortuis reddere queat.

*Operationes  
aliæ.*

Quæres, fortè, quænam sint illæ aliz operationes, quæ, præter hanc manuariam & mentalem dissectionem, ad hanc artem pertineant? Respondeo, varias minoris momenti huic subservire: utpote, partium *commensurationes*, *ponderationes*, *inflatus*, *injectiones liquoris alicujus per siphonem*, *extensiones*, *ligaturas*, atque item alias.

*& finis.*

II<sup>o</sup> Finis dissectionis *artificialis* non est, ut subjectum, quod quis aggreditur, quoquo modo minutatim dividat; sed ut *perfectam* illius, singularumq;

rúmque ejus partium *notitiam* assequatur. Quod ut *Quanam in hac arte observanda.*  
 felicius præstet, artifex observat

1<sup>o</sup> Universalem totius *struaturam*, omnesque ejus proportionem, pulcritudines, & defectus universales; simul etiam generales *communitates*, & *differentias* cum aliis animalibus, ac præsertim individuis aliis ejusdem speciei.

2<sup>o</sup> Partium singularum *comformationem*, & *texturam*, unà cum particulis earum similaribus, sive elementis: *Proportionem* etiam, quam partes inter se & cum toto collatæ obtinent: *communitates* porro, & *differentias* unius ejusdemque partis, in variis animalibus, aliisque individuis ejusdem speciei; *Comparationem* quoque & *discrimen* unius alicujus partis, cum cæteris ejusdem individui: denique, *varias* partis cujuslibet *sympathias*, & *antipathias*.

3<sup>o</sup> Varias singularum partium *facultates*, *actiones*, & *usus*.

Anatomicus itaque diligenti horum scopi in prosecutione, principalem Artis suæ finem assequitur; absolutam nempe subjecti sui cognitionem: de quo nunc breviter agendum est.

III<sup>o</sup> Subjectum hujus Artis, prout latius aut *Subiectum*  
 strictius accipitur, ita quoque vocis hujus, *Anato- ejus*,  
*mie*, significationem variat.

1<sup>o</sup> Si tam liberali sensu accipiatur, ut corpus *sensu*  
 omne mixtum in se comprehendat, (siquidem hoc *laxiore*,  
 in elementa sua, è quibus constituitur, divisibile est) tum & ars *Chymica*, *Anatomie* nomine dignabitur; utpote quæ elementa (ut vocant) mixtionis ab invicem separet; spiritum nempe, oleum, phlegma, salem, & caput mortuum. Et profectò video Chymicos quosdam *Anatomie Spagyricæ* nomine plurimum gloriari; quod quidem hoc



sensu Arti illi meritò attribui potest, licèt aliàs id fiat valdè improprià vocis acceptione.

*minùs laxo,*

2.<sup>o</sup> Potest subjectum *Anatomie* sumi laxâ admodum (angustiore tamen, minùsque impropriâ, quàm priùs) significatione; nempe ut sit corpus omne, quod conformationem aliquam, sive variâ partium compositionem obtinet. Quo sensu res artificiales *Anatomie* notioni substerni possunt; nimirum automata, quorum partes & ab invicem sejungi, & denuo inter se componi queunt. Plantæ quoque in hunc censum veniunt; variâ enim partium texturâ, & differentiis constant: & proculdubio ex accurata earundem dissectione, utiles valdè observationes nobis exsurgerent; præstaretque in illis (inferioris licèt ordinis) rebus examinandis operam impendere, quàm in transcribendis (ut sæpe fit) aliorum laboribus, inutiliter ætatem transigere. Quippe hoc pacto, ignavarum apum more, aliena duntaxat alvearia expilamus, nihilque bono publico adjicimus.

*strictiore,*

3.<sup>o</sup> Subjectum *Anatomie* adhuc contractiùs sumi potest, ut *animalium* duntaxat corpora suo ambitu complectatur; atque hoc sensu, bruta pariter ac homines scrutamini Anatomico subjici rectè dicuntur. Imò verò sola bruta istius partis artis, quæ vivorum dissectio appellatur, subjecta æstimanda sunt. Flagitiosum enim foret atque impium, hominem *vivum*, scientiæ solius adipiscendæ gratiâ, discindere. *Chirurgicæ* autem operationes, veluti membrorum amputationes, abscessuum apertiones, vulnerum ulcerumque inspectiones, aliæque non absimiles, licèt arti huic plurimùm ex usu sint, rudiores tamen minùsque accuratæ sunt, quàm ut *Anatomie* nomine insigniri debeant.

4.<sup>o</sup> Sub-

4<sup>o</sup> Subjectum Anatomix maximè proprium, *proprio.*  
est corpus humanum cum omnibus suis partibus.  
Non est quidem negligenda aliorum quoque animalium dissectio; cum ea multifariam huic infer-  
vire possit; sunt tamen illa subjecta hujus artis  
*extranea* duntaxat, proprioque subjecto (hominis  
nempe dissectioni) famulantia.

*Laurentio* equidem non assentior, qui non to-  
tum corpus, sed solummodo *partes* ejus subjectum  
Anatomix esse statuit. Quoniam enim à divi-  
sione totius exordientes, ad singularum partium  
subdivisionem descendimus; causam nullam video,  
cur non *totum*, perinde ac *partes*, Anatomix subjici  
merito dici queat. Nam certè, *quicquid dividitur,*  
*habet rationem totius.* Præterea, ars hæc non so-  
lum considerat partes absolute ac per se sumptas,  
sed in relatione ac proportionem mutuâ ad se in-  
vicem, atque etiam ad totum. Concludendum igitur,  
corpus humanum, quatenus est totum quid  
in partes divisibile, unâ cum omnibus istis parti-  
bus, esse adæquatum Anatomix subjectum.

Ut itaque, quæ jam dicta sunt, paucis recol- *definitio.*  
ligam; *Anatomia est ars, quæ per artificiales dissec-  
tiones, commensurationes, ponderationes, inflatus, inje-  
ctiones per siphonem, ligaturas, aliâsque utiles operationes,  
corporis humani singulariæque ejus partium structuram,  
proportiones, complementa, defectus, elementa, commu-  
nitates, differentias, sympathias, antipathias, facultates,  
actiones, atque usus luculenter explicat; quantum saltem  
ingenio humano assequi conceditur.*

Quâ definitione manifestè constat, Anatomix  
artem, licet sedulâ multorum doctissimorum Vi-  
rorum operâ ingentes profectus fecerit, ad s.m-  
mum tamen perfectionis culmen haud ita p rti-

gisse, quin à recentiorum quoque industriâ ei plurimum superaddi possit. Et quoniam eadem amplis adeò limitibus diffunditur, ut ab unius cujuscunque diligentia complementum ejus ultimum expectari nequeat; optandum sanè foret, ut cuicunque animus in hujusmodi studium propensus contigit, is unam aliquam ejus partem, sive experiendi processum, ad ultimum fastigium perducere summis viribus conaretur, quò jampridem inventis aliquid saltem laudabilis incrementi accederet. Quicunque enim, favente Numine, indefatigabili suâ industriâ veritatem aliquam priùs incognitam in apicem protulerit, nã ille jure meritoque artis hujus *Auctor* æstimandus fuerit.

## CAPUT II.

### *Prima corporis humani divisiones.*

*Distinctio  
nominis.*

**I**N ipso statim limine præmonendum est, Excrementa corporis in partium ipsius censum non venire; nullumque propterea iis locum in divisionibus à nobis faciendis competere. Et cum aliqui, partium nomine, eas solùm intelligant, quæ communi totius corporis animâ præditæ sunt; (ut revera strictâ vocis significatione, id istis solis convenit) ideòque humores & spiritus, quos inanimatos esse arbitrantur, ab earundem numero excludant; nos, nè hic lites frustrâ seramus, partium nomenclationem ad ea omnia extendemus, quæcunque in corpore contenta vitæ aliquo modo inserviunt.

inserviunt. Quâ vocis acceptione admiffâ, variz  
occurrunt corporis divisiones.

1.<sup>a</sup> Hippocrates dividit corpus in *ἰσχυρά*, *ἰσχυρὰ*, *Diviso il-*  
*ἡ ἐροῦμένη*: in partes continentēs, contentas, & im-  
petum facientes. *lium 12.*

2.<sup>a</sup> Vulgò dividitur in partes solidas, humores,  
& spiritus. *6. epid. 1. 3*  
*fest. 8. 1*  
*2da.*

3.<sup>a</sup> Laurentius dividit, in nutrienda, nutrientia,  
& impellentia. *3a. 1*  
*l. 1. c. 18.*

Atque hæc quidem tres divisiones, licet oriantur à  
diversis rationibus formaliter distinctis; omnes  
tamen, re ipsâ, corpus dividunt in partes easdem. *illarum*  
Partes enim *solide*, haud aliæ sunt, quàm Hippo-  
crati *continentes* dictæ; & Laurentio, *nutriendæ*. Si-  
militer etiam *humores*, (quorum numero chylus,  
sanguis, cambium, & semen in corpore superflues,  
accensentur) cum partibus *Hipp. contentis*, & Lauren-  
tii *nutrientibus* conveniunt. Deniq; *spiritus* (quibus  
exhalationes quoque sunt congeneres) ab Hippocra-  
tis, *impetum facientibus*, & Laurentii, *impellentibus* haud  
discriminantur. Adcò ut dictæ hæc divisiones inter  
se realiter consentiant, rerumque earundem varias  
duntaxat rationes repræsentent.

Notandum porrò, divisiones has, mutatis ter-  
minis, reduci posse ad dichotomiam: nempe si divi-  
das in partes *terminatas*, sive propriis suis limitibus  
contentas; & *interminatas*, quæ non consistant nisi  
terminis alienis. Divisio hæc apud plurimos Ana-  
tomicos magni fit, idque meritò; quoniam partes  
solidas, ab humoribus & spiritibus insignitè discrimi-  
nat. Nihilominus cùm humores oculi nobili-  
ores sint, locumque digniorem mereantur, quàm  
ut inter cæteros communes corporis humores  
numereatur; visum est aliam porrò divisio-

*reducuntur*  
*ad dichoto-*  
*miam.*

nem comminisci, in qua illi ordinem suum cum solidis partibus obtineant, & tamen ab aliis humoribus & spiritibus manifestè distinguantur.

Est autem ea, in partes *stabiles*, locòve certo fixas; in *vagas*, seu fluitantes; & in *volatiles*, sive fugitivas. Partium stabilium nomine eas intelligo, quas Galenus per *τόπων* sive locos explicuit: (atque ità divisionem hanc, saltem aliquatenus ipsi Galeno debeo:) definiri autem possunt, *Partes*, quibus certa aliqua in corpore positura contingit: in quo cepsu sunt partes solidæ, & humores oculorum; siquidem & isti, si à debito situ dimoveantur, dislocati jure dici possunt: non possent autem, si loco certo fixòque, in corpore destituerentur.

2<sup>o</sup> Partium erraticarum sive fluitantium in numero, est sanguis, cum reliquis humoribus; qui sive sursum, sive deorsum, sive in alterutrum latus ferantur; locis tamen suis moti, aut luxati dici nequeunt, quoniam à natura certis limitibus haud terminantur: ideòque manifestè ab oculi humoribus distinguuntur.

3<sup>o</sup> Partes fugitivæ, sive volatiles, à me dictæ, sunt *spiritus*, & *exhalationes*; quæ fusioris in corpore loci appetentes, undique per poros evolant, & continuè absumuntur.

divisio 4<sup>ta</sup>.

Dixi antea, partes stabiles sive fixas propriissimè à Galeno *τῶν τόπων*, i. e. locorum nomine appellari; (licet aliqui, partem, particulam, membrum, & locum, tanquam synonyma, pro iisdem habeant:) quippe iis solis certus aliquis locus & positio designatur; cum sanguis, & spiritus huc illuc vago incertòque motu oberrent.

Anatomiz verò parùm negotii est cum partibus, quas

quas vel *fluidas*, vel *volatiles* nominavimus: quoniam in corporibus mortuis, aut non reperiuntur, ut *spiritus*; aut, homogeneæ cùm sint, dissectioni anatomice non subjiciuntur, ut *sanguis*. Præcipuum itaque ejus opus fuerit, fixarum sive solidarum partium recta dissection, & discriminatio.

## CAP. III.

*Solidarum, sive fixarum partium divisio.*

Partes solidæ, stabiles, seu fixæ, ab *Antiquis* dividuntur in *similares*, & *organicas*. Recentiores <sup>Distinctio partium triplex,</sup> autem Anatomici, divisionem hanc denuo bipertitiuntur; nempe in partes *similares*, & *disimilares*; ac postea, in *organicas*, & *inorganicas*.

Differentiæ istius componendæ ergò, has parti- <sup>sibi consona</sup> um distinctiones haud revera sibi invicem contrarias; sed, habitâ variâ earundem partium ratione, solummodo *diversas* esse statuo. Partes enim, ratione suæ *materiæ*, rectè distribuuntur in *similares*, & *disimilares*: ratione autem *formæ*, non minùs rectè in *organicas* & *inorganicas*: cùmque materia & forma sibi invicem contradistinctæ sint, Veteres merito utranque hanc partium distributionem in unam redegerunt; nempe in partes *similares*, & *organicas*: nomine *similarium*, intelligentes ea omnia quæ ad partium *materiam* spectant; & *organicarum*, ea, quæcunque ad *formam* attinent.

Quò

Quò autem hæc dilucidè magis consent; apertam,

1.<sup>o</sup> Quid per *materiam*, *formamque* partium intelligendum sit.

2.<sup>o</sup> Quid vocabula illa, *similares* & *disimilares*, *organice* & *inorganice* partes significant.

3.<sup>o</sup> Quomodo distinctio partium in *similares* & *disimilares*, in earum *materia* sita sit; & divisio in *organicas*, & *inorganicas*, in earundem *formâ*.

4.<sup>o</sup> Quâ ratione *similares* partes solæ universam *materiam* referant; & *organice*, totam *formam*. Ut hoc pacto, divisio illa Veterum clariùs innotescat.

## CAP. IV.

*Notionum, materiae, & formae partium, explicatio.*

*Quanam sit  
partium  
materia,*

**M**ateriae nomine, hic non intelligimus *materiam physicam*, seu *formae physicae* contradistinctam; materia enim hæc, de qua nunc agitur, *materiam* illam unâ cum *formâ* suâ complectitur: nec forma similiter, quam hic volumus, est *physica* illa, de qua Philosophi solent agere; neque illa etiam, quæ ad quartam speciem prædicamenti qualitatis pertinet; licet hæc illam quodammodo comprehendat: sed materia & forma hujus loci, universim conveniunt cum materiis illis, in quas artifices (utpote subjectum artis suæ) agunt; formisque iis, quas in illas introducunt. Idque etiam ex definitionibus earum clarè constat, ut ulteriore operâ non sit opus. Oportet enim, ut quæcunque generali aliquâ, sive communi definitione com-

prehen-

prehenduntur, eadem pariter in universali five communi aliquâ naturâ convenient. Primò itaque communes earum definitiones tradam, ad peculiare illarum differentias postea descensurus.

Materiæ igitur definitio generalis est, *ut sit corpus, aptum fingi & formari ad scopum agentis.* Ità plumbum est materia idonea efficiendæ glandi, non autem efformando gladio: ridicula enim res foret, artificem, fabricandi gladii causâ, plumbo uti; siquidem materia illa esset incapax formæ ejus, quam sibi proponit; non autem formæ glandis, si modò hanc formare institueret.

Formæ autem definitio generalis est, *ut sit modificatio quedam ab agente in materiam introducta, quâ usui destinata commodè inservit.* Ità plumbum in glandis formam reductum, aptum est quod è sclopeto explodatur; quî usus est, ob quem effingitur. *qua forma,*

In utraque hac definitione, mentio fit *agentis*, *Agens, est quod materiam præparet, formamque introducat; ars, vel natura:* potestque id esse vel ars, vel natura: ut ità definitiones prædictæ utrique convenient.

Natura enim non minùs in materiam agit, quàm artifex: & quemadmodum hic materiam sibi eligit *in quibus convenient,* aliquando unam simplicemque, putà ferrum, æs, argentum, lignum, lapidem &c. aliquando plures ex his simul, prout operis conditio postulaverit: ità pariter & natura, interdum corpus five materiam aliquam similem sibi eligit, in quam agat; interdum verò res varias similes simul affabrè compingit, easque omnes in unam molem formamque redigit. Interim tamen materiæ electio (five ea simplex, five composita fuerit) designatæ formæ semper est aptissima. Eatenus itaque, ut patet, inter utrunque agens convenit; quòd ambo sibi sub-



subjecta ea acquirere satagant, quæ possint esse futuri operis materia commodissima.

Præterea, quemadmodum artifex materiam suam ita præparat, ut præfinito à se fini optimè respondeat ; sic natura similiter materiam quoque suam affabrè disponit, & in proportiones ejusmodi deducit, quæ operi faciundo maximè convenient. Atque hæc utrobique materiæ præparatio, eam formam producit, quæ utriusque proposito peculiariter inserviat.

Unde facillè videas, quàm appositè materia & forma artificum, naturæ quoque materiam formamque exprimant ; & quatenus ea inter se convenient. Superest, ut eorum jam discrimina exponamus.

*discrepent.*

Primò igitur, *Artifex* materiam suam à *Natura* priùs (& fortè in alium finem ) præparatam accipit, fortèque suâ contentus sit oportet, qualiscunque demum ea fuerit. *Natura* verò delectu exquisitiore utitur; ideòque ipsamet sibi materiam parat, operi proposito planè accommodam ; nec, in ea perficienda, unquam deficit, nisi casu aliquo præpediatur.

2<sup>o</sup> Materia Artifici sæpe superflua, sæpe mutila, & quoad proportiones debitas, inconcinna obtingit : *Natura* autem ( nisi fortè alicunde impediatur ) semper opus suum ad perfectionem summam perducit. Sin verò extrinsecus aliquando à proposito sibi sine interturbetur, prout majus minusve tale obstaculum contigerit, ita pariter plus minusve ab usitata perfectione desciscit : unde monstrorum origines, & formationes, aliquando nobilissimæ, aliquando dubiæ indolis exsurgunt.

Certum est itaque, artem, similiter ac naturam, agere

agere universè in materiam communis essentiae; producique generatim hic atque illic formam ejusdem naturae; licet speciatim ea differentia interfuit, quam jam diximus.

Addam duntaxat, clausulae loco, definitiones peculiares materiae & formae, in quibus Natura sese exercet.

Materia peculiaris, quam Natura in opere faciendo seligit, definiri potest, *Materia, quam natura definitio, forma recipiendae idoneam sibi preparat; eamque propterea nec copiosè, nec parè nimis congerit, nisi casu aliquo impedita fuerit.*

Materia istiusmodi est duum generum; nam alia est seminalis, alia nutritia: utramque Natura justo pondere ac mensurâ reponit, perficitque; *diviso.* prout in praecedenti definitione dictum est.

Forma, quam natura introducit, definiri potest, *Definitio Forma, quantum materia fert, perfectissima; naturae forma, que scopo maximè accommoda; nisi fortè aliquid advennerit, quod bujus consilium inturbaverit.*

## C A P. V.

*Quid notiones istae, simile, dissimile, organicum, & inorganicum, significent.*

**P**artes similes, dissimiles, &c. considerari possunt vel *notionaliter*, vel *realiter*. Hic verò logicè duntaxat, sive notionaliter de iis agam; physicè sive realiter postea suo loco de iisdem tractaturus.

Prius-

Priusquam autem progredior, observandum censeo, dictas hasce differentias Galeno etiam aliquatenus innotuisse.

Hic enim aliquando partes similes vocat *ὁμογενῆς*, & *ὁμογενῆς μέρη*, similes & congeneres; aliquando *στοιχεῖα*, elementa. Priore nuncupatione notionalem, posteriore autem physicam earum naturam exprimens.

Hist. an. 1.

c. 1.

Definitur  
pars simili-  
laris,

*Aristoteles*, partis similis definitionem (quoad sensum ejus logicum, sive notionalem) accuratam exhibuit; ubi ait, eam esse, aptam dividi in particulas sibi similes. Ubi termini relationis sunt, pars, & particula ejusdem: aded ut nihil referat, utrum pars hæc rebus aliis sit similis, an dissimilis; modò ea cum suis particulis ejusdem naturæ fuerit. Ità caro, licet ossibus sit dissimilis, non propterea tamen dissimilis dicenda est: neque enim cum alienis corporibus instituenda est comparatio, sed cum sui ipsius minoribus particulis, quæ sunt ejusdem naturæ cum toto. Quippe singulæ, etiam minimæ, carnis particula (non minùs quàm ipsa tota) sunt caro.

Observare interea libet, partem similem planè eandem esse cum *toto homogeneo* Logicorum. Quamvis enim pars similis, habità totius corporis ratione, revera pars sit; ratione tamen particularum, in quas ipsa dividi potest, est totum quid. Quippe omne divisibile, quò tale, totius naturam obtinet. Et quemadmodum pars similis est, totum *homogeneum*, ità etiam pars dissimilis est totum *heterogeneum*. Nam ut illa definitur, apta dividi in partes similes; sic hæc quoque dicitur apta secari in partes dissimiles. Differunt nempe solummodo ratione similitudinis, & dissimilitu-  
dinis;

in dissimilis:

dinis; cæteri autem termini relationis sunt iidem.

Quare agendum nunc est, de ipsa similitudine, aut dissimilitudine, unde partes similes aut dissimiles appellantur: nimirum, quæ similitudo requiratur, ut partes similes; quæve dissimilitudo, ut eadem dissimiles nuncupentur.

Similitudo hæc non est alia, quàm *identitas specificæ*; scilicet ut res sint ejusdem essentia & naturæ. *Similitudo in partibus*  
 Licet enim veteri axiomate dicatur, *Nullum simile est simile*, id tamen de numerica solum identitate, non autem de specifica intelligendum est. Siquidem omnia corpora similia partes sortita sunt naturæ ac genere sibi in ipsis consimilia: quælibet enim pars aquæ est aqua; singulæque carnis partes, sunt caro; idque tum nomine, tum re ipsâ: idemque etiam de reliquis quoque corporibus similibus dictum puta.

E contrario verò, dissimilitudo illa, quæ partes efficit dissimiles, est partium simul conjunctarum *specificæ diversitas*. *diversitas in dissimilibus.* Ubique enim totum, ejusque partes, diversæ naturæ fuerint, necesse est corpus sit dissimile: atque ita caro, tendo, fibræ, membranæ, nervi, venæ, atque arteriæ, musculum constituunt, corpus nempe dissimile.

Atque hæc paucula de notionibus *similium & dissimilium*, dicta sunt: superest, de notionibus *organici & inorganici*, verbo agam.

Res aliqua organica, sive instrumentalis dicitur, cum apta atque idonea reddita est, quæ agentis ad opus faciendum inserviat: Et è diverso, inorganica est, instrumentique nomine indigna, quæcunque agenti eum usum non suppeditat. Quippe organi, sive instrumenti ratio est, non  
 ut

ut ipsum per se aliquid moliatur, sed ut agenti alii operam suam accommodet.

## C A P. VI.

*De distinctionis partium similarium, & dissimilarium, organicarum, atque inorganicarum origine.*

*Partes tum  
similares  
tum dissi-  
milares  
fundantur  
in materia.*

**D**istinctio partium in similes & dissimiles (secundum *Argentarium*) fundatur in earum materia; in organicas autem & inorganicas, deducitur ab earundum forma. *Laurentio* quidem hæc distinctio non placuit, quod revera eandem neutiquam intellexerit. Est enim assertio verissima, uti videre est, tam in artificialibus, quam naturalibus materiis ac formis. Ex. gr. Cum artifex materiam aliquam simplicem eligit, in quam agat; (ut puta faber, ferrum) materia operis ejus per se est corpus simile, nec formæ cujuspiam accessione opus habet, ut tale evadat: sin autem faber ferrum hoc in formam aliquam peculiarem (nempe clavis) redegerit; idem subito formæ hujus adventu fit organum. Est tamen etiamnum organum hoc, siue clavis, ratione materiæ suæ, corpus simile; non minus certè quàm antea: superest enim eadem materia, ferrum scilicet, quod (ut omnibus notum) est planè simile. Idem igitur corpus potest eodem tempore & simile esse, & organicum. Quippe eadem clavis, (ut diximus) ratione materiæ, est similis; formæ autem suæ respectu, est organum. Quòd partes itaque sint similes, id materiæ debent; quòd autem organice, id formæ

formæ acceptum referunt. Læsâ enim aut destructâ clavis formâ, organum quoque illico læditur, aut destruitur; manet tamen interea materia similâris. Unde constat, partes dici similes, folius materiæ ratione; organicas verò, quoad formam eidem superadditam.

Res quidem hæc videtur satis manifesta: nè tamen scrupulus aliquis supersit, adnectam exemplum simile in operibus naturæ. Os nempe est pars similâris, ratione materiæ suæ; quælibet enim pars ossis, est os: sin autem respiciamus formam à Natura ei donatam, quâ proportionem istam atque aptitudinem adipiscitur, ut cum aliis ossibus debite articuletur, adeoque variis actionibus atque usibus inservire possit; hac profectò ratione organum est; ejusque formam si destruxeris, simul organum esse desinet: manente tamen interea materiâ similâri, quæ antea formæ illi subitrata erat.

Supereft, agamus de partibus *dissimilâribus*.

Quandocunque opifex varia subiecta tractat; materia, in quam artem suam exercet, est dissimilâris; etiam priusquam forma ei introducta fuerit; ideòque *id dissimilâre*, non minùs hujusmodi materiæ congruit, quàm *id similâre* modò materiæ simplici convenerat. Exemplo res fiet illustrior: *Automatopæus* horologium è chalybe, ære, argento &c. extruit; materia hujus est dissimilis; neq; enim chalybs, æs est; neq; æs, argentum. Artifex hæc in organum concinnat, nempe *horologium*; idque accedente ei formâ debitâ ac peculiari: manente tamen interim materiâ dissimilâri, qualis opifici ab initio contigerat.

Similiter, inter res naturales, manus è diversis materiis componitur, nimirum carne, ossibus;

tendinibus &c. quæ materiam ejus, eamque dissimilem, constituunt: sit autem *organum*, à forma. Tolle hanc, manumque frustatim concide; & organum simul absculeris, superstite (quæ prius aderat) materiâ dissimilari. Clarè itaque liquet, varias materias hic non minùs propriè *dissimilares* dici, quàm antea simplex materia *similaris* cognomento appellabatur.

Concludendum igitur, distinctionem partium in similes & dissimiles, in materia solâ (nulla formæ ratione habitâ) fundatam esse: partésque organicas à forma constitui, quam Natura in materiam illam introduxerit.

*Organicas autem & inorganicas, in forma.*

Quodnam autem, aîs, est partium inorganicarum fundamentum; aut ubinam illæ sitæ sunt?

In forma, inquam, etiam ipsæ fundantur; non tamen positivè, sed privativè solummodo: quippe earum natura, quâ talis, merè privativa est; esse enim inorganicum perinde est, atque esse in-forme.

Et de his quidem hætenus. Superest, veterum sententiam explicem, super distinctione partium in similes & organicas.

## CAPUT VII.

*Quomodo partes similes, totam partium materiam representent; & organica, earundem formam.*

*Ultima partium materia est tantum similis.*

Q Uamvis superiùs à nobis dictum sit, partes tam similes quàm dissimiles in earum mate-

materiâ fundari, eandemque æquè dissimilarem esse posse, ac similem; ultima tamen partium omnium materia, non nisi similis existit: partes enim quælibet dissimiles ulteriores semper resolutione, ad similes tandem reducuntur. Ideoque à Galeno partes duntaxat similes dicuntur *συχνα*, elementa; *αἰδιλά συχνα*, sensibilia elementa; & *ἐλαχιστα συχνα*, elementa minima. Quasi iis nominibus velit, partes similes solas, physicè acceptas, nomen elementorum, sive materiæ partium mereri; esseque illas ultima, sive minima saltem sensibilia elementa, è quibus corpus constituitur.

Porrò, vox hæc *dissimilis*, nihil aliud significat, quàm materiam hujus vel illius partis esse varii generis: quænam autem sit diversorum eorum generum essentia, sive natura realis; aut quænam differentia, specierum in dictis partibus varietatem constituent, non exprimit; sed id solum agit, ut materiam partis ad dictam illam notionem perducatur: adeò ut vox hæc *dissimilis* haud aliter capax sit definitionis, quàm prout est *notio secunda*. Enimvero natura primaria sive realis, ad quam notio refertur, consistit in materiis diversis: variz autem essentia (ut cuilibet notum est) unâ aliquâ physicâ definitione comprehendere non possunt; aliter enim pars una definitionis, alteri contradiceret, eamque everteret. Ideoque quemadmodum à nobis dictum est, omnem partium materiam reduci posse ad *similem*; ita quoque jam asserimus, debere eam necessariò illuc reduci, antequam natura ipsius realis vel definiri, vel distinctè intelligi possit. Quippe realis essentia materiæ similis absolute inee-



græque in natura existit, potestque idcirco ipsa definiri, & intelligi. Aliter autem (ut diximus) se res habet in materia dissimilari. Ex. gr. Caro, os, & tendo, è materia similari constant, potestque eorum quodlibet singillatim definiri, & intelligi. Sin autem carnem, os, atque tendinem unâ aliquâ essentiali definitione complecti cupias, mirificam sanè indè compositionem efficeris.

Quæres autem, quomodo igitur materia *dissimilari* intelligi possit? Ego verò respondeo, quòd talis sit, per definitionem ejus notionalem intelligi posse: *quid* autem ea sit, sciri non posse, nisi per resolutionem ejus in partes similes è quibus componitur, pèrque earundem similarium definitiones. Differentiæ enim similarium definitionibus expressæ, varias earum naturas usque adeò explicant, ut super iis notionalis dissimilarium appellatio commodè extrui queat.

*Materia  
dissimilari  
caret unione  
naturali.*

Dices porrò, materiam dissimilarem habere in natura existentiam realem; ac propterea definitionis quoque realis esse compotem. Habent quidem, fateor, res illæ, ad quas nomen dissimilari refertur, realem existentiam; ipsa verò existentia illa destituitur unione naturali, quæ ad perfectam definitionem apprimè est necessaria.

Objicies præterea, materias dissimilares, in ipsis corporis partibus extruendis, in unitatem coire. Coeunt certè; attamen unitas ista à *formâ*, non autem ab ipsis *materiis* provenit: uti ex variis istarum materiarum definitionibus clarè constat. Cum itaque unio istæc à forma procedat, ea propriè ad organa pertinet, non autem ad dictas illas materias. Carent igitur definitione propriè dictâ,

nec

nec aliud dici merentur, quàm totum quid aggregatum.

Atque hinc fortè est, quòd dissimilares (in reali partium consideratione) à veteribus partim ad organa referantur, in quibus unitatem & distributionem obtinent; partim etiam similaribus annumerentur, in quarum definitionibus altera ipsarum essentia continetur. Si quis etiam dicat, hoc vel illud organum è variis similarium generibus compositum esse, (similaribus iis simul enumeratis, ac definitis;) & deinde addat distributionem & connexionem, quam ex in organo obtinent; nihil profectò supererit, quod ad essentialiam istius partis cognitionem requiratur.

Id solum ulterius dici possit, partem illam esse *dissimilarem*: quod tamen priori dictioni nihil adjicit, præter significationem quandam notionalem. Cæterà enim, dicere partem aliquam varias similes partes in se complecti; perinde est, ac si dicas, eandem esse dissimilarem.

Similiter, qui singillatim dictarum similarium definitiones recenset, is pariter & dissimilarium essentiam exhibet. Quippe dissimilarium essentia realis, in similarium ejusdem partis diversitate consistit: quæ diversitas clarè exprimitur per varias illas differentias ipsarum similarium definitionarum. Ac propterea *Galenus*, licèt significatione notionali partes dissimilares agnoscat; eas tamen pro primordialibus partium *elementis* nuncupari habet; sed solummodo partes appellat dissimilares; aut fortè disputat, numnam partes sint dissimilares, an non; (quod nihil aliud est, quàm easdem secundum notionem ejusmodi perpendere) statimque id agit, ut easdem in similes, è quibus

bus compositæ sunt, distribuat. Docere autem pluribus, id consultò à *Galeno* factitatum esse, haud operæ pretium existimo. Concludam igitur, similes solas omnem realem partium materiam in se complecti; adeoque perficere alterum divisionis membrum, quo partes à Veteribus in similes & organicas distribuebantur.

*Partes organicae totam formam absorbent.*

Quòd si jam partes organicae non minùs alterum divisionis membrum exæquent, integram nempe partium formam representando; fidenter sanè asserere licebit, totam partium distinctionem, in similes & organicas, optimo jure à Veteribus traditam esse, nec duabus illis Recentiorum divisionibus ullatenus repugnare. Id autem ut clarè constet, haud multis opus est.

Primò enim, nomen illud *inorganicum*, omnimodam privationem sive absentiam formæ significat: nulla autem corporis humani pars planè omni formam destituitur; nec fieri ullo modo potest, ut pars quæpiam solida, simul sit & *informis*, & *vitalis*. Si itaque in corpore humano partes *inorganicae* nullæ reperiantur; necesse est, ut nomen hoc (*organum*) totam in se partium formam comprehendat.

Idque etiam pensitatis enumeratisque formæ partibus, luculentius patebit: nempe, si situm, figuram, magnitudinem, numerum, & continuitatem partium consideraverimus; quæ omnes (nemine diffidente) *organum* nomine manifestè comprehenduntur. Et revera *organum* idem significat, quod *forma*; nisi quòd ulterius *materiam formatam* simul indigitet.

Denique, defectus illi, qui in forma partium quomodocunque contingunt, sunt iidem prorsus cum morbis

morbis organicis. Ità luxatio est morbus organicus, & in iisdem defectibus consistit, quibus forma partis luxata; nempe in situ & figurâ viciatis.

Quapropter concludendum est, partes organicas præ se ferre totam formam, quemadmodum similes materiam totam referunt: &, per consequens, distributionem partium in similes & organicas, à Veteribus traditam, optimo fundamento innici: altero scil. ejus membro, materiam; altero, formam exprimente: qui termini satis inter se oppositi sunt, ut distinctio prædicta iisdem superexstruatur.

Quæ hæcenus à nobis dicta sunt, id separatim evicerunt, partes nempe rectè dividi in similes & organicas; potest autem ulteriùs ratio adduci, quæ & idem demonstret, & simul usum singularem, necessitatèque hujus distinctionis ostendat: *Usus distinctionis partium in similes & organicas.* nimirum, morbos omnes humano corpori accidentales, ad alterum horum generum referri, scil. ad partes vel similes, vel organicas; sive (quod eodem redit) ad partium materiam, aut formam.

Est istuc, opinor, apud omnes in confesso, ut probatione ulteriore non egeat. Hinc itaque sic colligo; si omnes totius corporis morbi pertinent ad partes vel similes vel organicas; tunc certè & sanitas omnis ad easdem illas partes spectat; ideòque in reali partium consideratione, (quatenus illæ sanitatis morbivæ subjectum sunt) *dissimiles* locum nullum habent, utpote quæ notioni explicandæ duntaxat inserviant; nec magis *inorganice* admittuntur, cùm istæ in corpore nullibi reperiuntur, sed solummodo clariori organicarum partium explicationi facem præferant. Veterum ergò distinctio (in partes similes & organicas) sola

realem usum in Medicina obtinet. Usus tamen notionalis, sive illustrationis, haud denegandus est duabus illis distinctionibus à Recentioribus traditis; præsertim, quoniam absque harum comparatione, divisio illa Veterum haud dilucidè distinctèque satis intelligi potest.

Atque hic quidem finem huic negotio imponerem, nisi superesset scrupulus primùm amovendus: Nimirum, nervi, venæ, & arteriæ, à Galeno interdum partibus similaribus, interdum verò organicis annumerantur. Ità factum; nec secus, quàm oportuit. Id autem ut clariùs constet, expedienda primùm est vocabuli hujus *similaris* ambiguitas: pars enim aliqua *similaris* dicitur, vel *simpliciter*, vel *secundùm quid*. *Similaris* simpliciter, & per se, est ejusmodi, quæ semper talis manet, quocunque demum modo dissectionem ejus institueris: *similaris* autem *secundùm quid*, licèt uno dissectionis modo in partes similes dividatur, alio tamen distribuitur in dissimiles. Ex. gr. funiculus ex aureis argenteisque filis contortus, si denuo in illa resolvatur, verè dissimilaris dici debet; at verò si eandem transversim dissecueris, quælibet ejus, etiam minima, segmenta, ejusdem naturæ & definitionis erunt cum toto; atq; adeò secundùm hunc divisionis modum, erit corpus simile. Idem pariter de venis, arteriis, & nervis judicandum est: licèt enim revera per se sint dissimiles, talèsque propterea à Galeno habeantur; si tamen factà transversim sectione, eandem consideraveris; quælibet earum particula, idem nomen, eandemque naturam, ac definitionem cum toto obtinet; adeoque una atque eadem definitio omnibus totius corporis nervis, alia arteriis, atque item alia venis

venis omnibus convenit. Ac propterea secundum transversam hanc sectionem, verè similes æstimantur. Atque hoc ipso sensu à Galeno pro similaribus haberi, vel inde liquet; quòd, ubi de harum partium compositione & texturâ agit, easdem perpetuò dissimilaribus annumeret; similaribus autem accenseat, quoties eas tanquam materiam communem, sive aliorum organorum elementa considerat. Namque hoc pacto sectione transversâ dividuntur, sùntque (ut diximus) re vera similes.

Præterea, cum sit communis nervi definitio, quæ cuilibet nervo in quacunque corporis parte conveniat, (idémque de venis & arteriis dixeris) frustrâ, imò non citra tautologiam fuerit, in singularum partium dissectionibus repetere, quænam sit nervi, venæ, aut arteriæ natura communis. *Demonstratâ enim semel earundem texturâ ac definitione, hæc possea, citra errorem ullum, reliquis quoque corporis partibus convenerint.* Ideoque, nè inanis contingat ejusdem rei iteratio, singularum partium nervi, venæ, & arteriæ, ad generalem similarium contemplationem referendæ sunt; siquidem quælibet earum in quovis organo, eandem genericam definitionem obtinet: ac propterea (quatenus sunt materia partium communis) meritò similes appellantur; licèt ratione essentia & compositionis peculiaris, sint verè dissimiles.

Obijcies forsitan, nervos, venas, & arterias in diversis corporis partibus, distributionem quoque diversam sortiri. Nec posse propterea simul & semel definiri. Ego autem respondeo, easdem hac ratione esse organicas, non autem similaribus aut dissimilaribus accensendas. Et ut universum dicam, possunt

*Objectioni  
respondetur.*

possunt hæ partes triplici ratione considerari.

*Primò* enim, si essentia, sive naturæ earum propriæ ratio habeatur; quoad materiam, sunt dissimilares; quoad formam autem, organicæ.

2.<sup>a</sup> Quatenus sunt materia communis aliarum partium, eatenus pariter sub natura ac definitione communi comprehendi debent; ac propterea etiam tanquam similes habendæ sunt. Id ipsum ab *Argenterio* (licet obscurè) dictum est; & à *Laurentio* (qui nequitiam intellexit) malè refutatum.

3.<sup>a</sup> Si considerentur secundùm earum in peculiare quæque partes distributionem, eo certè modo, tanquam organicæ solùm reputandæ sunt; earundemque descriptio, ipsarum in peculiari hac vel illa parte formationem duntaxat respicit.

Atque ità hætenus (nisi fallor) auctoritatem Veterum ab objectionum scrupulis liberavi: idemque clypeus aliis quoque similibus telis propulsandis suffecerit. Reliquum igitur est, ut partium similiarium & organicarum naturam *realem* expediam.

## CAPUT VIII.

### *De partium similiarium naturâ reali.*

**N**otionalis partium similiarium & organicarum consideratio ex prædictis innotuit: nunc porrò de *reali* & *physicâ* earum consideratione agendum est. Atque hac ratione pars similis definiri potest, *Corpus mixtum unifornie, eaque elementorum*

*Definitio  
partis simi-  
laris,*

mentorum proportione, & qualificatione contemperatum, quibus organa illi idoneum redditur, cujus constitutioni à natura destinatur.

Est, inquam, corpus mixtum: licet enim pro elemento simplici habeatur; (idque tum ratione organorum, quæ inde extruuntur, tum dissectionis anatomicæ, quæ divisionem ejus ulteriorem non admittit:) in physica tamen ipsius consideratione revera mixtum quid est, partésque diversi generis in se complectitur. Enimvero nulla pars corporis animalis est, quæ arte chymicâ, atque aliis etiam physicis dissolutionibus, ulterius in corpora simpliciora dividi nequeat. Verùm his relictis, de elementis ipsis agendum est.

Elementum est, quod rei alicujus compositionem atque elementum aptum est ingredi. Ità 24. literæ, verborum elementa sunt; & in medicaminum compositione, simplicia quæ eam constituunt, totius compositi elementa dicuntur. Est tamen hæc nominis significatio nimis laxa: strictior itaque definitio hæc fuerit: Elementum est pars substantialis, apta nata quæ cum aliis elementis uniat, mixtionem naturalem constituat.

Horum duo sunt genera, intermedia nempe, & ultima. Atque ad illa quod attinet, differentias eorum solum attingam, mox de ultimis acturus.

Elementa intermedia sunt varii generis; possuntque, citra mutuam repugnantiam, diversimodè proponi. Oritur enim hæc diversitas, à vario corporum mistorum dividendi modo; uti clarè constabit, ubi præcipua varietatum harum genera recensuerimus.

Primò, modus separandi res mistas maximè usitatus,



usitatus, facilisque, est per *colaturam*, quocunque demum modo ea instituatur; sive per manicam, aut lacinias, aut chartam emporeticam, aut alutam, aut ligna, &c. Atque huc etiam spectant *clarificationes* cum albuminibus ovorum, lacte, &c. item *expressiones*; nempe succorum, ex herbis; vini, ex uvis; olei, ex amygdalis, &c.

2.<sup>a</sup> Mixta corpora separantur ab invicem vel per *subsidentiam* sive *descensum*, vel per *innatationem*. Ita *feculæ* discedunt à succis tenuioribus, & cremor à lacte secernitur.

3.<sup>a</sup> Partes commixtæ sejunguntur per *magisterium*: nimirum, cum aliud quid iis affunditur, quod uni eorum magis quàm alteri sit familiare; unde fit, ut partes, unitæ antea, ab invicem secedant, novum hunc hospitem amplexuræ: quemadmodum in faciendo magisterio corallorum & perlarum, in præcipitati confectio, atque etiam in lactis coagulatione usu venit. Fit quoque interdum separatio hujusmodi per solam qualitatum alterationem; sicut in urinarum turbatione, & salium crystallizatione, &c. contingit. Et in his omnibus, primæ statim separationi *magisterium* attribuo: perficitur enim postea segregatio illa, vel per *subsidentiam*, potèstque ad superiorem ordinem referri; vel per *unionem magneticam*, septimæque classi accenseri debet.

4.<sup>a</sup> Elementa ab invicem sejunguntur per *distillationem*; quò etiam referri potest *sublimatio*; & fuliginis etiam, fumique è rebus combustis *exhalatio*.

5.<sup>a</sup> Fiunt corporum mixtorum separationes per *extractionem*; veluti in *tincturis*, in salium profectione, in decoctis, jusculis, &c.

6.<sup>a</sup> Sepe-

6.<sup>a</sup> Separatio fit per *fermentationem*: quemadmodum in vino & cerviliâ recentibus evenit, ubi flos, sive spuma (utpote fermenti pars levior) summumpetit; tartarus autem, sive fæces (pars scil. gravior) in imum subsidunt; interea dum liquor limpidus medium valis occupat. Atque huic separationis modo, *putrefactio* aliquatenus affinis est.

7.<sup>a</sup> Separationes quædam fiunt per *congregationem*, vel *attractionem magneticam*, sive *similarem*. Ità nempe scobs ferri ab admixtis sordibus, magnetis ope, liberatur; (licet hujusmodi mixtura non nisi improprie talis dicatur.) Ità quoque consimilis naturæ partes facile inter se congregantur, relictis aliis, quibuscum illis minus convenit; uti videre est, in salium granulatione; in crystallizatione sacchari; in generatione mineralium, dum materia metallica per certa quædam intervenia mineras adit, terramque proximam, ceu sibi alienam, deserit; in materiæ lapidificæ accessu ad rupes, dum succus lapidescens casu aliquo liquatus, lapidibus illis, quibus maxime affinis est, denuo affigitur. Unde etiam verisimile fit, lapides pretiosos, putà adamantem, crystallum, &c. quandiu in mineris suis fuerint, non minus crescere, quàm lapides alios vulgares. Utrum autem incrementum hujusmodi, vera augmentatio appellari debeat, an minus; non est hujus loci statuere.

Peculiaris ista attractio, & (per consequens) separatio, ob singularem ejus subtilitatem, qualitati magneticæ occultæ vulgò adscribitur: etsi fortassis haud amplius hic contingat, quàm quod veteri adagio fertur, *Simile simili gaudet*. Id certè constat,

constat, qualitatem hanc in *animalibus* maximè conspicuam esse, eadèmq; etiam habere organa huic usui destinata; quod occultæ actionis naturæ maximè convenit. Quicquid sit, nolim adhuc quicquam de hac re definitè dicere.

Variz plantæ in eadem area consistæ, sibi quæq; diversum ac peculiarem succum eligunt; idque radicum ope, quibus in hunc finem donantur. Animalium quoque pars quælibet alimentum sibi congruum attrahit, retinètque; excrementa verò, sive partes inutiles rejicit. Hoc pacto chylus separatur ab excrementis; bilis, à sanguine; & ut vulgò creditur, ab eodem sanguine (testiculorum operâ) semen; & lac quoque, uberum interventu. Vitellus ovi pariter ac albumen, è sanguine (à quo tamen plurimùm discrepant) oriuntur; saltem si sanguis commune omnium partium alimentum dicendus est. Similiter in plantis (ut putà arboribus) succus quidam peculiaris cortici accedit, alius trunco, foliis alius, fructui item, semini, ossibus, & glumæ, singulis alius contingit. Ità quoque in tumoribus frigidis, humores sæpe congeruntur, inter quos, cæterosque corporis humores, mirum quantum interfit: quemadmodum in meliceride, atheromate, & steatomate, congestiones mellis, ceræ, & sevo perfimiles, interdum reperiuntur. Quis singula hujus generis enumeret? Paucula hæc duntaxat in eum finem recensui, ut indè constet, quàm variz rerum divisiones fieri queant, nisi distributio earum reducatur in ultima elementa. Ideòq; haud existimandum est, *Galenum* reliquas sanguinis differentias præclusisse, cùm massam ejus in quatuor humores (qui certè non sunt ultima ejus elementa) distingueret;

distingeret; sed credidisse potius, distributionem hujusmodi, praxi medicæ exercendæ maximè ex usu esse: uti revera purgationum, aliarumque evacuationum indicationibus optimè inservit; ac propterea ab omnibus medicinam dogmaticè facientibus retinetur. Quippe in sanguinis depuratione, haud nobis animus est, eundem in ultima ipsius elementa resolvere, ut ità redundantium elementorū partem superfluum à reliquis separemus, totamque adeò massam ad justum mixturæ pondus reducamus; (id enim fieri nullo modo potest:) sed id agimus, ut elementa ea investigemus, (sufficitque, si *intermedia* solum fuerint) quæ tutò, commodèque à reliquo sanguine separari queant; quò hic defacatior, vitæque utilior evadat. Ejusmodi sunt quatuor isti humores, feliciter quidem & proficuè admodum à *Galeno* excogitati, licet Chymici quidam ei ineptè obstrepant, quod eosdem, quinque suis principiis repugnantes arbitrentur; cum tamen revera iis nequaquam adversentur; uti neq; *Aristotelis* quatuor elementis: quoniam (ut diximus) haud elementa ultima, sed *intermedia* solum reputantur. Posset nihilominus forsitan haud incommodè quatuor *Galenii* humoribus quintus insuper annumerari; nempe humor sive succus venenosus & malignus, eiq; contrarius alexiterius & benignus; (quibus præterea si cui *succum nutritium* accensere placuerit, per me licebit:) quos impræsentiarum duntaxat nomino, uberius fortè alibi de iisdem acturus. Id nunc solum dixisse suffecerit, posse scil. corporum in elementa *intermedia* divisiones varias institui; idque citra ullam ad se invicem repugnantiam, aut contradictionem.

Quod

Quod ad mistorum corporum in elementa ultima divisionem attinet; existimem, sententiam Chymicorum esse verissimam; nempe quinque principia ab iis dicta, putà spiritum, oleum, salem, aquam five phlegma, & caput mortuum, five terram (ut vocant) damnatam, esse partes ultimas in quas res ullæ vel ingenio vel industriâ humanâ dissolvi queant. Nihilominus fortè abstractione mentali quis ulteriorem divisionem comminisci possit; saltem credat, divisionem illam haud esse ultimam, quoniam (ipsis quoque Chymicis fatentibus) salium, oleorum, ac spirituum varia reperiuntur genera, quæ in elementis rerum simpliciter ultimis nemo unquam admisit.

Illud verò in excusationem regeri possit; principia Chymicorum convenire in natura generali, licèt communibus quibusdam qualitatibus (quod & ipsis quoque elementis diversimodè contingit) discrepare ab invicem videantur. Sunt enim communes quædam qualitates, quarum vel absentia, vel præsentia, speciem necessariò haud variat: ipsæque Chymicorum elementa plus minusve hujusmodi qualitatibus obnoxia sunt; quales sunt fixatio, fluiditas, volatilitas, &c. quibus fit, ut virtute pariter ac nomine mutationem subeant, manente fortè interea naturâ communi, quâ priùs fruebantur. Acque hoc pacto forsitan spiritus naturalis, fit vitalis; & hic demum, animalis; superadditis nimirum insignitis quibusdam impressionibus. Ad eundem modum, quilibet planta proprio spiritu gaudet: nam licèt omnes in natura communi conveniant, fieri tamen potest, ut diversarum plantarum spiritus, non nihil salis aut sulphuris subtilioris admistum habeant.

beant, eoque nomine variè ab invicem distinguantur. Ideoque, quamvis spiritus illi, arte Chymicâ educti, maximam partem verè tales dicendi sint; possunt nihilominus mixturam aliquam heterogeneousam sortiri, ob quam puri & puri spiritus dici nequeant. Utcunque, malim dictis hisce principiis, quæ ad oculum liquent, praxiq; verè respondent, acquiescere; quàm ulterius inquirendo, notionibus quibusdam mentalibus inniti, quæ fortè mera commenta fuerint; saltem res sint theoriæ solùm, non autem praxi ullo modo intervenientes.

Commodissimum itaque mihi videtur, elementa Aristotelica, Chymicorum principiis conciliare, inque gratiam mutuò reducere. Sic nempe *Aristotelis* elementum ignis, proportionem respondet Chymicorum spiritui; aër, oleo; aqua, phlegmati; terra, sali simul & capiti mortuo: quippe Aristotelici, conflagratis rebus (ut quatuor sua elementa elucidarent) terram, à sale, in eadem nidulante, neutiquam separabant, sed utrumq; habebant pro uno eodemque elemento: ac propterea quatuor eorum elementa ad quinque Chymicorum principia commodè extendi queunt, si modò cineres (utpote heterogeneous) in sale, terramque divideris.

*Elementa  
chymica &  
Aristotelica  
inter se com-  
parantur.*

Agendum nunc esset de *dispositionibus* sive *qualificationibus* corporum similium: numerus autem earum major est, & consideratio fusior, quàm ut proposito nostro impræsentiarum conveniat. Merentur sanè tractatum aliquem peculiarem; eumq; fortè aliquando cum bono Deo expediam. Est quidem res ardui moliminis, & quâ scrupulosiorem aliam baud faciliè invenias; eadem tamen magni

D

momenti

momenti est, artibusque omnibus & scientiis plurimum lucis allatura.

Finita jam partium similiarum definitione, de earundem divisione paucula obiter dicenda sunt.

## C A P. IX.

### *De partium similiarum divisionibus.*

*Partes ex-* **P**artes similes, late sumptæ, dividi possunt *crescentes,* in *excrecentes*, & in animâ totius informatas. *Partes, excrecentes*, in homine, haud adeo multæ sunt: nempe pili; cutis callosa, in partibus labori plurimo assuetis; (utpote in volis manuum, pedumque plantis;) cæque unguium pars, quæ crebro præciditur.

*sperma-* *nica,* *Partes informatae*, dividuntur vulgò in *spermaticeas*, & *sanguineas*. *Spermaticeæ*, latissimè sumptæ, nullâ communitate inter se convenire videntur, quâ à sanguineis partibus discriminantur; nisi quòd frigidiores ac pallidiores appareant; videaturque de humore pituitoso, aut *melancholico* plurimum participare.

*harum di-* *viso, in* *molles,* Dividuntur partes *spermaticeæ*, in *molles*, *duras*, & *tensiles*. Partes molles sunt, cerebrum, cerebellum, medulla spinalis, & humores oculorum.

Partes *duræ*, & *tensiles*, hisce inter se communitatibus conveniunt: 1.<sup>a</sup> Sunt firmiores, magisque invicem coherentes, quàm vel carnosæ, vel partes molles jam dictæ: ideoque in his præcipue positum est totius corporis robur; nec continuïtas earum faciliè dirumpitur. 2.<sup>a</sup> Sunt etiam

etiam partibus sanguineis durabiliores: quippe in inediis, morbisque diuturnis, absumptis jam plurimum partibus carnosus, ipsæmet tamen antiquam propemodum proportionem retinent. 3<sup>a</sup> Ut continuïtas harum partium solutu difficilior est; ita soluta semel, haud adeo facîle denuo coalescit: certè nunquam simpliciter (ut aiunt) secundum primum scopum; sed, in juvenibus, per simplicem agglutinationem; in adultis autem, per cicatricem, vel callum. Denique, ut partes hæc non ita facîle dissipantur; sic quocunque modo dissipatae, eadem non nisi ægrè, longoque tempore restituantur denuo: sitque utraque hæc difficultas tantò semper major, quantò ætas animanti provectior accesserit.

*Dura* partes sunt ossa, specialiter sic dicta, *dura*, cartilaginee, ossa laryngis, os cribriforme, dentes, incus, malleus, & stapes, atque etiam unguis. Numnam autem hæc omnia specie inter se differant, non est huius loci definire.

Hoc quidem omnes à partibus *tensilibus* discrepant, quòd duriores sint, minùsque flexiles; friabiliores etiam, & fragiles potius, quàm scissiles: redintegrantur quoque per callum, non autem per cicatricem; ut in partibus *tensilibus* fieri solet.

Partes *tensiles*, siue *ductiles*, dividuntur in membranosas, fibrosas, & ex utrisque compositas.

In controverso apud quosdam Anatomicos est, utrum membranæ esse possint, quæ fibris careant? Ego verò ejusmodi reperiri arbitror; nempe membranam adiposam, piam matrem, & fortasse pleuram etiam, ac peritonæum; licèt hoc manifestè fibrosum sit, ubicunque intestinis & ventriculo



culo tunicas largitur. Huc etiam fortè referendæ sunt musculorum membrana communis, & propria; cuticula item, & cornea. Haud præfractè tamen dixerim, cunctas hæc membranas fibris destitui: id solum mihi à ratione alienum videtur, dicere, membranas omnes fibris suis præditas esse, licet hæ nobis sint inconspicue: cum tamen, nisi oculorum testimonio, nulla hujus rei nobis contingere possit notitia.

*fibrosas,*

In *fibrosarum* partium censu, sunt fibræ musculorum, tendinum, & ligamentorum; cordis etiam, & fortasse renum. Penis manifestè fibrosus est; præsertim duo ejus corpora nervosa: uti & nervi cujuscunque meditullium, fibræ naturam induit.

*ex utrisque compositas.*

Partes ex fibris & membranis compositæ, sunt cutis vera, dura meninx, nonnullæ oculorum tunicæ, item tunicæ ventriculi, intestinorum, vesicæ utriusque, urinariæ & biliaris, ureterum, ductuum biliariorum, peculiaris vasis pancreatis; atque etiam nervorum, venarum, & arteriarum.

*Partes sanguineas dividuntur in*

Dicta partium divisio in *spermaticas*, & *sanguineas*, haud omnes totius corporis partes suo ambitu comprehendit; nisi sanguineas dictas laxiore nominis significatione accipiamus. Harum igitur nomine intelligimus pinguedines, carnes musculorum, & parenchymata.

*pingues,*

Partes pingues sunt, cutis adiposa, omentum, pinguetudo renum, cordis, & musculorum; item medulla in osseum poris, & cavitatibus.

*musculosas,*

Possset fortè musculorum caro ad parenchymata referri: verum non est animus impræsentiarum eâ de re quicquam anxie inquirere. Est quidem hujus generis carnis parva varietas; lingua tamen,

&

& diaphragma, à cæteris musculis, discrepare videntur. Ad hunc quoque censum cuticula, respectu mediocritatis temperamenti, referri potest.

Parenchymata, sunt succi concreti sive congesti circa radices vasorum quibus appropriantur. *cy parenchymata.* Horum nonnulla ad sanguinem solum referuntur; alia, ad sanguinem pituitæ commistum; aliqua, melancholicæ portiunculam admistam habent; & quædam fortassis nonnihil bilis.

*Sanguinea* parenchymata sunt, cor, pulmones, & renes. Hepar, etsi sanguine potissimum abundet, bilis tamen aliquantulum ei ex vasis biliaris affunditur. Lien quidem vulgò, succo melancholico scatere creditur; mihi autem, in ejusdem exarnatione, nihil unquam tale videre contigit.

Parenchymata *pblegmatica*, sunt pancreas; glandulæ mesenterii; renes succenturiati; thymus; amygdalæ faucium, & laryngis; glandulæ colli, axillarum, atque inguinum; glans pituitaria; fibræ carnosæ ventriculi, & intestinorum; utriusque sexûs testiculi; parastatæ, ac prostatæ; glans penis; & mammillæ. Nec negaverim, cerebrum, spinalem medullam, & humores oculorum, ad pituitosa hæc parenchymata non incommode referri posse. Non est autem ex proposito nostro, accuratam aliquam harum partium distributionem exhibere, sed generatim solum de iisdem quædam dicere: plenius verò de illis agemus, si fortè nobis aliquando contingeret, similiarium partium constitutionum omnium propositamquisitionem absolvere: hinc enim perfectæ earum definitiones, atque differentię elucescent. Hæc

autem interea de reali partium similiarum essentia dicta sunt.

## C A P. X.

### *De partium organicarum essentia reali.*

**D**ixi suprà, in definitione ejus notionali, organum esse partem actioni alicui, sive usui, virtute sue forme, inservientem. dicendum restat, quænam accidentia realia formam illam compleant, cujus munere finem sibi à natura destinatum exequatur.

*Accidentia  
realia orga-  
ni formam  
constituen-  
tia;*

Sunt autem accidentia ista numero quinque: nempe, situs, magnitudo, numerus, continuitas, & figura.

Figuram quidem ultimo loco recensuimus; non quidem, quòd dignitate cæteras formationis partes non antecellat; sed quòd præ cæteris omnibus describi difficulter possit. Accedit, quòd, citra organi mutilationem, reliquæ formationis partes satis conspicuæ sint; figura autem absque aliarum injuriâ, primò ostendi nequeat. Ideoque in postremum locum eandem rejecimus.

*situs;*

1.<sup>o</sup> *Situm* quod attinet; considerandum venit, primò, cur pars aliqua in hac vel illa corporis regione locum suum obtineat. 2.<sup>o</sup> Quibus aliis partibus sit vicina; quasque connexiones cum iis habeat: tum etiam, quid commodi ei, vel incommodi inde accedat. 3.<sup>o</sup> Ostendenda est vera partis positio in corporibus viventibus; quantumque in mortuis variet; si modò differentia ulla reperiatur.

4.<sup>o</sup> *Mutatis*

4.<sup>a</sup> Mutatis variè corporis posituris, monstrandum est, quomodo situs partis alicujus, citra luxationem ullam, diversimodè repræsentari queat.

5.<sup>a</sup> Indicare licet, quantum luxationes partium ulstatz, ab iis discrepent, quæ rarò eveniunt.

6.<sup>a</sup> Demonstrandum est, quomodo luxata membra in locum debitum restituenda sint, si modò id fieri possit; sin minùs, unde id contingat.

7.<sup>a</sup> Dicendum, quod nam sit situs partium discrimen, in aliis aliisque animalibus, atque etiam in ejusdem speciei individuis; hujusque rei ratio assignanda est.

2.<sup>a</sup> Quod ad organorum *magnitudinem* spectat, *magnitudo*, ea non minùs pondere, quàm mensurà æstimanda est. Nempe appenso, dimensioque toto corpore, videndum postea, quam proportionem organum quodlibet cum eo habeat: idque in diversorum generum animalibus faciendum est: observatis simul singulorum differentiis. 2.<sup>a</sup> Varietas eadem in aliis quoque ejusdem speciei individuis observanda est: scilicet in pinguibus, & macris; adolescentibus, & senibus; maribus, & feminis, &c. 3.<sup>a</sup> Discrimina in morbis perpendenda veniunt: veluti in tumoribus, tabe, aridurà, contrakturà, & similibus.

3.<sup>a</sup> Quod ad *numerum* partium pertinet; viden- *numerus*,] dum, primò, quotuplex is sit; scil. num simplex, duplex, triplex, &c. 2.<sup>a</sup> Num in omnibus pariter animalibus idem sit numerus, an secus; simul etiam ratio similitudinis, aut discrepantiæ reddenda est. 3.<sup>a</sup> Abundantia, & defectus partium observandi sunt, comparatione factà cum monstis: quippe monstrosum habetur, organis, præter naturæ consuetudinem, vel donari, vel de-

stitui. 4.<sup>a</sup> Perpendendum, quomodo partes ex-  
crescant, aut deficient, relatione habitâ ad sani-  
tatem, vel morbum. Nævi enim in numero par-  
tium abundant; non sunt tamen fortassis ad mor-  
borum classem referendi.

*continuitas,*

4.<sup>to</sup> De partium *continuitate*, inquirendum, pri-  
mò, Quænam partes *continuitatem* suam facillè,  
& quæ difficulter amittant. Ità enim parenchy-  
matum *continuitas* facillè solvitur, non item va-  
forum; præsertim, si vulnus punctim non autem  
cæsim illatum fuerit. 2.<sup>to</sup> Investigandum, qualis-  
nam unio acquiratur denuo, & quàm ægrè eadem  
comparari possit. 3.<sup>to</sup> Dispicendum, quinam sint  
effectus vulnerum, (cæsim, vel punctim inflicto-  
rum;) abscessuum, ulcerum, fracturarum, ana-  
stomoseon, exudationum, &c.

*& figura;*

5.<sup>a</sup> Agmen hoc claudit partium *figura*; èstque  
eadem *formationis* pars principalis. Nonnulli,  
omnia sub hoc titulo comprehensa, *conformationis*  
nomine indigitant; quasi ea cunctas formæ par-  
tes in se complecteretur: quod certè non fit.  
Quapropter, si visum tuerit, exprimendæ hujus  
rei gratiâ, tam latâ vocis significatione uti; evi-  
tandæ homonymiæ ergò, termini ejus necessario  
arctandi erunt, & dicenda *conformatio specialis*.  
Meâ tamen sententiâ, vocabulum hoc *figura*, latè  
sumptum, (quatenus nempe figuram tum exter-  
nam, tum internam comprehendit) solum suffe-  
cerit: præsertim cùm autores, & veteres, & recen-  
tiores, vocem hanc significatu illo accepisse con-  
stet. Dividam itaque organi figuram, in exter-  
nam, & internam.

*quæ est, vel  
externa.*

1.<sup>a</sup> *Figura externa* (quântum res finit) per for-  
mam aliquam cognitam, nobisque familiarem  
exprimenda

exprimenda est; veluti per ovalem, triangularem, &c. aut per similitudinem quandam aptam, notamque, quâ cum alio aliquo corpore conveniat: debetque, in unaqualibet ipsius descriptionis parte, ratio haberi vicinarum partium.

11<sup>ta</sup> Figura *interna* separatim exhibenda est, *vel interna; cujus sunt variae partes;* secundum diversas ejus partes; quales sunt, cavitates, meatus sive ductus, porositas, & ramificatio: quibus addenda sunt accidentia utrique figurae, tum externae, tum internae communia; nempe asperitas, & laevitas.

1<sup>o</sup> In partis alicujus *cavitate*, quærendum, *nempe cuius vitæ,* primò, Quid, & quantum usitatè contineat? 2<sup>da</sup> quantopere siphonis ope, vel flatu extendi queat? 3<sup>o</sup> quantum, & quomodo eadem constringi possit? 4<sup>ta</sup> Cui usui inserviat? 5<sup>ta</sup> Quibus morbis sit obnoxia? 6<sup>ta</sup> Quibusnam aliis partibus respondeat?

2<sup>da</sup> In *meatu* sive ductu, notamus, 1<sup>o</sup> Canaliculorum amplitudinem; nempe, quâ proportionè conveniant, tum hic, qui accipit; tum ille, qui emittit. 2<sup>da</sup> Eorundem apertionem, & clausuram. 3<sup>o</sup> Materiam in iis contentam: unde scilicet eandem acciperint, & quò deducant. 4<sup>ta</sup> Quâ proportionè cum aliis meatibus comparetur. 5<sup>ta</sup> Quibus morbis sit obnoxius.

3<sup>o</sup> Partium *poris*, earundem quoque *permeabilitatem* adjunxi; quoniam hæc fortassis, quàm illa, latius extenditur. Quippe in natura duo videntur esse transitionum genera; unum, per poros; alterum, per ipsam partium substantiam. Numnam autem divisio isthæc proba sit, an secus, impræsentiarum quidem non litigabimus; verùm illam solum proposui, ceu dignam quæ ulterius expen-

quibus mo-  
di innotef-  
cant.

expendatur : in eumque finem modos quosdam generales adnectam, quibus de veritate illius in parte qualibet peculiari constare possit.

Primo igitur, tubi optici sive microscopia in auxilium adducenda sunt ; citra quorum operam pori usque adeo exiles sunt , ut neutiquam in dissectionem Anatomicam eadant. Quinetiam (ut, quod verum est, fatear) nè tuborum quidem illorum ope quicquam hætenus, quod realem eorum existentiam certò adstruat, conspicari licuit. Utcunque, duplex in hac re potest contingere fallacia : altera, dum vasis alicujus minoris rupti vel incisi cavitas, aut venæ arteriæve capillaris evulsæ alveolus pro poro accipitur : altera, dum foveola aliqua, rima, aut inæqualitas substantiæ, partiumque fortuita interruptio, pro poris habentur.

Alterum meatuum horum dignoscendorum adminiculum est, vel injectio per siphonem, vel inflatio. In corporibus mortuis, utile fuerit, liquorem aliquem calidum & colore adventitio tinctum injicere; præmissis semper partium diuturniore fotu; qui etiam in inflationibus commodè usurpari poterit. Quænam aliæ observationes per hujusmodi injectiones institui possint, postea, cum de hepate agemus, uberius dicetur. Hic solum addam, (quod ad poros particulatim spectat) si liquor injectus, partis alicujus habitum penetrans, eundem totum æqualiter tinxerit; videtur adesse *Instantia Crucis*, quæ indicatur, fluxum illum non fieri per poros, sed per ipsam partis substantiam: sin autem *discrezim* innumerabilia duntaxat veluti puncta infecerit; clarum indicium est, poros ibidem reperiri.

Tertium

Tertium in hac re subsidium est, partium ipsarum ponderatio. Nam etiam si densitas & raritas solæ certissima sint majoris minorisve ponderis argumenta; sæpe tamen fit, ut corpora leviora pluribus poris donentur: & de corporibus, quibus æqualis densitas aut raritas contigerit, indubitanter dixeris; quantò quælibet porosa magis fuerint, tantò etiam leviora existere.

Denique, aliud addam hujus rei specimen, deductum à partium congenerum ad invicem comparatione; prout illæ nempe in ejusdem speciei animalibus minoris majorisque ætatis deprehenduntur. Quippe in junioribus, permeabilitas proculdubio est expeditior; & tamen in illis, quàm in senioribus, pauciora videas porositatum vestigia.

Et ut porro suppositioni huic de duplici transitu (nempe per poros, atque ipsam corporis substantiam) aliquantisper inhæream; dico, utrumque inter se multifariam convenire; adeò ut, quæ de uno eorum affirmantur, de altero etiam (pauculis mutatis) commodè intelligi possint: quippe finis, sive usus alterutrius est communis; nimirum ut motibus ad sanitatem requisitis liber transitus concedatur.

Utrumque permeationis genus plurifariam inter se conveniunt: & illæ illis idem finis,

Possunt quoque motus isti bifariam viciari; & utrique permeationis hujus speciei ex æquo competit: quemadmodum evidenter constabit, si modò cuncta obstructionum fluxionumque genera, quibus alteruter horum transituum obnoxius est, rectè perpenderit. Nam

& consimiles morbi,

Si obstructio contigerit à materiæ tarditate, sive permeandi ineptitudine; sicuti poros facile occluserit,



occluserit, ità & partium quoque substantiam non minùs promptè oppilaverit. Et vice versà, si materia debitò ocyus feratur; non solùm pernìciter nimis per poros, sed & substantiam ipsam transierit.

2<sup>a</sup>. Si obstructio facta fuerit, ob partium *angustiam*, aut constrictionem; idem quoque similiter in partium substantià evenerit, ob hujus condensationem, vel incrassationem. Paritèrque è contrario, *amplitudo* sive laxitas pororum nimia, *raritati* seu attenuationi substantiæ partium respondet, ob quarum utramlibet fluxio immoderata facillè oboriatur.

3<sup>a</sup>. Si pororum *asprede* superficiaria obstructio- nem invehat; eandem quoque & interna substantiæ partium asperitas haud difficulter induxerit. Atque è contrà, quemadmodum superficiaria pororum *lubricitas*, fluxionis causa esse potest; sic & interna substantiæ lubricitas, eandem facillè conciverit.

Quamobrem, cùm medicinam facientes, in assignandis morborum causis, eas sæpe obstructio- nibus atque fluxionibus acceptas referant; quæstio isthæc, numnam in poris, an in ipsà partium substantià contingant; principia eorum neuti- quam turbaverit; nec curatio magnopere vari- anda fuerit, sive huic, sive illi causæ morbus ad- scribatur.

*Materia  
pertransi-  
ens, varia  
est.*

Præterea, quod ad poros & permeabilitatem partium attinet, inquirendum est, quænam sit ma- teria pertransiens: scilicet, num *exhalatio* (ut flatus, vel halitus, qui transpiratione insensibili cutem penetrant;) an *liquor* (veluti sudor, qui etiam cutem permeat;) an *substantia solida*, sicuti lapides vel are- nulae,

nulæ, quæ interdum renes, & fortassis alias nonnullas partes, pertranseunt. De liquoribus etiam observandum est, numnam transmittantur *integri* (quemadmodum sanguis, qui ex arteriarum finibus propulsus, per partem intermediam in venarum oscula ingreditur;) an *per colaturam*, sicut urina in renibus à sanguine secernitur. Animadvertendum quoque, quinam colati humores sint *proficui*, & qui *excrementitii*.

Ultimò, investigare oportet, ad quamnam *constitutionem* quælibet permeatio pertineat; num scilicet ad naturalem, an vitalem, an animale: & quænam *vasa*, vel in importanda, vel in auferenda materiâ, eidem famulentur.

4.<sup>ta</sup> Partium *ramificatio*, non nisi difficulter explicatur; sæpèque requirit earum *excarnationem*, atque alias etiam artes, quibus nobis innotescat. Observare itaque oportet, 1.<sup>o</sup> quænam sit truncus communis (vel qui trunci sint, si plures adfuerint) quæque illius divisiones, ac subdivisiones, donec ad capillares perventum fuerit. 2.<sup>o</sup> quænam sit communis trunci latitudo, relatione habitâ ad aliquos vel omnes simul ejusdem ramulos. 3.<sup>o</sup> quæ alia vasa eundem comitentur; quomodòque eadem huic connexa sint, & ab ipso distinguantur. 4.<sup>o</sup> quoniam fluxus in singulis vasis tendat; & quæ vasa alia aliis respondeant. 5.<sup>o</sup> quæ vasa aliis occurrant, vel eadem decussent; atque utrum anastomoses mutuas fortiantur, necne, &c.

*Asperitas* & *levitas*, sunt figuræ accidentia communia, earumque ratio in unaquaque hujus specie habenda est. *Asperitas* provenit à superficie *inequalitate*; quâ fit, ut partes sibi invicem *adhaereant*.

*asperitas & levitas.*

*rescam.* Contrà autem, levitas à superficiel *e-*  
*qualitate* finit; facitque ut corpus aliquod ab alio  
facile dilabatur. Inquirendum itaque est, 1.<sup>o</sup> Qu-  
nam earum sit parti *naturalis*; & quamobrem?  
2.<sup>o</sup> Quomodo pars aliqua (respectu asperitatis, aut  
levitatis) à naturali suà constitutione immute-  
tur; & quo pacto quis mutationi ejusmodi mederi  
queat? 3.<sup>o</sup> Quinam *effectus* utranvis harum in  
peculiari illa parte subsequantur?

---

FINIS.

---



# ANATOMIA HEPATIS.

---

## CAP. I.

### *Dicendorum ordo.*



Vsum mihi est, agere de *Hepate*: ip-  
 soque statim in limine dicendorum  
 methodum proponam. De parti-  
 bus ejus similaribus, non conabor  
 nunc aliquid exquisitè dicere: quo-  
 niam constitutiones corporum similes haud  
 adeò dilucidè hætenus explicatæ sunt, ut  
 definitio partis similis idonea inde procu-  
 di possit, aut differentia aliqua afferri, quâ una  
 earum à reliquis omnibus corporibus sufficienter  
 discriminetur. Quamobrem si dedita operâ ne-  
 gotium istiusmodi aggredier; necesse equidem  
 foret,

foret, singula alicujus momenti verba peculiari ac prolixâ digressionem explicare; ut itâ similis cujusque corporis definitio pro modulo nostro clarè elucesceret. Hujus autem incommodi evitandi causâ, nolui de iis quicquam in hoc opere destinatò agere: operamque in id præcipuè impendi, ut de partibus hepatis *organicis*, quantum in nobis, planè ac luculenter constet. Interdum tamen & de illis quoque obiter quædam disczeptabimus; quoties nempe dabitur occasio, & probabilis conjectura nos ad id faciendum induxerit.

Constitutiones hepatis organicas quod attinet, illæ à me bifariam dividuntur; nempe in totius hepatis, & vasorum eidem famulantium. Conformatio totius hepatis, in se complectitur, 1.<sup>a</sup> Ejus situm: 2.<sup>a</sup> Magnitudinem: 3.<sup>a</sup> Numerum partium: 4.<sup>a</sup> Continuitatem: & denique, Figuram. De quibus omnibus eadem serie acturi sumus.

Quoniam autem *figura*, præ cæteris omnibus conformationis partibus, latius patet, majorisque momenti est; eandem porrò in *externam*, atque *internam* dividemus. Hanc verò quod attinet, sciendum est, illam à vasorum texturâ atque distributione proficisci; adeoque haud aliam ejus descriptionem expectandam esse, quàm quæ ex vasorum per hepar dipororum structurâ necessariò intelligitur.

Præterea, quia isthæc hepatis vasa partim etiam foris conspicua sunt, agam de iis primò, usûsque illorum pariter annectam: proximo loco interiora vasa aggrediar; tactâque ipsorum enumeratione, eadem mox inter se conferam; simul etiam communitates

munitates & differentias eorum exhibebo; postea-  
que descriptiones illorum particulares proferam:  
quibus peractis, ad actiones atque usus eorum  
deveniam. Atque in his expediendis, rejiciam  
primò errores, qui de iis jam olim invaluerunt;  
ac deinde verum atque universale totius hepatis  
officium adstruam: ultimòque tandem singula-  
rum illius partium actiones & usus particulares  
ordine percensebo.

## CAP. II.

*De Situ Hepatis.*

**H**Epar in elatiore præcipuòq; imi ventris loco Hepatis si-  
tus genera-  
lis: situm est: nempe proximè diaphragma, in  
dextro hypochondrio, quod veluti adimplet;  
indèque versùs sinistrum latus porrigitur, paulò  
ultra cartilaginem ensiformem.

Pars ejus *gibba*, mediante peritonæo, spuris dex- ejus gib-  
bum,  
tri lateris costis, maximè diaphragmatis parti,  
& posticè dextri hypochondrii sedi, latè contigua  
est; circa dextrum latus spinæ, ad quam trans-  
versim protenditur, cedit venæ cavæ ibidem se-  
ptum transversum pertendenti, ejusdèmq; de-  
scensum inter posticam suâ partem & spinam mu-  
nit.

*Cava* hepatis pars (præcipuè sinistra) pylorum, cavum.  
ventriculique partem superiorem & anteriorem  
amplectitur; uti etiam partem aliquam omenti.  
Plerunque tamen pars quædam vesicæ biliaris,  
ipsium hepar, & ventriculum (quæ in pylorum  
E definit)

definit) interjacet. Dextra pars cavi hepatis, ad renem dextrum pertingit, ibidémque coli partem aliquam operit: ejusdem verò pars anterior, aliis coli partibus incumbit, atque etiam toti duodeno, & jejuni omentique nonnullis partibus; quarum aliquibus quoque & hepati, veticulæ fellez pars intercedit.

Inferior hepatis crepido, sive ora extima, in erecto sanóque homine, infra nothas costas descendit, ipsique ferè umbilico appropinquat. Morbosum verò hepar & universim intumescens, interdum infra umbilicum pertingit: in tumoribus verò haud adeò magnis (modò toti hepati aliquatenus communes fuerint) durities aliqua & intumescencia infra nothas costas ad ventriculi scrobiculum, atq; ultrà sæpe ad spurias lateris sinistri costas, facillè perfentiscitur. Id autem omnibus hujusmodi tumoribus còmune est, ut digitis compressi, jecoris figuram aliquo modo præ se ferant: eòq; nomine à quibusdam appellantur *tumores circumscripti*.

*Tumores illius sinitu variant.*

Tumores quoque particulares in convexa hepatis parte (præsertim anteriore) digitorum atrectatione dignosci queunt; si modò hi inter loca tumentia, & sterni apicem, cos: sive nothas dextri lateris molliter inferuntur. Tumor ejusmodi in sinistra hepatis crepidine, sæpe ad costarum extima protenditur; minúsque cautis facillè pro lienis intumescentiâ imponit. Rem ipsam verò penitiùs advertens, haud difficulter tumores istos internoverit: qui enim ad hepar pertinet, elatior est, ventriculique regioni vicinior, & eidem magis incumbens, quàm lienis tumor queat; nisi hic prægrandis fuerit, modúmque om-

nem

nem exceſſerit; quo caſu ipſemet ſua ſponte innotefcit; nempe vel mole ſua inuſitatâ; vel diſtentione ponderâque in latere ſiniſtro; vel etiam, quòd ſiniſtrorſum inferiùs deſcendat, quàm hepar ullo modo poſſit.

Tumores in concava poſticâque hepatis parte, tactu haud diſtinctè deprehenduntur; in iſtis tamen, plenitudo aliqua hypochondrii dextrî, digitorumque ibidem ſub coſtis nothiſ impreſſioni renitentia quædam major ſolito, occurrunt.

Ligamenta; quorum operâ hepar locum ſitumque debitum ſervat; ſunt tria præcipuè: quorum primum, hepar diaphragmati alligat; diciturque *ſuſpenſorium*; quòd ejus potiſſimùm ope grave hepatis pondus ſuſtineatur, nè deorſum ruat. Ligamentum hoc, non ſolùm extimæ hepatis membranæ affigitur; ſed etiam parenchymæ ejus penetrat, & communi vaginæ ſive involucro ramî venæ Portæ (quâ vena umbilicalis eidem continua eſt) validè adneſtitur. *Ejus ligamentum primum.*

Credo, hanc ligamenti hujus in hepate radicationem, à me primò inventam eſſe; idque jam ante annos duodecim; quo tempore (cùm publicè mihi, in Collegio Medicorum Londinenſium; de hepate agendum eſſet) jecinora aliquot carne vafiſ circumfluâ exutum ibam. Viſâque primùm diſtâ jam radicatione, mirabar equidem, eandem Anatomicorum hætenus diligentiam effuſiſſe. Eoque magis, quòd annexus ejuſmodi, rationi videretur maximè conſentaneus. Enimvero, ſi ligamentum illud exteriori duntaxat hepatis membranæ adhæreret; periculum eſſet, nè levi aliquâ de cauſa, (hepate, præ pondere ſui, deorſum lato) eadè à parenchymate divelleretur.



*secundum,*

Secundum hepatis firmamentum, est vena umbilicalis in ligamentum mutata; & priori directè opponitur. Egredditur è fissura hepatis, & in umbilico terminatur. Quidam affirmant, ligamentum hoc, casu aliquo præcisum vel disruptum, citra aliam ullam noxam, repentinam mortem afferre. Quod mihi minùs verisimile videtur, nisi simul fortè convulsio contigerit, quæ tendinosus & nervosis partibus vulneratis facilè supervenit.

*tertium.*

Tertium ligamentum est, quo hepar cartilagini ensiformi adhæret. Est autem illud tenue, flaccidum, robustum tamen, & latum; proficisciturque, inquit *Spigelius*, à membrana quâ hepar succingitur. Revera haud aliud videtur, quàm membranæ illius duplicatio quædam ad dictam cartilaginem usque protensa: hepatis enim parenchyma non ingreditur, sed illius membranæ solum adnectitur; cui etiam longo satè ductu adnascitur; nè, vi alicunde illatâ, tunica illa facilè ab hepate recederet: in quem finem quoque ligamentum hoc flaccidum, ductile, extendique aptum natum est; neque enim totius hepatis ponderi sustinendo inservit, sed præsertim, nè in hoc illudve latus variè fluctuet, aut spinam versus dilabatur.

*Aliæ ejusdem connexiones.*

Sunt etiam alia hepatis firmamenta, quæ potius connexiones sive continuationes cum aliis partibus aut vasibus, quàm ligamenta dixeris. Ità nempe venæ cavæ affigitur, mediantibus peritoneo, ramisque cavæ per hepar dispersis. Adalligatur quoque sive mesenterio, sive omento, mediante membranâ illâ, quæ venæ Portæ poroque bilario in hepar deferendis inservit. Intercedente

te etiam venâ portæ, connectitur mesenterio, intestinis, ventriculo, omento, lieni, & pancreati: poro etiam bilario ductûque communi, jejuni principio: arteriæ ramulo, cæliacæ arteriæ: & duorum nervorum operâ, sexto eorum pari. Omentum præterea exiguæ protuberantiæ (quam *Spigelius* lobi nomine dignatus est) in firma ejus parte, adjungitur. De connexionione illius cum vesicula felleâ, postea dicemus.

Tam variis connexionibus stabilitum hepar, haud facilè suâ sede deturbatur; estque totalis ejusdem dislocatio morbus fortasse inauditus; nec sanè video, quomodo eadem (cùm tot, tantique momenti vasa necessariò laceranda veniant) citra certam necem contingere possit.

Prædicta tamen vincula haud adeò arcta sunt, quin aliqualem motûs libertatem, licèt exiguam, hepatis concedant. Primò enim in diversâ corporis positurâ (nempe ubi corpus erectum, aut inversum; prònum, aut supinum; vel in dextrum, aut sinistrum latus reclinatum fuerit) hepar quoque varium manifestè situm acquirit. Idque ex tumoribus ejus particularibus (præsertim in gibba ejus parte) clarè innotescit. Enimvero observato aliquando, digitorum tactu, ejusmodi tumore aliquo, locus atramento notetur, deinde corporis positura mutetur; & videbis illico, tumorem illum à loco signato recessisse.

Est præterea exiguus hepatis motus, quo, in inspiratione & expiratione, sursum deorsumque ad diaphragmatis motum fertur. Nam in inspiratione, dum diaphragma descendit, ut aëri in pectus attrahendo ampliorem locum cedat, hepar sibi immediatè suppositum unâ deprimit. Quod

*Motus illius obscuri.*

dum fit (quoniam spina dorſi, oſſaque ilium & pubis, ſedibus ſuis fixa ſunt) neceſſe eſt fluctuantia viſcera deorſum, antrorſum, & in utrunque latus moveantur, ut detrufo hepatis locum præbeant. Rem ita ſe habere, conſpicuum erit; ſi modò, in liberali inſpiratione, manum umbilico impoſueris. Idemque inde porro evincitur, quòd inſpiratio nulla fieri queat, quandiu muſculi abdominis validè contrahuntur: ut cuilibet, ubi libuerit, experiri licet; reſque ipſa manifeſtè patet, in conatu valido egerendi, mingendi, crepitum vel ruſtum emittendi, durante quippe huiusmodi niſu, inſpiratio omnis intercipitur.

Deinde verò in exſpiratione, muſculi abdominis fortiter contrahuntur; motuque adeò contrario, hepar & diaphragma denuo in locum priſtinum attollunt; unde conſtricta thoracis capacitate, ſpiritus neceſſariò eliditur foras.

Contractio iſtæ muſculorum abdominis in exſpiratione (præter ea, quæ jam diximus) vel inde luculenter dignoſci poteſt; quòd ſpiritus vehementer eſſare nequeamus, niſi, forti muſculorum abdominis compreſſione, inteſtina intus ſurſumque adigantur: uti cuilibet conſtabit, ſi modò, tempore exſpirationis, manum ventri admoverit.

Atque ab hac hepatis ſurſum deorſumque mobilitate contingit, ut idem in demortuis, quàm in vivis, aliquantò altiùs poſitum reperiatur. Nempe ſatò functis ventriculus, hepar, & diaphragma, ſurſum, quantum eorum connexiones ſinunt, propelluntur; partim, ut hoc pacto peſtoris inane impleatur, quod aliàs, recedente è pulmonibus ſpiritu, contingeret; partim etiam, quòd muſculi abdomi-

nis post obitum frigescentes, simul rigidiores magisq; tensi evadant; unde fit, ut viscera inferiora vehementiore nisu sursum agantur, quàm ut diaphragma ei motui resistendo sit, partésque istas (quantum vincula & connexiones sinunt) superiora versùs impellant.

Alteram harum causarum, exemplo affectionis hysterice haud incòmodè illustraveris. *Affectionis hystericae exemplum.* Licèt enim verum sit, uterum ipsum esse partem in hoc morbo principaliter affectam; nihilominus vel per sympathiam, vel à vaporibus ab utero elatis, musculi abdominis unà afficiuntur; iidémque, ut malum hoc excutiant, vehementi nisu contrahuntur, intestina fortiter comprimunt, tantàque violentià sursum adigunt, ut diaphragma indè motum suum deorsum versùs expedire nequeat, unde suffocatio huic morbo familiaris advenit. Arbitrantur vulgò mulieres, uterum ipsum ascendere, spirandiq; hanc angustiam inducere. Non equidem negaverim, quin uterus (durante hoc malo) sursum, deorsum, & in latus alterutrum nonnihil torqueri queat: si tamen media, quibus motus ejusmodi cecatur, ritè pensitentur; fatendum profectò erit, nec tam validè sursum agi, neque tam altè ascendere posse, ut diaphragmatis motum ad inferiora impediat. Ideòque assero, veram causam, cur septum transversum hoc modo ab ascendentibus intestinis opprimatur, à vehementi omnium muscutorum abdominis compressione proficisci: unde necessariò (ut dictum est) diaphragma vi sursum attollitur, spiritùsque unà exturbatur foras. Motum autem muscutorum dum dico, haud sanè voluntarium illum intelligo, sed convulsivum, eúmque omnibus abdominis musculis communem. Contingunt quidem aliquando, fateor, in

passione hysterica, ante aut post suffocationem plenariam, particulares quidam horum musculorum convulsiui motus; nempe in uno aliquo musculo, aut etiam parte ejus quadam peculiari, viz. in nonnullis illius fibris; adeo ut convulsio ejusmodi, ab his in illas ejusdem musculi fibras reptet, indeque pedetentim in alterius cujuscumque musculi partes similiter transferatur. Et quoniam convulsio istiusmodi, fibras peculiare, quas obsidet, inflat nodi aut tumoris alicujus attollit, locumque varie mutat, inde factum, ut tum ægræ ipsæ, tum alii etiam tumorem hunc mobilem extrinsecus sentientes, matriçi ipsi variam hanc loci commutationem adscribant. Verum cum fieri nequeat, ut uterus tam valide in dictos musculos incurrat, ut inde nodus ejusmodi excitetur, multoq; minus, ut huc illuc diversimodè vagetur, quemadmodum hic fieri perspicuum est, (ut jam alias rationes taceam, huc non afferendas;) certum arbitror, vagum hunc tumorem ab uteri ipsius in partem illam insultu minime provenire; sed esse duntaxat partium quarundam musculorum abdominis peculiarem mobilemque convulsionem; quemadmodum jam dictum est.

Nolim tamen quisquam existimet, me velle, generalem sive particularem hujusmodi musculorum abdominis convulsionem, integram morbi hujus idem comprehendere, omniâque symptomata ejus ab hac solâ causâ proficisci; sed ita habeat potius, non esse nostri instituti, de singulis hujus morbi partibus agere, nec quidem de convulsivis hisce moribus; nisi quatenus intestina, simulq; hepar ipsum sursum adigunt.

Inflatio ventriculi.

Ventriculus quoque flatu distentus, hepar sæpe sursum

sursum in diaphragma impellit adeò, ut respirati-  
onis libertatem impediat. Idem pariter præstat  
magnitudo hepatis nimia (qualis Rachitidi fami-  
liaris est;) & ingentes in imo ventre tumores, ve-  
luti in alcitide; unde fit ut hepar & diaphrag-  
ma sursum coacta, similiter respirandi difficulta-  
tem inferant.

Denique stomachus cibo potùque repletus, si- *Hepatis ad-  
nascentia.*  
tum hepatis aliquatenus variat, idémque sursum &  
in latus dextrum impingit, quemadmodum &  
colli, tenuiùve intestinorum inflatio, anteriorem  
jecoris crepidinem attollit, simulque posticas ejus-  
dem partes in spinam illidit.

Est morbus hepatis peculiaris, qui motui ejus  
haud parùm obest, consistitque in connexionibus  
illius cum nothis costis: dicitur autem *Adnascentia  
hepatis*, Angli *liver-growth* appellant; quanquam  
non ignoro, nomen hoc à multis irregulari nimi-  
òque hepatis incremento attribui, quale in Rachitide  
contingere solet. Hujusmodi adnascentia, sive  
adhæsió ejus, non solum respirationi incommodat,  
sed & exercitia, motùsque hepatis privatos  
imminuit, quibus ad varios humores secernendos,  
eisdémque in vicina loca deturbandos excitatur;  
quibùsque fit, ut obstructionibus, humorum pravorum  
congestionibus, accretionisque nimis minus  
sit obnoxium. Quippe motus (ut cuilibet notum  
est) attenuat, excretricem stimulat, humorumque  
concretionem, atque congeriem prohibet.

De motu hepatis, hoc solum addam ampliùs, *Non idem  
est omnium  
hepatis par-  
tium mo-  
tus.*  
finémque huic proposito imponam. Non omnes  
hepatis partes pari motu cientur, sed primò, partes  
ejus anteriores, exteriorésque magis moventur,  
quàm

quàm quæ dorso vicinæ sunt. Nihil enim est, quod motui earum impedimento esse queat, præter venam umbilicalem; quæ non adeò tensa est, quin facillè huic usui sese accommodet. Adde, umbilicum ipsum, hepatis motus sursum deorsumque verè unà sequi: quamprimum enim hepar sursum meat, umbilicus simul introfertur, adeò ut ligamento huic laxius spatiū concedatur, quò minùs ascenden-  
ti hepatis reluctetur: similiter, in hepatis descensu, umbilicus antè protrahitur; parùmque admodum anteriorum extimarumque ejus partium motui incommodat: è contrà verò spina locum nullum cedit; ideòque partes illi proximæ ægrè moventur. Præterea, pars antica diaphragmatis, quàm postica, magis sursum deorsumque mobilis videtur; quippe in sternò, acutiorem angulum, quàm in dorso, efficit: & certum est, ibi motum ejus maximè reperiri, ubi circumferentia ejus cum partibus thoracis ambientibus angulum maximè acutum constituit. Enimvero, si omnibus partibus thoracis circumcirca ad angulū rectum adjungeretur, non posset, in contractione suā, ullo modo deorsum ferri; adeòque motu hoc, thoracis capacitas arctaretur potius, quàm extenderetur. Quoniam igitur in sui contractione propterea deorsum fertur quia partibus thoracis vicinis ad acutum angulum adnectitur; necesse est, ut, ubi angulum maximè acutum constituit, ibidem quoque quàm maximè descendat; & per consequens, minimum moveatur, ubi connexio ejus ad angulū rectum proximè accedit; quod partibus ejus, spinæ primùm, dein sternò connexis, evenit. Porro, hepar, posticā suā parte, vena cavæ firmiter alligatur; ideòque ibidem, præ cæteris locis omnibus, maximè quiescit; reliquæque  
partes

partes cuilibet motui cedunt potius, quàm ut sedes illa ullo modo inturbetur. Adeò, ut locus ille, ubi hepar venæ cavæ adjungitur, sit veluti centrū motus reliquarum ejus partium, & sedes totius hepatis quàm minimè mobilis. Denique, medium diaphragmatis mediastino firmiter connectitur; ut eâ parte deorsum ferri zgrè queat. Ideòque arbitror (ut dictum est) diaphragma in extremis sui partibus facillimè moveri, cùm nulla ligamenta ibidem adsint, quæ illarum motum impendant, septimque transversū nothis costis ad acutos magis angulos conjungatur: unde fit, ut hepar iis in locis motu liberiore concitetur. Concludo itaque, hepar in anterioribus extremisque sui partibus facillimè moveri; minùs, in partibus posticis, iisque quæ spinæ incumbunt; minimùm verò, ubi venæ cavæ adhzret.

Supersunt adhuc nonnulla de situ hepatis inquirenda.

*Quæstiones*  
4. *discutenda.*

1. Cur hepar supremum in abdomine locum occupet?
2. Cur potius in dextro, quàm in sinistro hypochondrio positum sit?
3. Utrùm ratio aliqua assignari possit, cur, in homine, & similiter in brutis quoque animantibus, in dextro semper latere reperiatur.
4. Num situs hepatis in dextro latere, eidem plus virium aut promptitudinis ad motum conferat, quàm lateri adverso?

De his omnibus paucis agam, & suo ordine.



## CAPUT III.

Quæritur 1<sup>o</sup> *Cur hepar supremum in abdomine locum occupet?*

*Error*

Quæstionem hanc nonnulli supervacaneam arbitrabuntur; quòd, quemadmodum in civili locorum assignatione, prima sedes digniori conceditur, ità & hic pariter supremum in abdomine locum hepatis (utpote viscerum nobilissimo) deberi autument.

*refellitur,*

Regula verò ista in naturalibus haud est perpetua. Aliàs enim vesica fellea, urinariz, maximæque intestinorum parti præferenda esset; & omentum, mesenterio anteponendum; renesque succenturiati, ipsis renibus digniores æstimandi. Admittenda itaque solum hæc regula est, quando & alia simul commoda sese offerunt; quemadmodum in isto hepatis situ evenit. Quippe non modò hepatis dignitas, hanc prærogativam postulat; sed & aliæ causæ graviores, hic inquirendæ, eandem necessariò requirunt. Sunt autem illæ potissimum tres.

*Vera causa assignantur.*

1. Quia gibba hepatis pars, concava diaphragmatis superficiei aptissimè respondet. Si verò alia viscera ibidem locata fuissent, necessariò hiatus aliquis intercessisset, quem natura ægrè patitur.

2. Hepar alibi positum, minùs commodè ventriculū atque intestina amplexu suo fovisset; neque etiam aliis partibus æquè cum hepatis cavo convenisset, atque istis, quæ nunc illi subjacent; quæ

quæ molles & ad cedendum aptæ cùm sint, eidem instar pulvinaris, (in erecto præsertim homine) subserviuntur.

3. Quod tenera & friabilis hepatis substantia, collisus compressusque duriores, non sine damno maximo patiatur: idcircoque, ut ea effugeret incommoda, æquum erat loco tutissimo poni; nempe proximè sub diaphragmate, ubi costarum notharum muro defenderetur; & à prædictis malis libera esset. Estque hæc ratio cæteris præferenda.

## CAP. IV.

Quæritur 2<sup>o</sup> *Cur hepar potius in dextro, quàm in sinistro hypochondrio positum sit?*

UT secunda hæc quæstio clariùs intelligatur, concedendum primò arbitror, non potuisse Aorta & vena cava non debebant in eodem latere collocari. aortam simul & venam cavam, commodè in eodem corporis latere locari: ità enim de pulcritudine & symmetrià, (quæ in utriusque lateris proportionali similitudine magnopere consistit) plurimùm decederet: nec posset, ut par est, calor è corde emanans, utrique corporis lateri pariter communicari. Plurima quoque incommoda, talem vasorum sursum deorsumque distributionem necessariò comitarentur; ut cuilibet perspicuum est.

His itaque, aliisque similibus malis evitandis, natura utrumque vas, alterum dextro, alterum sinistro lateri attribuit; aded ut ambo latera sibi invicem

invicem æquipolleant, mutuâque inter ea (quantum saltem partium harum diversa natura patitur) similitudo obveniat. Aorta quoque vicinitate & calore suo Cavam fovet: & utranque commodissimè spina dorli tutatur; quæ cum sit veluti centrum motûs animalis, ipsa minimùm movetur, optimèque cavet, nè vasa istæ nimidum extendantur, aut subito contrahantur, ac breviora fiant; quas motuum vicissitudines vasa illa ægrè tulissent, neq; uspiam alibi ab earum injuriâ æquè tuta fuissent. Quippe ea minimùm moventur, quæ centro motûs vicina sunt. Concludendum itaque, venam cavam & arteriam magnam, non potuisse commodè in uno eodémque corporis latere constitui, nec uspiam rectius collocari, quàm ubi nunc sitæ sunt.

*sed oportuit  
aortam esse  
in sinistro,*

*et cavam  
in dextro.*

2<sup>da</sup> Ut res hæc luculentius constet, asserimus porro, debuisse arteriam magnam in sinistro vertebrarum latere, venam cavam autem in dextro ferri. Licet enim cor præcisè in medio thoracis situm credatur, (quod aliquo modo verum est) ventriculus tamen ejus sinister, manifestè sinistrorsum vergit, dexterque in latus oppositum exporrigitur. Oportebat itaque necessariò, arteriam è sinistro ejus sinu oriundam idem latus servare; venamq; cavam dextro cordis ventriculo continuam, dextrorsum descendere. Quippe naturæ (quæ omnia sapienter instituit) haud congruum erat, vasa hæc decussatim è latere in latus frustra transferre, eorundemq; distributionem hoc pacto difficiliorem magisque incommodam efficere.

3<sup>a</sup> Præsuppositis iis, quæ jam diximus; debuisse nempe arteriam magnam in sinistro latere locari, & venam cavam in dextro; affirmamus tertio,

tertio, factum esse necessario, ut hepar in dextro latere situm suum obtineat. Nam primo, hepatis (præ cæteris omnibus partibus) minima cum arteriis intercedit familiaritas; quarum una solum eaque perexigua à ramo cæliaco ad ipsum pertingit. Incongruum verò foret, tam grande viscus arteriæ magnæ vicinum constituere, cum qua tamen exiguum admodum habiturum esset affinitatem; partesque alias longius amovere, quæ ramos ampliores à dicta arteriâ mutuuntur, majoræque cum eadem necessitudine gaudent. Deinde metuumdum, nè Arteria magna, violentâ suâ pulsatione, noxam aliquam teneræ friabilique hepatis constitutioni inferret, si ambo in eodem latere ponerentur: hepar enim, præ magnitudine sua, necessario arteriæ eo modo jungeretur, quo nunc venæ cavæ adhæret; quippe hypochondrium sinistrum, nullo relicto spatio inani, prorsus impleret. Porro, plurimum hepatis cum vena cava intercedit commercii, ramique hujus prægrandes in illud diffeminantur. Si autem in diverso latere sita essent, rami illi incommodè, imò verò ineptè (siquidem propius iter est) per anfractuosam illam semitam ad hepar pertingerent. Denique, haud parva est hepatis cum sanguine venoso familiaritas; & verisimile est, illa sese mutuo fovere ac refocillare. Quoniam igitur vena cava per dextrum latus deferenda erat, debebat certè & hepar quoque idem latus occupare.

Objicies forsitan, situm hepatis haud deducendum esse à vena cava, sed debere potius hujus situm illius posituram sequi: siquidem (ex sententia communis) vena cava ex hepate oriunda est, ideòque determinatus hujus locus requiritur, antequam illa efformata

*Hepar si-  
tum suum  
à corde mu-  
tuatur.*

efformata fuerit. Respondeo (omissâ interim dis-  
ceptatione de venarum origine) venæ cavæ ne-  
cessariam insignemque cum dextro cordis ven-  
triculo affinitatem intercedere; parti scilicet hepate  
longè nobiliori: debuit itaque illa sic collocari, ut  
cordi quàm aptissimè inserviret. Enimvero æquum  
est, ut hepar potiùs cordi, quàm hoc illi sese accom-  
modet. Et ut verum sit, hepar dignitate venæ cavæ  
præcellere; tamen necesse est, ut ambo de suo jure  
concedant, ubi cordis res agitur, cujus utili-  
tati utrunque obsequitur. Ad primatum autem  
hepatis quod attinet, (præteritâ impræsentiarum,  
ut diximus, quæstione de venarum origine) assero,  
venas ratione ~~verius~~ hepati saltem coætaneas esse;  
neque hujus formationem prærequiri, ut illæ ab  
eodem orientur. Quinetiam, licet id concedatur,  
congruum tamen erat, ut vena cava situm cordi  
conformem obtineret, utpote quod (in naturæ  
saltem intentione) utrique præcesserit. Quippe  
non modò sitûs, sed & existentiz eorum haud alia  
ratio fuit, quàm ut cordi adminicularentur: i-  
deoque hepar & vena cava, situm suum à corde  
potiùs accipiunt, quàm ut huic legem aliquam  
statuant. Debet itaque, cui sitûs harum parti-  
um veram rationem reddere est animus, hepatis  
posituram, ad illam cordis; non autem hujus  
legem, ad illius normam exigere.

*Cordis posi-  
tura.*

Si quis porrò quærat, cur præcipuus cordis  
ventriculus in sinistro latere, sequior autem in  
dextro locetur? haud statim ad jecur recurren-  
dum est, circulusque in causarum assignatione  
instituendus; sed penitiùs potiùs inquirendum,  
num-nam aliz laterum corporis differentiz repe-  
riri queant, quæ situm cordis diversimodè respici-  
ant,

ant, idémque huic (quam nunc obtinet) posituræ præfinit? Debent tamen istæ differentiæ esse ejusmodi, quæ non planè à præfenti cordis situ dependeant: aliàs enim positio eorum potius à corde petenda esset, quàm cordis situs ab eorum positura definiendus. Ideoque si finxeris, finistrum cordis ventriculum in latus dextrum, paritèrque dextrum in lævum latus transferri, cogitandum unà necessariò est, arteriam magnam, venam cavam, hepar, ventriculum, lienem, pancreas, omentum, &c. simul de loco in locum transiisse. Quod ubi feceris, nulla ratio ab iis deduci poterit, cur ventriculi cordis, in primo homine, ad eum modum efformari non potuerint. Quippe partes hoc pacto transpositæ, haud minùs bellè, commodèque munus suum (quo nunc funguntur) obiiissent. Nam reliquæ corporis partes geminæ cum sint, in quocunque latere ventriculum cordis alterutrum constitueris, eodem prorsus modo easdem respiceret. Concludo itaque, nihil fuisse in protoplasto discriminis, quo minùs cor, dictæque partes in utrolibet latere collocari potuerint; nihilque in animali existisse, cuius gratià Creator ventriculum cordis præcipuum sinistro potius lateri, quàm dextro attribueret, præter ipsius beneplacitum, voluntatèmq; liberam, quæ sic fieri voluit.

Si quis hanc sitûs cordis in protoplasto determinationem, casui fortunæve potius, quàm Creatoris voluntati adscripserit; is secum cogitet, cunctis omnino animalibus (quorum corda bifariam excavata sunt) ventriculos istos eodem modo, quo in homine reperiuntur, obtigisse: eritque id planè contrariæ sententiæ stabilimentum. Fieri enim nequit, ut incertus casus tot tamq;

diversorum animalium corda ad eandem normam fabricaverit. Fortuna igitur ab hoc negotio excludenda, adstruendâque est unica summi Creatoris voluntas. Haud equidem mihi in more est, neque etiam æquum arbitror, quenquam, in rerum naturalium indagine, ubi secundæ causæ in promptu sunt, ad primam statim confugere : verùm in quæstione propositâ, ubi de protoplasto agitur, in quo nulla ratio inveniri potuit, quæ Creatorem ad hunc potiùs ventriculorum cordis situm, quàm ad illum fabricandum impelleret, mera ipsius voluntas assignanda erat.

## CAP. V.

Quæritur 3<sup>o</sup> *Cur in homine (&c, ad ejus normam, in aliis quoque animantibus) hepar semper in dextro hypochondrio situm sit ?*

*Inquirendi  
occafio.*

Quæstio hæc oritur ex eo, quod novissimè à nobis dictum est ; nempe perinde fuisse, in utronam latere dexter cordis ventriculus, vena cava, hepar &c. in protoplasto sita essent. Quoniam autem hepar, vena cava, exteriôrque cordis ventriculus in dextro latere semper reperiuntur, resque similiter in aliis animantibus sese habet ; quærat meritò aliquis, utrùm immutabilitatis, similitudinisque hujus ratio aliqua reddi queat ? Licet enim (ut diximus) causa nulla esset, cur dictæ partes in protoplasto situm hujusmodi obtinerent ; possit tamen fortè ratio aliqua inveniri, cur hoc in posteris ejus perpetuò contingat, cæteræque

reque animantes omnes eandem normam sequantur.

Primò itaque, quoniam genus omne humanum, *Causa rei efficiens* similitudine quadam ab eo derivatum est, qui prior extitit; necesse est, tam expressa hæc prototypi vestigia, à patre in filium continuè transferri; nisi fortè vis plastica casu aliquo sive ab impedimento externo, in situ partium constituendo turbetur. Quod si evenerit, partes à communi naturæ regulâ desciscentes, anomalæ saltem atque imperfectæ, si non & monstrosæ, æstimandæ sunt. Petitur quidem hæc ratio à causa efficiente; sùntque etiam aliæ à finali deductæ, haud negligendæ tamen, siquidem sapientiam & providentiam Creatoris in hac rerum gubernatione demonstrant.

2.<sup>a</sup> (Estque ratio finalis) partes istæ situm su- *finalis*, um uno perpetuòque tenore servant, ut tam in vivis, quàm demortuis, factâ corporum dissectione, de partium omnium situ indubitatè constet. Enimvero si istæ fortuitò, modò in dextro, modò in sinistro latere collocarentur, situs earum haud adèdò certò cognosceretur, atque artis Medicæ interesset; ipsæque Anatomia de situ harum partium in viventibus, & nondum dissectis, nihil explorati nobis relinqueret.

Tertia ratio, situs partium in brutis cum ho- *item alia*, mine analogiam præcipuè respicit. Quamprimum enim Creator partium harum positionem in homine præfinierat, æquum erat ut earundem situs in brutis quoque ad consimilem normam adaptaretur; quantum saltem ipsarum partium natura permetteret. Nam licèt bruta ante hominem creata fuerint, Naturæ tamen intentione homo



prior extitit, eidemque illa famulantur : ac propterea quantò propius ad domini sui imaginem accedunt, ejusque usui inserviunt, tantò quoque nobiliora & perfectiora habenda sunt. Inter alia verò commoda, quæ sitûs partium in brutis cum homine conformitas secum apportat, haud leve æstimandum est, quòd arti Anatomice plurimùm conferat. Quippe cùm cadavera humana nec omni tempore, neque ubique locorum in promptu sint, potest hujus artis cupidus ob eam, quam diximus, partium animalium conformitatem inter se, ipsa brutorum dissectione, ad imperfectam saltem aliquam sitûs partium in corpore humano cognitionem pertingere. Eòq; validior hæc ratio est, quòd omni ferè ævo nonnulli superstitiosi adeò reperti sint, ut nefas esse crederent, cadavera humana discindere.

*et alia.*

4.<sup>ta</sup> Ista sitûs partium immutabilitas, seu fundamentum à natura constituitur, quo latus dextrum à sinistro distinguatur. Quamvis enim ex decreto humano, latera illa satis distingui poterint; quoniam tamen discrimen hoc à solo hominum consensu natum esset, (non autem ab aliqua ipsorum laterum differentiâ) potuisset idem temporis tractu, & in dissitis longè regionibus, prorsus aboleri, aut immutari adeò, ut latus dextrum fortè sinistri nomine aliquo loco aut tempore veniret, & termini illi (dextrum, sinistrum) eatenus incertæ significationis redderentur. Ideoque certam hanc & definitam partium in homine pariter atque aliis animalibus positionem, distictæ laterum nomenclaturæ inservire arbitror. Et cùm hepar, præ cæteris partibus, latus unum ab alio discriminet, idem quæstionis hujus (nempe

pe de situ hepatis) ansam præbuit. Quoniam autem situs illius, in quibuscumque animalibus, in dextro semper latere reperitur; oritur inde sequens dubitatio.

## CAPUT VI.

Quæritur 4.<sup>ta</sup> *Utrum situs hepatis in dextro latere, plus roboris, motusque expediendo promptitudinis, huic lateri, quam alteri conferat?*

UT quæstio isthæc rectius intelligatur, comparanda est influentia hepatis in latus dextrum, cum influxu illo, qui à ventriculo, liene, omento, & pancreate, sinistro lateri communicatur: quippe partes istæ hepati sunt ἀντιστήνορες. Nec dubitandum, quin hepar in dextrum, quàm in sinistrum latus, potentiùs influat; & similiter lien, ventriculus, pancreas, & omentum, sinistro lateri influxus suos majorem in modum impertiant. Accensendus porrò lateri sinistro calor ille, qui à magna arteriâ, sinistroque cordis ventriculo profluit.

Virtus autem sive influentia hepatis, consistit vel in temperie, vel in vapore sive exhalationibus ejusdem. Temperies ejus videtur moderatè calida & sicca, leniter adstringens, fovens, firmansque partes vicinas, nihilque prævæ noxiæve qualitatæ in se continens. Similiter & vapor illius temperiei affinis est; & quandiu sanitate fruitur, nil nisi bonum atque utile, firmitudinem ac vigorem

gorem partibus vicinis afflat. Ut verum hic sit adagium illud, *Aliquid boni, ob vicinum bonum*: nempe toti lateri dextro, ob hepatis viciniam, bene est.

*lienis, in si-  
nistrum*

Ex adverso autem, lienis, pancreatis, omenti, & ventriculi virtus virisque cum hepate comparandæ sunt. Probro quidem à quibusdam lienis datum est, quasi ipsi cum spurco & cœnoso duntaxat sanguine res esset, & sedes melancholiæ existeret, acidoque humori in ventriculum effundendo per vas breve venosum inserviret. Alii verò contrà tantis laudibus extulère, ut hepatis munus illi adscriberent. Quodcumque autem ejus officium fuerit (de quo impræsentiarum non litigabo) existimo certè, influentiam ejus in partes circumsitæ, hepatis influxui congenerem esse. Quoniam verò (in corporibus sanis) hepar quadruplo (& fortasse sextuplo) lienem magnitudine exuperat; oportet etiam virtus ejus, lienis efficaciam tantundem antecellat. Ideoque, reliquæ partes in sinistro latere sitæ, in subsidium advocandæ sunt, ut hepatis huic præstantiæ æquipolleant.

*ut & pan-  
creatis*

Pancreatis quidem temperies videtur humida, laxa, flaccida, & moderatè calida; estque vapor illius necessariò consimilis, nempe humidus & relaxans. Humor quoque, quem de se emittit, videtur ejusdem temperiei esse, scilicet lenis & lubricus, minimùmque adstringens: ut ab illius effluviis parùm admodum soliditatis, roboris, aut firmitudinis, partibus vicinis expectandum sit.

*omenti,*

Omentum similiter (è pinguedine ferè compositum) emolliendis, humectandisque parti-  
bus

bus præcipuè conducit, parùmque stabilitatis iisdem attribuit.

Ventriculus ipsemet, licèt nervis fibrisque abundet, eoque nomine robur præ se ferat, longè tamen minùs, quàm hepar, calidus habetur; siquidem is calorem suum ferè omnem à partibus proximis mutuatur. Præterea, vapores sive exhalationes ab eodem elatz, haud prorsus ab illius substantia, aut tunicis prodeunt, sed maximè à materiâ in iisdem contentâ: unde sæpe fit, ut incommodæ & noxiæ potiùs, quàm beneficiæ evadant. Quippe inanito ventriculo, sæpe supersunt humores visciidi, pastûsque præteriti reliquiæ (abductis jam partibus purioribus in corporis alimentum) unde locis vicinis plusculum afflatur incommodi. Quinetiam eodem pleno existente, cibisque probis saturo, cùm tamen hi minùs adhuc coctione assimilati sint, vapores indè elati aliquandiu crudi & heterogenei manent, partésque proximas relaxant. Adeò ut utrobique beneficium, quod iis à ventriculo accedit, damnum ab eodem illatum vix compenset.

Ex iis, quæ hætenus diximus, inferre licet, majus longè commodum dextro lateri ab hepate advenire, quàm sinistro ab iis partibus quæ hepatis oppositæ sunt: ac propterea, plus etiam roboris in illo latere, quàm in hoc reperiri: nisi fortè arteria magna in sinistro latere sita, aliquid fecerit in contrarium. Qua de re nunc videndum est.

Fatendum quidem est, arteriam magnam <sup>atque Aor-</sup> plus solatii virtutisque sinistro lateri tribuere, <sup>sc.</sup> quàm dextro à vena cavâ affertur. Haud adeò

magni tamen discriminis res est, ac cuius primò statim intuitu videatur. Primò enim, rami arteriæ magnæ utroque versum exporriguntur, artibusque ( in quibus robur corporis potissimum consistit ) hîc & illic pariter de iisdem participant; adeò, ut differentia omnis in ipsius trunci situ deprehendatur. 2.<sup>a</sup> Ipsemet truncus ejus parum admodum à media spina recedit; ideòque haud multò plus roboris uni quàm alteri lateri inde affluit. 3.<sup>a</sup> Tunica illius multò crassiores densioresque sunt, quàm quibus vena cava induitur, adeòque sanguinis in se contenti vaporem potentius coërcent. Quare crediderim, influentiam horum vasorum in partes vicinas per halitum aut vaporem, utrobique ferè æqualem esse; præcipuumque ejus discrimen constare in diverso caloris actualis gradu, quem illa partibus circumfinitis impertiunt. 4.<sup>a</sup> Minor quoque hæc sit differentia, ob viciniam venæ cavæ cum arteria magnâ, quæ descendens ( antequam bifurcatur ) eandem supergreditur, unde calor Cavæ invalescit. 5.<sup>a</sup> Sinistro cordis ventriculo dexter æquipollet: uterque enim corpus unicum constituit, quod in medio situm est, & à lateribus æqualiter distat. Neque etiam porrò alterutrius ventriculi vapor capsulam cordis penetrat: unde virtute pares redderentur, etiamsi aliàs discrimen aliquod inter eos intercederet. Præterea, ut sinister ventriculus altero est calidiôr, ita etiam parietibus crassioribus circumvallatur; ut, manu impositâ, calor utrobique nullo discrimine percipiatur; multò verò minus circumpositâ capsulâ, quæ utrumque ventriculum æqualiter respicit.

Subductis

Subductis igitur utrinque calculis, facile constat, differentiam illam (quæ ab arteria magnâ, sinistroque cordis ventriculo oritur) minoris momenti esse, quàm ut discrimini, quod ab hepatis in dextro latere positione nascitur, sit æquiparabilis: ac propterea etiam plus roboris atque agilitatis masculis actionibus edendis, in dextro, quàm sinistri lateris artubus reperiri.

Idque inde porro innotescit clariss, quòd apud plerasque gentes, omni ævo, locòque validis & opperiosis actionibus expediendis dextra *Gentium in eâ re consensu.* manus adhibeatur, eidemque sinistra in subsidium duntaxat adveniat. Quum enim nec instituto, neque imitatione aliquâ mos iste invaluerit, maneâtque in tam dissitis locis, variisque temporibus, firma omnium in hac re consensio; intelligi necesse est, subesse in Natura fundamentum aliquod, cui actio tam uniformis innitatur. Nec videtur fundamentum aliud substrui posse, præter dictam lateris dextri aptitudinem, quæ ab hepatis ibidem situ originem ducit.

Objicies, reperiri nonnullos, qui non minus gnaviter et expedite lævâ manu utantur, quàm alii dextrâ solent, &, ut hi sinistrâ minus valent, ita illis dextram manum imbecilliorē esse. Unde probabiliter saltem quis deduxerit, latera inter se usu duntaxat & consuetudine distinguī. Inque ulteriorem hujus rei confirmationem, dici possit, infantes sæpe & pueros, naturâ duce suâque sponte, lævâ manu crebrius quàm dextrâ uti; usumque hunc (nisi à nutribus tempestivè corrigatur) in consuetudinem postea & veluti naturam abire: quod dextri lateris

ris ad motum promptitudini, magis quàm sinistri, parum convenit.

Porro, quamvis brutis etiam (quæ utrunque latus necessariò æqualiter exercent) hepar in dextro latere situm sit, ea tamen utrobique pari robore donantur. Indicio probabili, diversitatem hanc in hominibus, à disparili usu atque exercitatione unius lateris, præ altero, originem trahere.

*respondetur,* Ut clariùs objectionibus his respondeam, duo primùm concedenda sunt (nempe distinctionis ergò) quæ tamen prædictis neutiquam adversentur.

1<sup>o</sup> Amborum laterum naturale discrimen, rective præ sinistro robur, haud adedò insigne esse, quin facilè à perpetuâ sinistri lateris, magis quàm dextri, exercitatione superari queat. Quod ab objectione præmissâ perspicuè evincitur.

2<sup>do</sup> Fatendum est, sinistrum latus nonnullis actionibus aptius, quàm dextrum, convenire. Sunt enim actiones masculæ, & fœmineæ: illæ soliditatem, firmitudinem, & robur partium spectant; hæ autem potius mollitiem, teneritudinem, facilèmq; earundem sensum respiciunt. Validi, sibi quæ constantes motus, ad masculas actiones pertinent: sensuum autem acumen, lassitudo, & instabilitas, ad fœmineas referendæ sunt.

Quoniam igitur dextri lateris artus (ut dictum est) naturâ suâ solidiores, firmiorèsq; sunt, quàm qui in latere adverso situm suum obtinent; necesse est, eosdem quoque masculis actionibus obeundis magis idoneos esse: debentque, ex altera parte, sinistri artus esse teneriores, delicatiores,

tiores, atque alterationibus magis obnoxii, & consequenter acutiore sensu pollere. Quippe sensuum agilitas & acumen, à facili in eos objectorum impressione provenit, quæ à constitutione partium tenerâ, facileque alterabili dependet. Dictum vetus, *Aurium mollior sinistra*: est scilicet, ob teneritudinem, ad audiendum promptior, quàm dextra. Similiter existimo, si qua inter oculos est diversitas, sinistrum dextro perspicacitatem esse, & fortè etiam certum magis, si quando collimantes aciem nostram in rem aliquam defigimus. Referunt sacræ paginæ, *Benjaminitas* tantæ olim peritiz fuisse, ut vel capillum lapide è funda projecto attingerent. *Benjaminus*, *dextræ manus filium* significat: illi verò *Judic. 20. 16.* dicuntur sinistrâ manu usi. Crediderim certè, illorum in collimando dexteritatem, partim à sinistri oculi perspicacitate profectam, partim etiam diligenti eorum consuetudini tribuendam esse. Scævæ quoque cum dextrâ manu utentibus prælio commissi, plerunque plus possunt. Id autem casu duntaxat evenit; quòd nempe illi cum talibus pugnare soleant, hi verò rarissimè cum sinistrâ utentibus manus conferant.

His ità positis, licèt fatear, discrimen laterum inter se exiguum esse, & robur dextri lateris facile à continua sinistri exercitatione superari, sinistrumque latus in scæmineis quibusdam actionibus dextro præpollere: haud concedendum tamen, utrumque latus in masculis actionibus perficiendis naturaliter æquale esse; siquidem dextrum latus, quàm sinistrum, in hujusmodi munere est præstantius.

Idque porrò vel inde constat, quòd, etsi amborum

*eademque  
limitatur.*



borum pedum in homine æqualis usus est, dexter tamen sinistro plerunque firmior, robustior, magisque masculus reperiatur.

Quod aiunt, puerulos suâ sponte sæpe sinistrâ manu uti : sciendum, id, ubi evenerit, non propterea fieri, quòd aptius rem aliquam sinistrâ prehendant, vel perinde iis sit quâ manu utantur ; sed casu aliquo cogi, sinistrâ potiùs quàm dextra uti : nempe si res tractandæ (ob incuriam) sinistræ manui frequentius quàm dextræ offerantur ; vel si infantes sæpius, in dextrum latus decumbant, aut sinistram mammam sugant ; quibus sit, ut (impeditâ dextrâ) lævâ manu liberius utantur ; aut si nutrices puerulum frequenter brachio sinistro circumferant, (ut solent, quòd ipsis manus dextra negotiis obeundis parata sit ; ) namq; eo pacto, libera manûs dextræ exercitatio à corpore nutricis contiguo præpeditur, dum lævâ (prout iis libitum fuerit) utuntur.

Quod ad ea attinet, quæ de brutis allata sunt ; ut dem, artus eorum plerunque in utroque latere æqualiter exerceri ; haud concedam tamen, eosdem æqualis utrobique roboris esse. Observatum quippe ab agathonibus, malum sinistro alicui pedi illatum, plus damni equo afferre, quàm si idem adverso pedi contigisset : quia nempe leve incommodum dextro pedi inflitum, ab eisdem lateris præstantiore robore compensatur ; augetur verò à loci imbecillitate, si lævo lateri incussum fuerit. Idemque similiter discrimen in aliis quoque animalibus, à pecorariis animadversum est. Concludendum igitur, constitutam esse aliquam à Natura laterum differentiam ; dextrumque latus ob hepatis præsentiam, sinistro

sive viribus, masculisque actionibus exequendis  
præcellere.

## C A P. VII.

### *De Hepatis Magnitudine.*

**M**agnitudo partium, quæ in Anatomicam  
considerationem cadit, non tam absolutam,  
quàm relativam sive comparativam earum quanti- *Magnitudo*  
tatem respicit. Quoniam enim diversarum specie- *relativa.*  
rum animalia, magnitudine inter se immensum dis-  
crepant; similis quoque & variarum eorundem  
partium diversitas (saltem proportionem aliquà)  
expectanda venit.

Quorundam animalium cor, aut alia pars quæ-  
piam, aliorum integra corpora plus quàm millies  
excedit: tale est cor bovinum, si cum toto acari  
corpusculo comparetur.

Præterea, in una eadèmq; animalium specie,  
ætatis discrimen, magnam earundem partium dif-  
ferentiam apportat: nempe viri manus, ab illa  
pueri plurimum discrepat.

Videtur itaque partium magnitudo, in quam  
potissimum Anatomia inquirat, consistere in pro-  
portionem quadam, vel partium ad totum, aut par-  
tium ipsarum inter sese, in eodem animali; vel  
totius, partiumve diversorum animalium compa-  
ratarum ad se invicem: citra exclusionem ta-  
men magnitudinis absolutæ, quæ comparativæ  
fundamentum est.

Partium magnitudo & proportio, dignoscitur  
vel mensurâ, vel pondere.

Mensura explicat partium dimensiones: nempe *Partium*  
earum longitudinem, latitudinem, & profunditatem. *mensura,*  
tatem

tatem five crassitiem. Earum verò partium magnitudinem certius metimur quæ inter se comparatæ eandem figuram sortiuntur : cujus generis sunt intestina, scilicet rotunda, cava, & in longum protensa, idque in omnibus ferè animalibus ; & similiter partes omnes congeneres in animalibus ejusdem speciei, utpote plerunque uniusmodi figuræ. Quotiescunque autem partes ( quamvis congeneres ) figuris diversis constant, haud adeò commodè proportionem earum mensurâ aliquâ expediuntur. Poterit enim, verbi gratiâ, hepar anguineum humano hepatis longitudine æquale esse, & tamen ad centesimam hujus magnitudinis partem non accedere. Utile itaque fuerit, in definienda partium magnitudine, haud mensuram solum, sed & pondus earum assignare.

*de pondus.*

Pondus denotat materiæ copiam, in toto, vel parte aliquâ quam appenderis : explicat etiam proportionem corporis alicujus integri, ad aliud integrum ; partis quoque unius, ad aliam ; & totius, ad quamlibet sui partem. Eaque omnia ad amissim præstaret, nili sanguis plus minúsve in parte hærens, aut excrementum aliquod, vel humor, materiæve alia, incertitudinem aliquam afferrent. In cujus rei remedium, partes illæ quæ ventriculis five cavitatibus majoribus donantur (in quo censu sunt cor, ventriculus, intestina, vesica, &c.) faciliè ab inhærente sanguine, aliæve materiâ liberari possunt, ac deinde errore quàm minimo appendi. Præstiterit autem forsitan, partes alias solidiores & cavitatibus ejusmodi destitutas, integras primò, & citra sanguinis secretionem ullam appendere. Quippe congeneres partes, ut plurimum, plus minúsve sanguinis

guinis in se continent, prout magnitudine inter se pares imparésve fuerint: ideoque nec proportio illarum magnopere incerta redditur, etiam si eadem unà cum sanguine ponderentur.

Quoniam tamen haud certò dignosci potest, quantum pars quælibet, & sanguis in eadem contentus, seorsim pendant, si pars illa unà cum sanguine appendatur; utile fuerit, (examinato simul utriusque pondere, partem frustillatim discindere, aquâ calidâ abluere, & frequenti digitorum attritione sanguinem inde omnem exprimere, carnemque denuò appendere: hoc pacto enim facilè constabit, quanti ponderis caro sola sit, &, per consequens, quantum sanguis ipse pendat, quem his artibus ex eadem eduximus.

Atque hæc quidem de magnitudine partium universim à nobis dicta sunt; præcipuè quoniam media earum magnitudo, & usitatæ ad se invicem proportionēs, nec mihi, nec alii culpiam (quod sciam) satis hætenus perspectæ sunt. Feci quidem experimenta aliquot, adhibitis pondere simul & mensurâ: sed fortè nulla in constitutionibus mediis, nec in ullis quidem tam crebra, ut conclusionibus inde certò deducendis sufficiant. Ideoque defectus hujus supplendi ergò, rationes quasdam exhibui, quibus quis instructus, semet (datâ aliquando occasione) facilè in hoc negotio expediat.

Longitudo hepatis, in convexa ejus parte, major est quàm in cava; siquidem illa instar arcus, hæc verò chordæ instar sese habet. Idemque similiter de latitudine ejus dictum puta.

Cavi hepatis longitudo (quoad mihi saltem experiri licuit) proximè respondet intervallo, quod

*Hepatis longitudo.*

*Latitudo, et crassities;* quod cubitum carpumque interjacet. Latitudo ejusdem, manus ferè longitudini æqualis est; & crassities, cum tali altitudine commensurus proportionem obtinet. Debent autem hæc de adultis potiùs, quàm de recens natis intelligi.

*pondus medium.* Medium hepatis pondus, uti & dimensiones illius mediz, in optima sanitatis constitutione, in statura etiam ætatèque mediis inquirendæ sunt. Quantum hætenus quidem indagine assequi potui, totius corporis pondus tricies & sexies hepatis pondus exuperat: estque sanguis totus ejusdem corporis pars circiter duodecima.

Die decimo-octavo mensis Decembris, anno 1650. Mulieris cujusdam in Collegio Medicorum Londinensium dissectæ totum corpus libras 108. mercatorias pendit: hepar illi erat trium librarum & sex drachmarum pondo: totius itaque corporis gravitas, hepatis pondus tricies & quinquies pendebat, & præterea drachmas 174. quæ dimidio hepatis ponderi æquales sunt, minus uncis duabus & quinque drachmis. Nata erat annos circiter viginti quatuor; eratque, pro corporis magnitudine, procerior. Paulòque antea, die scil. vicesimo quarto mensis Octobris ejusdem anni, canem juvenem, vegetum, gracilem, & pusillum appendi; eratque jecur ejus, proportionem habitâ ad totum corpus, majus multò, quàm hætenus in homine aliquo observaverim. pendebat enim totius corporis partem vicesimam quartam.

*ponderum discriminâ.* Pondus hepatis, cum totius corporis pondere collatum, in hominibus macilentis, & magnis

nis venis præditis, majus est, quàm in pingui-  
bus, iisque quibus minores venæ contigerunt.  
Eorum quippe calor acrior, temperiêsq; chole-  
ræ & adustioni vicinior est, ideòque majoribus  
quoque vasis felleis iis opus est, quibus bilem  
excernant; & consequenter, hepar grandius ad-  
sit oportet. Præterea, adauctâ reliqui corpo-  
ris pinguitudine, hepar tamen nihilo pinguior  
redditur; ac propterea plusculum huic de pristina  
proportione decedit.

Pondus hepatis in pueris, comparatione  
factâ cum toto corpore, majus est, quàm in  
adultis. Videturque id necessariò contingere; ut  
sanguis eorum defæcator, lenior, dulciòrque  
servetur, atque adèò nutritioni magis idone-  
us, & tenellæ partium ipsorum constitutioni  
aptior reddatur. Hepatis enim munus est,  
partem sanguinis morâdâcem acrêmque foras  
excernere: ideòque idem quò grandius (modò  
sanum) fuerit, eò rectius quoque hoc munus ex-  
pedit.

Crediderim sanè, hepatis pondus in viris pa-  
riter ac fœminis, ad totum utriusque pondus  
eandem proportionem obtinere. Licèt n. in vi-  
ris (utpote naturâ calidioribus) aliquantò ma-  
jus credatur; quoniam tamen sanguis in muliere  
mitior requiritur, idque partim ratione consti-  
tutionis propriæ, partim etiam (& quidem  
præcipuè) uteri gerendi, infantêmque lacte  
nutriendi causâ; videtur huic hepar, respectu  
corporis proprii, haud minus quàm viro obti-  
gisse. Hepatis enim officium est, (ut diximus)  
sanguinem mitem & temperatum reddere; talisq;  
quoniam in muliere potissimùm requiritur, ei-  
dem

dem quoque vel hoc nomine, hepar grandiusculum, non minùs quàm viro ob calorem eximium debebatur. Unde factum, ut uterque sexus eàdem ferè ejus proportionem gaudeat.

Jecinora Eunuchorum, præsertim in adolescentia castratorum, pari cum viris aliis proportionem habità, minoris ponderis sunt. Ità similiter hepar caponis, quàm galli, minùs pendit. Animalium quoque aquatiliùm hepata, terrestrium jecinoribus minora sunt. Hujusce autem rei causæ fortè fuerint, 1.<sup>o</sup> caloris defectus, de quo jam diximus. 2.<sup>o</sup> humiditas & interna lubricitas sanguinis, quibus fit, ut hepar faciliore negotio pertranseat, minùsque in itinere restitet, quàm in aliis animalibus fieri solet; ideòq; parcius quoque, (quàm in istis) apponitur, corporisq; substantiæ assimilatur.

*Objeſſio  
soluitur,*

1. Objiciat aliquis, cùm sanguis in omnes partes æqualiter distribuatur, oportere quoque easdem de incremento suo æqualiter amittere. Respondemus autem; partes quaslibet, ob jam dictam lubricitatem, minùs crescere; cæteris tamen partibus minùs indè incommodi (quàm hepatis) accedere. Quippe caro musculosa & tendines in capone minores, quàm in gallo reperiuntur; sùntque etiam membranæ in eodem tenuiores: capo tamen (quàm gallus) faciliùs pinguedinem induit, quæ ab ejusmodi lubricitate non tam impeditur, quàm promovetur; oritur n. à partibus sanguinis pinguioribus extravasatis. & in cellulis quibusdam membranarum adiposarum reconditis; quæ membranæ, dum à dicta lubricitate relaxantur, excipiendis ejusmodi corporibus magis idoneæ redduntur. Veterinariis

riis observatum est, equum spadonem, si quando pinguedinem suam amiserit, eandem denuo levi negotio refarcire; sin autem musculosæ carnis jacturam aliquam fecerit, illam non nisi difficulter longoque tempore redintegrari denuo. Equus autem non castratus, perinde hanc atque illam recuperat. Jam verò lubricitatem sanguinis, magis impedire hepatis, quàm aliarum partium, incrementum; vel hinc mihi verisimile videtur, quòd humor quilibet lubricus hepati (præ cæteris omnibus partibus) parùm congruat, adeoque eidem nutriendo minùs idoneus sit: est n. hepar pars friabilis; humores autem lubrici, in substantiam friabilem haud faciliè condensantur, sed potiùs in viscidam.

Possit quis denuo reponere, lubricitatem sanguinis majorem in fœminis, quàm in viris reperiri; & illis nihilominus, pro corporum proportionem jecinora esse non minora, quàm viris; ut à nobis modò dictum est.

Respondeo autem 1.<sup>o</sup> nimiam sanguinis asperitatem incremento corporis non minùs obesse, quàm lubricitatem eam quæ modum excesserit; inter hæc extrema verò consistere qualitatem illam, à qua nutritio promovetur. Addo 2.<sup>o</sup> virorum sanguinem asperitate potiùs, quàm lubricitate abundare; eidemque præterea superadditam esse acrimoniam sive feritatem quandam corporis nutritioni parùm amicam, utpote quæ à miti potiùs & leni sanguine adjuvetur, ac promoveatur. Quoniam igitur sanguis in viris asperior, simulque acrior & biliosior, quàm in fœminis, reperitur; concedendum etiam videtur, sanguinem mulierum non minùs commodè, quàm virorum



rum, nutriendo hepati conducere. Dico 3<sup>a</sup> virorum ac mulierum sanguinem, lubricitatis ratione, haud multum à se invicem discrepare; licet eâ qualitate mulierum sanguis aliquantulum præpollat. Quamvis enim sanguis mulierum, virorum sanguine sit frigidior, humidior, mitior, atque lenior, (quæ omnia nutritioni plurimum conferunt) potest idem tamen cum modica asperitate conjungi; uti revera in mulieribus, puerisque integrâ valetudine utentibus contingit; quemadmodum ex sanguinis eorum ad nutriendum promptitudine facile liquet: unde, habitâ magnitudinis ratione, habitiores sunt, & carne (quàm viri) copiosiore gaudent. Ideoque, licet fatear, sanguinem mulierum (quàm virorum) lubricum magis esse; non est tamen ea qualitas adeò exuberans, ut eundem hepati nutriendo reddat inidoneum: neque enim tanta est, ut enervet aut relaxet facultatem retentricem, veluti in eunuchis & castratis animalibus evenit. Denique, ad pisces quod attinet, tertia ratio (eâque finalis) assignari potest, à prima conformatione desumpta: cum enim illi in elemento frigido humidoque ætatem transigere debuerint, natura prævidit, haud tanto iis (ad humorem biliosum à sanguine separandum) hepate opus esse, quanto terrestria animalia indigent; ideoque prima hepatis rudimenta (comparatione cum reliquis partibus institutâ) minora in illis, quàm in illis posuit.

*item tertia.*

Obijciat adhuc fortè quispiam, hepar in *Rachitide* laborantibus prægrande esse, & tamen sanguinem eorum lubricitate plurimâ donari. Ille verò simul intelligat, differentiam illam ad inæqualem sanguinis distributionem referendam esse;

esse; sicuti in libro de Rachitide nuper edito, disputatum est.

Magnitudo hepatis rarò ob morbos imminuitur, *Hepa:*  
sed sæpe grandescit magis; quippe, aliorum pa-  
renchymatum more, quasi congestione quadam nutritur; & materia nutritus eidem continuò suppeditatur; facillimèque obstructionibus obnoxium redditur. De prima harum rationum, actum est in libro de Rachitide, pag. 129. posteriores autem, ex magna sanguinis (ejusque haud adeò puri) hepar pertranseuntis quantitate, confirmari possunt. Sanguis enim omnis à tribus magnis arteriis (nempe à cæliaca, à mesenterica superiore atque item inferiore) protusus ad ventriculum, intestina, lienem, pancreas, & mesenterium; reducitur, mediante venâ Portæ, in hepar, & per istud in venam cavam diditur. Adeò, ut nutrimento destitui vix possit; sed obstructionibus potiùs obnoxium sit, quæ partem aliquam nunquam imminuunt, sed eandem potiùs majorem ac pleniorē reddunt. Valeant itaque stolidi illi Uromantes, qui, ex sola urinarum inspectione, de abditis morbis nescio quæ garriunt, hepârque sæpe ad fabæ parvitatem absumptum prædicant.

Tumores hepatis qualescunque, sunt morbi *ejusdem*  
conformationis in magnitudine auctâ; commu-  
nèsque eorum causæ, sunt *tumores;*  
*affluxio* materiæ, & *horumque*  
*causa;*  
*obstructio;* quæ pariter & aliorum omnium totius corporis tumorum communes causæ sunt.

*Affluxionis* causæ communes, sunt 1<sup>a</sup> Nimia *affluxio;*  
materiæ mobilitas. 2<sup>a</sup> partis mittentis validior impulsio. 3<sup>a</sup> recipientis expulsio tardior. De quibus impræsentiarum haud plura addam.

obstructio,

*Obstructionum* causæ admodum variz sunt, easque etiam ad tria genera reduximus: 1.<sup>m</sup> est, ineptior partis permeabilitas. 2.<sup>m</sup> materiæ ad permeandum ineptitudo. 3.<sup>m</sup> est partis à plenitudine oppressio. Inepta partis alicujus permeabilitas, oritur à frigore, à rebus adstringentibus, à nervorum vigore & tenfitate aliquo modo nimis, à compressione, à ligaturâ, à contusione denique, vel luxatione. Materia ad penetrandum inepta redditur ob ejus duritiem, copiam, aut figuram; à frigore etiam, & stupore, sive qualitate narcotica, denique, à crassitie, & visciditate. Oppressio ob plenitudinem, evenit à victu pleniore, ab intermissis exercitiis, & ab evacuationum quarundam suppressione, sive ista à natura, sive à consuetudine oriantur, sive aliter etiam proficuz fuerint. Nempe causæ tumorum evidentes, ad horum generum aliquod referri possunt, antequam effectui alicui producendo idonez fuerint.

tumores calidi,

Calidi hepatis tumores, inflammationes dictæ, oriuntur ab impetuosa præservidæ materiæ affluione, unâ cum aliquali partis obstructione. Tumor hujusmodi facile in abscessum desinit; qui si in hepate contigerit, certam mortem prænuntiat: ideoque Medicis quàm maximè curæ est, ut nè ad hoc malum morbus deveniat. Quoniam tamen istiusmodi inflammationes, in duros sæpe, & curatu difficiles tumores abeunt; non minùs illis cauto opus est, nè nimio opere infrigidantibus utantur; nè, dum suppurationem arcere, & inflammationem amoliri conantur, materia in tumorem contumacem indurescat, qui facile in confirmatum atque incurabilem scirrhum transeat.

Frigidi

Frigidi tumores hepatis, sunt vel in ejus paren- *frigidi,*  
chymate, vel in vasis, vel in tunicis, vel in eo-  
rum duobus, pluribûsve. Universales quidem  
tumores fortè ad omnes simul hepatis partes exten-  
di queant; quemadmodum in tumore illo hepa-  
tis œdematoso evenit, qui aliquando causa, in-  
terdum effectus, & nonnunquam concomitans  
hydropis, pravique corporis habitûs existit. In  
hoc affectu, totum hepatis parenchyma, spongiæ  
instar, æqualiter intumescit, serosûsque humo-  
res undiquaque imbibit: quinetiam vasa & tuni-  
cæ ejus laxantur valdè, atque humectantur,  
crassiorésque multò evadunt, quàm naturæ earum  
conveniat. Hoc malo affectum hepar, inter-  
dum in immensam molem excrescit, sæpèque  
usitatum pondus triplo, atque etiam ampliùs ex-  
cedit. Possunt etiam tumores particulares ad  
prædicta omnia partium genera extendi, licèt  
totis illis nunquam communicentur. Plerunque  
tamen uni eorum generi, præceteris, appro-  
priantur: atque hac ratione à nobis jam per-  
pendendi veniunt.

Tumores hepatis parenchymati peculiares, tri- *parenchy-*  
bus modis contingere possunt: nimirum, vel *mati ejus*  
ab impedito sanguinis transitu è finibus capillari- *peculiares.*  
um venæ Portæ, in ultima venæ cavæ capilla-  
menta, per ipsius hepatis substantiam: vel ab  
humoris biliosi stagnatione, quòd is è Portæ  
finibus, in pori biliarii oscula minùs expedite  
pertranseat: vel ob utriusq; hujus transitûs com-  
mune aliquod impedimentum.

Horum tumorum primus, minatur atrophiam,  
vel saltem nutritionem diminutam: alter,  
icterum flavum, aut nigrum, sanguinis immunditiem

dititem ægrè curabilem, variâsque indè oriundas ægritudines præſagit: tertius autem utrunque jam dictum malum affert. Non quidem, quasi à quocunque levi tumore, morbi omnes jam dicti neceſſariò ingruant, sed quòd à talibus initiis ad eos prònum iter ſit.

Sunt certè jam dicti tumores hepatis maximè uſitati & familiares; & quoties minùs ſolito affligunt, generali *obſtructionis* nomine appellantur. Sùntque præterea alii quidam tumores, qui videntur ad hepatis parenchyma referendi; viz. ſtruma, ſteatoma, meliceris, & atheroma. Quoniam autem non tam hepar adaugent, quatenus eſt corpus continuum, quàm diverſi corporis additamento; eoſdem potius ad *numerus* partium (ad quem pertinent) retulimus.

Eſt tumor quidam particularis, qui ovium lue ſeroſâ affectarum jecinoribus crebrò contingit; videtúrque ad hepatis parenchyma ſpectare, & ad tertiam modò dictam claſſem pertinere. In medio hoc tumore, cavitas quædam aquâ plena reperitur, in qua vermiculi lati hoſpitantur, figurâ quidem rhombi piſcis, ſed minores multò, ſcilicet vix pollicaris longitudinis.

Peculiares quoque tumores in poro bilarioperiuntur; quibus ſit, ut tunica ejus ſextuplò major ſolito conſpiciatur, ſubſtantia illius flaccſcat, minùsque tenax evadat, & diſſecta mollis caſei ſpeciem præ ſe ferat. Hujusmodi tumores in excarnando hepate (præſertim bovino) ſæpe reperi. Plerumque in ramuli parte aliquâ occurrit lapidea quædam ſubſtantia perforata; idque vel in ipſâ tumoris ſede, vel ſaltem in ejuſdem confinio. Subſtantia hæc lapidea, interio-

*Calculi in  
poro bilar-  
rio.*

ra

ra vasis (in quo moratur) fistulæ instar offert. Tempore circiter quadragesimæ, aut Paschatis, imò antea in jecinoribus bovinis sæpe mihi visi hujusmodi tubuli, tantæ longitudinis, ut (si modò integri eximi potuissent) plurimas pori bilarii ramificationes continuatâ lapideâ serie (coralli instar) retulerint: vasis autem tam firmiter agglutinantur, ut, citra rupturam eorum, aut lapidis (sunt enim ambo friabiles admodum) separari indè ægrè queant. Sunt hi lapides iis, qui in vesicula felleâ reperiuntur, planè congeneres, & figurâ solum discrepant.

Novi complures, qui lapidum hujusmodi fragmina ingenti quantitate per alvum eliserint: quorum locum genitalem haud alium fuisse existimem, quàm vasâ bilaria, in quibus tubulus ejusmodi lapideus fortè natus, & frustillatim comminutus, per porum bilarium in intestina delabi, indèque per alvum excerni potuerit. In quam sententiam accedo libentius, quòd videam boves hyberno tempore (quando fœno aut stramine pascuntur) lapideæ hujusmodi materiæ plurimum congerere, adeò ut hepar eadem planè confertum reperiatur; vernâ autem tempestate (quamprimum novo gramine vescuntur) eandem rariùs inveniri. Solvuntur nempe, & exturbantur hi lapides à recentis graminis succo; quod, nisi per alvum, fieri nullo modo potest.

Contingunt etiam aliquando in hepatis tunica tumores particulares, *usatides* dictæ; sùntque pustulæ aqueæ, vesiculis illis non abfimiles, quæ ab emplastris epispasticis excitari solent, sed elatiores paulò; utrobique nempe summa pelliculæ

*Hydazides  
in tunica  
hepatis*

le tennitas, & aquæ copia. Sunt hi tumores in ascitide familiares: & fortè eveniunt in membranosis nervosisque partibus; quòd vasa lympharum recurvui destinata, munere suo segniter fungantur: indèque fit, ut pars aquæ illius in transitu hærens, exudet in cavitatem ab initio perexiguam, efformatam in membranosa partis substantiâ; eadèque ex novo materiæ affluxu paulatim auctâ, cellula quædam in hepatis tunica oboritur, tandèque tumor ille, quem diximus. Atque hæc quidem de magnitudine hepatis dicta suffecerint.

## CAPUT VIII.

### *De partium Hepatis Numero.*

**T**itulus iste ad hepatis quoque *quantitatem* aliquatenus spectat, quanquam diversa planè ratione à superiore: quippe magnitudo est quantitatis continuæ, numerus verò discretæ: illa partium molem atque proportionem inter se, pondere & mensurâ æstimat; hic autem partium integralitatem, redundantiam aut defectus earundem enumeratione perpendit.

De *numero partium*, quatuor modis quæstio institui potest.

1.<sup>a</sup> Utrùm sit pars simplex, an duplex, triplèxve, &c.

2.<sup>a</sup> Utrùm naturâ suâ sit continuum, an in lobos divisum?

3.<sup>a</sup> Utrùm materies, sive elementa, è quibus componitur,

componitur, omnia quidem, nec tamen plura, adfint?

4<sup>a</sup> Utrum partes ejus integrantes justo numero consent; an verò aliquid vel desit, vel superfluat?

1<sup>a</sup> Considerandum venit, num hepatis sit simplex, an duplex, an etiam triplex? &c. fatendum quidem, plurimas corporis nostri partes esse geminas: quasi homo constitueretur è partibus duabus paribus (dextrâ scil. & sinistrâ) sibi mutuò respondentibus, lineâque albâ, & spinâ dorsi, ad invicem conjunctis. Hepar tamen in homine est unicum; nec in eo solum, sed & in aliis omnibus animalibus, quibus hæc pars distinctè formata contigit. *Est unicum Hepar.*

Quod aliqui existimârunt, lienem esse veluti exiguum hepatis, vel (ut *Arist.* ait) *ὅλον ῥόδον ἥπατος*, l. 3. c. 7. haud alio fundamento innixum est, quàm quòd in sinistro latere situs, ceu antagonista, hepatis in dextro latere locato respondeat. Cætera verò plurimùm à se invicem discrepant: Nam *De part. an. l. 3. c. 7. Et à liene plurimum discrepat.*

1<sup>a</sup> Numerosæ & prægrandes arteriæ lienem adeunt, multò hepatis arteriis majores; licet hepatis lienem sextuplo magnitudine excedat.

2<sup>a</sup> Nulli rami venæ cavæ in lienem distribuuntur: in hepatis verò plurimi, & insignes ingrediuntur.

3<sup>a</sup> Lien, nec vesiculam felleam sibi annexam, nec porum biliarium quoquoersum in se distributum habet.

4<sup>a</sup> Ramus splenicus è venâ Portæ in lienem pertingens, nihil illorum deferret; sed fluxio omnis à liene horsum instituitur; sicut ex ligaturis, in vivorum dissectionibus; & in defunctis, injectionibus factis, liquidò apparet. Rami autem, qui è Porta in hepatis tendunt, humores, quos continent,



tinent, illuc deducunt : quemadmodum similiter experientibus palam est. Concludendum igitur, hepar esse unicum ; & lienem alterius hepatis vicem neutiquam supplere, aut ejusdem cum eo speciei esse, ut nonnulli opinati sunt.

*Cur non  
geminum  
factum sit.*

Dixerit aliquis : Unde igitur factum, ut pulmones, renes, testiculi &c. gementur ; hepar verò non item ?

Respondeo, 1.<sup>a</sup> Debuit arteria magna esse unica ; ut sanguis, quem complectitur, unitus magis & vigore plenior evaderet ; vis enim unita fortior. Debuit similiter & vena cava esse singularis, ut in dextro corporis latere, arteriæ magnæ in sinistro sitæ fieret *arrispora* ; quemadmodum jam antea, de situ hepatis, à nobis dictum est. Et per consequens, hepar etiam, quod cum venâ cavâ in eodem latere locandum erat, perinde atque illa, unicum fieri oportuit.

2.<sup>a</sup> Si duo jecinora essent, deberent necessariò (renum instar) sibi invicem opponi ; alterum nempe in dextro, alterum in sinistro hypochondrio : adeoque nullus lieni locus idoneus relinqueretur, cujus officium est, ventriculi alteram partem amplecti.

3.<sup>a</sup> Debuit vena Portæ esse unica ; nisi eadem operâ duo item mesenteria, & consequenter duos intestinorum ordines, cum multis aliis parergis, incommodis, atque obstaculis, admiseris ; quæ à naturæ prudentiâ aliena sunt. Concludo igitur, sapienter & necessariis de causis hepar unicum, non autem duplex, in animali fabricatum esse : & siquando geminum in ullo reperiatur, id inter monstrosa, naturæque legi contraria opera reputandum esse.

II. Altera

II. Altera partium hepatis consideratio est, utrum id naturâ suâ sit indivisum, an verò in lobos discissum?

Habet quidem manus quinque digitos, sùntque *Cur lobis careat.* pulmonibus diverſi lobi; quinetiam animalium quadrupedum, aviùmque jecinora ferè omnia in fibras distinguuntur: hepar autem humanum uno quasi & continuato ductu conspicitur. Fissura enim, per quam vena umbilicalis egreditur, minor est, quàm ut indè partes vicinæ fibrarum appellationem mereantur: multòque mindus duz illæ exiguz eminentiæ in cava hepatis parte sitæ, quæ *οὐλæ* sive portæ à Veteribus dicebantur, & parùm admodum à reliquo ejus corpore discernuntur, *loborum* nomine dignandæ sunt. Protuberantiam autem illam quod attinet, quâ mediante hepar omento annectitur, quàmque *Spigelius* lobum appellavit; etiamsi hoc nomen illi concedatur, nulla tamen ratio est, cur à tantilla parte totum hepar in lobos findi dicendum sit. Quamobrem autem hepar humanum, haud perinde, atque aliorum animalium, in lobos divisum fuerit; postea, ubi de *figura* hepatis agetur, causas assignabimus.

III. Tertia numeri partium hepatis consideratio est, utrum elementa, partésve similes ad compositionem ejus necessariæ, omnes adsint, nec tamen aliqua superfluat. Cui rei commodiùs expediendæ, partes illas (de quibus tamen, quâ similes sunt, exquisitè agere non est animus) hoc loco enumerabimus. Sunt autem vel externæ, vel internæ. Externæ censentur,

1. Membrana, à peritonæo.
2. Ligamenta.
3. Vesica fellis.

4. Arteriæ

*Partes hepatis similes.*

4. Arteriz } cysticæ gemellæ.  
 5. Venæ }  
 6. Nervus cysticus.  
 7. Canales aquosi.

*Interne sunt.*

1. Parenchyma.
2. Rami Portæ.
3. Radices pori bilarii, & vesiculæ felleæ.
4. Portæ & pori bilarii Vagina, sive capsula communis.
5. Rami Cavæ.
6. Arteria hepatica.
7. Nervus hepaticus.
8. Canales aquosi.

Crediderim equidem, vitam animalis, cum ul-  
 lius harum partium similiarium carentiâ, consistere  
 vix posse : nisi fortè (lusu quodam naturæ) cysti-  
 cæ gemellæ, singulares & majores reperiri possint,  
 ut ita binorum vasorum officium singulæ expleant.  
 Possit enim hic, nec incommodè forsitan, numeri  
 defectus ipsâ vasorum amplitudine compensari.

Fieri tamen potest, ut ab illato vulnere, aut ul-  
 cere, aut alterius alicujus mali adventu, pars ali-  
 qua horum elementorum desideretur : quoniam  
 tamen unius solius elementi læsio ejusmodi vix  
 contingere potest, morbos eorum ad proximam  
 considerationem, (ubi partes elementares, qua-  
 rum hic meminimus, sub integrali ex iisdem com-  
 posito comprehenduntur) transferendos censeo.

IV. Ultima numeri partium consideratio est  
 concreta, includitque partes elementares modò  
 recitatas, tanquam abstractas, è quibus conflatur.  
 Querit nimirum, utrùm partes hepatis integran-  
 tes (è quibuscunque tandem elementis componan-  
 tur)

tur) omnes ad amissum adsint; an verò aliquæ defint, aut superfluant? Si enim partes illius omnes, sine defectu aut abundantia, adfuerint; dicendum est, hepar (numeri partium ratione) integrè sanitate frui: sin autem pars ejus aliqua vel vulnere abscissa, vel ab ulcere erosa, vel, ob defectum aliquem congenitum, particulâ sui (quam naturaliter habere debuit) manca aut mutilata fuerit; fatendum est necessariò, adesse morbum in numero partium deficiente.

*Partium  
integrantiũ  
defectus*

Vulnera tamen, atque etiam ulcera, ad continentis solutionem primariò pertinent; huc verò referuntur, quatenus pars erosa vel abscissa desideratur. Appositio quoque sive restitutio qualiscunque partium aliter defectivarum, huc reducenda est: talis est alibi narium, auriumve curtarum restitutio; labiorum leporino more fissuram unio; ulcerum quoque sive fistularum per sarcotica expletio.

Similiter, si hepar, naturæ vicio aliquo aut redundantia, plures partes obtinuerit, quàm ad integram ejus constitutionem naturaliter requirantur; istæ profectò tanquam morbi in numero partium superfluo æstimandæ, & fortasse à monstri naturâ haud alienæ fuerint. Præterea excrescentiæ quælibet in hepate, cujuscunque generis fuerint, ad numeri partium superfluitatem referendæ sunt: quales sunt hyperfarcoses, aut fungi, in vulnere aliquo, aut ulcere hepatis prognati; si tamen illic nasci possint; siquidem vulnera ejus aut ulcera citius interemerint, quàm ad ejusmodi supercrescentiam deveniant. Carnositates etiam, quæ in nonnullis ductibus excrescunt (eosdémque vel arctant, vel occludunt) si in hepate contingerent quan-

*abundantia.*

(quanquam fortè ibi nunquam generantur) morbis in numero partium accensendæ essent. Glandulæ autem, & strumæ, aliique tumores qui in cysti continentur, veluti meliceris, atheroma, & steatoma, hepati nonnunquam accidunt : & licet magnitudinem ejus auctam aliquo modo respiciant, quoniam tamen hepar augment additione novarum partium, earumque quæ ad ipsum naturaliter nequaquam pertinent, morbis in numero partium jure merito annumerantur. Horum autem tumorum, quoniam rarò occurrunt, coronidis vice, exemplum unum atque alterum annexemus.

*Observatio  
prima.*

Retulit mihi D. *Regemorterus*, *ἰ μακρὰ εἰς*, Vir sanè eximius, mihi quæ, dum viveret, intimâ familiaritate conjunctissimus, se in aperto cadavere viri cujusdam (qui per aliquot annos ingenti strumâ, juxta imam inferioris maxillæ regionem, laboraverat) reperisse hepar intus forisque innumeris glandulis, pisi fabæque magnitudine, refertissimum : eadem transversim sectæ, nihil prorsus humoris effundebant ; verùm ex gypsea quadam pituitâ compositæ, in figuram substantiâque adnibus persimilem condensabantur ; indeque hepar in ingentem molem, atque immane pondus excrevit ; adeò, ut duplo majus, triplòque gravius solito conspiceretur.

*altera.*

Vidi quoque ipsemet atheroma majus multò, quàm quispiam in hepate innasci posse, facillè crederet. Scilicet die vicesimo quarto Januarii, annòque (ex nostro computo) 1650. cadaver *Thomæ Wilsoni*, annos circiter triginta nati, publicè in Collegio Medicorum Londinensium dissectum est ; finitòque triduo Prælectoris munere, ac remotis arbitris, priusquam cadaver terræ mandaretur,

ego

ego & Collega alter reversi sumus; in eum finem, ut singulas corporis illius partes appenderemus, quàmque quzlibet pars cum toto proportionem obtineret, intelligeremus. Hoc dum agimus, hepatisque separationem à diaphragmate (cui latè adnascetur) molimur; nondum aperto eo (Prælector enim aliarum partium indagari omnem curam impenderat, illud verò nè attigerat quidem) tumor amplus, atheroma dictus, comparuit. Situs erat in gibba hepatis parte, proximè posticam diaphragmatis regionem, juxta venam cavam: figuræ erat rotundæ, & pugno propemodum æqualis; à reliquo hepatis parenchymate liberatus, pendit uncias quinque, drachmas sex, & grana tredecim: tunica ejus sive cystis, cuti verè crassitie erat comparabilis. Materiz duo genera in se complectebatur, utrunque crassum valdè, & minimè fluidum; alterum gelatinæ instar translucidum, alterum verò cremori spisso aut albæ puliculæ persimile. Dicebatur homo diarrhæa laborasse; quod frequens iis malum est, quibus hepar obstruitur. Certum profectò erat, venam Portæ haud expeditè adeò, atque oportuit, sanguinem per hepar traduxisse. Quippe non modò hepar ipsum plenius majusque solito apparebat; sed & pleræque venæ mesentericæ, intestinorum, ventriculi, & præsertim lienis, magnopere intumescabant, passimque ceu varicosæ conspiciebantur. Quibus abunde constitit, sanguinem non nisi difficulter è vena Portæ in cavam rediisse. Idque eò magis verisimile videbatur, quòd non constaret hominem alio aliquo morbo laborasse, nihilque aliud incommodi sese offerret; licèt, ejus inquirendi gratiâ, omnia hepatis vasa ab ipso parenchymate

H

libe-

liberaverim. Quapropter certum mihi videbatur, tumorem hunc vix aliter hepar offendisse, quàm quòd præ magnitudine sui idem comprimeret: cysti enim propriâ atque amplâ continebatur; cui cum partes hepatis proximæ necessariò locum cederent, ab iisdem pariter vicinæ aliæ arctabantur: unde necessariò factum est, ut transcursus sanguinis per hepar plurimùm impediretur, adeoque non solum hepar ipsum, sed & omnes venæ Portæ rami copioso sanguine distenderentur: quemadmodum in jam dicto corpore apparuit. Intercluso itaque hoc pacto libero sanguinis commeatu; necesse est, humores in intestina regurgitent; cui rei si segnem lymphæ per obstructum hepar transitionem addas, facillè diarrhœæ jam memoratæ causam inveneris: eandemque si quis arte aliquâ compescuisset, deteriora (procul omni dubio) symptomata induxisset.

## C A P. IX.

### *De Hepatis continuitate.*

**D**E hepatis continuitate, haud multa consideratione digna sese offerunt. Quæ nobis occurrunt, ea paucis attingam. Partes, quas diversimodè respicit, sunt ejus tunica, parenchyma, & vasa.

*Continuitas  
tunicæ,*

*Tunicæ hepatis continuitas, aut discontinuitas (si ità loqui fas) minoris momenti est, quàm quæ ad parenchyma, aut vasa illius pertinet. Pars enim ipsa minùs nobilis est, actionesque & usus ejus indigni sunt, qui cum parenchymatis aut vasorum*

forum actionibus & usibus comparentur. Præterea, vasa in tunicam distributa perexigua sunt; adeò, ut sanguis per illa nec magnopere foras effluere, neque ad partem ipsam affluere copiosè queat: à quorum alterutro periculum aliàs insurgeret.

Tunicæ hujus continuïtas bifariam lædi *Continuitas tunica,* potest; nempe vel ipsarum tunicæ partium ab invicem separatione, vel divulsione tunicæ à parenchymate: horum autem malorum posterius plus damni apportat, nisi fortè à mera inflatione processerit; quippe tunicæ hujus usus præcipuus in eo consistit, ut hepar ab injuriis protegat.

Continuitas parenchymatis, debilis admodum *per parenchymatis,* atque infirma est; siquidem substantia ejus friabilis valdè, minimèque tenax existit. Crediderim sanè, parenchyma hoc, si aliorum ope destitueretur, præ cæteris omnibus æqualis duritiei partibus, ægerrimè se tutaturum. Nisi enim membrana à peritonæo orta ipsum arctè complecteretur, vasaque per totam illius substantiam disseminata, mutuisque passim nexibus invicem copulata, idem firmiter constringerent; facilè profectò, levi aliunde vi illatâ, non modò rimas ageret, sed & frustillatim dispergeretur.

Permagni quidem refert, ut parenchymatis hujus continuïtas servetur integra; quoniam quicquid sanguinis ex arteriis in lienem, pancreas, omentum, mesenterium, ventriculique & intestinorum tunicas effunditur, per venam Portæ reducitur, nec in venam cavam transmitti potest; nisi parenchyma hepatis pertransierit: tum etiam humoris fellei à sanguine separatio, haud alibi,



quàm in hoc parenchymate instituitur. Sunt autem illa momenti maximi.

Unde liquet, læsâ quomodocunque parenchymatis hujus continuitate, cessare illico ibidem, ubi damnum illatum est, segregationem bilis à sanguine; & utrunque hunc humorem ruptis valis unâ commixtum, in partium hiatus delabi, fierique illic noxiam eorundem stagnationem: quæ mala, continuitatis parenchymatis hujus solutionem necessariò consequuntur.

causa,

Causæ hujus solutionis, possunt esse *vulnera*, aut partium hepatis *divulsiones* qualescunque; item *contusiones*, *erosiones*, *obstructiones* cum materiz affluxu.

vulnera,

I. Vulnera si cæsim infligantur, vix fieri potest, quin vasa lædantur; sin punctim fiant, poterunt vasa fortuitò evadere. Sunt quidem necessariò vulnera illa mortifera maximè, quæ vasa pariter & parenchyma discindunt: illa tamen quoque periculo haud carent, à quibus parenchyma solum læditur. Sanguis enim ad ea loca affluens, impurus est, & bili commixtus, nec facilè evacuari potest: vel si id contingat, partes tamen ab invicem disjunctæ (friabiles cum sint, glutinéque illo careant, quo aliz partes facilè denuo coalescunt) ægrè admodum consolidantur.

partium divulso.

Partium hepatis divulsiò à causis externis, vix contingere potest citra abdominis penetrationem, nisi magna vis illata fuerit; atque hoc pacto *vulneris* nomen meretur. Fortasse vis aliqua externa, modò ingens fuerit, parenchyma hepatis (ob illius friabilitatem) lacerare, ac dirumpere queat; illæsis interea (ob naturam illarum lentam ac sequacem)

quacem) partibus exterioribus. Vidi aliquando in gibba quorundam jecinorum parte rimas & hiatus majusculos, qui fortè à partium extremarum violentiore complicatione ortum duxerant: quemadmodum & panis frustum nimîâ incurvatione diffringitur. Rimis istis, sive fissuris (quo tempore mihi eas videre contigit) natura medellam attulerat: non quidem factâ agglutinatione, aut cicatrice, sed tenuis pelliculæ superinductione, quâ utrunque fissuræ latus obduxerat; manentibus tamen labris sejunctis, licet illa sese mutuo attingerent.

Potest etiam divulsio partium parenchymatis ab *inflatione*, eâque internâ, proficisci; quamvis id rarò contingat, & (si aliquando evenerit) humorum in cavitatem illam influxio subitò consequatur. Sunt hujusmodi inflationis causæ præcipuæ, sanguis flatuosus, & præpedita transpiratio. Obstructiones etiam cum materiæ affluxu, divulsionem interdum produxerint; uti mox dicetur.

II. Contusiones in parenchymate hepatis sunt *Parenchy-* valdè periculosæ, præsertim si magnæ fuerint. *matis con-* Sanguinis enim transitus per partes contusas *tusiones* difficulter peragitur, simulque etiam separatio humoris fellei plurimum impeditur. Deinde, sanguis resistans tumorem efficit, tandèmq; forsan inflammationem; morbum scilicet hepatis periculosissimum: quippe si eadem in suppurationem definat, spes omnis conclamata videtur; sin indurescat, cachexia, icterus, atrophia, aut hydrops præforibus sunt. Conandum quidem enixè, ut tumor ejusmodi discutiatur: verum hic labor, hoc opus est. Fortè discutientium ope, sanguinis

effusi, &, ubi contusio tacta erat, reſtagnantis pars aliqua à veſicæ felleæ ramuſculis capillaribus ad ea loca pertinentibus (haud aliter ſanè, quàm aliæ ejusdem ſanguinis partes à venæ cavæ oſculis) abſorberi queat; poſſintque adeò tria ad hujusmodi diſcuſſionem concurrere; nempe tranſpirationis inſenſibilis, & materiæ extravasatæ partim in cavam reductio, partimque excretio illius in porum bilarium. Licet enim ex communi naturæ inſtituto, porus bilarius, præter humorem felleum, nihil ex hepate efferat; ſi quid tamen hoc pacto præter naturæ ordinem evenierit, haud videtur ratio commoda assignari poſſe, ob quam extima illius capillamenta ociari debeant; præſertim materiâ illuc decumbente, & quaſi in oſcula eorum ſponte inſuente. Vidi in aperto cachecticæ mulieris cadavere, veſiculam felleam aquoſo humore, ſero lactis perſimili, reſertam; erâtque is (ſi guſtantiſus fides) ſaporis minimè amari, ſed inſipidi potiùs. Quod mihi argumento eſt, vaſa fellea nonnunquam alium humorem (ſi fortè obvenierit) præter bilem, in inteſtina deferre: arbitrórque, læſo ex contuſione aliquâ hepate, ſequi poſſe, per vomitum aut alvum, ſanguinis ejectionem; quod nimirum porus bilarius (magno ægri commodo) partem aliquam ſanguinis hepar opprimenſis in ſe recipiat, & ad inteſtina deducat; unde vel motu periltaltico inverſo, ſurſum; vel, eodem regulariter ſe habente, deorſum feratur.

*eroſiones,*

III. Solvitur etiam parenchymatis hepatis continuitas ab *eroſione*; quemadmodum in ulceribus ejus videre eſt. Quippe ulcera non ſolùm vulneribus, contuſionibus, ſuppurationibus, aliſque antecedaneis continuitatis ſolutionibus adveniunt;

unt; sed & erosionem aliquando immediatè consequuntur, nullo alio dissolutionis genere præcedente. Imò verò fieri non potest, ut solutio ulla continuitatis in ulcus abeat, priusquam partium ab invicem separatarum erosio aliqua accesserit. Ulcus enim tria in se complectitur; solutionem nempe continuitatis, partis substantiæ jacturam, atque erosionem. Si quid horum absit, ulceris essentiam haud perfectè obtinuerit. Enimvero solutionem continuitatis, unà cum defectu in numero partium, facillè sine ulcere reperias; quænammodum in vulnere recenti cum particulæ alicujus abscessione videre est. Si autem eorum alterutri erosio supervenerit, vulnus statim in ulceris naturam degenerat: adeò ut ulcera à vulneribus aliisque continuitatis solutionibus, erosione potissimum distinguantur.

Lues venerea, scorbutus, variolæ, & forsan lepra, ut & venena quædam, sanguinem usque adeò acrem reddere possunt, ut hepar indè erodatur, atque exulceretur. Requiritur tamen etiam in hoc genere (antequam hepar corrodi possit) prævia quædam dispositio in tono ejus, quæ firmitudinem ipsius debitam, partiumque coherrentiam debilitet, enervetque adeò, ut faciliùs hoc implicari queat.

IV. Denique, obstructions in parenchymate *atque ob-* hepatis cum affluxu materiæ, si magnæ fuerint, *struções.* subitoque invaserint, facillè continuitatis solutionem in eodem parenchymate induxerint. Nam si ingens obstructio adfuerit, necesse est, prohibito vel impedito sanguinis transcurso, tumorem enasci; atque eum plerunque, in majore obstructione, majorem; cùmque pars hæc friabilis admodum sit,

atque extensioni inepta; facile fit, ut partibus à tumore plus solito distentis, parenchyma rimis dehiscat. Quemadmodum enim disruptio aliqua foris adveniens, partes ab invicem divellit; ita pariter distentio à causa internâ (modò partes, ultrâ quàm extendi aptæ natæ sunt, vehementer diltrahat) idem effecerit. Factâ autem semel in parenchymate hepatis vel minimâ rimulâ, materiz novæ affluxus eandem facile in ampliorem hiatum dilataverit. Quòd si obstructioni quoque inflammatio accesserit, idem malum multò potentius ingruet; siquidem materia cum impetu majore affluit.

Hoc pacto aposthemata ab initio fiunt, augentur, ac denique rumpuntur. Obstructio nimirum humori affluentem remoram facit, qui propterea in tumorem excrescit; & hic tandem, factâ circumquaque distensione, cavitatem aut rupturam efficit; quæ, accedente novâ materiâ, perpetuò augetur, donec aperto abscessu pus effluat.

Subita quoque obstructio (licet tumorem aliàs fortè haud ita magnum excitaverit) solutionem continuitatis in hoc parenchymate effecerit. Nam si rem quampiam pedetentim extenderis, (accedente præsertim interea fotu aliquo) ulterius multò dilatabitur, quàm si vim ei subito intuleris. Quoniam igitur repentina obstructio, subito tumorem efficit; parsque confestim distenditur, si subitaneus tumor inceperit; rapida hujusmodi distentio, vel eo nomine continuitatis solutionem induxerit; quam distentio major, sed & tardior, non queat. Etenim si distentio lenta fuerit, & cunctanter invaserit; sanguis inibi impactus, fotu suo partem reddit dilatabilem, ut citra rupturæ peri-

periculum eadem fufiis extendi poffit. Quæ fortè caufâ fuerit, cur hepar sæpe, abfque infigni aliqua continuitatis folutione, in immenfam molem excrefcat. Atque hæc quidem de parenchymatis hepatis continuitate dicta funto. Cauſæ autem illius continuitatis, haud incommodè, plus minùſve, ad reliquas quoque hepatis partes referri poſſint; ſi modò variarum ejus partium varias quoque qualificationes animo recolueris.

Diximus modò, parenchymatis hepatis, quàm ejus tunicæ, continuitatem majoris momenti eſſe: hic addimus, vaſorum ejus continuitatem, illam parenchymatis, dignitate ſuperare. Neque enim prædicta ſolùm pericula (nimirum aliquale impedimentum reſuſcituſ ſanguinis, & ſegregationis bilis à ſanguine) læſam vaſorum continuitatem conſequuntur; ſed & unio eorundem difficiliùs multò perficitur: fibroſa enim cùm ſint, diſſecta huc illuc reſiliunt, adeò ut difficulter denuo congiungi poſſint. Attamen, quemadmodum continuitatis vaſorum hepatis ſolutio difficiliùs ſanatur: ità quoque potentioribus cauſis opus eſt, ut eadem contingat: ideòque licèt omnes ſolutionis continuitatis cauſæ, quæ parenchymati evenire poſſunt, vaſorum quoque continuitati aliquatenus conveniant; quoniam tamen horum robur, reliquas omnes injurias, præter vulnera, ut plurimùm repellit; de his ſolùm paucis agendum cenſeo.

Vulnera hepatis, ſi vaſa majora diſſecuerint, mortifera habentur. Idque mihi vel eò magis veriſimile videtur, quòd ſanguinis illa vaſa rapidè percurrat: quapropter (præterquam quòd fibræ tranſverſim ſectæ redintegrationi ineptæ ſunt)

tria

*Solutio con-  
tinuitatis  
in vaſis.*

*Vaſorum  
hepatis vul-  
nera.*

tria magna mala necessariò eveniunt. 1.<sup>o</sup> Fit totius corporis debilitas, ob jacturam sanguinis. 2.<sup>o</sup> vasorum fines aperti servantur, impediturque eorum coalescentia, ob jugem sanguinis effluxum. 3.<sup>o</sup> Sanguis in abdomen effusus putredinem induit, & gravia symptomata apportat: acceditque huic malo, quod sanguis ibidem stagnans ægrè educi queat.

Fit sæpe in vulneribus hepatis, ut sanguinis plurimum per alvum dejiciatur. Meritò itaque quærat aliquis, quonam ductu sanguis ille ad intestina pertingat? Crediderim sanè, in ejusmodi vulneribus, non solum venarum, sed & pori bilarii ramulos discindi. Imò verò fieri vix potest, ut ramus aliquis venæ portæ abscindatur, quin simul etiam pori bilarii pars proportionalis amputetur; siquidem in eadem communi capsulâ continentur, ut postea dicetur. Præciso igitur pori bilarii ramulo aliquo (cui id officii à natura datum est, ut bilem in ductum communem, indeque in intestina deferat) sanguis in eum decumbens, facillè eodem curriculo in jejunum penetraverit. Natura profectò laceffita, nova sæpe ac mira conatur: ut verisimile omnino sit, eandem in hoc casu, per oscula pori bilarii à vulnere hiantia, extravasatum sanguinem efferre.

Ante annos aliquot, generosi Juvenes, post enata jurgia, (ob vindictæ scil. gloriam) singulari certamine decertabant; factumque est, ut alter alterum sub imam sterni sedem, trium digitorum latitudine à cartilagine ensiformi versùs dextrum latus, gladio perfoderet. Nempe, cum ille, inclinato paulùm antrorsum pectore, dextrum latus aliquantulum obverteret; mucro pectus ipsum haud altè

altè penetrans mox deorsum in abdomen, & finis-  
simum versus ad spinam usq; adactus est. Idem ictus  
duas sterni cartilagine, in dextro latere discidit;  
& deorsum vergens, diaphragmatis ambitum  
perforavit; indeque, rectà tendens, gibbum ca-  
vumque hepatis, & ventriculum juxta pylorum,  
iterum atque iterum perforavit; tandemque en-  
sis mucro spinæ dorsi, paulò subter diaphragma,  
illius est. Juvenis quidem primùm animo de-  
fectus, mox quæ in ventriculo erant, sed cruen-  
ti nihil, evomuit: & quod mireris magis, licèt  
diebus septem superviveret, & interea quotidie vo-  
meret, nihil tamen sanguinis, toto eo tempore,  
per os ejecit: per sedem verò noctu atque inter-  
diu ingentem coagulati sanguinis copiam, unà  
cum alvi fecibus profudit. Quinetiam enema-  
ta, quæ in eum finem crebrò indita erant, eo-  
dem semper plurimùm tangebantur. Mirati ita-  
que vehementer sumus, undenam sanguis iste pro-  
flueret: dissecto autem post obitum corpore, om-  
nia, ut jam dictum est, invenimus; nihil verò  
sanguinis in ventriculo ejus repertum est. Hujus  
igitur rei hanc causam fuisse nunc arbitror, quòd  
vulnera ventriculo inflicta, sanguinem omnem in  
abdomen deponerent, nullum autem in ventri-  
culi cavitatem infunderent. Idque equidem cre-  
do libentiùs, quòd aliter causa fontica afferri ne-  
queat, cur nihil sanguinis in ventriculo repertum,  
aut per vomitionem ejectum sit; tum etiam, quòd  
ventriculi venæ inter externas, non autem inter-  
nas illius tunicas prorepant; unde saltem con-  
stat, fieri posse, ut vasa illa foras, non autem in  
cavitatem ventriculi sanguinem suum effundant;  
denique, quòd in hoc cadavere, seri sanguinis-  
que



que plurimæ libræ in abdomine repertæ fuerint, quorum pars aliqua è vulneribus ventriculi (foras, non intro stillantibus) promanare potuit. Quid autem de intestinis dicendum est, quæ sanguis grumofus impleverat; præsertim cum de aditu nullo constaret, per quem illuc pertingeret? Ego certè (si quis nunc meam sententiam requirat) sanguinem illum è vulnere hepatis, per vasa pori bilarii transversim scissa profluxisse arbitror: eo nempe modo, quo jam diximus.

## CAP. X.

*De Figura Hepatis: & primò generatim de figura illius externa.*

**F**igura hepatis dividitur in externam & internam.

Vasa hepatis annexa, nempe vesicula fellea, porus bilarius, meatus cysticus, & ductus communis, aliquo modo ad externam hepatis figuram referri possunt; quatenus nempe foris conspicua sunt. Quoniam tamen radices eorum primæque origines (quarum ope corpus unum continuum constituunt) intus in hepate reperiuntur; descriptionem eorundem tantisper differemus, donec de interna figura agendum erit.

Figura externa, vel universim, vel particulatim considerari potest; & utroque modo quædam animadversione haud indigna occurrunt: quæ tamen, si cum internâ figurâ comparentur,

(in

(in qua primarium hepatis artificium consistit) minoris sanè momenti appareant.


Univerſa hepatis figura externa tantopere ab aliis omnibus corporibus naturalibus discrepat, ut vix quicquam reperiri poſſit, quod commodè illius imaginem repræſentet. Nos tamen, ut memoriæ aliorum (& præſertim novitiorum, qui fortè humanum hepar nunquam viderint) conſulamur; ſimilitudines ejus aliquas, licèt imperfectas, exhibere conabimur.

Primò, rhombus piſcis, vel potiùs bini, alii aliis impoſiti, figuræ hepatis partes aliquas (quavis obſcurè) referunt: nimirum illius planitiem, ſubſtantię continuitatem, & longitudinem latitudine majorem; figura quoque ejus ovali proximam: marginèſq; ſive extremitates ipſo medio tenuiores: denique, partes rhombi, caudæ vicinioreſ, hepatis tenuitatem illam exprimunt, quæ ventriculo incumbit; capiti autem proximæ, craſſam eam hepatis partem referunt, quæ in dextro hypochondrio reperitur.

2<sup>a</sup> Chymici totum hepar maſſæ croci metallorum peculiariter præparatæ conferunt, eoque nomine *hepar antimonii* appellant. Quippe idem fere illi, qui & hepati, color: pars etiam altera convexa, altera concava conſpicitur: eſt quoque in medio ſui craſſior, juxta oras verò depreſſior; adde ut totius hepatis figuræ imaginem quandam præ ſe ferat.

3<sup>a</sup> Tota hepatis figura haud ineptè comparatur ſegmento obliquo albuminis ovi coctione indurati; quemadmodum in ovo A B videre eſt, quod dividitur lineâ C D E.

Ab



Ab hoc ovi segmento tota hepatis figura haud male adumbratur. Primò enim corpus continuum cum sit, figuram hepatis indivisam refert. 2<sup>o</sup>. Sinus D fissuram illam exhibet, per quam vena umbilicalis

in hepar ingreditur. 3<sup>o</sup>. Lævor ejus, superficiei hepatis æqualitatem exprimit. 4<sup>o</sup>. Convexum A, gibbam hepatis partem; lineam C D E, ejus cavam imitatur: medium hujus segmenti, gibbi hepatis crassitiem; extima verò illius ora, crepidinis hujus tenuitatem, simulque ovalem superficiem præ se fert. Denique gracilis & angusta ejus extremitas A E D, parti illi hepatis respondet, quæ ventriculum obtegit; quæ alterâ angustior ac tenuior multò est, & in acutam crepidinem cuneatur; pars verò segmenti latior & crassior, partem illam hepatis depingit, quæ supernè in dextro latere situm obtinet, èitque alterâ parte crassior, amplior, & obtusâ magis.

Postremò, hepar bovillum humani hepatis imaginem quandam gerit, & noviter in arte Anatomica institutis (quibus hominis dissectionem videre necdum contigit) exemplaris vice esse possit: Est enim (ut ait Arist.) in bove jecur continuum, & humano persimile.

Expositâ jam universâ hepatis figurâ, rationes proximo loco adducendæ essent, ob quas hepar figuram

figuram hujusmodi nactum sit. Quoniam verò diversis animalibus variz jecinorum figuræ obtingerunt, & fortassis causæ omnium communes eadem esse possunt; haud incongruum fuerit, primò rationes quasdam generales figuris jecinorum omnium communes proponere, ac deinde eandem humani hepatis figuræ particulatim applicare.

I. Prima ac præcipua ratio, figuræ omnium jecinorum determinans, hæc est; nempe, ut eas formas induant, quæ ipsorum facultatibus, actionibus, atque usibus singillatim optimè conveniant. Neque enim figura partis cujuspiam approbanda est, nisi scopis primariis, quorum gratiâ pars instituta erat, respondeat: ejusmodi autem sunt actiones & usus: idèoque necesse est, ut figura iisdem subserviat, aut saltem non adversetur. Fatemur quidem, regulam hanc præcipuè atque immediatè figuram hepatis internam determinare, externam verò haud immediatè definire, sed indiscriminatam relinquere: quoniam tamen externa internæ subservit, & utraque scopis jam dictis obsequitur; oportet regulam hanc cæteris omnibus regulis sive rationibus imperet, quæcunque vel externam vel internam figuram particulatim definiunt: & quamvis figuram externam, ejusque varia discrimina haud immediatè respicit; positis tamen aliquândo diversis aliis cujuscunque animalis conditionibus, earundem operâ regula quoque hæc figuris omnibus (quæcunque in diversis eorum jecinoribus reperire est) efformandis limites præscribit.

*Et à quibus determinetur.*

II. Regula altera est, ut figura sufficientem materiz quantitatem in se complectatur, adeò ut  
nihil

nihil defit, nihil superfluat. Absque enim debita hujusmodi materię proportionē, actionibus usibusque, secundum regulam priorem requisitis, perficiendis haud adequatē suffecerit. Obijciat aliquis, hanc materię proportionem, hepatis magnitudinem potius, quā figuram spectare. Ego verō respondeo, rem itā sese habere: desumitur quippe regula hæc à justa hepatis magnitudine, quatenus ipsius figuram respicit. Puta enim certam cuique parti magnitudinem deberi; oportet sanè figura eandem alicubi totam amplectatur: ac propterea, si figurę pars aliqua exigua materię quantitatem in se continuerit; necesse est, alię ejusdem partes majorem comprehendant. Ex gr. si in hepate sex lobi fuerint, & quatuor eorum majusculi extiterint; oportet profectò duo reliqui minores sint; quoniam materia haud satis copiosa superest, quę horum magnitudinem cum illorum amplitudine exæquet: quemadmodum in hepate cuniculi sive porcelli Indici videre est. Nam si necessitas postulaverit, ut loborum unus aliquis prægrandis sit; similiter necessarium fuerit, ut reliqui lobi pari proportionē minuantur. Si hepar in longitudinem productum fuerit, oportet aliquid de illius latitudine, aut crassitie, aut utraque præcidatur: sicut in jecinoribus anguis atque viperę contingit. Sin verò tum longitudine, tum latitudine pusillum fuerit; necesse est profunditas sive crassities ejus, illarum defectum compenset; quale hepar bovillum cernimus. Quippe, secundum hanc regulam, materia omnis conformationi hepatis conveniens, alicui figurę ejus parti attribui debet. Est enim regula hæc, non minùs quā superior, certa & irrefragabilis;

fragabilis; neutraq; earum externam figuram immediate definit; sed ambæ rationes alias intermedias requirunt, quarum interventu eandem determinent.

III. Tertia regula desumitur ab usitata naturæ consuetudine, quâ solet unione & continuitate rerum delectari. Ob hanc nempe causam, hepar semper continuum, atque indivisum in lobos cernitur; nisi aliæ quædam peculiæ conditiones, in nonnullis animalibus divisionem ejus postulaverint. Aded ut, quotiescunque animalis cujuscumque hepar in lobos diffecatur, ratio aliqua hujusce divisionis requiri possit; & quidem ejusmodi, quæ aliis animalibus (quibus hepar indivisum obtingit) non conveniat. Fatendum enim continuitatis appetentiam, (quæ regulæ hujus fundamentum est) haud aded esse immutabilem, quin figuris quibuscunque in particularibus animalibus locum cedat, modò istæ totius utilitati magis fuerint consentaneæ. Ideoque plurimis animalibus (non obstante hac regulâ) hepar in lobos finditur; quod divisio ejusmodi, quàm continuitas, eorum naturæ sit magis idonea. Divisionis autem hepatis, variarumque illius formarum rationes, regulis proximè sequentibus demonstrantur.

IV. Quarta regula figuræ hepatis determinans, est, ut ea partibus omnibus circumvicinis, & totius corporis trunco, actionibusque eorundem conveniat. Cæteroquin enim nec tam commodè, atque opus erat, in trunco corporis hospitaretur; nec partibus vicinis operam debitam præstaret. Nam si pars contenta, continenti parti minus accuratè adaptatur; necesse est, altera alteri molesta

fit, ejusque actionibus atque usibus aliquo modo incommodet. Similiter, si hepar figuram vicinis partibus nullo modo conformem haberet, non posset certè (prout illis ex usu est) auxilio suo prodesse. Quantopere autem hepar vicinarum partium commodis sese adaptet, ex cuniculorum jecinoribus luculenter constat; in quibus dextra fibra dextro reni locum cedit, sinûque amplo excavatur, quo illum excipiat. Ad eundem pariter modum in avibus, sinister hepatis lobus ventriculo ità incumbit, ut hiatus aliàs futuros prorsus expleat: supremâque in iis loborum pars cavitatem eam efformat, quâ cor, capsulâque ejus ad amussim amplexatur. At enim, inquires, hepar præ cæteris vicinis partibus nobile viscus est; ideòque æquum videtur, ut illæ huic inserviant, non autem hoc illis morem gerat. Sciendum verò, naturam in partium ad se invicem conformatione, non tam partium ipsarum nobilitatem, quàm totius utilitatem (ob quam illæ extructæ sunt) respicere. Quapropter si pars nobilior, sine proprio incommodò, ignobiliori gratiam eam facere possit; nobilitas in hoc negotio haud magni penditur; præsertim si, absque ejusmodi concessione, pars ignobilior haud adeò commodè efformari queat. Nihilominus verum est, partem nobilè ignobiliori, cum actionum usuûmque suorum damno, nunquam cedere; sed tunc solùm de jure suo remittere, cum, citra officii sui injuriam aliquam, figura ejus hoc vel illo modo indiscriminatim sese habere potest. Quoniam igitur (ut in prima regula dictum est) actiones & usus hepatis haud ex propria naturâ atque immediatè figuram ejus externam

ternam definiunt, sed aliorum commodorum respectu, in quorum censu hoc quidem est potissimum; asserimus, externam hepatis figuram (in rebus functioni ipsius indifferentibus) partibus circumjacentibus, totique corporis trunco adaptari: præsertim, si harum quæpiam certæ alicui figuræ necessario adstricta fuerit.

V. Regula quinta: Debebant omnia jecinora fieri aliquatenus flexibilia: siquidem (ut de situ hepatis diximus) hepar haud planè est immobile, neque etiam cunctæ ejus partes æqualiter moventur: idèoque (si nequaquam inflecti posset) motû unâ aliquâ ejus parte & quiescente alterâ, necessario dirumperetur. Fieri enim aliter non potest, quin corpus inflexibile, simul vel totum moveatur, vel totum quiescat, vel in medio motæ & quiescentis partis termino huc illuc dissiliat. Eadem hæc regula ex sequenti porrò confirmatur.

VI. Denique, hepar ventriculo, & intestinorum parti (sive plenæ, sive exinanitæ) adaptandum erat. Comprehenditur hæc regula ab ea quam quarto loco posuimus; id solum addit amplius, debuisse eam hepatis figuram contingere, ut promptè aperiri claudique posset, prout nempe ventriculus atque intestina vel referta essent, vel deplerentur. Neesse enim est, stomacho atque intestinis plenis existentibus, figuram simul hepatis dilatari; exhaustis verò iisdem, hanc coarctari denuo: licèt in animalibus (quibus hepar continuum est) discrimen hoc multò minus quàm in aliis reperiat. Regula hæc quoque præcedentem confirmat: nisi enim hepar aliquatenus flexibile esset, non posset ventriculo atque intestinis vacuis plenisque commodè applicari. Excludit etiam figuram sphæ-



ricam, aut utrinque convexam : ventriculus enim cibo turgidus, cum necessariò rotundus sit, si hepar similiter parte illâ, quæ ventriculo proxima est, in gibbum extumesceret ; non possent viscera illa sese invicem aliter ferè quàm in puncto contingere ; quod & ventriculi concoctioni noceret valdè, & hepatis ipsi plurimùm obesset.

*Regula  
prædicta  
humano he-  
patis appli-  
cantur.*

Expositâ jam universim figuræ hepatis ratione ; superest, easdem regulas humano hepatis speciatim applicemus ; omisiss tamen duabus prioribus, quæ ad externam illius figuram haud immediatè pertinent.

Tertia itaque regula affirmat, figuram hepatis continuam (nisi alia quædam obstiterint incommoda) esse perfectissimam ; adeoque homini, animali maximè perfectò, convenientissimam. Cæpta erat moveri quæstio, (cap. de numero partium hepatis) cur hepar humanum continuum extructum fuerit, non autem in lobos divisum, ad instar jecinorum plerorumque aliorum animalium ? quoniam verò quæstio hæc propriè ad figuram hepatis spectabat, eandem in hunc locum distulimus. Tertia hæc regula rationem idoneam reddit, cur hepar in homine, aliisque animantibus (quibus tale contigit) figuræ continuæ reperiatur : quia tamen regula istæc haud adeò perpetua est, quin aliquando (postulante id majore aliquo commodo) secus evenire possit ; docendum porrò, figuram hujusmodi continuam humano hepati neutiquam esse incommodam, etiam si aliis animalibus obfuisse, quorum jecinora in lobos divisa sunt. Utilitates autem istæ, à tribus posterioribus regulis modò dictis deducendæ sunt ; nempe à 4.<sup>a</sup> 5.<sup>a</sup> & 6.<sup>a</sup> sed potissimùm à quarta, cui propterea præ cæteris diutius immorandum est.

Quarta

Quartâ autem regulâ requiritur, ut figura hepatis, partibus omnibus circumpositis, & totius corporis trunco respondeat. Quoniam autem circumpositæ partes hic loci non ad integram hepatis figuram, sed ad partes ipsius duntaxat referuntur; de ea re postea, ubi de partibus figuræ hepatis agendum erit, tractabimus: interea verò de humani hepatis cum ipsius corporis trunco conformitate discceptabimus: idque ut faciam rectius, figura illius trunci necessario introspicienda est; quatenus nempe figuræ hepatis legem imponit.

Affero itaque, totum humani corporis truncum, respectu totius corporis, latiore quidem esse, sed minùs profundum, longumque, quàm in plurimis aliis animalibus reperitur. Veritas hæc probatione nullâ indiget, cum sensû ipsius testimonio evidenter constet: necessitas tamen figuræ hujus in homine, aut saltem convenientia atque utilitas admirabilis, digna est quæ ulterius à nobis perpendatur. Nonnulla itaque indubitæ fidei postulata de hac re proponam, & corollaria quædam obvia indè deducam.

Primò igitur concedendum arbitror (quod nemo sanz mentis negaverit) totum humani corporis truncum eâ amplitudine extrui debuisse, ut viscera omnia in eodem locanda comprehenderet, nihilque spatii præterea abundaret, aut deficeret. Indèque constat, si quid de latitudine ipsius detraxeris, tantundem illius longitudini, aut profunditati addendum esse; quoniam aliter dictis omnibus visceribus excipiendis nequaquam sufficeret.

2<sup>a</sup> Pro concessio habeo, voluisse naturam, ut homo binis pedibus erectus incederet: unde sequitur, si truncus ejus in ulteriorem longitudi-

*Hepar toti trunco conforme est.*

*qualifnam sit trunci in homine figura.*

*Postulata quædam.*

nem extenderetur, debere necessariò eundem simul magis gracilem atque imbecilem evadere, adeòque erigendo corpori minùs idoneum: alioquin enim majoris capacitatis esset, quàm partes in eodem continendæ necessariò requirant. Enimvero si cavitatem aliquam quoad longitudinem ipsius ampliaveris, haud ablatà simul pari ejusdem vel latitudinis, vel profunditatis, vel utriusque mensuræ, necesse est, plura, quàm antea, in se continendo sit, adeòque visceribus in eo recondendis haud adæquatè respondeat: quod postulato primo refragatur. Ac propterea natura, ut inutilem illam gracilitatem, imbecillitatèmq; evitaret, truncum humani corporis abbreviare maluit, quò se faciliùs erectum tutaretur. Atque hunc causam esse arbitror, cur homini (habità magnitudinis ipsius proportionem) præ cæteris animalibus ferè omnibus, spina dorsi inter cervicem & os sacrum exiguà intercapedine protendatur.

3<sup>a</sup>. Confessa mihi res videtur ac manifesta, dorsi vertebrae in eum finem fabricatas esse, ut truncum integrum erectum sustineant, ejusdemque ponderis veluti centrum sint. Quod aliter sanè eveniret, si pectus amplà profunditate extrudum esset: pondus enim illius omne antrorsum vergeret, corpusque eodem inclinaret. Ideòque videre est, vertebrae in homine ad trunci ipsius centrum ferè pertingere, costasque, statim ab illarum cum vertebrae dearticulatione, retrorsum tendere; adeò ut spina (quæ in bestiis acuminata cernitur) convallis instar subsidat: ut scilicet totius trunci onus vertebrae tum prorsum tum retrorsum ex æquo incumbat, parique libramento sustentetur.

4<sup>a</sup>. Haud, dubium est, brachia homini quoquo-  
versum

versum moveri debuisse; extrorsum nempe protendi, pectus versum incurvari, complicari mutuo, aliterque inflecti, ut organa organorum essent: quæ omnia (si pectus homini, bestiarum more, prominens contigisset) haud commodè fierent. Canes enim, equi, oves, &c. (quorum pectus carinatum est) nec se pedibus anterioribus amplecti possunt, neque eosdem latè (ut homines brachia solent) distendere; multoque minùs ad alia omnia idonei sunt, quibus manus nostræ inserviunt. Quippe prominentia pectoris intermedia (ut diximus) necessariò expeditis mutuisque eorum operis exequendis impedimento esset. Quinetiam homini, dum erectus obambulat, obstaculo fuisset, quo minus vestigiis suis prospiceret, tutoque & sine cespitatione incederet. Neque etiam tam commodè infantes ulnis amplecti, aut tam concinnè uberibus lactare potuisset. Quæ mala omnia natura providè amolita est, dum pectus homini in latitudinem potius, quàm in longitudinem, aut profunditatem expandit.

Denique, res liquida est, conjugalem torum homini fuisse perfectissimo ritu celebrandum; eo nempe modo, qui animali ratione prædito optimè congrueret. Id autem haud aliter fit, quàm mutuis artissimè amplexibus, dum utrinque pectora pectoribus jungunt, atque oribus ora; verbisque, osculisque, animas veluti commutant, aut commiscunt. Quæ sanè tam convenienter fieri non possent, nisi homini pectus latum ac depressum, minimèque acuminatum (brutorum exemplo) extructum esset.

Ex dictis clarè constat, debuisse necessariò hu- *Ex dictis*  
mani corporis truncum, in latum potius, quàm *illatis.*

in profundum expandi ; sequiturque (ex regula 4.<sup>a</sup>) necesse esse, ut hepar aliquatenus latitudini ac profunditati illius respondeat. Et quia trunci latitudo (ut jam diximus) ipsius profunditate major est ; debet necessariò ea hepatis dimensio, quæ trunci latitudini respondet, *longitudo* ejus appellari, quoniam alterâ dimensione est productior ; eaque pro *latitudine* haberi, quæ illius profunditati est commensurabilis. Major enim cujuscunque rei dimensio, *longitudo* ejus dicitur ; transversa verò, *latitudo* appellatur. Quoniam igitur trunci latitudo, *longitudo* illius ferè altero tanto major est, hepatisque *longitudo* eidem aliquo modo conformari debet ; necesse profectò est, ut hepatis *longitudo*, ipsius *latitudinem* excedat.

Hoc pacto, ais, hepatis *longitudo* ipsius *latitudinem* duplo major esset : cum tamen res aliter sese habeat. Atque ita quidem, inquam, contigisset ; si modò hepar à latere ad latus usque pertigisset : quoniam verò in sinistro latere aliquantum spatii relinquitur, quod à liene, ventriculique vicinâ parte impleatur ; *longitudo* hepatis totam trunci *latitudinem* non occupat, neque ad duplum ipsius *latitudinis* accedit ; sed proportionem ferè sesquialteram obtinet.

Præterea, definitis hoc modo (per trunci *latitudinem* ac *profunditatem*) hepatis *longitudine* atque *latitudine* ; necesse est, ex regula secundâ generali modò dictâ, de ipsius crassitie quoque manifestè constet. Quippe oportet, ut materia omnis ad debitam illius magnitudinem requisita, alicubi in eodem disponatur : idèoque quicquid ejus in *longitudinem* aut *latitudinem* non abit, necesse est in crassitiem absumatur. Atque hoc pacto in  
trium

trium hepatis dimensionum noticiam pervenimus.

Porro, ovalis hepatis superficies, à trunci cavitate definiatur: cavitatē intelligo inferiorem, quæ abdomen dicitur, constatq; figurā ovali, sed depresso. Cavitati, inquam, huic *ovali*, nempe segmento illius superiori, oportuit hepar configurari. Enimvero hepar (ut de situ illius dictum est) in abdomine proximè subter diaphragma locandum erat, adeoque superiori cavitatis illius segmento adaptandum; utpote quod ab eodem exactè impleri debuerit, & consequenter, figuræ ejusmodi ovalis depressioris veluti segmentum esse. Hujusmodi autem ovalis figuræ segmentum, esse quoque in ambitu ovale; ex ovi segmento constat, cui modò totam hepatis figuram comparavimus, quòdque cavitatis illius, in qua hepar hospitatur, segmentum adæquatè refert: ideoque ambitus sive crepido hepatis, ovalis quoque constituenda erat.

Denique, ob hanc hepatis cum cavitate, in qua degit, conformitatem, nulla occasio sive convenientia exoritur, ob quam natura illud in lobos dividere debeat; ac propterea eatenus figura continua, utpote perfectissima, eidem concedi potest, quatenus alia commoda sive utilitates non dissentiant. Res tamen hæc ad quintæ sextæque regulæ normas porro exigenda est.

Quinta itaque regula generalis postulabat, ut *Hepatis flexibilem,* hepar esset aliquo modo flexibile: Fatemur quidem, figuram continuam per se minùs eā inflecti posse, quæ in lobos distinguitur; homini verò haud opus erat, ut hepar illi, ad aliorum animalium exemplum (quorum jecinora in lobos divisa sunt) omni ex parte æquè flexibile contingeret. Atque hujusce rei duplex ratio occurrit: altera, quòd

quòd pleraque animalia, quorum jecinora in fibras dissecantur, spinâ admodum flexibili donentur. Ità nempe canes, feles, cuniculi &c. (quorum hepar divisum est) spinas valde flexiles habent, easque faciliè vel antrorsum, vel ad latus alterutrum, in spiras contorquent: qui sanè motus majorem hepatis flexibilitatem requirunt, quàm in homine reperias; cujus spina stabilior esse debuit, ut corpus majore firmamento erectum conservaret. Altera ratio (& fortè magis universalis) cur hepar humanum minore flexibilitate indigeat, mox dicetur, ubi de sexta regulâ porro quædam adnotabimus.

Interea verò privilegia duntaxat quædam recensibimus, quorum operâ humanum hepar, etiam si minimè in lobos diremptum fuerit, convenienter tamen inflecti possit. Et in eorum numerum longitudo hepatis referenda est, quæ latitudinem ipsius exuperat: corpora enim oblonga, faciliè incurvantur. Hepar humanum, ob dorsî latitudinem, in amplam longitudinem protenditur; dum plerisque aliis animalibus (quorum jecinora divisa sunt) truncus corporis non minùs profundus, quàm latus, contigit, adeoque hepar pari ferè latitudine atque longitudine sortita sunt, carèntque hoc longitudinis privilegio, quo faciliùs inflecti queant. Neque aliter incommodum hoc aptè compensari potuit, nisi hepatis in lobos partitione. Sunt porro tria alia privilegia, ob quæ hepar humanum faciliè inflecti aptum natum est, quæ hîc solum nominâsse suffecerit. 1. Anticæ, sinistræque crepidinis tenuitas, quibus locis potissimum incurvari debuit. 2. Fissura, quam vena umbilicalis ingreditur. 3. Inæqualitates, quæ in hepatis

patis cavo passim reperiuntur. De quibus posthac uberius dicetur, cum de figuræ hepatis partibus (ad quas propriè spectant) tractabimus.

Regula sexta requirit, ut hepar ventriculo atque intestinis adaptetur. Quod sanè fieri nequit, nisi illud aliquo modo inflecti possit: aliàs enim ventriculo atque intestinis vacuis, plenisque, haud convenienter applicaretur. Quippe ventriculo pleno existente, oportet hepar illi incumbens cavum suum expandat; eodémque mox depleto, illud contrahat denuo, & coarctet. Aptitudo tamen hæc (quam diximus) haud tantam hepatis flexibilitatem in homine, atque in aliis animalibus, requirit. Idque ut constet luculentius, rationem eam annectam, quam modò eram pollicitus: nempe hepar, in homine, ut ventriculum & intestina amplectatur, minore cavitate opus habere; quàm in iis animalibus, quorum jecinora divisa sunt. In homine enim (ob dorfi latitudinem) satis spatii est, ut hepatis tota moles expansa parùmque arcuata, ventriculo atque intestinis incumbat. In iis verò animalibus, quorum hepar in lobos dirimitur, haud tantum spatii reperitur, quantum materiz, constitutioni hepatis eorum debitz, continendæ satis sit; nisi simul hepar illis, ad fornicis modum, super ventriculum atque intestina incurvetur. Ideoque profundâ illius cavitate opus erat, ut materiz pars ea, quæ supernè ob arctam loci latitudinem excipi commodè non poterat; deorsum, in abdominis longitudinem profunderetur: quod equidem, citra insignem hujusmodi cavitatem, non contingeret. Quippe ratum habeo, debuisse hepar inter peritonæum, & ventriculum atque intestina (partes scilicet eorum, quas obteggit)

collo-

*eiusque cavitas.*



collocari : cūmq̃ue crepidines illius longè in abdomen ferantur, necesse erat, ingens cavitas in medio ipsius efformaretur, quā partes jam dictas exciperet. Nimirum, si massam farinaceam, hepatis amplitudini parem, in lata aliquā parūmq̃ue profundā patinā depseris ; figura ipsius planè illam hepatis tantillū excavatam referet ; sin verò eandem massam in alta atque angustā scutellā subegeris, fundūmq̃ue illius debitam hepati crassitiem non excefferit ; ascendet necessariò juxta latera, inque medio suū profundam cavitatem exhibebit. Similiter & hepati contingit : ubi illi satis loci relictum est, ut in tenuitatem ejusmodi (quæ flexibilitati ejus debite convenit) citra laterum offensionem aliquam, explicari possit ; figura eidem ferè plana obvenit : quemadmodum in homine videre est, cujus trunci latitudo expansionem hujusmodi facillè admittit. ubi verò à lateribus coarctatur (sicut massæ farinaceæ in angustā scutellā evenit) non potest in figuram planam explicari, verū necessariò per latera diffunditur, cavitatemque altam nanciscitur ; quod eorum animalium jecinoribus usitatè evenit, quibus truncum corporis angustiorum natura concessit.

Quo posito, addo ampliùs, Non posse hepar valdè excavatum, ventriculo atque intestinis, plenis vacuisque commodè adaptari, nisi simul in lobos dividatur. Neque enim hepar fibrosæ substantiæ est, ut extendi facillè & contrahi possit ; nec corrugationem etiam, aut complicationem ullam admittit. Adeòque necesse est, (ut ventriculi & intestinorum plenitudini ac vacuitati aptè respondeat) in lobos dirimatur : quippe hoc pacto, in plenitudine partes hepatis ab invicem recedere,

&amp;

& in vacuitate denuo coïre possunt ; quod hic solum requiritur.

□ In homine igitur haud tanta est hepatis cavitas, ut ipsum in lobos dividi necesse sit : & quamvis *Latini* inferiorem hepatis partem, *cavum hepatis* nominent ; lidem tamen illam, non minus apto vocabulo, *simam hepatis partem* appellant : quo nomine ejusmodi cavitas indigitatur, quæ sit plano proximo. Hujus, inquam, planities, sive minoris profunditatis causâ, humanum hepar, citra divisionem ullam, ventriculo atque intestinis tam plenis quàm vacuis facilè respondet. Repletus enim ventriculus intestina deprimit, totâque hepatis cavitatem ferè solus occupat : eodem autem exinanito, major intestinorum pars sursum fertur, dictâque cavitatem adimplet. Adèò ut, plenitudinis & vacuitatis hujus ratione, figura hepatis parùm admodum immutetur : haud plus sanè, quàm dicta illius flexibilitas facilè admiserit. Quinetiam variz hujusmodi accommodationi hepar humanum promptius obtemperat, quòd cavitas ejus in longitudinem magis, quàm in latitudinem diffundatur. Cùm enim longitudo illius maxime flexibilis sit, facilè illac vel expanditur, vel contrahitur ; quatenus nempe ventriculo atque intestinis ex usu fuerit. Animadversione quoque dignum est, jecinora omnia continua, magis in longitudinem, quàm in latitudinem protendi, simulque parùm excavari : tale hepar contigit homini, bovi, lucio, viperæ, &c. E contrâ verò jecinora omnia plurimùm concava, in lobos diffecantur ; quale est hepar canis, felis, cuniculi, &c. unde ratio prædicta plurimùm confirmatur. Atque hætenus de figura hepatis universali dictum est.

## CAPUT XI.

*De partibus quibusdam figura Hepatis  
externa.*

**E**Xterna hepatis figura partes aliquæ ulterio-  
rem disquisitionem postulant: nempe con-  
vexitas in superiore, & cavitas in inferiore ejus  
parte; lateris sinistri, anteriorisque crepidinis te-  
nuitas, cum subtili utriusque margine; lateris  
dextri, partiúmque posticarum crassities; fissura he-  
patis; ac demum cavi ejus inæqualitates.

*De hepatis  
gibbo,*

1.<sup>a</sup> Ad hepatis *convexitatem* quod attinet, ea  
manifestè à loci (in quo situm est) figurâ dependet,  
eique perfectè adimplendo sese accommodat. In  
nullo animali hætenus à me viso, pars aliqua in-  
ter hepar & peritonæum intercedit; illam nempe  
hujus portionem, quæ segmentum abdominis cin-  
git, in quo hepar hospitatur. Ideoque superna  
ejus superficies, dicto jam peritonæo proxima, ei-  
dem adaptari debuit, adeoque ovale segmentum  
æmulari: quippe (ut diximus) totum peritonæ-  
um abdomen ambiens, figuram ovalem aliquantu-  
lùm depressam exhibet: ac propterea, non solum  
hepar humanum gibbosum est; sed & singuli lobi  
(etiam eorum animalium, quibus jecinora divisa  
sunt) parte illâ, quâ peritonæum respiciunt, in  
gibbum protuberant. Necesse enim est, ut quic-  
quid cavitati ovali contiguum est, id ipsum toto  
illo tractu, similem figuram, gibbam nempe, in-  
duat.

2.<sup>a</sup> *Cavi-*

2<sup>a</sup> *Cavitas hepatis videtur ad partes eidem sub-* *cavo,*  
*jectas referenda, utpote quas aliquo modo respici-*  
*at; ventriculum nempe, atque intestina; quæ am-*  
*bo, idque in omnibus animalibus, figuram rotun-*  
*dam aliquatenus participant: ideoque inferior he-*  
*patis pars excavari debuit, ut iisdem accommo-*  
*daretur. Animadversione equidem dignum est,*  
*non solum totam hepatis figuram, plus minúsve,*  
*illinc gibbam, hinc cavam extructam esse; sed &*  
*lobum quemlibet (etiam in iis animalibus, quo-*  
*rum hepar fissum est) prout convexitate quadam*  
*abdomen respicit, ita & cavitate pariter aliquâ*  
*donari, quâ partibus, quas tegit, obvertitur. Hu-*  
*jus nimirum concavitatis auxilio, vicinas partes*  
*arctè commodèque amplectitur, totûque vegeto*  
*exhilarat, ac refocillat; quemadmodum, ex re-*  
*gula 4<sup>a</sup> superioris capitis, factum oportuit.*

3<sup>a</sup> *Necesse erat, sinistrum hepatis lobum, at-* *parte fini-*  
*que anteriorem ejus crepidinem tenuiores extrui,* *stra,*  
*ut (pro occasione natâ) flexiles magis, mobilésque*  
*redderentur. Neque enim diaphragmatis solum*  
*motui obsecundare par erat, ventriculôque atque*  
*intestinis plenis vacuísque cedere, (qua de re jam*  
*suprà à nobis dictum est;) verum etiam necesse erat,*  
*easdem, quoniam aliquantum infra costas descen-*  
*dunt, majoribus incommodis exponi, & ab exter-*  
*no compressu aut impulsu aliquo huc illuc flecti,*  
*utpote costarum munimine privatas. Factæ ita-*  
*que sunt sensim tenuiores, donec in subtilem ve-*  
*luti aciem desinant: quo fit, ut sinistra hepatis*  
*pars, cunei instar, inter ventriculum & abdomi-*  
*nis cavitatem inferatur, adeoque lacunas & hiatus*  
*aliâs futuros planè expleat. Similiter, anterior*  
*hepatis crepido tenuitatem ejusmodi requirit,*  
*ut*

ut facilis inter intestina & peritonzum abdominis cavitatem vestiens sese inlinuet. Enimvero intestinis pariter atque hepati male esset, si quando illa sursum inter peritonzum atque hepar ferrentur: quod incommodum arcetur, dum tenuis hæc crepido peritonzum immediatè attingit, atque intestina deprimit.

*dextra;*

Dextrum hepatis latus, posticæque ipsius partes, *crassiores* esse oportuit; non solum, quod aliter plusculum materiz, quæ ad magnitudinem ejus debitam requirebatur, à figura illius abfuisset; satisque spatii in iis abdominis partibus, quibus crassities illa respondet, relictum esset; verum etiam quod partes illæ hepatis, à dorso costisque munitæ, motui, flexibilitati, aliisque injuriis minus essent obnoxiz.

*de fissura ejus.*

4.<sup>a</sup> Fissura hepatis, quam vena umbilicalis ingreditur, non modò initioni illi accommoda est, sed etiam hepatis flexibilitati (quæ ventriculo & intestinis repletis aut inanitis, aliisque motibus obsequitur) plurimum inservit. Chirurgi emplastra sua, si locis quibus destinantur minus aptè respondeant, centrum versùs plus minùsve incidunt, ut dextrè magis iisdem applicentur: similiter natura (quæ subtilissimæ artis ingenium longè superat) in complurium animalium jecinoribus, prout necessitas id postulaverit, profundas incisuras exsculpit, ut ad operas omnes debitas parata sint, quibus aliàs (ut pridem diximus) minus commode inservissent. Homini verò, levi hac fissurâ duntaxat opus erat, ut hepar ejus sufficienter vel expanderetur, vel contraheretur, prout ipsi ex usu esset. Nam (ut capite superiore dictum est) in iis jecinoribus, quibus ingens cavitas debebatur, pro-

profundæ quoque incisuræ desiderabantur, unde eadem propriè in lobos divisa dicimus : in homine autem cavitas hepatis exigua cum sit, non alia in eo quàm parvula hæc fissura requirebatur.

Ergone (ais) levis hæc fissura in hepate humano, eundem usum habet, quem majores incisuræ in plurimis aliis animalibus obtinent? tæbet, inquam, aliquatenus ; eoque modo, quem antea diximus : hoc solum interest, quod parva hæc rimula hepatis propriè in lobos exciscundo non sufficiat, quemadmodum à grandioribus incisuris contingit. Quoniam tamen partes hepatis à fissura hac interseptæ, propriis nominibus destituuntur, & ejusmodi nomenclatura ex usu fuerit ; licebit sanè, per nos, easdem *loborum* nomine (minùs autem propriâ significatione) indigitare ; dicique poterunt dexter & sinister hepatis *lobus*. Idque etiam ab eximio Viro & doctissimo Anatomico *Lib. 8. c. 5.* *Spigelio* factitatum legimus, ubi ait : *Hepar in medio fissuram habet, in quam vena umbilicalis inseritur, à qua in duas partes (quas lobos posthæc semper vocabimus) dirimitur.*

5.<sup>a</sup> In hepatis cavo *inequalitates* quædam conspiciendæ veniunt ; nempe hiatus sive sinus, & protuberantiæ. Sinus isti eundem usum hepatis præstant, quem manibus incisuræ solent, quæ in earum volis reperiuntur : nam ut harum auxilio, manus expeditè magis clauditur, atque aperitur ; ita pariter & hepar sinuum illorum beneficio faciliùs expanditur, & contrahitur : nempe, turgescente ventriculo, hepar simul cavitatem suam explicat, ut eum amplectatur ; eademquæ, depleto illo, ad pristinam angustiam coarctatur denovo. Quorum neutrum faciliè contingeret, si hepar cavitatibus,

vitatibus, & protuberantiis hujusmodi destituere-  
tur: quippe hepar minimè fibrosum, adeoque di-  
latationi & contractioni parùm idoneum est; ac  
propterea talibus auxiliis peropus habuit.

*hepatis Por-  
ta.*

Præcipue quidem hepatis protuberantiæ sunt  
tres numero; quarum duæ à *Galeno* viduas dicun-  
tur, suntque venæ Portæ (quæ ab iisdem nomen  
suum mutuatur) conterminæ. Videtur cavum he-  
patis, quàm gibbum, injuriis accipiendis magis  
opportunum; ideoque protuberantiis hisce ma-  
ximè indigebat, quibus sese ab earum insultu tu-  
taretur. Ventriculus atque intestina, non solum  
cibo flatuque distenta, sed potissimum vomitione,  
singultu, aliisque convulsivis motibus irritata, ca-  
vo hepatis vim inferunt: & licet gibbum ejus quo-  
que ab eodem nisu comprimatur, cavitati tamen  
suz adequatè adaptatum, vim illatam adeo æqua-  
liter excipit, ut pars ejus aliqua præ cæteris mag-  
nopere affici nequeat; dum interea cavum hepatis,  
hostibus jam dictis proximum, inæquales atque  
irregulares eorundem impetus, modò hac, modò  
illâ sui parte sustinet; eoque nomine præsidii nunc  
dictis opus habuit. De cerebro constat, prominen-  
tias atque cavitates illi à natura concessas esse, ut  
faciliùs à cranii ambientis duritie protegeretur:  
nec minùs verisimile est, inæqualitates hæc cavo  
hepatis in eundem finem contigisse.

*Lobus,*

*huiusque u-  
sus.*

Tertia in cavo hepatis protuberantia, à *Spigelio*  
absolutè lobus appellatur: & revera satis discrimi-  
nis inter eum ac reliquum hepar intercedit, quo  
nomen hoc mereatur: minoris tamen momenti  
pars est, quàm ut ejus causâ totum hepar propriè  
in lobos divisum dici debeat. Parvulæ hujus par-  
tis usus obscurior est, quàm quis primo intuitu fa-  
cile

cilè arbitretur. Proponam conjecturas nostras.  
 1.<sup>a</sup> Mediante hoc lobo, omentum hepatis facile  
 commodèque adnectitur: quippe circa lobum hujus  
 radices, quàm reliquo hepatis continuatur, omen-  
 tum quoque connectitur, & duplicaturâ suâ lobum  
 ipsum amplexatur. Connexionis hujus beneficio,  
 hepar (quacumque omentum illi vicinum est) molli  
 pulvinari gaudet; ipsumque omentum loco suo  
 detinetur, nè vel partibus suis, vel intestinis ir-  
 ruiatur. 2.<sup>a</sup> Lobus hic à natura factus videtur, ut  
 hiatus locumve aliàs vacuum futurum expleat.  
 3.<sup>a</sup> Hujus forsàn interventu fit, ut majora vasa à py-  
 lori compressione protegantur. Utcunque, id cer-  
 tum videtur, ejus operâ foissulam in hepate effor-  
 mari, per quam cavæ truncus (qui alteri hujus  
 lobum parti accumbit) delabitur: idem etiam cavam,  
 nè inter hepar ac spinam comprimatur, protegit.  
 De hoc lobo, ita Spigelius: *Lobus exiguum in cava* Lib. 8. c. 6.  
*hepatis parte juxta Portas vocatus situs, in ipsam omenti*  
*cavitatem totus reconditur, ab aliis Anatomicis nondum*  
*descriptus. Hic longè tenuiore membranâ, quàm reli-*  
*quum hepar, tegitur; ut omnino credibile sit, à levi in-*  
*juriâ facillimè periri. Accedit, quod & ipsa sub-*  
*stantia mollissima sit; ut cuius patebit, qui parenchy-*  
*ma à venis liberare voluerit, cum vel levi affricatione*  
*digitorum discedat. Hanc doctissimi Viri sententiam*  
*non impugnabo, sed ulteriori potius indagini re-*  
*linquam. Ratiunculam duntaxat addam, cur ita*  
*se rem habere probabile sit: nempe lobus iste in*  
*omenti duplicaturâ continetur, eoque pacto ab*  
*inuriis plurimum defenditur, ut tunica parâ cum*  
*reliquo hepate firmitudinis haud opus habeat; po-*  
*stèque simul ab ejusdem laxitate atque pinguitu-*  
*dine reddi tenerior. Ego tamen, etiam si sæpe vasa*  
*hepatis*



hepatis parenchymate suo exuerim, discrimen ejusmodi (quale *Spigelius* innuere videtur) nunquam reperi. Fortè id subtilissimo Anatomico obvenit, quod mihi quoque in excarnandis jecinoribus crebrò contigisse memini: nimirum, partes illæ hepatis, quæ ob recentem cocturam plusculum madescent, teneriores & molliores apparent, quàm aliz, quas jam sicciore factas ultimò aggressus fueris. Debètque hujus discriminis ratio haberi, si quis de hepatis partis alicujus præ cæteris ténertudine rectè judicare voluerit.

*Spigelius* quoque à partis hujus situ obiter infert, humorem serosum ex jecore in omenti cavitatem facile depluere. Quæ res, quoniam ad totius hepatis negotium diversimodè spectare potest, infra à nobis tractabitur, postquam de figura hepatis internâ actum fuerit, quam nunc aggredimur.

## C A P. XII.

*De figura Hepatis internâ: ac primùm de vasis biliaris extra hepar conspicuis; iisque universim consideratis.*

**I**Nterna hepatis figura consistit in mutua vasorum (in parenchymate suo) complicatione, sive texturâ ad se invicem. Ideòque figura hepatis interna, vasorùmque in eodem distributio, absque inani tautologiâ, separatim tractari nequeunt. Quippe interna illius figura, à variâ vasorum ramificatione atque texturâ exurgit: datâque semel vasorum

vasorum omnium, eorundemque texturæ ad se invicem, & cum parenchymate, descriptione; figuram simul *internam* necessariò depinxeris.

Pro concessio itaque habeo, ut figura hepatis interna rectè describatur, debere vasa ejus, illorumque distributiones verè ac perspicuè explicari. Expedito enim hoc negotio, nulla alia interna figura, quæ seorsim describatur, supererit. Ideoque proximo loco de vasis hepatis tractabimus.

Vasa hæc vel intus latent, vel foris conspicua *Vasorum hepatis distinctio.*  
sunt.

Fateor quidem, vasa extra hepar posita haud æquè propriè, atque illa, quæ intus reperiuntur, ad figuram hepatis *internam* pertinere: nihilominus tamen, ob ipsorum cum radicibus suis (quæ in hepate sunt) continuitatem; & propter substantiæ similitudinem, ac specificam cum iis (tunicæ eorum interioris ratione habitâ) identitatem; proptèrque usum eorundem communem; haud ineptè, uti arbitror, ad eundem censum referri possunt.

Vasa hepatis foris annexa, communi nomîne *vasa fellea* *foris conspicua recensentur.*  
*sa biliaria* appellantur. Et quoniam illa, citra hepatis dissectionem, ostendi atque examinari possunt, de iisdem primo loco agemus. Sunt autem numero quatuor: nempe, *vesicula fellea*, *meatus cysticus*, *porus biliaris*, & *ductus communis*.

Vasis hisce omnibus id commune est, quòd tunicæ ab *eorum ab interna diff-*  
nicâ à peritonæo natâ vestiantur; quæ radices eorum, ramique per hepar dispersi destituuntur: uti *ferentia*,  
postea in historia eorum particulari constabit.

Tunica autem horum vasorum *propria*, est ejusdem *et cum iisdem communitates.*  
similaris substantiæ, cum radicibus ramisque eorum per hepatis substantiam disseminatis: suntque

ea omnia sibi invicem continua; siquidem ductui communi, ceu trunco, reliqua omnia, tanquam rami, connectuntur. Propria isthæc tunica (nisi ubi vesiculam felleam obtegît) plus duplo crassior robustiorque est, quàm venæ cujuscunque, paris magnitudinis: est tamen eadem (quàm venæ cujuscunque tunica) friabilior, & dilatationi ineptior. Videtur diversæ compositionis esse, ab alio quocunque totius corporis vasè; similiter etiam & colore variat, siquidem ex fusco pallidè flavescit. Præterea, in tunicæ hujus texturâ sive formatione, cum extra, tum intra hepar, id perpetuum est, quòd semper (etiam in minimis capillaribus) concava reperiatur: estque cavitas ista à parte unâ in aliam continua, donec cum *ductu communi*, cavitatem nempe amplissimâ, uniatur.

Habet etiam tunica horum vasorum propria fibras omnis generis; scilicet rectas, transversas, & obliquas. Sunt autem, nisi fallor, oblique in vesicula felleâ copiosiores; transversæ autem, in reliquis vasis. Fibrarum harum auxilio, vasa isthæc omnia plus minùsve contrahi, ac dilatari apta sunt: quâ de re postea fusius dicetur.

Denique, tunica hæc (aliarum fibrosarum partium more) venis, arteriis, nervisque prædita est. Quoniam verò venis arteriisque donatur, indicio est, partes illas sanguine vitali, spiritûque irrigari; non autem bile solâ nutriri, quemadmodum nonnullis visum fuit: Indèque, quòd nervos habeat, concludimus, easdem partes esse sensibiles, dolorique ac irritationi obnoxias. Atque hac etiam de re posthac uberius disceptabitur. Imprésentiarum autem, vasa extra hepar conspicua singillatim aggrediar; initio sumpto à vesicula felleâ,

leâ, utpote quæ primò maximèque perspicuè obtu-  
tui sese offerat ; reliquâque deinceps suo quælibet  
ordine proseguar.

## CAP. XIII.

*De Vesicula fellea.*

**H**anc Græci χύστις χοληδόχον appellant : Latinis,  
*Vesicula*, five *folliculus felleus* dicitur. Est au-  
tem humoris fellei, quantum capacitas ejus com-  
modè siverit, condus promissusque.

Figura ejus est propemodum ovalis, vel potiùs *Ejus figura,*  
pyri imaginem repræsentat, hujusque pediculum  
meatus cysticus exhibet. Magnitudo illius (in ve-  
siculis grandioribus) ovo gallinaceo haud multò  
minor est ; longitudo autem duos pollices proxi-  
mè æquat. Dividitur ipsa in fundum, & cervi-  
cem. Fundum ejus (in situ naturali) inferiùs pro-  
pendet, bursulæ instar ; paulùmque ultra anteri-  
orem hepatis crepidinem protenditur. Vesicula  
hæc ventriculo atque intestino colo incumbens,  
utrunque sæpe flavedine tingit.

Cervix illius, cùm hepate, tum meatui cystico  
connectitur. *connexio duplex;*

Qua hepati adnascitur, sinus parvulus reperi-  
tur ; in quo recondita, ut firmitus hepati adhe-  
reat, variis adminiculis adjuvatur ; *quarum illa cum hepate diversissimo firmatur.*

1<sup>a</sup> Mediante communi tunicâ à peritonæo ori-  
undâ.

2<sup>a</sup> Ope tunicæ, quæ ipsi (quâ hepar respicit)  
obtenditur ; oriturque à venæ Portæ commu-  
ni capsulâ, five tunicâ (ut ità dicam) vagi-  
nali,

nali, quam infrà fuſius deſcribemus.

3.<sup>a</sup> Auxilio multarum minutiffimarum fibrarum, quæ in hepatis parenchymate radican-  
tur; ſuntque forſitan velicæ biliaræ vaſa capillaria: id  
certum eſt, earum intervntu, veſiculam hanc cum  
hepate firmiter connecti.

*Veſicula*

*ſive radi-*  
*ces,*

Denique, radicum vaſorum biliariorum inſignis  
integérque truncus, partem illam veſiculæ ingre-  
diens, ubi fibroſo annulo conſtringitur, conne-  
xionis huius firmitudini plurimùm conducit.  
Truncus iſte, licèt valdè exiguus ſit, vixque een-  
teſimæ radicum pori bilarii parti æqualis, ramuſ-  
culos tamen aliquot, & vaſa capillaria in hepatis  
cavum diſtribuit; videtúrque etiam ipſum ramu-  
lus quidam venæ Portæ comitari; quemadmodum  
pori bilarii radicibus contingit, à quibus eum haud  
aliter diſtinxeris, quàm quòd veſiculam felleam  
ingrediatur.

*hancque*  
*inſertio.*

Si veſicam bilariam eo animo aperueris, ut trun-  
ci huius in illam inſertionis modum intelligas;  
eum ſanè haud facile repereris. Licèt enim ductus  
iſte in dictam veſiculam pertundatur, humórque  
in eam illac delabatur; in interiore tamen veſicæ  
ſuperficie, vix veſtigium foraminis huius apparet.

Quod equidem creditu arduum cuiſpiam videri  
non debet, ſi modò inſertionis ureterum in veſi-  
cam urinariam meminerit: quamvis enim truncum  
hunc amplitudine longè ſuperent, originem tamen  
eorum ægrè inveniat, ſi, apertâ veſicâ, eandem  
ſimili pacto inveſtigaverit.

Optimus (quem nobis hætenus reperire licuit)  
inveniendi trunci huius inſertionem modus, (ſi  
veſicam felleam aperire, ingreſſumque in illam ri-  
mari placuerit) ità inſtituitur; nempe, ſi juxta  
oriſcium

orificium ipsius prope meatum cysticum, exiguam quandam spongiosamque protuberantiam scrutatus fueris; in illam enim, uti arbitror, truncus iste haud obscurè insertitur. Protuberantia isthæc à *Spigelio*, *valvule* nomine indigitatur; & revera quidem valvulæ munere fungitur, dum bilis regressum prohibet: est tamen figuræ illius artificium insigne adeò, ut nudum *valvule* nomen texturæ ejus exprimendæ forsitan haud sufficiat. Proximè sanè accedit ad substantiam illam spongiosam, quæ ingressum ductûs communis in jejunum intestinum occultit: quem conspiciari licet, si modò intestini latus alterum è regione insertionis illius aperueris. Quâ de re posthac dicemus uberius. De dicta jam protuberantiâ hoc solum addam amplius; cocto aliquantulum hepate, si vesiculam denuo (protuberantiæ hujus inveniendæ gratiâ) inspexeris, exiguum jam finum apparere, ubi prominentia antea conspiciebatur. Nimirum, cum truncus hujus valis (ut in jecinoris excarnatione clarè liquet) loco illi alligetur, in quo protuberantia modò dicta ante coctionem apparuit; idemque à costura plurimum contractus sit, breviorque evaserit; necesse est, partem illam vesiculæ felleæ, cui annectitur, propius ad se attrahat, cavitatèque eo pacto efformet: quemadmodum, si crumenæ parti alicui filum ad-alligaveris, atque hoc te versum adduxeris, foveola quædam ibidem in interiore illius superficie efficitur. Ut in certam trunci hujus, ejusdemque distributionis atque insertionis notitiam devenias, hepar ipsum suâ carne exuendum est: quippe hoc modo, numerosæ minimæque fibræ, quæ (radicum instar) vesiculam felleam hepati adnectunt, in apertum veniunt.

Fieri

Fieri etiam potest, lusu quodam naturæ, ut truncus iste geminus reperiatur; minimèque, ante insertionem ejus in vesiculam bilariam, uniatur. Vidi enim sæpenumerò, in jecinoribus bubulis, duplicem truncum, circa hunc locum, vesicam ingredi. Quinetiam vesicula hæc venis, arteriis, nervis, & canalibus aquosis donata est: Venis quidem duabus, à trunco Portæ, quæ cysticæ gemellæ appellantur; totidèmq; arteriis, à cœliaca; & præterea nervo exili, à sexto pari, cujus ope pars sensibilis æstimanda est: deniq; ductus aquosi eandem perreptantes, cum vasis hepaticis congeneribus versùs pancreas feruntur.

*ejusque officium.*

Vesiculæ felleæ officium quòd attinet, de eo nihil dicam, donec reliqua tria vasa bilaria descripsero. Hoc duntaxat impræsentiarum addo, radicem ejus, & præsertim trunci majoris in hepar disseminati, idem munus esse, quod pori bilaril ramulis convenit; nempe, ut bilem ex hepatis illis partibus, in quas deducuntur, exhauriant. Hoc solum interest, quòd ramulis illis valvulâ nullâ opus fuerit, quâ bilis recursum impedirent; in hoc autem ramulo talis reperiatur. Idque factum videtur, quia bilis in vesicula istâ copiosè accumulari debuit; ac propterea exitum illius per meatum cysticum plurimùm arctari par erat, ope fibrosi anuli, qui in ipsa eorum connexione adnascitur; quemadmodum in proximo capite luculentius constabit. Aliàs enim, si vesicula fellea (ut sæpe fit) ad ejiciendam bilem vehementer extimularetur; quoniam iter rectum est, bilisque copia semper adest, fieri non posset, quin eadem, summo cum partis illius, in quam vas illud fertur, periculo, reflueret. Irritatio enim, fibrarum omnium

omnium contractionem adfert; unde idem usu venit, quod à compressionē aliter contingeret. Jam verò cuius perspectum est, compressā vesicā aliquā, humorem in ea contentum per omnia foramina effluere: adeoque hic pariter, factā simili compressionē, bilis non minùs sursum in hepar, quàm illorū in meatum cysticum efferretur, si nihil factum esset obstaculi. Hujus verò incommodi aver-  
tendi ergò, valvula isthac sive impedimentum ex-  
structum est. In poro bilario autem remorā hujus-  
modi nihil opus fuisse, ex dicendis planius con-  
stabit.

## CAP. XIV.

*De Meatu Cystico.*

**D**uctus sive canalis iste progreditur à cavitate *Altera ve-*  
vesicæ felleæ, bilique indè evacuandæ (quo-*sica bilaria*  
ties vesicula eadem turgescit) abunde sufficit. *connexio.* Eo-  
dem tamen loco, ubi illi conjungitur, fibroso anu-  
lo donatur; quo fit, ut meatus hic valdè arctetur;  
adeò, ut bilis suā sponte effluere nequeat;  
indèque, nisi levi compressionē factā, aut ob plenitudinem insignem (quæ eòdem recidit) haud  
emigret.

Fibrosus hic annulus accenseri potest vel vesicæ *ambos ejus*  
biliaræ, cui præcipuè inservit; vel meatui cystico, *fibrosus,*  
cujus ductum angustiores reddit. Perinde enim  
est, utrū unius principium, an finem alterius  
statuas; siquidem utrunque interjacet, & ambo-  
bus continuatur.

Videtur



*ejusdemque  
us.*

Videtur in eum duntaxat usum extructus, ut meatum jam dictum angustiores reddat, caveatq; adeò, nè vesicula fellea quamlibet levem ob causam exinaniatur. Naturæ enim consultum videtur, ut vesicula hæc semper mediocriter adimpleatur, eamque bilis quantitatem, quam in ea ut plurimum conspiciamus, in se contineat. Idque vel eâ ratione certum est, quòd in corporibus prosperâ valetudine utentibus, vesicula hæc semper plena reperiatur: indicio manifesto, rem sese hoc pacto ex naturæ consilio habere. Quòd facilius autem vesicula isthæc muneri huic (debitæ nempe bilis portioni retinendæ) sese acciageret, debuit necessariò ductus ejus anulo hujusmodi muniri; ut, quoties opus esset, bilem vel admitteret, vel excluderet: quod certè valvulæ auxilio perinde non potuit.

*Meatus cy-  
stici val-  
vulis desti-  
natus.*

Anatomici quidam in hoc ductu valvulas quasdam effinxerunt, unamque hoc ipso in loco statuerunt. Crediderim autem fibrosum hunc anulum iis pro valvula imposuisse. Facto enim sæpius periculo, expertus sum bilem, levi digitorum compressione, prorsum retrorsumque inter vesiculam & jam dictum vas fluctuasse, uti etiam inter vas hoc & ductum communem. Quod sanè, si valvula aliqua interponeretur, fieri nequaquam posset; quippe alterutri huic motui obicem poneret. Quinetiam plurima hoc genus vasa aperui, valvulam tamen hætenus in nullo eorum sum conspiciatus.

*ductus illi-  
us amplitu-  
do.*

Vasis hujus ductus infra anulum fibrosum multò patentior est, quàm in ipso anulo reperitur; quod rem primum intuentibus Naturæ forsitan dissensaneum videatur. Vera tamen, ut opinor, hujus

hujus rei ratio est, quòd vesicula fellea haud perpetuo exiliq̃ue profluvio exoneretur; sed confertim, ac per intervalla, bilis plusculum evacuet. Diximus enim jam antea, fibrosũ hunc anulum ut plurimũ tam arctè occludi, ut bilis sponte effluere nequeat, adeòque ductus hic (de quo agimus) à primario suo officio plerunq̃ue ferietur; & tunc solũ canalis officio fungi, cũ vel ab humoris copiã premitur, vel alicunde ad excretionem ejus extimulatur. Utrobique verò anulus fibrosus antea constrictus necessariò dilatatur, simulq̃ue humoris biliosi effluxus in eodem celerior, quàm in locis inferioribus, efficitur: ideòque oportet, canalis iste latior multò extruatur, quàm ipsius fibrosi anuli hiatus. Quemadmodum enim in deplendis stagnis, per angusta emissaria, aquæ ea copia evomitur, quæ majoribus fossis adimplendis sufficiat; ità pariter & vesicula fellea semetipsam subinde comprimens, apertòque jam strictioris anuli orificio, humoris eam vim effundit, quæ capaciõr aliàs ductui complendo satis sit. Et licèt tam amplo canali haud opus esset, si modò vesicula fellea pedetentim continuatòque effluvio exoneraretur; quoniam tamen impetu quodam, ac per temporum intervalla (ut diximus) depletur; necesse erat, meatus cysticus tam subitæ evacuationi exequendæ tantopere patefceret.

Amplitudo hujus vasis, pennæ gallinacæ ferè æqualis est; longitudo autem, duarum unciarum reperitur: definitque, ubi poro bilario ductuq̃ue communi conjungitur.

## CAP. XV.

*De Poro Bilario, quatenus extra Hepar  
conspicuus est.*

**D**icitur canalis, sive porus *biliaris*; item meatus, vel ductus *hepaticus*; ad meatus *cystici* discrimen. Si integrum intelligas, *primarium* vas est, per quod humor *felleus* à sanguine *secernitur*, & foras extra *hepar* amandatur.

*Pori bilarii  
dignitas,*

Majoris longè momenti, quàm *vesicula fellea*, apprehenditur: ejusque *ramusculi* per *hepar* dispersi, *vesicæ bilariz capillamentis* centuplò plures, nec minoris magnitudinis reperiuntur. Nullum etiam *hepar* *poro isto bilario* destituitur: at *vesicula fellea* plurimis animalibus deest, adeoque minus necessariò in subsidium vitæ requiritur.

*aspiratur.*

Canalis hujus in ipso *hepate* structuram, quàmque multifariàm atque admirabiliter per totum ejus *parenchyma* distribuitur, posterius suo loco explicabimus. Ubi autem *hepar* egreditur, *tubulus* ejus, quàm meatus *cystici*, altero tanto major est. Et revera *radicum illius* in *hepate* ingens numerus (quem modò diximus) videatur non immeritò magnitudinem quoque ipsius longè ampliorem exposcere; meatu nempe *cystico* centuplò majorem. Sciendum autem, meatus *cystici* hiatus à *fibroso anulo* constringi adeò, ut *poro huic bilario* proportionem respondeat; reliquumque meatus *cystici* ductum ideo latius patescere, quòd humor è *vesicula fellea* per intervalla quædam, non  
autem

autem effluvio perpetuo protrudatur : quemadmodum à nobis in præcedenti capite uberius dictum est.

Addo etiam amplius, canalem hunc hepaticum, si cum radicibus & ramis suis per hepar dispersis conferatur, humori omni ab iis delato versùs intestina transferendo sufficere. Sunt enim radicum earum tubuli perexigui, motùsque bilis in illis tardus admodum, adeò ut vas isthoc illis omnibus commodè respondeat.

At enim (inquies) fit interdum, ut vasis huius ramulus aliquis in hepate, ipso trunco ejus *Objectioni respondetur.* exteriori major reperiatur. Est id quidem verissimum : fatendum tamen, id illasà valetudine nunquam contingere ; nec nisi hepate illic loci plurimùm obstructo, quo fit, ut licet canalis ipse exteriori valdè intumescat, tubulus tamen ejus intus arctetur magis, minorque humoris copia illac depluat : ut periculi nihil sit, quin truncus deferendæ bili more solito sufficiat. Neque equidem negaverim, ramulorum horum tubulos aliquos interdum plurimùm distendi, fistulisque lapideis offerciri, (non adaucto tamen interea, sed imminuto potiùs humoris biliosi curriculo) factaque tandem morâ diutinâ, dilatatisque continuè eorum alveis, humorem tandem fracto obice prorumpere posse, & truncum communem aliquandiu suâ mole opprimere. Verùm istuc & rarissimè contingere solet, & naturæ vitio haud vertendum est, siquid præter ipsius institutum evenit.

Quidam poro bilario valvulas assignant : unam *Valvula communis* nimirum prope egressum ejus ex hepate ; idque *vet.* in eum finem, ut nè bilis in hepar denuò regrediatur ;

diatur; alteram verò juxta vasis hujus cum meatu cystico & ductu communi connexionem. Ea autem sententia quotidianæ experientiæ refragatur; sicut multiplici diversorum animalium dissectione probè compertum habeo.

quàm longa  
atque ampla  
sit.

Longitudo hujus vasis, ab exortu ejus ex hepate, ad terminum illum quo meatui cystico & ductui communi conjungitur, est circiter duarum unciarum: magnitudo autem, pennæ anserinæ minusculæ æqualis cernitur.


## CAP. XVI.

*De Ductu communi.*

illius proportionis.

Nomen hoc obtinuit, quòd meatibus duobus prædictis uniatur. Quippe ambobus proculdubio inservit, atque amplitudine utrique proportionè respondet: facillè enim humorem ab illis delatum ad intestina deducit; èstque alterutro eorum major, & aliquatenus ambobus par.

connexionis  
modus.



Tria hæc vasa inter se conjuncta, litteram *Pythagoræ* planè exprimunt. Porus enim bilarius *A C* ductui communi *C D* veluti rectâ lineâ continuatur; meatus verò cysticus *B C* obliquè inter utrumque incidens, angulum cum poro bilario acutum, cum ductu autem communi obtusum constituit: quemadmodum in schemate videre est.

valvulas  
nullas habet.

Aliqui hic quoque *valvulas* reperire satagunt, (nempe

(nempe inter ductum communem & porum biliarium, vel inter eum & meatum cysticum) verum irritum conatu; quippe ad oculum liquet, humorem à quolibet horum vasorum ad quodlibet eorum, perinde sursum ac deorsum ferri. Nam si, digitorum compressu, humorem ex poro biliario versum ductum communem detruseris, ille quidem illuc facili negotio delabitur; idemque simili nisu fit retrogradus: quod etiam de fluxione bilis inter vas hoc & meatum cysticum, haud minus verum est. Adeo ut tres hi canales, sine ullo óbice suisque deque sibi invicem pateant.

Ductus communis à prædictis vasis exorsus, <sup>eiusdem in-</sup> recta deorsum tendit versum finem duodeni, aut (si <sup>tertio.</sup> fertis) jejuni initium; nam eodem hæc res redit; est enim utriusque intestini limes sive terminus. Et licet intestina hæc aliter quoque ab invicem distinguantur (nempe, quod duodenum nullis spiribus circumplicetur, utpote mesenterio minimè annexum) ab hujus tamen vasis ingressu facillimè internoscuntur. Ideoque mihi de lanâ caprinâ certare videntur, dum hi ingressum ejus ad duodeni finem, illi autem ad jejuni principium statuunt.

Hujus vasis insertio, à nonnullis *valvula* appellatur (& revera officium valvulæ præstat, dum recursum omnem bilis ab intestinis versum hepar præpedit) alii autem, & quidem verius, *obliquam insertionem* vocant; quòd eo pacto intestinum ingreditur. Dictio tamen isthæc, partis hujus usui, subtilisque texturæ explicandæ vix sufficit: ideoque admiror ut, descriptione ejus allatâ, de totius fabricâ unâ cum usu ipsius luculentius constet.

L

Insertur

Inferitur primò in posticam intestini partem, indèque inter tunicas ejus obliquè deorsum fertur. Postquam enim exteriorem tunicam penetravit, inter eam & secundam tunicam, ad duodecimam circiter uncie partem, deorsum progreditur, ibique hanc etiam perforat; intèrque illam & tunicam interiorem semiunciali ferè longitudine prarepìt, tandèmq; hiatu rotundo in intestinum aperitur. Quamprimum autem ductus hic communis utranque exteriorem intestini tunicam perripit, adèò laxè eum interior tunica complectitur, ut digito huc illuc facillimè dimoveri queat: hujusque mobilitatis ratione rem quamlibet ab intestino illapsuram arcet: quemadmodum id exploratu facile est, si modò, aperto intestino, acum aut specillum exiguum illac immittere coneris. Videbis enim, vario huc illuc subterfugio, spem omnem penetratiouis eludere; nisi fortè statim ipsum centrum illius, stylo tetigeris.

*regressum  
omnem  
præpedit.*

Præterea, nè quid ab intestino in ductum hunc illabatur, ipsa insertionis obliquitas in causa est. quicquid enim illò vorsum tendit, atque ingredi conatur, id simul eodem nisu interiores intestini tunicas versùs exteriorem comprimit, ipsùmque adèò aditum præcludit: idque eò magis, quò vis illata potentior fuerit.

Denique, regressus omnis in ductum communem præpeditur à fibris anularibus, quæ non modò orificium ipsum, sed & totum obliquum tractum obsident. Quemadmodum enim fibræ istæ anulares sese facillè extendunt, quoties humor biliosus diutulè repressus copiatque jam adauctus ad exitum properat; ità quoque, elapso semel superfluo humore illo, eadèmq; penitus connivent, transitum-

transitumque omnem impediunt, donec humoris plusculum denuo collectum fuerit, quod fores illarum effringat. Dari autem ejusmodi fibras anulares, hinc constat: Si intestinum ex adverso orificii hujus aperueris, bilémque in illud digitorum operâ adegeris, videbis statim ab exclusâ bile orificium illud sponte suâ denuo occludi; quod sanè citrà ejusmodi fibrarum opem, fieri nequaquam posset. Similiter, si insertioni huic specillum indideris, idémque mox indè extraxeris; orificium jam dictum spontaneo motu contrahi cernes. Ideoque crediderim, aditum huic eo nomine cum anî sphinctere convenire, licèt minore cum molimine clausurâ illic peragatur: nempe, si quando ab incubente humore copioso molestia aliqua illata fuerit, mediantibus fibris hisce anularibus transitum ei concedit, denuoque in angustiam pristinam sese contrahit.

Ductus communis in ove aliter, quàm in homine, in intestinum inseritur. Quippe in illa, uncia integræ spatî inter intestinî tunicas prorepat, priusquam in illius cavum aperitur; tùmque fissuram efformat, quæ per intestinî longitudinem deducitur. Fissura hæc laxâ & spongiosâ protuberantiâ, ab interiore intestinî tunica enatâ, utrinque protegitur: adèd ut, si quidpiam alitèr in illam impingat, id eam protinus translabatur, hiatumque occludat. Ipsa tamen insertionis hujus obliquæ in ovibus longitudo, præcipuè impedimento est, quo minus aliquid ab intestinîs in ductum huic communem regrediatur: quoniam enim orificium ejus in oblongam fissuram definit, fibris ejusmodi anularibus nihil opus erat. Neque etiâ insertio hæc in ovibus æquè laxè huc illic

*Insertionis  
huius dis-  
crimina.*



oberrat, atque in homine id fieri diximus: ac propterea, quoniam aliis jam dictis auxiliis destituitur, æquum erat, ut itineris longitudo, tunicarumque ad invicem arcta compressio, illorum absentiam compensarent.

Insertio hæc in bubulo genere vix quicquam ab ea discrepat, quam modò in homine descripsimus; nili quòd illic majora omnia atque conspectiora sint, ipsumque orificium, fibrarum anularium veluti collari muniatur. Ipsa verò insertionis longitudo in bobus, altero tanto, quàm in ovibus, minor est; licet illi corporis mole longè præcellant. Totius etiam ductus communis prolixitas in ove, duplò, quàm in bove, major est.

Vasis hujus in homine amplitudo, pennæ anserinæ maximæ æqualis est; longitudo autem duarum circiter unciarum cum semisse reperitur.

## CAP. XVII.

*De Vasorum felleorum, extra hepar positorum, actione atque usu. eaque super re Lavrentii sententia primum expenditur.*

*Inquirendorum*

**A**ctiones atque usus harum partium, quatenus cum radicibus suis per hepar disseminatis communicant, tantisper differre visum est, donec radicum ipsarum descriptio allata fuerit. Impresentiarum verò id solum quærimus, quomodo vesica fellea impleatur, ac depleatur; pariter in quem finem ductus communis stricto ad eò meatu  
in

in intestinum inferatur; & cur vesicæ biliariz orificium fibroso anulo muniatur; cui etiam bono humor biliosus in vesicula felleâ, ductu communi, meatu cystico, aut poro biliario coacervetur?

Quæstionum harum priores tres (quomodo *methodus*, nempe vesicula fellea fiat plena atque inanis; cui usui fibrosus ejus anulus inserviat; & cur ductus communis strictâ aded insertione in intestina illabatur?) haud incommodè simul tractari queunt: siquidem opiniones, quæ unam harum respiciunt, à reliquis quoque haud alienæ sunt. Varias itaq; Authorum super hac re sententias proponemus, nostrumque tandem de toto hoc negotio profereamus judicium.

Opiniones quidem tres præcipuas reperio: quæ *Triplex de* rum primam *Laurentius* amplectitur, eandemque *ea re sententia*, etiam communem sive vulgarem esse ait: altera est *Fallopîi*: tertia verò *Jasolini*, cujus *Riolanus* meminuit, quàmque etiam *Barbolinus* sequitur.

*Laurentius* quidem sententiam suam fusè exposuit: ego verò tres duntaxat selectiores ejus propositiones (quæ totam aliquatenus opinionis ejus summam comprehendunt) paucis perstringam. *Laurentii examina- tur (hist. anat. l. 6. c. 20. qu. 23. 24.) for ad tres propositiones reducitur;* Asserit itaque

1<sup>a</sup> Porum biliarium habere transitum conspiciendum perviumque ad vesiculam felleam, non autem in ductum communem; valvulamque alicubi adesse, quæ bilis *immediatum* à poro biliario versùs intestina descensum impediat.

2<sup>a</sup> Omnem bilem, qui è poro biliario delabatur, necessariò vesiculam felleam adire, antequam ad intestina ferri queat.

3<sup>a</sup> Vesicam felleam, rectarum fibrarum ope, bilem ad se allicere; atque ubi illâ aliquantulum oblectata

oblectata fuerit, eandem protinus per idem vas (nempe meatum cysticum) per quod prius attraxerat, versùs intestina detrudere.

quarum 1<sup>a</sup>  
perpenditur

Non obstante primâ propositione, *Laurentius* fateatur, ductum ab hepate ad vesiculam obliquum esse, ab illo autem ad intestina rectâ ferri. Idque omnes fateantur necesse est, nisi oculis suis fidem abrogare velint. Quippe vasa illa haud aliter constructa sunt, quàm in apposita figura videre est; ubi vas A, B, rectum ab hepate ad intestina ductum exhibet; A, D, C, verò transitum ab hepate in vesicam felleam repræsentat, qui flexuosus est, angulûmque in D, constituit. Miror itaque *Laurentium* (capite præcitato) asserere,



bilem ab hepate rectâ ad vesiculam ferri. Quin ipsemet (dictorum, opinor, oblitus) quæst. 24. ait, Non potuit rectâ ferri ille ductus ab hepate ad vesiculam, quia in cavo jecoris erat sita; descendit ergò meatus, deinde ascendit. Pro confesso itaque habeo, meatum à poro biliario, recto magis adeoque breviori ductu ad intestinum, quàm ad vesiculam felleam decurrere: ac propterea magis recto bilis versùs intestina descendit, quàm obliquo illius ad vesiculam felleam motui favere.

Neque illa verba *Laurentii* mihi placent, ubi ait, à jecore ad vesiculam ferri ductum conspicuum pervinque canalem, non autem à jecore ad intestinum.

Quæro

Quæro enim, qua ratione canalis ab hepate ad vesiculam deductus, altero ab hepate ad intestina delato magis conspicuus dicendus sit? Quippe rectitudo illius (ut dictum est) minor conspicitur, estque quoad amplitudinem cum hoc minimè comparandus; nam & ductus communis, & porus biliaris etiam, meatu cystico longè majores sunt. Quomodo igitur ductus iste reliquis est magis conspicuus? Quoddam illis, inquit, sit magis pervius. At verò hoc sensu non opus erat dicere, *conspicuum perviumque canalem*; nam posterior vox sententiæ ejusmodi exprimendæ suffecisset. Ultramque autem dictionem additam dices, ut inde constaret, porum biliarium conspicuè atque evidenter magis ad vesiculam felleam, quàm ad intestina patefcere. Redit autem hoc pacto prior difficultas, nempe quâ in re evidentia illa consistat? Oportet (ut & dictio sonat) id à sensu manifestè dignoscatur. Oculi autem neutiquam concesserint, transitum liberiores ad vesiculam felleam, quàm ad intestina extructum esse. Quapropter necesse est ad valvulam, (quam in ductu communi fabricatam autumat) observationemque malè institutam (quâ eandem probare nititur) confugiat. Quæ duo, *ejusque fundamentum convellitur,* quoniam sententiæ ipsius fundamenta sunt præcipua, accuratius hîc à nobis expendenda sunt.

1<sup>a</sup> Concedimus, *valvulam* nullibi reperiri, quæ motum bilis à poro biliario ad vesiculam felleam impediat: adest enim solum angustia quædam prope collum vesicæ in anulo fibroso; ut superius dictum est.

2<sup>a</sup> Afferimus, nullam valvulam, aliūve impedimentum adesse, quod bilis transitum è poro biliario in ductum communem, adeoque in inte-

stinum prohibeat. Fatemur quidem, viam angustio-  
riorem reddi, ubi ductus communis in intestinum  
delabatur: id autem incommodi non minus de-  
scensum bilis è vesicula felleâ, quàm è poro biliar-  
io respicit. His præmissis, ipsam jam observati-  
onem (pulcherrimam ab eo dictam) cui valvula  
istæc innititur, videamus.

observatio-  
que illius  
enervatur:

*Bilis*, inquit, ab hepate rectâ ad vesiculam primam  
fertur, & ab ea per alium ductum in intestina expelli-  
tur; non autem ab hepate primam ad intestinum, & ab  
eo ad vesiculam, ut in controversiis disputabitur contra  
Fallopium: id enim impediunt valvule in utroque ductu  
conspicue: eas autem facile deprehendes, si fistulam in  
eum ductum immiseris, qui variè in hepar divaricatur:  
inflata enim fistulâ, videbis vesiculam, non intestinum,  
distendi: si verò altero tubulo vesicam inflaveris, inte-  
stinum, non hepar, distendi comperies: ita pervius erit  
tibi ab hepate ad vesiculam, & ab hac ad intestinum  
ductus. Ubi mihi (ut id obiter dicam) minùs pla-  
cent illa verba, per alium ductum: quasi verò vesi-  
cula fellea bilem excluderet per canalem diversum  
ab eo, per quem acceperat; cum tamen (ut ipse-  
met quoque alibi fatetur) per eundem meatum  
cysticum, bilem tum accipiat, tum expellat. Pos-  
sem & id illi vitio vertere, duorum cum duntaxat  
ductuum meminisse; cum tamen vel vas unum &  
continuum habendum sit, vel tres canales nume-  
randi veniant, qui invicem jungantur, ubi me-  
tus hepaticus & cysticus cum ductu communi con-  
currunt.

neque enim  
vidit val-  
vulas quas  
describit.

Porro magis displicet, dum ait, *Impediunt val-  
vule in utroque ductu conspicue*: quasi valvulas illas,  
quarum meminit, propriis oculis conspiciatus es-  
set: cum tamen mihi certum sit, illum nec vidisse  
eas

eas unquam, nec videre ullo modo potuisse : factum enim sæpe periculo, clarè mihi constitit, nullas uspiam in toto illo ductu reperiri. Et licet verba illa, primo eorum intuitu, valvulas istas ab Authore conspectas indigent; penitior tamen eorum examine verisimile sit, ipsum eas nunquam vidisse, sed ex observationis scilicet consequentiâ earundem necessitatem intulisse : idque etiam verba ab eo in margine adscripta luculenter testantur, (*viz. Valvulae in utroque ductu quomodo à nobis deprehense.*) Ut planè credendum sit, nisi præhabita jam dictâ observatione, valvulas illi nunquam in mentem venturas fuisse : quod etiam eo nomine mihi magis sit verisimile, quia loci in utrolibet ductu, ubi valvulae illae sitae sint, nuspiam meminit.

Agam autem armis decretoriis : Si vesicula inflata (ut posteriore observationis illius parte asseritur) distendit intestinum, cur prius dixerat, *vesicam quidem ab inflata fistulâ, non autem intestinum distendi?* Oportet sanè altera pars observationis falsa sit, nisi adhibitâ interpretatione sive distinctione aliquâ, de veritate illius prospexeris : idque ex sequentibus illius verbis factum facilè, dum ait, *Si fistulam in ductum hepatis immittas & infles, videbis statim vesiculam prius inflari, quàm intestina.* Ubi jam concedit, quod antea negaverat; nempe ductus hepatici inflationem tandem intestina quoque distendere, vesiculamque felleam indè duntaxat primò dilatari.

Et jam dictis acquiesceremus, nisi porum hepaticum versùs intestina omnino impervium esse asseruisset. Quomodo enim iter illud planè obstructum sit, cum ab inflatione pori hepatici, intestina tandem

stinum prohibeat. Fatemur quidem, viam angustio-  
riorem reddi, ubi ductus communis in intestinum  
delabitur: id autem incommodi non minus de-  
scensum bilis è vesicula felleâ, quàm è poro biliar-  
io respicit. His præmissis, ipsam jam observati-  
onem (pulcherrimam ab eo dictam) cui valvula  
istæ innititur, videamus.

observatio-  
que illius  
enervatur:

Bilis, inquit, ab hepate rectâ ad vesiculam primùm  
fertur, & ab ea per alium ductum in intestina expelli-  
tur; non autem ab hepate primùm ad intestinum, & ab  
eo ad vesiculam, ut in controversiis disputabitur contra  
Fallopium: id enim impediunt valvule in utroque ductu  
conspicue: eas autem faciliè deprehendes, si fistulam in  
eum ductum immiseris, qui variè in hepar divaricatur:  
inflata enim fistulâ, videbis vesiculam, non intestinum,  
distendi: si verò altero tubulo vesicam inflaveris, inte-  
stinum, non hepar, distendi comperies: ita pervius erit  
tibi ab hepate ad vesiculam, & ab hac ad intestinum  
ductus. Ubi mihi (ut id obiter dicam) minùs pla-  
cent illa verba, per alium ductum: quasi verò vesi-  
cula fellea bilem excluderet per canalem diversum  
ab eo, per quem acceperat; cùm tamen (ut ipse-  
met quoque alibi fatetur) per eundem meatum  
cysticum, bilem tum accipiat, tum expellat. Pos-  
sem & id illi vitio vertere, duorum cum duntaxat  
ductuum meminisse; cùm tamen vel vas unum &  
continuum habendum sit, vel tres canales nume-  
randi veniant, qui invicem jungantur, ubi mea-  
tus hepaticus & cysticus cum ductu comuni con-  
currunt.

neque enim  
vidit val-  
vulas quas  
describit.

Porro magis displicet, dum ait, *Impediunt val-  
vule in utroque ductu conspicue*: quasi valvulas illas,  
quarum meminit, propriis oculis conspiciatus es-  
set: cùm tamen mihi certum sit, illum nec vidisse  
eas

eas unquam, nec videre ullo modo potuisse: factum enim sæpe periculo, clarè mihi constitit, nullas uspiam in toto illo ductu reperiri. Et licèt verba illa, primo eorum intuitu, valvulas istas ab Authore conspectas indigilent; penitior tamen eorum examine verisimile sit, ipsum eas nunquam vidisse, sed ex observationis scilicet consequentiâ earundem necessitatem intulisse: idque etiam verba ab eo in margine adscripta luculenter testantur, (viz. *Valvula in utroque ductu quomodo à nobis deprehensa.*) Ut planè credendum sit, nisi præhabita jam dictâ observatione, valvulas illi nunquam in mentem venturas fuisse: quod etiam eo nomine mihi magis sit verisimile, quia loci in utrolibet ductu, ubi valvulae illæ sitæ sint, nuspiam meminuit.

Agam autem armis decretoriis: Si vesicula inflata (ut posteriore observationis illius parte asseritur) distendit intestinum, cur priùs dixerat, *vesicam quidem ab inflata fistulâ, non autem intestinum distendi?* Oportet sanè altera pars observationis falsa sit, nisi adhibitâ interpretatione sive distinctione aliquâ, de veritate illius prospexeris: idque ex sequentibus illius verbis factum facillè, dum ait, *Si fistulam in ductum hepatis immittas & inflas, videbis statim vesiculam priùs inflari, quàm intestina.* Ubi jam concedit, quod antea negaverat; nempe ductus hepatici inflationem tandem intestina quoque distendere, vesiculamque felleam indè duntaxat primùm dilatari.

Et jam dictis acquiesceremus, nisi porum hepaticum versùs intestina omnino impervium esse asseruisset. Quomodo enim iter illud planè obstructum sit, cum ab inflatione pori hepatici, intestina tandem



tandem intumescant? Hic nimirum est cardo controversiæ: & ut doceam, porum hepaticum immediate (sine deviatione aliquâ ad vesiculam felleam) in ductum communem, adeoque ad intestina patescere, argumenta à me afferentur longè, quàm ipsius jam dicta observatio, luculentiora.

*Porum biliaris testâ in intestinum aperiantur.*

1<sup>a</sup> Si aperto poro biliario stylum indideris, hic facile sine obice ullo per ductum communem ad obliquam ejus in intestina insertionem usque feretur: indèque constat, valvulam nullam toto hoc itinere reperiri. Ac profectò si hic loci daretur valvula aliqua, quæ ulteriorem bilis descensum impediret; ea non minùs *Laurentii*, quàm contrariam sententiam everteret; imò verò omnium vforum felleorum munus frustraretur, siquidem illa non nisi per hæc loca bilem suam in intestina effundunt.

2<sup>a</sup> Dissecto poro biliario ab hepate ad usque ductum communem, indèque ad intestina, nullam valvulam aliudve impedimentum toto eo tractu cernes, præter obliquam illam modò dictam insertionem; in qua valvula nulla, sed angusta solum obliquitas reperitur, quæ transitum ad intestina, licet difficilem, haud tamen impervium efficit.

*Objectioni satisfi.*

At te fefellit, inquis, loci, in quo *Laurentii* valvula sita est, ignoratio. Ego verò assero, non nisi uno in loco valvulam ullam, quæ muneri ab eo assignato respondeat, reperiri posse: idque etiam hoc pacto haud difficulter evincam: Esto porus

porus biliaris A, meatus cysticus B, & ductus communis D. Dico jam, valvulam à *Laurentio* effectam, secundum ipsius sententiam haud alibi esse posse, quam ubi tria jam dicta vasa



ad invicem copulantur, eoque prorsus modo quo res in schemate depingitur, nempe in C. Quippe valvula istæ (ut ille voluit) non solum debuit immediatum bilis transitum in ductum communem prohibere, sed & viam apertam servare, qua bilis tum ad meatum cysticum adeoque vesiculam felleam ascendere, tum inde ad ductum communem atque intestina delabi possit. Quæ omnia valvula C, hinc sita præ se fert; eadem verò si alibi ponatur, jam dictis muneribus nequaquam defungetur. Enimvero si altiore illi locum assignes, non solum bilis decursus à poro hepatico in ductum communem, sed & ejusdem inde in meatum cysticum elutriationem sive transitum impediet; quod sententiæ ejus prorsus adversatur. Similiter, si eandem valvulam inferius statuas, necesse est ductum communem planè occludi, & non modò transitum bilis à poro biliaris, verum etiam à vesicula fellea ad intestina intercipi; quod *Laurentius* fieri inficiatur. Est itaq; unicus duntaxat locus, ubi valvula (quæ sententiæ illius conveniat) collocari possit; adeoque cuiuslibet facillè inquisitu est, utne ibi valvula, necne.

Præterea, factâ digitorum compressione, bilis ex meatu hepatico in ductum communem atq; intestina detrudi potest, sine ullo ejus in vesiculam felleam

felleam transitu. Nam si arctiore ligamine meatum cysticum constrinxeris, omnem certè interporum biliarium & vesiculam cõmeatum præpedies: poteris tamen interea bilem ex hepate perporum biliarium in ductum communem, ipsâque adeò intestina depellere: quod *Laurentii* assertioni planissimè repugnat.

Denique (ut de re hac clariùs constet) quomodo *Laurentii* observatio mutila sit atque invalida, factòque paulò ulterius periculo contrarium per eandem evinci potuerit, aperiã.

*Erroris ejus occasio,*

Pro concessio habeo, evenisse prorsus quod *Laurentius* hic asserit, nempe ab inflato meatu hepatico intumuisse primùm vesiculam felleam, ac postea intestinum.

Facile etiam dederim, factâ jam dictâ observatione, causæ satis fuisse, cur valvulas ejusmodi ibidem adesse suspicaretur, earundemque ulterioris sollicitus esset indaginis. Quippe vas aliquod aëre inflatum, non modò immediatè in cavitatem illam hiat quæ primùm indè intumescit, sed interdum etiam in illam solam ità aperitur; in partes verò postmodum inflatas, non nisi prioris mediatione patefcit.

Peccavit itaque *Laurentius*, dum ex observatione suâ id generatim fieri asseruit, quod casu solùm aliquando contingit. Quotiescunque enim dubium aliquod experimentum occurrit, excitare animum debet ad ulteriorem illius investigationem; firmare autem eum, tanquam ipsâ jam repertâ veritate, non debet.

Dicendum itaque porrò, quam in re observationis hujus incertitudo consistat. Affero igitur, si quando vas inflatum uno duntaxat exitu doneatur,

tur, partem primò inflatam solam ei immediatè adaperiri: verùm ubi vas aliquod duabus pluribùsve aperturis gaudet, certum est, aërem inflatum singulis earum æqualiter imprimi, vimque illi potissimum inferri, quæ minùs renititur. Ac propterea licèt pars aliqua ante aliam infletur, haud indè tamen necessariò sequitur, partem secundò inflatam aërem ab ea mutuam esse, quæ primò intumuit: possunt enim eundem per diversos canales, quique à se invicem minimè dependeant, accepisse: nempe in hoc casu, pars una quàm altera citiùs intumescit, quòd eadem vi illatz impotentius resistat. Idem certè usu venit in præsentì negotio; quippe meatui hepatico duo vasa respondent, meatus nempe cysticus, & ductus communis: inflato itaque meatu hepatico, aër in utrunque jam dictum vas æqualiter influit; aded ut, si unum eorum altero imbecillius obnitatur, necesse sit id ipsum primò intumescat. Jam verò si resistendi vim, quam in meatu cystico deprehendimus, cum illa comparemus quæ in ductu communi occurrit; luculenter constabit, illam in meatu cystico, fibrosi anuli juxta vesiculæ felleæ introitum positi virtute obvenire; hanc autem in ductu communi, obliquæ in intestinum insertioni attribuendam esse; fibrosiùsque illum anulum, quàm obliquam insertionem, vi illatz ut plurimum infirmius oblectari; idèoque licèt vas inflatum, aërem perinde ad intestinum atque ad vesiculam impellat, debet tamen vesicula fellea, utpote quæ minùs renitatur, plerumque primùm intumescere.

Ostensâ jam observationis hujus inconsequentia, paucis aperiâ quomodo eadem ulterius elucidari potuerit. Nempe si, ligato meatu cystico, *observatio  
retorqueatur.*

porus

porus biliaris infletur, videbis illico intestinum, sine ulla spiritus in vesiculam felleam transitu, intumescere; indicio manifesto, viam à poro biliario ad intestinum (citra ullum ad vesiculam felleam secessum) patescere. Quod iis planè contrarium est, quæ *Laurentius* ex observatione suâ deducere voluit. Quare concludimus, primam ejus assertionem veritati esse dissentaneam, bilisq; transitum concedi ab hepate in intestina, sine necessario aliquo ad vesiculam felleam diverticulo. Videamus jam propositionem illius secundam.

*Propositio  
2<sup>a</sup> refelli-  
tur,*

Ait, omnem bilem necessario vesiculam felleam pertransire, antequam ad intestina pertingat. Ininitur propositio istæ priori illi, quàm nunc rejecimus, idèoque sublato fundamento, necesse est & hæc moles illi superstructa corruat. Nam si porus biliaris, sine deviatione aliquâ ad vesiculam, versùs intestinum aperiatur; in quem finem quæso tota bilis, priusquam in intestina descendat, ad vesiculam felleam recesserit? In clariorem tamen hujus rei elucidationem, argumenta aliquot annectam.

*à meatu  
cystici an-  
gustia.*

1<sup>o</sup> Si omnis bilis necessario in vesiculam felleam fertur, antequam in intestina depleri possit, oportet per meatum cysticum illuc transeat, (nullus enim alius ductus tum poro biliario, tum vesiculæ felleæ communis est) simulque necesse est, per eundem meatum cysticum regeratur; quippe aliud vas non conceditur, quo mediante cum intestinis communicet: adeoque vesicula fellea per eundem ductum & impletur & inanitur. Fatetur *Laurentius* quæ diximus: vult tamen diversis temporibus istæc peragi. Et veri quidem similitudinem aliquam præ se ferret hæc responso, si modò vasorum

rum horum proportio aliqua ad id munus occurreret. Quippe meatus cysticus (cui bilem illorsum atque horsum ferendi officium attribuit) meatu hepatico multò minor est; imò verò canalis hujus, quàm illius, cavitas altero tanto major est; ac propterea Natura in meatum cysticum iniqua fuerit, quæ tantundem humoris ab eo auferri postulet, quantum vas duplo majus attulerit: Accedit etiam aliud malum, quòd meatus hepaticus (utpote declive vas) bilem rectà deorsum facile præcipitet, quæ in meatu cystico ægrè ascendit. Adde ampliùs, meatum cysticum à fibroso anulo plurimùm arctari; ut vix vicesima bilis pars, quæ per porum hepaticum delabatur, illac transire queat. Quinetiam (quod majus est incommodum) porus hepaticus non nisi uno simplicique munere defungitur, dum bilem solùm ad inferiora deturbat; meatus verò cysticus (secundùm illius sententiam) eandem modò suscipit, modò rejicit: debetque adeò, quidquid meatum hepaticum transit, bis per meatum cysticum percurrere. Puta enim 24 horarum spatio bilis uncias duas per meatum hepaticum delabi; oportet sanè tantundem, pari temporis intervallo, per meatum cysticum ad vesiculam ferri, indèque eodem itinere versùs intestina remigrare. Debuit igitur (ex hujus sententià) meatus cysticus, quàm hepaticus, altero tanto major extrui; siquidem æquali temporis spatio, duplici ejusdem generis opere defungitur. Quapropter assero, meatum cysticum (præsertim si fibrosi anuli angustiam penites) omnino arctiorem esse, quàm ut duplici huic muneri sit idoneus; atque ideo bilem omnem, quæ ex hepate per porum biliarium descendit, ad vesiculam felleam (priusquam ad

ad intestina ruit) divertere nequaquam posse.

*a ductus  
communis  
amplitudi-  
ne,*

2<sup>a</sup> Ductus communis, si cum meatu hepatico conferatur, triplâ proportionem constat; estque adeo alia vasorum horum inæqualitas. Nam si (ut ille voluit) ductus communis ei usui solum destinatur, ut bilem è vesicula per meatum cysticum delatam, ad intestina deducat; est sanè duplo major quàm oportuit: quippe si æqualis duntaxat cum meatu cystico magnitudinis extitisset, humori tamen, ab hoc allato, deferendo suffecisset. Haud equidem crediderim, Naturam, in efformandis his vasis, moderationis solitæ decorique tantopere oblitam esse: sed putârim potius, ductum communem, cum meatui cystico atque hepatico simul amplitudine respondeat, utrisque etiam inservire. Est enim ex lege Naturæ, ut ubicunque duo vasa sese in aliud tertium exonerant, hoc illis amplitudine sit æquale: licetque hinc ad veram usûs horum vasorum noticiam pertingere: & quoniam ductus communis ambobus aliis vasis magnitudine par est, credendum certè, bilem ex utrisque delatam in eum depluere; adeoque non omnem bilem primò ad vesiculam felleam deflectere, indeque per meatum cysticum ad ductum communem atque intestina delabi.

*a propriis  
vesica fel-  
leæ radici-  
bus,*

3<sup>a</sup> Vesicula fellea de se radices in hepar spargit, quas nemo frustra conditas existimaverit; idèq; fatendum, eam ex parte saltem per easdem impleri. In quem enim alium finem extrudatæ sint? Nemo (opinor) dixerit, illas bilem ad hepar devehere; igitur ab eo accipiant necesse est. Quid autem advehant, nisi bilem? siquidem eadem similari substantiâ & texturâ cum radicibus pori biliarii constant; quæ, nemine refragante, bilem ex hepate dedu-

deducunt. Quare licet casu interdum eveniat, ut vesicula fellea partem aliquam bilis per meatum cysticum è poro biliario exsorbeat; putem tamen, eandem ut plurimum per proprias radices (bilem lentè quidem, sed perpetuò stillantes) impleri; & si quando aliquid è poro biliario hauriat, id fortuito solum, ac præter usitatum Naturæ ordinem contingere.

Postremò, si vesicula fellea (ut *Laurentius Fallopio* ejusque perobjicit) semper plena est, quomodo bilem omnem <sup>petuà plenitudine.</sup> ex hepate per porum biliarium deciduam in se contineat? Nullum enim receptaculum jam plenum, humoris novi excipiendi capax est, nisi simul eodem tempore sese aliorsum exinaniverit. Vesica autem fellea, nisi per meatum cysticum, depleri nullo modo potest; si igitur per eum ductum (quemadmodum prædicta opinio adstruit) bilem admittit, quomodo per eundem eodémque tempore eam amandet foras? Id ipsi quoque *Laurentio* videtur fieri non posse; idèoque diversis temporibus ea munia peragi asserit. At verò quâ ratione igitur priori illi difficultati occurrerit? nempe cavitationem jam plenam, humorem ultrà recipere non posse, nisi pariter eodem tempore evacuetur. Dixerit fortè aliquis, vesiculam nunquam adeò repletam esse, quin fibrarum suarum distentione humorem novum admittere queat. Hoc quidem fortassis aliquo modo fuerit verisimile, uti postea dicitur; idémque (si ità se res habet) *Fallopio* quadantenus patrocinator, qui noluit vesiculam felleam omnem bilem in se recipere, sed eam solum, quæ tempore eo, quo chylus è ventriculo in intestina delabitur, ex hepate descendit: quod forsitan hujusmodi fibrarum extensione, vesicæque modicâ

M

dilata-



dilatatione, aliquatenus fieri queat : saltem id factu facilius, quam ut omnem bilem ex hepate per porum biliarium decidentem exhauriat ; veluti *Laurentio* visum est. Certum est igitur, vesiculæ fellæ plenitudinem, quam *Laurentius Fallopio* opposuit, ipsius potissimum rationibus adversari. Accedo jam ad tertiam illam propositionem, quam de vesiculæ fellæ usu *Laurentius* exhibuit.

**L. 6. c. 20.** Loco præcitato de vesicula fellæ agens, sic ait : *Tertia illi- Unicam & simplicem habet tunicam propriam, sed valius propositio dam triplici villorum genere textam : intus rectos habet, expenditur. quibus bilem in se allicit ; & obliquos, quibus retinet ;*

*foris autem transversos & orbiculares, quibus eandem expellit in incusiv.* Priora quidem verba non displicent ; posteriora autem illa, intus rectos habet, quibus bilem in se allicit, haud satis intelligo. Vultne attractionem organicam, an verò similem ?

**Quæst. 23.** Similarem, inquires : ibidem enim id ipsum indicat, dum ait : *Sanè voluit Galenus familiaritate quadam id fieri, & similitudine nobis incognitâ. Ut enim magnes ferrum trahit, & succinum paleas ; ita bilem, vesicula.* Nisi verba illa addidisset, rectis bilem in se allicit ; nulla mihi eâ de re orta esset controversia ; jam verò de organica attractione planè intelligendus est. Quorsum enim aliter rectarum solum fibrarum in hac actione meminit, cum omnes fibræ similares omnino substantiæ sint, & actionibus iisdem similaribus inserviant. Ideoque si attractio hujusmodi ad rectas fibras peculiariter spectet, id organicè fiat necesse est. Similiter, cum retentionem obliquis fibris attribuit, id ad organicam actionem referendum est : quod etiam in tertio fibrarum genere clarè patet, quarum operâ expulsiō celebratur ; quæ certè, nisi organicè, fieri non

non potest. Repugnant igitur, quæ à *Laurentio* hic afferuntur. Verùm & aliis autoribus familiare est, dicere, varias corporis partes *rectis fibris attrahere* : ac propterea, quo pacto quibúsve machinis attractio hujusmodi rectarum fibrarum ope perfici queat, inquirendum est : atque in hunc finem omnes *organicæ* sive *mechanicæ* attractionis modos recensebimus.

1<sup>us</sup>. Igitur assero, attractionem organicam fieri, si res trahens rei attractæ *connectatur*, sive alligetur ; atque hoc pacto equus currum ad se trahit. Potestque connexio hujusmodi variis modis institui ; nempe ligamine, agglutinatione, continuitate, aut apprehensione, manu scilicet, dentibus, &c. Rectæ autem fibræ nullo horum modorum ad se attrahunt, siquidem ab humoribus trahendis disjunguntur.

2<sup>us</sup>. Est etiam alius organicæ attractionis modus, qui *suctione* perficitur : in hac enim instrumentum attrahens cavitatem suam dilatat, in quam propterea res proxima maximèque fluxilis illabitur, ut vacuitatis incommodum evitet, sive potius ut universi connexum tueatur. Verùm neque hoc attractionis genus ad rectas vesiculæ fibras pertinet, quarum opus est eandem constringere, non autem dilatare. Nec sanè fibræ istæ huic negotio sunt accommodæ ; quoniam vesicula flaccida est, nec latera sua à mutuo ad invicem collapsu servare potest, cum firmioribus ad eam rem sulcimentis opus sit.

Tertium organicæ attractionis genus, id nominis minùs cæteris jam dictis meretur : fit autem, cum cavitas, quæ attrahere dicitur, super rem attrahendam veluti irrepit. Ità intestina dici possunt

sint chylum, rectarum fibrarum ope, in se attrahere; cum tamen reverà semet in illum involvant. Quippe eòdem fere res redire videtur, sive quid rem aliquam in se attrahat; sive id illam supermeet, ità ut eandem cavitate suà complectatur: quare hoc quoque, licet improprie, attractionis nomine dignandum venit. Nihil autem hujusmodi in vesicula fellea reperiatur, ubi rectæ fibræ solummodo robur illi addunt, quo secundum longitudinem firmetur; vel, relaxatione suâ, aut contractione, eandem longitudinem, quando opus fuerit, contrahant, vel remittant: neutra verò harum actionum in vesicula fellea quicquam facit ad reptilem ejusmodi motum super rem in ipsa contentam; hæc enim prorsus fluida cum sit, & reliquæ vesiculæ hujus fibræ eandem infrænare stabilémque reddere nequeant, ineptum planè huic motui fulcimentum præbet; secus quàm in intestinis usu venit, ubi excrementa (plerunque solidiora) transversarum atque orbicularium fibrarum motu peristaltico sistuntur adeò, ut rectæ fibræ iisdem, ceu rei immobili, innixæ, sursum deorsumque vermium more repant.

Est denique quartum attractionis genus, reliquis magis improprium, quod *deglutitione* peragitur. Deglutitio tamen revera suctionem includit (adeoque eatenus ad secundum attractionis modum referenda est) qua sine nullam propriæ attractionis speciem in se continet. Fit enim solummodo cavitatis, rem aliquam forinsecus ambientis, occlusionem; atque ejusdem introrsum apertione sive relaxatione; motique peristaltico, quo res deglutienda in hiatum jam factum comprimitur. Nulla autem harum actionum ad vesiculæ fibras pertinet.

Quoniam

Quoniam igitur, nisi prædictis jam, refutatisque (quantum ad vesiculam hanc attinet) modis, nihil mechanicè attrahi potest; assero, vesiculam felleam, rectorum fibrarum ope, attractionem ejusmodi *mechanicam* sive *organicam* nequaquam perficere, qualem *Laurentius* illi attribuere visus est. Ad *similarem* autem attractionem quod attinet, de ea postmodum erit dicendi locus. Possent & alia quædam tertiæ illius propositioni, objici in contrarium; quoniam verò eadem jam (uti arbitror) satis superque vapulavit, ulteriore illius penâ supersedebimus; visuri porrò, quam sententiam *Fallopium* de præsentī negotio amplectatur.

## CAP. XVIII.

*Fallopī sententia examinatur.*

SECUNDA opinio, de qua nunc agimus, *Fallopio* vulgò attribuitur, viro sanè industriæ singularis, & cùm in causis rerum examinandis, tum experimentis faciendis apprimè versato. Ille tamen rem hanc, in *Institutionibus Anatomicis*, adeò exiliter paucisque verbis proposuit, ut sæpe miratus sim, *Laurentium* eum tam animosè refutatum esse; quasi copiosè eà de re egisset, datæque operæ annis esset, veterum sententiam (cujus *Laurentius* patronus videri cupit) refellere. Quinetiam argumenta nonnulla recitantur, quæ tamen apud *Fallopium* non reperio; ideòque crediderim, vel alia quædam (præter ea quæ vulgò extant) à *Fallopio* conscripta esse; vel *Laurentium* argumenta ea, quæ *Fallopio* adscribit, à discipulis ipsius mutua-

tum esse; honoris tamen majoris existimasse, si clarissimo Præceptore potius, quàm obscuro aliquo discipulo, in certamen provocato, sententiam illam oppugnatum iret.

*Fallopium*, ut dixi, sententiam suam breviter exposuit, ubi agit de hepate, ac reliquis organis nutritioni dicatis. Ego verò eam paulò fusiùs proponam, prout nempe postmodum à quibusdam defensa fuit: idque fiet quinque jam sequentibus propositionibus.

*Fallopium  
sententia  
quinque pro-  
positionibus  
exponitur.*

1.<sup>a</sup> Asseritur primò, patère transitum rectum ab hepate ad intestina; nempe per porum biliarium, ductumque communem, qui sibi invicem conjunguntur, & à valvula omni, aliòve aliquo obstaculo, quod transitum eum impedire possit, liberi sunt.

2.<sup>a</sup> Non dampnem bilem, quæ ex hepate delabitur, necessariò ad vesiculam felleam secedere, priusquam ad intestina pertingat.

3.<sup>a</sup> Transitum illum rectum ab hepate (qui ex poro biliario & ductu communi continuis constat) obliquâ insertione in intestina aperiri, eamque à descendente chylo comprimi adeò, ut effluxuræ aliàs bili exitus nullus interea temporis concedatur.

4.<sup>a</sup> Bilem hoc pacto exitu prohibitam, versùs vesiculam felleam resilire; hujusque usum præcipuum esse, ut (donec chylus omnis pertransierit) bili *diverticulum* largiatur.

5.<sup>a</sup> Non impleri vesiculam felleam, attractionis alicujus virtute, sed à solo bilis recursum; quòd hæc nempe, ob compressam, ut jam diximus, obliquam insertionem, in intestinorum cavitatem illabi nequeat.

Prima

Prima harum propositionum secundæ lucem affundit, & utramque (ubi *Laurentii* sententiam rejecimus) claris argumentis assertum ivimus: idēq; *Fallopīi* opinio hætenus à nobis concedenda est.

Tertia propositio ex parte saltem vera est: quippe in confesso est, obliquam insertionem ità effor-  
matam esse, ut, si quid in intestino illam comprimat, ea mox occludatur; quod etiam periculum facienti ad oculum constabit. Fas est tamen dubitare, num clausura isthæc adeò firma sit, ut (quando chylus aliquis descenderit) omnem omnino bilis delapsum impediat. Putàrim enim, id nec necessario, neque omni tempore fieri, sed casu duntaxat aliquo ità interdum contingere. Nam si chylus è ventriculo decidens, obliquam insertionem validè compresserit; & bilis interea ab hepate descendens, nec quantitate nimia, nec qualitate mordax admodum fuerit; proculdubio clausura illa reprimendæ bili sufficiet. Sin verò bilis cum impetu descenderit; aut vasorum felleorum excretricem facultatem, ob acrimoniam sui, aut copiam, plurimum vellicaverit; fieri potest, ut insertionem jam dictam, antequam chylus omnis præterierit, vi illatâ aperiat: ac propterea propositio hæc distinctionis limitibus circumscribenda est.

Propositio quarta verè asserit, bilem ab ingressu in intestina prohibitam, ad vesiculam felleam retrogradi: illam autem in hanc solam remeare; aut vesiculam bili refluz toti excipiendæ parem esse; aut vesiculam felleam in eum potissimum finem extructam esse, ut bilem (donec chylus præterlapsus fuerit) regurgitantem in se contineat; à me certè impetrare nequeo, ut credam. Id tamen libenter concesserim, vesiculam nempe felleam

(quæ semper moderatè plena creditur) partem aliquam exiguam retrolabentis bilis in se recipere posse: tantillum ejus scilicet, quantum vesicula modicâ distentione, citra irritationem ullam ad violentam excretionem, in se porrò admittere commodè queat. Atque eatenus quidem, nec ultrâ, propositioni huic assentior.

atque etiam  
quinta.

Quinta propositio meritò negat, vesiculam felleam, bilem ad se attrahere (modò de attractione organicâ lis sit) uti à nobis in superiore capite dictum, &, opinor, demonstratum est. At verò nequaquam dederim, vesiculam à sola bile, ob occlusam obliquam insertionem refluyente, impleri: cùm mihi certum sit, eam, ex parte saltem, à radicibus suis per cavum hepatis disseminatis intumescere. Ideòque in hac re etiam seorsum à Fallopio sentio.

## C A P. XIX.

*Tertia opinio, Julio Jafolino attributa, & à Riolano comprobata perpenditur.*

Anthrop.  
l. 2. c. 22.

**J**ulius Jafolinus Anatomicus Neapolitanus (inquit Riolanus) novam nec absurdam de bilis expurgatione opinionem ex doctrina Galeni depromptam proposuit; nec sufficienter eam refutavit Antonius Alvares in suis Epistolis, unde sententiam ejus didici, cùm ejus liber nondum ad manus meas pervenerit. Ego quoque, cùm nec Jafolini librum, nec epistolas Alvares viderim, ipsi Riolano fidem habeam necesse est; ex cujus narratione, opinio hæc sententiam Laurentii jam

jam à nobis refutatam planè rejicit ; opinionis autem *Fallopîi* priores duas propositiones admittit, tres verò posteriores repudiat. Sententiæ hujus summam tribus propositionibus expediam : quarum prima est,

1. Excrementa biliosa bifariam ab hepate expurgari : alterum impermixtum, illudque esse tenue & sincerum : alterum verò mixtum, atque hoc crassum & sæculentum esse.

*Fallopîi opinio tribus propositionibus comprehenditur.*

2.<sup>a</sup> Vesiculæ fellæ radices in se attrahere bilem impermixtam, tenuem, & sinceram, eandemque in vesicam deferre, unde postea per meatum cysticum in intestina deturbetur : radices autem pori biliarîi, bilem mixtam, crassam & sæculentam in se allicere, eamque mox per porum hepaticum & ductum communem, canales invicem conjunctos, rectâ ad intestinum deferre.

3.<sup>a</sup> Vesiculam biliariam solummodo radicum suarum fibrosarum per cavum hepatis disperisarum ope impleri ; nihil autem à poro biliario accipere, nec quidquam in eam è ductu communi regurgitare.

Primam propositionem quod attinet, fatemur quidem, varia esse biliosi excrementi genera, bilémque à bile differre posse, tam ratione sinceritatis & permixtionis, crassitiei & tenuitatis, puritatis & sæculentiz ; quàm ratione coloris, acrimoniæ, amaritudinis, aliarumve qualitatum : atque oportere diversas has species à sanguine in hepate segregari, si fortè illic cum eodem misceantur. Quoniam autem eadem propositio videtur omnes bilis differentias ad duo illa genera reducere, sincerum nempe & permixtum ; facitque tenue & crassum, terminos convertibiles cum sincero & permixto ;

*quarum prima partim conceditur,*

*partim refellitur.*



permisto ; quasi verò necesse sit, omnem bilem sinceram esse simul tenuem, omnemque humorem mixtum, esse crassum ; erroris planè manifesta est. Potest enim humor sincerus esse crassus pariter ac tenuis ; & permistus humor non minùs tenuis, quàm crassus reperitur. Idèoque genus hoc dicendi est incongruum, si quis vocabula illa, *tenuis* & *sincerum*, *crassum* ac *permistum*, perpetuò simul conjungat : quod tamen à *Riolo* factum est, ut dogma suum de duplici vasorum felleorum officio tueretur. Vidi non semel in vesicula fellea, excrementa biliosa tenuia plurimùm permista, seròque diluta : vidi etiam illic bilem crassam, quæ nullo modo permixta apparuit ; sed potius ob mixturæ carentiam (quòd nempe seri parum nimis adesset) talis conspiciebatur. Qui medicinam faciunt, pauci sunt qui non aliquando viderint bilem vitellis ovorum similem vomitu rejectam, quam vulgò *sinceram* appellant : placeátne *Riolo* vox illa, equidem nescio ; neque affirmaverim, talem omnino è valis felleis descendisse, nihilque mixtionis in intestinis adeptam esse : id solum assero, fuisse humorem crassum, & minimè fæculentum (quod tamen *Riolanus* crasso, ceu proprium, attribuit) cùm nulla pars ejus, fæcum more, ab aliis segregaretur, fundùmque peteret. Dicam paucis : Licet excrementum biliosum commodè dividi possit in mixtum & impermistum, sincerum & fæculentum, crassum & tenue, &c. non debent tamen, neque etiam revera possunt variz hæ species in unam confundi, sine manifestâ earum perturbatione.

secundaquo-  
que ex par-  
te recipi-  
ent ;

In secunda propositione, quæ sine veritatis damno dari possunt, non illibenter concessero :  
reliqua

reliqua verò restrictione opus habent. Concedo igitur, fieri posse, ut exiguum aliquod (licet plerunque imperceptibile) discrimen intercedat, inter excrementum biliosum quod à radicibus vesicæ felleæ, atque illud quod à poro hepatico secernitur. Qua autem in re discrimen hujusmodi reperiatur, si quæris : respondeo, in eo nempe quòd humor plus minúsve *genuinus* sit. Eum verò humorem maximè genuinum intelligo, qui de natura suæ speciei plurimùm participat. Atque hoc sensu assero, vesicam felleam humorem biliosum maximè genuinum, porum autem biliarium minùs talem ad se elicere : licet discrimen hoc adeò exiguum sit, ut sensui vix innotescat.

Num igitur, inquis, differentia isthæc alio aliquo pacto internoscitur ? Ità quidem videtur : nam licet vena Portæ integro suo trunco hepar ingressa, sanguinem, quantum in se est, promiscuè in singulas illius partes distribuat ; fieri tamen potest electrica quædam sive similis attractio partium sanguinis maximè biliosarum, quæ ipsas aliorum aliàs ruituras, versùs cavum hepatis, eamque illius sedem præcipuè, cui vesicula fellea affigitur, inclinet. Vesicula enim hæc (cùm semper humore bilioso scateat) actionem similem illius hepatis partis, cui adhæret, ab alterius actione discriminat ; adeoque biliosarum sanguinis partium actionem similem validiorem (quantum sanè in tam promiscuo motu delectus aliquis haberi potest) versùs idem latus efficit. Quippe corpora omnia similia, suapte sponte (modò sui juris sint) id agunt, ut cum aliis sibi similibus uniantur : ideòq; (si quid discriminis adfuerit) humor felleus in vesicula reconditus, sanguinem biliosum eò vor-

sùm

sùm magis allicit, & præsertim ad vesiculæ felleæ radices, quas in illam hepatis partem, cui ipsa connectitur, immediatè disseminat. Rationi itaque consentaneum est, ut pars bilis purior ad radices illas affluat; licèt tam exili id fiat discrimine (ob promiscuum sanguinis è vena Portæ impulsus) ut sensu ægrè admodum distingui queat.

Atque hætenus quidem secundam propositionem admisimus; reliqua autem à vero longè abstrahitur. Quapropter cum vasorum felleorum duplex officium constituat, atque aliud folliculi fellei, aliud pori biliarii radicibus attribuat; nos profectò sententiam eam non amplectimur. Est enim omnium harum radicum idem munus; nempe ut excrementum biliosum (quodcumque demum id fuerit) à sanguine ad eas fortuitò affluente separent: & casu solùm utriuslibet radicibus evenit, si his bilem meraciorem, illis autem aliquantò magis permixtam exhaurire contingat. Nam quælibet earum, inscitâ à Natura promptitudine, bilem quamcunque oblatam perinde evacuat, nec adiutore alieno ad eam rem opus habet: aliter enim si esset, deberent utriusque generis vasa ad omnes hepatis partes pertingere; ut bilem ab aliis relictam (utpote muneri suo inidoneam) alia protinus absorberent.

2<sup>a</sup>

Præterea, cum propositio hæc innuat, vesicæ felleæ pariter ac pori biliarii officium ad singulas totius hepatis partes extendi; atque aliud radicum genus ubique bilem tenuem, aliud verò crassam prolicere: istuc omne à veritate longè remotum est. Nam, uti diximus, si utriuslibet munia essent universalia, omnèsque hepatis partes respicerent; deberent certè utriusque generis radices ad singulas

singulas hepatis partes distribui, ut sic officio vicinarum ad opus suum promptè accingerentur. Quæ enim ratio reddi potest, cur in hanc potius, quam in illam hepatis partem dispergantur, si earum munus ad totam hepatis molem ex æquo spectet? Putabimúsne naturam perinde in rem remotam, atque proximam, operari posse? Hujusmodi sanè officium ex parte saltem est organicum, & ab organo remoto immediatè præstari nequit. Necessè enim est, ut organum vel mediatè per aliud, vel immediatè per se, rem perficiendam attingat. Radices autem vesiculæ felleæ vix in centesimam hepatis partem disseminantur: adeoque intellectu arduum est, quomodo in partes illas agere possint, à quibus tam longè absunt. Similiter, radices pori biliarii non distribuuntur ad eas hepatis partes, ad quas vesiculæ radices pertingunt: indicio manifestò, alias aliarum defectum supplere, earumq; pensum absolvere; adeoque illas eodem officio fungi; & radices vesiculæ felleæ, in ea hepatis parte in quam sparguntur, idem munus explere, quod radices pori biliarii in reliquis omnibus hepatis partibus exequentur. Hoc ipsum in hepatis excarnatione luculentius videre est: indè enim constat, totum ejus parenchyma esse substantiæ homogeneæ, ac proinde consimilis naturæ vasis indigere; liquet etiam, vasa hæc eodem modo distribui, esseq; ejusdem constitutionis similis: unde facillè quis deduxerit, illa eidem pariter officio in hepate destinari.

Denique, cùm propositio hæc videatur affirmare, radices vesiculæ felleæ nullam crassæ & feculentæ bilis partem prolectare, nec porum biliarium similiter quicquam tenuis & meracæ bilis attrahere;

trahere ; ea manifestè contra verum nititur. Vidi enim sæpenumero in poro hepatico sinceram bilem, nec sensu ab illa in vesicula felleâ distinguendam : non rarò etiam in ipsa vesiculâ bilem impuram & permixtam sum conspicatus. Puella quædam jam ante quadriennium in Collegio Medicorum Londinensium dissecta, vesiculam humore pallescente & propemodum insipido plenam habuit : unde apparet, radices ejus serum quoque bili commixtum (si modò præstò fuerit) in sese allicere. At enim, ais, serosus humor bili tenuitate non cedit, nec mindè facilè propterea in vesiculæ radices illabitur : compertumne autem est, bilem crassam ac sæculentam eodem proficisci? Imò verò sæpe bilem crassam & multicolorem in vesicis felleis reperi : & de sæculenta bile non est quòd quisquam dubitet, cùm lapilli crebrò in eadem inveniantur, qui ex sæculenta & sabulosâ materiâ necessariò ortum ducunt. Quare tandem sic statuo, posse utrumlibet horum vasorum omne genus biliosi excrementi, quodcunque occurrerit, æqualiter in hepate separare, atque indè foras deducere.

*Tertia propositio examinatur,*

Tertia propositio haud adeò disertis verbis à *Riolano* asseritur ; est tamen opinioni ejus consentanea, eidemque explendæ requiritur ; imò verò ea, quæ ab illo super hac re adituuntur, necessariò consequitur : Ait enim, vesiculam felleam per meatum cysticum evacuari, negâtque motum aliquem contrarium in eodem vase contingere posse : ideòque implicitè saltem & per consequens, reditum omnem bilis per hunc ductum inficiatur. *Bartholinus* addit, in collo vesicæ felleæ reperiri valvulas, quæ refluxum bilis per meatum cysticum impe-

impediant, quas tamen nemo alius vidit unquam; nec ipse quidem illas à se conspectas asserit; atque idcirco earum refutationi haud ulterius immorabor: hoc saltem constat, cum regurgitationem omnem bilis per meatum cysticum nullo modo admittere.

Ad propositionem ipsam quod attinet; concedo, vesiculam felleam, usitato Naturæ ordine, radicum suarum ope impleri; & si quando aliquid per meatum cysticum accipiat, id fortuito illi contingere, fibrasque ejus tunc temporis consueto magis extendi; nec quidquam in recto bilis descensu à poro biliario admittere, verum id solummodo ob remoram ei injectam obvenire; quoties nempe obliqua insertio præter morem arctius occluditur. Arbitror tamen, fieri posse bilis regurgitationem, ubi valida insertionis illius adstrictio contigerit; partemque bilis refluæ ad vesiculam refilire posse; tantum ejus nempe, quantum in vesicula (cum moderata fibrarum ipsius distentione, citra irritationem ejusmodi quâ ad excretionem stimuletur) ultra solitam ejus plenitudinem, commode diversari potest; idque eâ potissimum ratione motus, quod sæpe digitorum compressu bilem, perinde sursum ac deorsum (nimirum in vesiculam, atque extra eam) per meatum cysticum adegerim: unde manifestum est, valvulas, quas *Bartholinus* vesiculæ cervici affinxit, planè commentitias esse; posseque, oblatâ jam dictâ necessitate, partem aliquam bilis in vesiculam recurrere.

## CAP. XX.

*Sententia nostra de prædictarum partium usu,  
propositionibus 12. comprehensa.*

**R**ecitatis jam, partimque rejectis tribus illis opinionibus, quas Viri docti de implendis vacuandisque vasis felleis amplexati sunt; reliquum est, sententiam nostram super ea re exponamus. Quoniam verò ipsius humoris biliosi utilitas, aliquatenus cum vasorum usu atque actione conjuncta est; de utrisque simul agam, & sequentibus propositionibus dicam, quid de toto hoc negotio existimem.

*Propositio prima.*

*Vesicula fellea, suapte natura, & quandiu integrâ  
sanitate fruimur, semper moderatè plena est. Idq; indè  
liquet, quia in omnibus animalibus (quibus ve-  
sicula isthæc concessa est) cujuscunque demum æ-  
tatis aut sexûs fuerint, iisdemque vel saginatis, vel  
jejunantibus, dummodo prosperâ valetudine utan-  
tur, eadem semper plena cernitur: neque id certè  
ab Anatomico ullo negatum unquam. Quineti-  
am in fœtu, dum in utero est, repleta conspicitur:  
& in morbois constitutionibus rarissimè felle va-  
cua est; idque tum etiam præter usitatum naturæ  
ordinem fieri, apud omnes in confesso est; ut pro-  
batione ulteriore nihil opus sit. Quæres autem,  
unde eveniat, ut vesicula semper hoc pacto imple-  
atur?*

atur ? Istuc nimirum structuræ illius ratione bifariam contingit. Nam

1<sup>a</sup> Anulus fibrosus cervicem ejus coarctat aded, *cum rei rationes.* ut humoris nihil inde effluere queat ; nisi ipsius vesiculæ contractione aliquâ, aut compressu elidatur forâs.

2<sup>a</sup> Vesiculæ hujus tunicæ, tantæ constrictioni faciendæ impares sunt, quâ latera earum sese invicem contingant : imò verò cavitatem illam, qualem plerunque cernimus dum moderatè plena est, haud magnopere ampliùs arctare possunt. Nam si vesiculæ plenæ humorem omnem ademeris, in capacitatem haud multò minorem sese contrahet, quàm antea obtinebat ; sed flaccida latera, ulteriorem contractionem fieri nequaquam posse, indicabunt : argumento certissimo, nunquam fieri oportere excretionem totalem ; quoniam vesicula, nisi contractione sui, nihil exprimit ; siquidem absque illa (ut dictum est) fibrosi anuli interven-tus, effluxum omnem impediret.

Debuit certè vesica *urinaria*, ex naturæ instituto, quoties ad eam rem stimularetur, urinam omnem expellere : ideòque illam, excreto jam lotio, *Quomodo à vesica urinaria discrepet.* planè contractam cernimus ; aded, ut latera interiora sese mutuò contingant. Et Natura proculdubio vesiculam felleam pariter eadem facultate donâisset, si modò hæc simili excretioni destinata esset. Neque enim patitur, ut pars ulla flaccida atque enervata jaceat ; sed cuique (evacuatâ semel naturaliter, quam continebat, materiâ) potestatem sese contrahendi largitur. Quapropter, cùm vesicula fellea latera sua interiora undique ad invicem contrahere nequeat, (sine quo tamen auxilio, totalis excretio fieri nullo modo potest) cer-



tum est, non debuisse illam unquam ex Naturæ consilio planè exire, sed semper moderatè plenam existere.

*Obiectio*

*solvitur.*

At enim, inquires, vesicula fellea (testibus Viris doctis quamplurimis) haud rarò vacua reperta est. Neque istuc egomet inficior: ex naturæ autem lege id unquam contigisse, omnino pernego. Et revera duas solummodo hujus rei causas comminisci queo: nempe, ut vel à compressione aliquâ violentâ bilis omnis extra vesiculam propellatur; vel ob insignem fibrosi anuli laxitatem (quâ fit, ut bilis ulterius retineri nequeat) sponte illinc excidat. Quorum posterius, sine omnimodo vicinarum partium torpore atque enervatione, haud facile contigerit: idèoque verisimile est, quod à nonnullis observatum dicitur; nempe, à totali hujusmodi bilis evacuatione repentinam mortem subsequutam esse. Utrobique autem talis evacuatio præter naturæ ordinem contingit: neque enim vel à facultate expultrice, vel à spontanea aliquâ, aut sollicitatâ vesicæ contractione perficitur; quod tamen, ut naturæ operâ id fieri dicatur, necessario requiritur: ac propterea naturalem vesicæ hujus plenitudinem neutiquam oppugnant.

### *Propositio secunda.*

*Vesicula ea* Licet vesicula fellea semper mediocriter plena sit, ut  
*dilatata am.* superiore propositione dictum est, verisimile est tamen,  
*plena recipit* eandem (modo humor, factò obstaculo, illò vorsum recurrat) ulterius impleri posse.

Propositio hæc ipsius sensûs testimonio confirmatur: nam licet semper modicè intumescat, nunquam tamen naturaliter usq; aded infercitur, quin dimidii

dimidii saltem cochlearis mensuram porro excipere posse videatur. Neque enim distenti folliculi instar indurefcit, sed mollis potius tactuique cedensprehenditur.

Quæres autem, siquidem uberioris humoris est capax, cur non aliquando in corporum dissectione summopere referta inveniatur? Id fit, inquam; quia vesicula in ipso mortis articulo à bilis copiâ plurimum irritata, eandem (nisi fortè fibrosus anulus planè obstructus id impedierit) necessariò excludit, ut moderatè solum plena reperiatur. Profectò cum de vita res agitur, partes omnes, & præsertim quæ humoribus turgent, ad opus sese strenuè accingunt, ut, quod ipsis molestum fuerit, amoveant. Ità canis jam suspendio periturus, vesicam urinariam, si modò plena sit, atque interdum intestina quoque, exonerat. Sin verò cervix vesiculæ felleæ ab incuneato calculo, aut aliter obturata fuerit; compertum est, eandem ultra usitatum repletionis modum dilatari: indicio manifestò, posse illam vi adigi, ut consuetos distentionis terminos excedat, adeoque humoris plus solito in se complectatur.

Constat etiam alio argumento propositionis hujus veritas: quòd nempe fibrosus anulus hand adeò arctè atque pertinaciter constringatur, quin humori huc illuc fluenti locum cedat: quemadmodum, si digitorum compressu periculum feceris, id clarè comperies. De hac re autem superiore capite uberius diximus: atque ut propositionis hujus veritas porro clariùs innotescat, septima, octava, & nona propositiones adeundæ sunt.

*Propositio tertia.*

Repletur  
naturaliter  
à radicibus  
suis.

*Quamvis* bilis ab intestino ad vesicam remeare possit, ut à nobis assertum est; solennis tamen vesiculam implendi modus, à radicibus ejus fibrosis per hepar sparsis perficitur. Similiter & porus biliaris naturaliter radicum suarum per reliquum hepar disseminatarum operâ impletur.

Ex radices quidem pori hepatici, bilem ipsi supeditare, ab omnibus receptum est: vesiculam autem felleam eo pacto impleri, priscos Anatomicos omnino latuit. Nesciebant enim radices aliquas è vesicula in hepar derivari: ac propterea haud mirandum, si hujus rei nuspiam meminerint. *Julius Jасolinus* primus omnium, ut videtur, has radices detexit; sensitque, vesiculam felleam à radicibus suis impleri. Propalatâ primùm hac opinione, & alii complures docti Anatomici eandem amplexi sunt; putà *Bauhinus*, *Riolanus*, *Bartholinus*, alique: placuitque illis tantopere, ut indè in contrarium errorem inciderint, putarintque vesiculam felleam nullo pacto quicquam per meatum cysticum excipere posse, sed eandem duntaxat per radículas suas impleri. Quod hujus sententiz veritati consonum est, de eo nunc aliquid dicitur; quod autem secus videtur, id antea (sub finem præcedentis capitis) rejecimus.

Jam suprâ, in vesiculæ felleæ descriptione, à nobis dictum est; truncum haud spernendum, & radicibus pori biliarii congenerem, in eam cavi hepatis partem ferri, cui vesicula annectitur; cervicique hujus prope meatum cysticum continuari; esseque porrò & alias complures fibras capillares ejusdem

eiusdem generis, quæ in hepate radicatz, vesiculæ felleæ connectuntur. Haud credendum sanè, vasa hæc frustra condita esse, aut alium iis usum competere, quàm qui pori bilarii radicibus communis sit. Quoniam igitur radices pori hepatici in eum finem (quem nulli dissententur) extructæ sunt, ut bilem ab ea hepatis parte, in quam distribuuntur, foràs deducant; æquum sanè est, ut radicibus vesiculæ bilariz idem munus assignetur; nempe ut bilem omnem, quæcunque in angustis suis terminis obvenerit, extra hepatis parenchyma eliminent. Quò vorsum autem excludant? Nulli, præterquam vesiculæ felleæ, sunt continuæ; ideòq; in cavitatem hujus ingerant necesse est. Hac ratione, opinor, moti Anatomici (quos jam diximus) sententiam hanc prono atque unanimi consensu amplexi sunt: atque ob eandem rationem fatendum est, vasa hæc naturaliter sese in vesiculam felleam exonerare; adeòque hanc ex præstituto naturæ ordine ab iisdem impleri.

Dices forsitan, radículas hæc exiles adeò esse, atque ad tam parvum hepatis ambitum pertingere, ut tantæ cavitati adimplendæ impares videantur. Respondeo: Impletur per exiguum canaliculum ingens cisterna, si in eam aqua guttatim perpetuò influat; nihilque, nisi ad summum plenâ illâ, egrediatur. Idem in vesicula felleâ contingit, cujus fibrosi anuli obstaculum nihil elabi sinit, nisi illa priùs mediocriter plena fuerit: unde ipsa facillè, etiam ab exiguis vèctigalibus sustentata, debitam semper plenitudinem conservat.

*Propositio quarta.*

*Vasa ista  
sunt bilis  
etiam prom-  
ptuaria.*

*Ductus communis, meatus cysticus, & porus bilarius (truncum hujus, & majores ramulos in hepar dispersos intelligo) non solum canales sunt biliosi humoris, sed etiam aliquatenus receptacula.*

Ex propositionibus primâ & secundâ facillè quis deduxerit, primarium vesiculæ felleæ usum esse, ut sit bilis promptuarium. Hæc autem propositio similem usum etiam reliquis vasis felleis majoribus quadantenus adscribit. Negat enim, ea meros canales esse, & receptaculorum munere aliquo modo fungi asserit. *Meri canalis* nomine, intelligo vas aliquod in quo humor, qui in eo est, in perpetuo fluore sit: *receptaculum* autem dico, in quo humor ad tempus commoratur & subsistit.

Propositionis hujus veritas multifariam elucescit. Nam obliqua insertio multò, quàm ductus communis, est angustior, nec bilis per hunc facillè affluxuræ quadrantem transmittere idonea est: ac propterea, si *merus canalis* esset, humorque continuè sine mora per eundem descenderet, obliqua insertio necessariò opprimeretur, & natura suis rebus malè consulisset. Quod inde etiam patet luculentius, quia obliqua insertio naturali quadam promptitudine suapte sponte occluditur: quemadmodum mox in septima propositione dicetur uberius.

Porrò, ex ductûs communis amplitudine rem hanc æstima. Est ille pennæ anserinæ circiter æqualis: si itaque animo perpendamus, quantum humoris, diei unius spatio, per talem ductum continuato effluvio emanare possit; fatendum sanè, sangui-

Sanguinem ipsum reliquò que corporis humores omnes (etiamsi copia sexuplò plures essent) exinanitioni hujusmodi minimè suffuturos. Quapropter si vasa hæc solummodo *canales* essent, perennique bilis effluxui inservirent, unius profectò diei curriculo, centuplò plus istius humoris efferrent, quàm in toto corpore uspiam deprehenditur. Quod certè fieri nequaquam potest: idèoque, licet vasa hæc *canalium* munere fungantur, non semper tamen illi officio inserviunt; sed, quatenus bilem nonnunquam resistentem in se continent, *receptaculi* sive *promptuarii* nomine (utè diximus) appellanda veniunt.

Quædam etiam animalia (veluti equus, ceruus, &c.) vesiculâ felleâ destituuntur. Quamobrem nisi vasa hæc aliquatenus *receptacula* esse concesseris, nihil istius humoris in iis retinebitur; quod, ob rationes duodecimâ propositione dicendas, plurimùm illis incommodaret.

### *Propositio quinta.*

*Vesicula fellea plus solito impleta, atque irritata, per* *Vesicula*  
*meatum cysticum exoneratur.* *plus solito*

Quamvis vesicula fellea (ut propositione primâ dictum est) semper mediocriter plena sit, si tamen ultra solitum distendatur, atque humore uberiore (quàm illi pro more usitatum est, aut facile tolerare potest) sufferciat; cogitur necessariò semet ipsam potenter contrahere, adeòque fibrosi sui anuli repagula perfringere, humorisque quantum abundat eructare, donec moderatam sui plenitudinem recuperaverit. Sublato enim novo hoc onere (irritationis jam dictæ causâ) vesicula sponte  
N 4 quiescit,

quiescit, finitque fibrosum anulum denuo confiringi, atque humorem superstitem exitu prohibere.

*unde id fiat.*

Generalis hujus rei ratio est, quia partes omnes sensitivæ (quarum in numero vesicula habetur, utpote nervulum è sexto pari sortita) sunt irritabiles: ideòq; simulac ultra solitum, aut plus quàm commodè ferre possint, distenduntur, aliterve onerantur, aut laceffuntur; obluſtari illico incipiunt: & si partes hoc modo irritatæ, fuerint cavæ, membranosæ, atque fibrosæ; necesse est earum resistantia fiat fibrarum omnium contractione, adeoque cavitas illarum arctetur magis, humorisq; in eà contenti saltem pars aliqua amandetur foras. Hoc cum vesiculæ felleæ sit commune, fieri certè non potest, quin, oblatâ simili occasione, idem præstet quod in propositione hac dictum est; bilem nempe superfluam per meatum cysticum expellat.

*Non fit tamen excretio totalis.*

Quoniam autem vesicula hæc (quemadmodum in prima propositione dictum est) latera sua interiora ad se invicem contrahere nequit, neque etiam ad multò minorem capacitatem, quàm quâ moderatè plena fruitur; necesse est, ablatâ semel humoris abundantia, ab ulteriore contrahendi conatu desistat; nec poterit totalem excretionem efficere. Quamobrem superfluâ bile eliminatâ, quod ejus reliquum fuerit, citra renixum ullum in vesicula commorabitur.

Fit autem excretio isthæc, uti jam diximus, per meatum cysticum: neque sanè eà de re lis aliqua metuenda est, quoniam nullus alius ductus, per quem bilis egeratur, vesiculæ felleæ connectitur.

*Propositio*

*Propositio sexta.*

*Bilis naturaliter fluit à vesicula fellea in meatum cy-* *Fluxio bi-*  
*sticum; atque à meatu cystico simul & poro bilario, in* *lis natura-*  
*ductum communem; indeque, per obliquam insertionem, in,*  
*in intestina, deducitur.*

Propositionis hujus veritas facile confirmatur; enimvero necesse est, humor felleus vel ad intestina delabatur, vel ab his sursum versùs hepar conscendat: quorum posterius ab omnibus Anatomicis, qui hactenus aliquid in lucem ediderunt, rejicitur; ideòque ad priorem sententiam stabilendam minore negotio opus est. *Laurentius* quidem ait, bilem è poro bilario defluam, statim ad vesiculam felleam naturaliter ferri: id autem superius refutavimus, nec libet dicta repetere. Rationes duntaxat aliquot annectam, quibus constat, bilem hoc pacto versùs hepar nequaquam ascendere.

1<sup>o</sup> Humor iste planè est excrementitius; partibus enim similaribus omnino dissimilis est, iisdemque nutriendis minimè convenit: ideòque foras extra corpus proturbandus, non autem penitus in illud admittendus est. *probat.*

2<sup>o</sup> Hepatis officium est, bilem à sanguine discernere: non potest itaque versùs hepar fluere; secretionis enim comes est excretio, quotiescunq; humor segregatus nutriendo corpori est inidoneus.

3<sup>o</sup> Si humor iste versùs hepar feratur, debuit necessariò ab aliis omnibus humoribus in intestinis secerni; ut sincerus atque impermixtus obliquam insertionem ingrederetur: quippe bilis  
mera



mera in ductu communi, vesiculâ felleâ, &c. deprehenditur; ac propterea ab aliis humoribus separata erat, antequam illuc pertingeret. Intestina verò ejusmodi segregationi prorsus inepta sunt, utpote quorum motus peristalticus potius omnia promiscuè conturbet.

4.<sup>a</sup> Si bilis ex intestinis ascendat, necesse est prius in ventriculo aut intestinis generata fuerit; oportet enim existat, antequam moveatur. Generatur autem potius in corde atque arteriis, ab insigni fervore, quo sanguis ibidem æstuat.

5.<sup>a</sup> Si motus iste sit ab intestinis, debet humor ille per obliquam insertionem admitti: quod fieri non potest, quoniam (ut diximus) vas hoc ita fabrefactum est, ut nihil ab intestinis recipere queat. Addam duntaxat experimentum istuc in hujus rei confirmationem: Intestinum hoc, aliquanto spatio supra atque infra obliquam insertionem, digitorum compressu evacua; idémque, ab utraque insertionis parte, vinculo constringe; deinde humorem biliosum digitorum operâ è vesicula vasisque bilariis in intestinum deprime. Viam huic motui facilè patescere conspicaberis; nullo autem conamine eundem denuo retrorsum adiges. Affero itaque, vasa hæc non ex intestino versùs hepatis, sed contrà ab hepate ad intestina bilem deducere.

*Objectioni  
respondetur.*

Attamen nuper regressum aliquem in illis vasis concessisti, inquis. Concessi sanè: verùm ab obliqua insertionem duntaxat, non autem ab intestinis remeatum illum fieri volui. Neque etiam refluxus iste primario naturæ scopo tribuendus est; sed casu aliquo, nimirum ab obliquæ insertionis occlusionem contingit. Quemadmodum enim mo-

quæ

tus fluminis naturalis is est, qui à fonte ad mare decurrit; non autem ille, quo aqua ab obice aliquo repulsa ad caput amnis refluit; ità similiter motus bilis in his vasis naturalis, nequaquam is censendus est, quem obliquæ insertionis constriction (ceu objecto vallo) efficit, dum descendentem bilis gurgitem in contrarium repellit; sed ille potius, qui meatibus apertis, remotisque obstaculis, naturæ sponte institueretur; qualis, patente obliquâ insertionem, ab hepate versûs intestina contingit.

*Propositio septima:*

*Obliqua ductûs communis in intestinum insertio, angusta est, & ut plurimùm suâ sponte clauditur; atque interea fluxum humoris in his vasis naturalem præpedit, bilêmque retro adigit in ductum communem, & porum biliarium, hujusque majores in hepate ramos, simul etiam in meatum cysticum, & aliquando fortasse in vesiculam felleam.*

*Insertionis obliquæ clausura, affluentem bilêm repellit.*

Obliquæ insertionis angustia, modò cum ductûs communis amplitudine comparetur, cuius facillè innotescit, ut probatione ulteriore nihil egeat: nec promptitudo ejus ad constrictionem suâ, minùs conspicua videtur; nam plurimis à me dissectis animalibus, iisque tum probè saginatis, tum cibo vacuis, nunquam tamen insertionem hanc patulam hiativè aliquo fatiscentem vidi; nec quisquam alius, quòd sciam, eandem sponte dehiscens reperit. Quinetiam licet, factò sæpe periculo, bilêm mutuo digitorum compressu, à ductu communi ad insertionem hanc facillè deprimerem, atque in intestini cavitatem, vi illatâ, propellerem; insertio

*Id quomodo fiat, ostenditur.*

insertio tamen hæc penetrationi ejusmodi aliquantulum semper obluſtabatur. Similiter & stylus tenuis è ductu communi in eam immiſſus, in ipſo ſtatim veſtibus nonnihiſ reſtitat, ac difficulter progreditur. Denique, nè ſit dubitationi locus, ſæpe inteſtinum è regione hujus inſertionis aperui, ſemperque ductum hunc occluſum deprehendi : atque porro, experiendi cauſâ, bilis partem aliquam in apertum inteſtinum detrufi, factoque tranſitu, inſertio hæc è veſtigio ſeſe coarctabat denuo : unde maniſeſtè conſtitit, meatum hunc ut plurimum, naturalique facilitate conſervare.

Idque propoſitionis hujus priorem partem evidenter explicat : poſterior autem ab eadem luce refulget. Conceſſo enim, (ut in ſuperiore propoſitione dictum eſt) bilem ad inſertionem hanc naturaliter ferri ; neceſſum eſt eandem, facto ibidem obſtaculo, curſum ſuum remetiſſi, atque in porum biliarium ejusque ramulos, in meatum quoque cyſticum, & fortè in veſiculam felleam refluere ; quemadmodum fluminis gurgες ab obſecto obice reſpercuſſus, verſus fontem ſuum regreditur.

Solummodo de veſicula fellea ſcrupulus adhuc ſuperreſt, qui in ſequenti propoſitione eximendus eſt.

### *Propoſitio octava.*

*Clausura  
illa à com-  
preſſione fit  
validior :*

*Obliqua hæc inſertio tantò artius clauditur, quan-  
tò inteſtini tunica, quas pertranſit, validius ad invicem  
comprimuntur : quoque major clauſura ea fuerit, eò etiam  
vehementior eſt bilis in vaſa jam dicta reſpercuſſio.*

*Prima*

Prima hujus propositionis pars cuilibet manifesta est, quoniam insertio isthæc inter tunicas sic compressas fertur; adeoque necesse est, ut tunicæ propius ad invicem accedentes, simul vas intermedium premant, occludantque.

Tunicarum hujus intestini compressionis causæ, *huiusque rei tres numerari possunt. Nempe 1. Quarumlibet vicinarum partium intestinum istoc comprimentium plenitudo.* 2. Hujus ipsius intestini repletio. 3. Fibrarum illius tunicarum *tenfitas.*

1<sup>a</sup> Siqua pars vicina sufferciat aut intumuerit, facile intestinum hoc compresserit; adeoque insertionis hujus constrictione magis obfirmabitur. Ac propterea repletus ventriculus intestinum illud arctare poterit, bilisque transitum compescere: quod idem etiam à tumefacto hepate, liene, pancreate, inflato colo, &c. evenierit.

2<sup>a</sup> Impletâ intestini cavitate, materia in eadem contenta tunicam internam versus externam comprimit, insertionemque hanc obferat. Ideoque *Fallopium*, haud prorsus citra rationem, humorem biliosum in intestinum transire insinuat, quandiu chylus è ventriculo ad intestina delabitur: licet forsitan natura, cum insertionem hujusmodi fabricaret, *secundariò* duntaxat ad hunc usum respexerit.

3<sup>a</sup> Fibrarum, tunicarumque intestini *tenfitas* (nam sic loqui libet) constrictionem hanc facile roboraverit; quoniam earundem contractio insertionem istam necessariò coarctat. Idcirco experientiâ comprobatum est, adstringentia epota descensum bilis reprimere, multosque ita afficere, quasi arcto aliquo ligamine circumstringantur: quod certè verisimile est ab insertionis hujus, vasisque

eisque pancreatici (namque istuc quoque eadem lege obstringitur) arctiore compressione proficisci. Clausis enim horum vasorum emissariis, humores egressu prohibiti, copiamque adaucti, facile affectionem huiusmodi producerint : referatis verò iterum iisdem meatibus, oboritur illico levamen, alvus fit lubrica, atque excrementa uberius fluent, tum etiam ab humoribus commixtis amplius tinguntur. Ideoque in melancholicis, qui humoribus stipticis abundant, insertiones hæc facile constringuntur; nec nisi copiam humorum pressis, relaxantur denuo : his autem plurimum accumulatis, rumpuntur obices, humores acres delabuntur, atque intestinis clysteriis vicem præstant. Hinc fit, ut tales modò stricti, modò liberà vicissim alvo vitam degant.

Quòd ad posteriorem huius propositionis partem attinet, ea priorem necessariò consequitur : quemadmodum in antecedenti propositione contigit. Nam ut effectus illic causam suam sequebatur; ita similiter & hic, gradus ipsius effectus, causæ gradibus respondent : præterquam quòd in vesicula fellea nonnihil discriminis reperitur. Vesica enim hæc, ubi meatui cystico conjungitur, fibroso anulo donatur; quo fit ut levis quilibet humorum recursus in vesiculam felleam penetrare nequeat : verum duo ad hanc rem, si quando eveniat, necessariò requiruntur.

Ut bilis in  
vesiculam  
resiliat, duo  
requirun-  
tur.

1<sup>ma</sup> Ut obliqua insertio, quam fibrosus anulus, firmè magis claudatur. Quippe aliàs nulla ratio assignari possit, cur humor interceptus non potius fores in imo clausas (obliquam insertionem nempe) effringat, quam illas in summo (fibrosum anulum scil.) referet. Nam, cæteris paribus,

ribus, humor qualiscunque erupturiens, deorsum potius, quàm sursum, vim suam exurit. Sin verò constrictio inferior tantò, quàm superior, validior existat, ut delapsus huiusmodi inæqualitatem superet; necesse sanè est, renitentia in summo posita primùm cedat: quod solidum hætenus determinari potest.

2<sup>da</sup>. Ut humor in vesiculam felleam recurrat, oportet eà copiâ adaugeatur, quâ fibroso anulo recludendo par sit. Idèoque crediderim, illud vix contingere posse, nisi ductus communis, meatus cysticus, atque porus bilaris, majoresque illius rami intra hepar summopere pleni fuerint: hoc autem si eveniat, atque obliqua insertio prementi humori minimè cedat; facilè pars ejus aliqua (quantum scilicet vesicula, moderatâ sui dilatatione citra irritationem aliquam, ultra solitum admittere queat) sursum in folliculum felleum irruerit. Idque nodum in superiore propositio-  
ne relictum solvit.

### *Propositio nona.*

Rekursus iste tandiu durat, donec humoris vel quantitas, vel qualitas, vasa ad excretionem faciendam potenter irritaverit: eoque casu, obliqua insertio majori vi cedere cogitur, sinkque vasa, quod molestum est, in intestina deponere: quo facto, mox ipsa denuo clauditur.

*Regurgitatio ista tandem facit irritati-  
onem.*

Nulla pars à natura ita fabrefacta est, ut alterius actiones frustratur. Idèoque existimandum est, appropinquante jam excernendi tempore, vasisque ad secretionem huiusmodi faciendam irritatis, obliquam insertionem eorum vellicationi obtemperare.

temperare. Alioquin enim, nisi vis excretoria in istis vasis, obliquæ insertionis in contrarium molimini præpolleret, natura utique suis rebus malè consulisset: quippe id egit de industria, ut excretio hæc (quâ sine, animal haud diu superflues fuerit) suo tempore perficiatur. Fatendum itaque, vasa hæc plusculum irritata, humoris excretioni potentiùs, quàm insertionem obliquam eorumdem retentioni incumbere.

Quinetiam humor ipsemet, quò diutiùs subfiterit, eò quoque majorem in modum (novæ scilicet materiz accumulatione) obstaculum omne amolitur. Quemadmodum in fluminis alveo obiectus obæ delabentem aquam repellit; ea tamen accrescit assiduè, validiùsque obstaculo illiditur, donec ipsum (nisi firmiùs renitatur) unà secum abstulerit. Ità pariter, & humor biliosus, licèt ex hepate pedetentim defluat, impedito tamen ipsius curriculo, adauctâque simul copiâ, insertioni huic majore cum impetu impingitur, eandemque tandem recludit. Hæc autem semel adaperata, haud facilè clauditur denuo, donec humor omnis superfluius emanaverit: quo tempore, fluxu jam minore reddito, ad pristinum officium revertitur.

#### *Propositio decima.*

*Bilis non pedetentim, sed collatim effluit. Humor felleus haud continenter paulatimque in intestina destillat, sed ex intervallo & consertim in ea illabitur.*

Jam suprà, propositione septimâ dictum est, obliquam insertionem interdum obserari: unde manifestum est, humorem biliosum haud perenni cursu emigrare; adeoque ex nona propositione constat, eundem veluti assultim & cum impetu quodam

quodam profluere. Nam si humor remaneat, donec vel quantitate vel qualitate molestus fuerit, & tunc subito (fluminis instar, obvia quæque deturbantis) prorumpat; necesse est profectò, uti nunc diximus, confertim ad torrentis modum evacuetur.

Fallit quidem hæc regula bisariam: nempe primò, in summa debilitate atque relaxatione fibrarum (ac præsertim annularium) quæ transitum in intestina præcludunt: quippe hoc modo affectis, bilis facilè in intestina guttatim instillaverit; quemadmodum vesicæ urinariæ contingit, è qua, si quando sphincter ejus paralyti laboret, urina sensim & sine sensu assidue elabiar. Fallit iterum, si vasâ fellea ad excretionem moliendam summopere irritata fuerint. Idem enim tunc temporis ductui huic versùs intestina contingit, quod in *stranguria* vesicæ urinariæ collo evenire solet, aut sphincteri ani in *tensio*, sive continuo descendendi conatu. At verò regula à nobis proposita naturalem vasorum constitutionem respicit; dum nempe integrâ valetudine fruimur; non autem, si in morbis, præter usitatum naturæ ordinem, quippiam secus e venerit.

Quærat obiter aliquis, num-nam & ureteres, qui <sup>Urina verò</sup> vesicam similiter obliquâ insertionem ingrediuntur, <sup>contra,</sup> per temporis intervalla & confertim inaniantur? Ego verò respondeo: 1.<sup>o</sup> Insertio ureterum, licet etiam vesicæ tunicas obliquè penetret, manifestè tamen ab hac vasorum felleorum insertionem discrepat. Ureter enim inter duas solùm tunicas irripit, ductus autem *choledochus* obliquè inter tres tunicas inseritur; primùm nempe inter intestini tunicam communem & propriam, ac postea inter

O duas



duas proprias tunicas. Ideoque haud putandum est, quicquid vasorum felleorum insertioni competit, id ipsum statim quoque ureterum insertioni convenire: sed potius verisimile est, prout illa oblique magis atque inter plures tunicas fertur, ita quoque & constrictionem ejus validiorem esse, humorémque biliosum diutius detineri; ac propterea, reclusis foribus, majore postea impetu prorumpere.

2.<sup>da</sup> Fateor, ureteres sese etiam per intervalla atque assatim in vesicam exonerare; licet spatia temporis intermedia multò breviora sint, & humor minore longè quantitate effluat. Primò enim vasorum horum obliqua insertio, in eum finem talis extructa fuit, ut urinæ regressum omnem prohiberet; quod sine reclusionem suam præstare non potuit; debetque necessariò, dum ita clauditur, descensum urinæ impedire: adeoque remotis hisce obstaculis, urina, priùs coërcita, cogitur in vesicam jam, saltem aliquo modo, cumulatè profilire. D. inde, vesica quælibet vel minimùm compressa, liquorem in ipsa comprehensum huc illuc elidit: ideoque vesica urinaria, quæ, dum rectè se habet, perpetuò tensa est, urinamque moderatè comprimit. hanc in ureteres (si semper hiarent) necessariò repelleret. Opinor itaque, hasce ureterum in vesicam insertiones ut plurimùm occludi; & tum demum aperiri, cum urinæ copia ad vesicam referendam, quàm usitata ipsius vesicæ contractio ad urinam repellendam, plus valet. Quippe hoc pacto nullum unquam regressus urinæ aderit periculum; quoniam insertio isthæc perpetuò clauditur, nisi vis ipsi illata (frustrà reluctante ordinariâ fibrarum tensitate) eandem recluserit. Ex dictis igitur

igitur conficitur; urinam quoque in vesicam haud continenter, sed ex intervallo, & collectim irrumpere.

Verùm, ut ad vasa fellea redeamus, *Galenus* aliique Veteres putârunt bilem in iis aliquandiu subsistere, ac dein vicissim subitò profluere, ut in intestina confertim irruens, in iis expurgandis clysteris munere fungatur. Neque mihi displicet hæc ratio; etsi fortè in quibusdam præcipuè hoc verum sit, atque in ullis haud omni tempore æqualiter eveniat. Quidam enim (quorum intestina sensûs sunt exquisitioris, idèoque citam alvum habent) bis quotidie ventrem exonerant: nimirum manè, prorupte abundè humore eo, qui per somnum diu compescebatur; ac deinde quatuor, aut quinque horis à prandio, bile interea temporis à repleto ventriculo, chylisque descensu coercitâ. Sunt tamen forsitan aliqui, quorum intestina hebetiora huiusmodi irritationi minùs obtemperant. Quinetiam in omnibus ingens discrimen, hujus rei ratione, diversis temporibus exurgit. Ideoque non ausim affirmare, quemlibet bilis delapsum, in omnibus, vel in uno aliquo omni tempore, proritandæ alvo sufficere. Causæ aliz finales in duabus sequentibus propositionibus expendentur.

*Propositio undecima.*

*Effluxus illi, de quibus in superiore propositione egimus, rard contingunt, quandiu aut ventriculus repletus est, aut chylus inde versus inferiora demigrat.*

*Effluxus  
cessant  
durante co-  
ctione; &  
de ea re  
Fallopîi  
sententia,*

Propositio hæc ab octava præcipuè lucem accipit, ubi eam evidenter probavimus: hic verò illius solummodo meminimus, ut de finali ipsius sententia,

causâ ulteriùs constet. Fallopius ait, bilem illic detineri donec chylus descenderit, ut hic ab illius commixtione integer servetur: quod fieri neutiquam posse arbitratur, si uterque humor simul eodémque tempore delabatur. Est quidem hæc sententia Veterum opinioni consentanea, nihilominus objici possit, quod eandem haud parùm labefactet.

*reijciuntur.*

Nimirum venæ lacteæ haud promiscuè humorem quemlibet oblatum attrahunt, multò minùs humorem ingratum atque noxium, qualis est bilis, in se alliciunt; sed eum rejiciunt potius, neque in corporis medullium denuo recipiunt: veluti cernere est in diuturna fame, ubi licèt intestina copiosâ bile aliisque excrementis abundant, lactes tamen nihil eorum exsorbent, sed jejuna potius atque inanes permanent. Ideoque etsi humor biliosus cum chylo commisceretur, venæ tamen lacteæ, quæ cum delectu agunt, chylum duntaxat sincerum admitterent, aliòsque humores, ceu excrementitios, rejicerent.

Idque indè præterea confirmari possit, quòd chylus non solum è jejuno, sed ex ileo, atque colo etiam, rectique intestini partibus superioribus eliciatur: siquidem ad ea omnia lactes pertingunt, candidoque succo replentur, qui in illis (perinde atque in aliis vasis à jejuno deductis) suavissimi saporis, ejusdémque naturæ ac substantiæ reperitur. Et tamen chylus, in locis his inferioribus, antequam separaretur, sæculentis putidisque humoribus commiscebatur; quemadmodum cuilibet periculum facienti facilè constabit.

Imò verò, (quod scrupulum omnem è medio tollit) in iis qui commodâ valetudine utuntur, colon,

colon, imæque ilei partes, excrementi bilioli non-nihil in se continent, quod cum chylo illuc delapso necessariò miscetur, idque antequam lactes cò pertingentes illum exsugere queant. Quapropter assero, naturam de prætervando chylo ab excrementi bilioli in intestinis mixturâ, haud adèd sollicitam esse, atque *Fallopîus* opinatus est; quoniam humores hosce in infimis intestinis assiduè permiscet, succúmque tamen, sive chylum defæcatum interea allicit. Quorûm enim aliàs venæ lacteæ in ea loca distribuuntur? aut quomodo chylus indè citra contagium exhauritur? Postest sanè chylus, utcunque aliis humoribus permixtus, purus putûsque indè separari; neque periculum à tali mistura metuendum adèd est, ut natura ejus avertendæ causâ singulare aliquid moliri debeat; nec certè in eum finem, uti diximus, quippiam scrupulosè excogitavit. Verùm *Fallopîo*, & Veteribus ignoscendum est; quòd eorum ætate venæ lacteæ incognitæ essent; sine quarum notitiâ, haud facilè quisquam eorum sententiam labefactaverit.

Quæres forsitan à me, quam-nam igitur aliam *Causa alia* causam finalem constituam, ob quam bilis, *inter-finalis*. rea dum chylus delabitur, in vasis suis coërceatur? Ego autem respondeo, præter rationem antehac sub finem præcedentis capitis memoratam, unam hujus rei causam esse posse, nè ventriculus atque intestina, dum coctioni incumbunt, interturbentur. Enimvero quiete-eâ, quæ consistit in motu tonico æquali omnium fibrarum, chylum æqualiter firmèque comprehendunt, non autem tumultuariè huc illuc agitant; quo fit, ut opus suum felicè expediant. Quippe motus inæqualis aut

turbulentus, si in ventriculo excitetur, facile vomitum ciet; sin verò in intestinis contingat dum chylus adest, lienteriam producit: quorum utrumlibet naturæ instituto quàm maximè adversatur. Fac autem, malum hoc ad vomitionem aut lienteriam minimè procedere; ad ea tamen incommoda promptissimè inclinât: quippe nausea atque averfatio, ad excretionem potiùs, quàm ad retentionem & coctionem perpetuò tendunt: nam in quem finem natura ea retineat, quæ ipsi odiosa ac molesta sunt? Causa autem tumultuosi hujusmodi in ventriculo atque intestinis motûs, sit à re aliqua nauseam atque fluctuationem in iis excitante: cruditas verò proculdubio est nauseæ perpetua comes. Quomodo enim ventriculus ea bene concoquat, quæ ipsi displicent, quæque à se modis omnibus amoliri conatur? Ideòque sapienter à natura cautum est, nè bilis, interea dum chylus perficitur, in intestinum ruat. Quippe humor iste evidentissimè stomacho atque intestinis invisus est, ac fastidium parit: & licèt haud immediatè in ventriculum deveniat; ea tamen est partium illarum, ad quas necessariò descendit, cum ventriculo vicinitas & conspiratio, ut hic etiam facile in eundem conturbationis modum pertrahatur.

*Propositio duodecima.*

*Bilis congestio ex usu jam dictis convasatus, animali utilis est ac proficiuus.*

Propositionis hujus veritas propriâ luce clarescit: quoniam enim humor iste à natura (quæ nihil unquam temere instituit) reconditur; necesse est, animali, cui inest, in usum aliquem cedat.

Coacer-

Coacervari autem à natura humorem hunc, jam 1.<sup>a</sup> 3.<sup>a</sup> & 4.<sup>a</sup> propositionibus dictum est. In omnibus verò animalibus plus minúsve congeritur, prout id speciei eorum convenerit: ideóque quibus vesicula fellea contigit, iis copiosiore bile accumulata opus fuit, quàm illis, quæ eandem desiderant.

Supereſt, ut humoris hujus sic congesti *utilitates idque tripliciter* præcipuè explicentur. Et nobis quidem tres occurrunt (etiãſi plures fortè fuerint) quarum rationem aliquam reddere in promptu est. Earum duæ hepar particulatim magis respiciunt; tertia verò videtur aliquatenus toti sanguinis massæ depurandæ inservire.

Prima est, ut hepar à *putredine* integrum servetur. Pro concessio enim habeo, bilem à putredine vindicare: quod etiãſi amarulentis omnibus quodammodo commune est. Aſſero etiãſi, hepar, præ cæteris omnibus partibus, ejusmodi præsidio indiguisse: quoniam reliquæ omnes sanguinem suum ab arteriis immediatè excipiunt; hepar verò canalem amplissimum habet à vena Portæ, quicum exilis ejus arteria minimè comparari queat: quinetiam hæc sanguinem, non in ipsum hepatis parenchyma, sed in vasorum illius tunicas duntaxat distribuit. Quamobrem, cùm hepar vivido illo sanguinis spiritu plurimùm destitueretur (quo solo reliquæ corporis partes à putredine vindicantur) æquum erat (quò sanitate gauderet incolumi) accessorio hujusmodi auxilio frueretur. Idque eò potissimè, quòd maxima pars sanguinis hepar adæuntis, intestinorum jam ventriculique tunicas perreptaverit; è quibus contagium aliquod facillè contrahat, indeque mox putredinem induat;

quemadmodum iis rebus promptè contingit, quæ in cavitatibus eorum continentur.

*obstructionem etiam,*

Altera humoris hujus utilitas est, ut hepar ab *obstructionibus* liberum tueatur : bilis enim absterfiva atque aperitiva est, ut & alia serè amara omnia. Hepar autem, præ cæteris omnibus visceribus, obstructioni est maximè obnoxium ; neque enim sanguis in illud perniciousiter (veluti in aliis partibus fit) vi arteriarum impellitur, verum legniori motu (quem à Portæ radicibus habet) promovetur. Quapropter fluxus ejus facilè sisti possit, cùm cau- à impetuosis propellente careat, ni accessorio hoc adjumento, quo ab obstructione libe-

*sanguinisq; coagulationem impedit.*

retur, donatum esset. Accedit, quòd humor biliosus sanguinem à *coagulatione* potenter vindicet ; quæ si vel minimùm sanguini (dum angusta hepatis pertransit) obveniret, obstructionem necessariò periculofam accerferet.

*hujusq; depurationi conducit.*

Tertia utilitas (quam totius sanguinis *depurationem* spectare diximus) est, ut sanguinem biliosorem attrahat, sive allecetet versùs arterias celiacam & mesentericas, quæ vasis felleis è regione adjacent ; utque adeò sanguis biliosus per hepar reversurus, ibidem defæcetur.

*De attractione simili & magnetica.*

Dubitârunt aliqui, num attractio *similari* sive *magnetica* concedi debeat : idque fortè eâ potissimùm ratione moti, quòd, qui eam adstruunt, de ipsa tamen rei notione minùs convenient. Quidam enim *occultæ qualitatis* nomine eam depingunt: quod perinde est, ac si dicerent, se revera nescire quid de illa sentiant. Alii supinè adeò responsioni haud acquiescentes, aïunt, magnetem subtilia quædam effluvia de se emittere, quæ aliquò usque emigrantia, & in gyrum acta, domum rever-

tantur

tantur denuo, rémq; attrahendam secum appor-  
tent. Atque hæc quidem opinio non malè expli-  
cat, quomodo res aliqua eminus in alterius ample-  
xum invitetur, eamque libens adeat. Verùm si  
putent, effluvia hæc rem attractam secum advehere,  
in eorum sanè sententiam nequaquam concefferim.

*Quomodo  
fiat excita-  
tio, & onus  
bajuletur.*

Quippe levia corpora, alia sc̄c ipsi multò graviora  
movere nequeunt, nisi arctè undique constipata  
sint: neque ità quidem, ni rapido suo expansivo  
motu patentius spatium quæsierint. Nempe tali  
impetu lata, obvia quæque proturbant: ut videre  
est in accenso pulvere pyrio, vi maximâ glandem  
propellente. In his autem effluviis diversa res est;  
circumaguntur enim in loco libero, ubi corpora  
graviora facile præterfluunt, tenuiorique aëri  
promptè illabuntur. Nimirum rapidissimi venti,  
ferrum, aliæque corpora ponderosa non commo-  
vent; licèt paleas, plumas, & similia, facile se-  
cum auferant. Gravia certè corpora, dum mo-  
ventur, leviora alia nullo negotio secum unà ab-  
ripiunt: hæc autem illa vix minimùm cient, ve-  
rùm potiùs leniter prætervolant. Quippe corpora  
omnia eò versùm moventur, ubi minimùm resisti-  
tur: jam verò effluvia hæc compedibus ferreis o-  
nusta incedere, citra ingentem laborem non con-  
tingeret; ac proinde in apertum aërem avolarent  
potiùs, quàm onera tam gravia ultro susciperent.  
Nam si ferri pondus cum effluviis hisce expendamus,  
istis certè omnibus (licèt numerosissima fu-  
erint) ferri vel millesima grani pars præpondera-  
verit. Ac propterea intelligere nullo modo pos-  
sum, quomodo tam ingens ferri pondus (quan-  
tum magnes attrahit) levia illa effluvia tam expe-  
ditè bajulent.

Fac



Fac autem, effluvia hæc tanto oneri ferendo paria esse; certum est tamen, id ab ipsis minimè subiri: dicuntur enim in gyrum agi, dum ferrum semper rectà, itinerèque brevissimo, sine flexu ullo ad magnetem tendit: clarissimo documento, non vehi illud ab effluviis, sed duntaxat ad motum ab iis incitari; ut suprà à nobis dictum est.

Postremò, etiam si daretur, effluvia isthæc ferrum apprehendere, secùmque avehere conari; res tamen eadem difficultate involveretur: neq; enim minore jam negotio ad magnetem, unà cum annexo onere, protrahentur; quàm ferrum antea absque illis attrahi potuisset: quippe ferrum etiam nunc nihilò minùs deorsum tendit. Eninvero si magnetem, ferrumque (quod sustinet) seorsim librando ad stateram ponderes; comperies, utrumque uni soli magneti æquilibrium esse, si modò lanci, in qua is est, ferrum supposueris. Quare certum est, ferrum magnetem tantundem deorsum trahere, quantum ipsum ponderat; & lanci subtus appositum, non minùs pendere, quàm si eidem impositum esset. Ideòque effluvia nihil levaminis huic negotio afferunt, quò minùs magnes ferri onus sustineat. Si dicas, ferrum ab effluviis gestari, atque hæc à magnete solum bajulari; in eodem sanè luto hærebimus: nanque effluvia sic onusta, magnetem toto ferri pondere gravant. Exempli enim gratià, si quis equo insidens, humeris suis saccum tritico plenum portet, non propterea equo quidquam illius ponderis adimitur. Idcirco nobis adhuc aqua hæret; & mericò quæras, qui fiat, ut magnes tam ponderosa effluvia (si modò ferrum, ut dictum est, bajulaverint) ad se alliciat?

Possint

Possint & alia in hanc rem argumenta depromi: *Nostra de hac re sententia.*  
 verum iis supersedeo libens, nè longè nimium à  
 proposita mihi semitâ digrediar. Dicam solum  
 paucis, quid ipsemet de hujusmodi attractione  
 sentiam.

Tria ad hanc rem requiro : 1. Ut sint duo, vel *Tribus ad eam rem opus est.*  
 plura corpora, quibuscum similitudo, affinitas,  
 sive familiaritas mutuò intercedat. 2. Ut ab uno  
 saltem eorum, in alio unionis desiderium excite-  
 tur. 3. Ut excitatio hæc sit proficua, oportet  
 adsit *nixus coeundi*, sive *actualis conatus* quo corpora  
 ad se invicem congregentur. De primo horum,  
 nulla oritur controversia. Secundum autem quod  
 attinet, nempe quo res ad unionis desiderium ex-  
 citantur ; fatendum est, id communiter fieri per  
*effluvia*, sive tenues halitus è corpore uno in aliud  
 emanantes. Nonnulli quidem subtiliorem modum  
 excogitarunt, quo corpora è longinquo ad mutu-  
 um congressum incitentur, quàm qui per halitus  
 hujusmodi facilè explicari queat. Verum eâ de re  
 impræsentiarum nihil dicam ; quia crassiora ista  
 incitamenta per vapores, propolito nostro suffici-  
 unt. Quoad tertium, *actuale* scil. *conatum*, quo  
 corpora hoc pacto excitata, mutuum congressum  
 appetunt ; assero, plurimis indiciis constare, cor-  
 pora similiaria cum heterogeneis variè permixta,  
 semet ab eorum consortio expedire, ut cum sui si-  
 milibus uniantur : ejusque rei (cap. 8. partis pri-  
 mæ & generalis, hujus libri) multa exempla protu-  
 limus ; atque iisdem, si opus esset, facilè plura an-  
 necterem.

Quod de occulta actionis hujus naturâ narrant, *Haud adeò occulta est, ut intelligi nullo modo possit.*  
 mihi haud adeò abstrusa videtur, ut humani inge-  
 nii acies eandem penetrare nequeat. Nimirum  
*similia*

*similia similibus gaudent*; & animalia cuncta aliorum suæ speciei societate delectantur. Quidni igitur corporibus etiam naturalibus inclinationem hanc concedamus, quâ sui similibus aggregentur? præsertim, cum omnia conservationem sui gnæviter appetant, quæ à similibus perficitur; fugiantque interitum, quem contrariæ res afferunt.

*Qualisnam  
sit attractio.*

Ex dictis constat, quid per attractionem similem, sive magneticam, intelligam: nempe allectionem, sive *incitamentum*, quo corpus naturale ad aliud sui simile fertur. At verò, inquis, vocabulum eo sensu acceptum, haud propriè *attractionis* titulum merebitur; cum toto genere ab eo differat, quod mechanicè perficitur: qua de re suprâ actum est. Respondeo: Quoniam hujusmodi attractio *illecebram* quandam sive incitamentum præ se fert, metaphoricè saltem *attractionis* nomine dignanda venit. Præterea, quicumque de motu hoc aliquid tractârunt, *attractionis* nomine semper usi sunt: ideòque, quoniam vocabula antiquâ suâ possessione exuere nolui, eandem dictionem retinui; nihil amplius intelligens, quàm quod nunc dictum est.

*cur dicatur  
similariis.*

Quæres autem porrò, cur attractionem hanc *similem* appellaverim, cum ea priùs *magnetica* sive *electricâ* dicta sit? Ego verò aio, me nequaquam nomina illa repudiare; quoniam autem strictioris significationis sunt, quàm ut rem hanc toto suo ambitu comprehendant, aliud illis commodius substitui. Dixi autem attractionem *similem*, ut ab *organica* sive *mechanicâ* distinguerem. Nam licèt attractio hujusmodi in corporis organis reperiri possit, illa tamen haud organicè perficitur; sed à similitudine, familiaritate, atque affinitate corporis

corporis attrahentis cum attracto, promanat; eadēque similitudo in constitutione partium *similari*, non autem *organica*, fundatur. Ac propterea opinor, actionem hanc latissimè acceptam, commodè dici posse *attractionem similem*.

His ità præmissis, concessōque in posterum, corpora similiaria semel excitata, actuali conatu ad mutuū congressum tendere; quæ jam dicta sunt, præsentī negotio applicabimus.

Observatu dignum est, vesicam, & vasa fellea commodissimo loco posita esse, quò biliosum magis sanguinem ad celiacam & mesentericas arterias prolecent: quippe ex adverso earum sita sunt, ipsaque ductus communis insertio, quæ posticam intestini partem ingreditur, illarum origini propemodum contigua est.

Porro, ut beneficium sive utilitas hujus attractionis (quam vesicula, vasæque fellea, & humor biliosus præstant) apertius constet; sciendum est, vix quintam partem sanguinis per cor circulati, ad arterias jam dictas accedere: adeoque uno sanguinis circuitu, vix quintam ipsius massæ partem ad hepar (depurationis ergo) deduci: unde etiam utilitas hujus attractionis manifestè liquet. Quippe licet hoc pacto vix quinta sanguinis pars, unà ejus circulatione, defæcet; quoniam is tamen reliquo sanguine, qui in aliis vasis continetur, biliosior est; totus ad usum corporis abunde depuratus cernitur.

Non equidem dixi, necesse esse ut unoquoque sanguinis circuitu bilis omnis ab eo evacuetur; sed naturam munere suo optimè fungi, dum in singulis circulationibus totali sanguinis depurationi quàm proximè accedit. Idque ab ea factum, dum  
promptuaria

*Dilla præ-  
senti nego-  
tio adap-  
tantur.*

promptuaria bilis eo loco posuit, quo sanguinem maximè biliosum versùs arterias celiacam & mesentericas commodissimè alliceret, atque adeò sanguinem in hepar refluxum ab excrementitio humore sufficienter liberaret.

*Objectioni  
respondetur.*

At enim, inquis, cor & arteriæ sanguinem in omnes partes promiscuè impellunt. Est id quidem verissimum, si solum illarum actionem spectes: utpote quæ sùsque deque habeant, quísnam sanguis ad hanc illámve corporis partem abeat. Est tamen, ut opinor, sanguinis ad varia loca fluentis ingens discrimen: nam qui à copioso serodilutior est, vadit ad renes: cui plusculum phlegmatis sive pituitæ admixtum est, ad intestina & ventriculum facessit: qui chylo magis abundat, petit ubera, præsertim in lactantibus: qui biliosior est, ad hepar properat, &c. Antiqui Medici crediderunt, sanguinem ex ano hirudinum operâ prolectum, ab eo discrepare, qui venæ sectione è brachio educitur. Et ab omnibus ferè receptum est, sanguinem menstruum à reliquo per alias partes distributo plurimùm differre. Similiter, tumores diuturni, fonticuli, fistulæ, scabies, scrophulæ, cancri, &c. videntur humorem aliquem peculiarem ad se allicere, eundémque (si modò exulcerata fuerint) evacuare. Quinetiam si casu aliquo expurgatio ejusmodi reprimatur, morbi illico adveniunt, quos ægrè admodum curaveris, nisi aut emissaria illa denuo aperiantur, aut alia iis consimilia illorum vicem subierint.

Quoniam igitur humores hi inter se distinguuntur, nec discrimen hoc à corde aut arteriis oritur, alia aliqua causa necessariò inquirenda est. Factâ autem accuratâ hujus rei peruestigatione, nullam

nullam aliam inveniēmus, præter attractionem  
similarem partium, humorumque in iis conten-  
torum, quam suprà diximus. Cū enim corpora  
naturalia (dummodo sui juris fuerint) similibus  
aliis aggregari ament; quidni & sanguini quoque  
eandem libertatem concedamus? Est certè corpus  
naturale, neque à corde aut arteriis ad hunc il-  
lūve motum peculiariter determinatur: cur non  
igitur unaquæque sanguinis pars ad illam corpo-  
ris partem tendat, cum qua ipsi plurimū similitu-  
dinis aut familiaritatis intercefferit? Quòd si  
tamen attractionem hanc partibus denegaveris;  
quānam, obsecro, diversi sanguinis, qualis ad  
varias corporis partes fertur, rationem reddes?  
Non potest discrimen hoc ab ipso sanguine profi-  
cisci; neque aliud quidpiam reperitur, unde id  
contingat, præter attractionem istam quam nunc  
diximus. Assimilatio enim non fit in instanti;  
atque ut id demus, oportet tamen in exigua valdè  
sanguinis portiunculā eveniat, cū maxima illius  
pars per venas refluat; imò omnis ferè, in iis par-  
tibus quæ peculiarem aliquam secretionem non  
instituunt: & quibus secretio talis competit, haud  
putandum tamen humores secernendos ab iisdem  
gigni: quam enim utilitatem corpori præsent, si  
excrementa, quæ ipsæmet produxerant, sola edu-  
cant forās? Necessè est itaque, excrementa illa è  
massa sanguinis exceperint; debétque adèd ea san-  
guinis pars, quæ plurimum hujus vel illius ex-  
crementi admixtum habuerit, ad illam corporis  
partem dirigi, quæ tali excremento excernendo à  
natura destinata est: ac propterea opus erat, ut  
uniquique hujusmodi organo aliquid inesset, quod  
excrementum ab ipso peculiariter excernendum  
alliceret.

alliceret. Atque in hunc modum partes sanguinis ferofiores ad renes & vesicameunt, ubi earundem uberior copia acervatur: acidiores partes ad ventriculum tendunt; &, quæ magis biliosæ, ad hepar, in quo humor iste abunde accumulatur, ut similem alium potentiùs alliceret. Possent & alia hujusmodi exempla proferri: verùm ex jam dictis satis intelligitur, quomodo partes quælibet sanguinis excrementitiæ ad ea emissaria illiciantur, quæ à natura iisdem expurgandis instituta sunt.

*Quæstioni*

*satisfit.*

Qui fit autem, aïs, ut cordis atque arteriarum promiscuus impulsus attractionem hanc similem non inturbet? Respondeo: licet cor sanguinem cum impetu elidat, non est tamen motus ejusmodi, qui partes ejus omnes confundat ac perturbet; verùm ipsi liberè permittit, partes suas vel unire, vel disgregare, prout aliæ temporis lociq; opportunitates requisierint: adeoque non impedit, quò minùs partes quælibet aliis sui similibus aggregentur. Præterea, inter unamquamque cordis pulsationem *morula* aliqua intercedit; quo saltem tempore nihil obstat, quin partes sanguinis consimiles consocientur adeò, ut præeuntium ductum, veluti continuato filo, sequantur. Nempe sic rectâ properant ad eas corporis partes, quibus maximè ex usu sunt, & quibuscum optimè consentiunt; singulisque earum sanguis idoneus suppediatur; qui in unoquoque circuitu tam universè defæcatur, quàm ad valetudinem conservandam opus est.

Non tamen in eum finem hæc dicta sunt, quasi velim, vel congregationem partium sanguinis similium in arteriis, eò procedere, ut sanguinem unum ab alio specificè distinguat; vel perfectam aliquam

aliquam excrementorum secretionem in arteriis institui: sed solum ut constet, quomodo sanguis ad unam corporis partem allabens, ab eo differat qui ad aliam accesserit (nimirum quod ille, mediante similari attractione, hujus vel illius humoris plus minusve admixtum habeat:) simul etiam, quomodo partes, per quas forsitan vix vicesima sanguinis pars transibitur, hunc omnem tamen sufficienter depurgent; quin & illum etiam quadantenus, qui easdem non pertransit: atque adeo (nam ad propositum revertendum est) ut doceam, qui fiat ut sanguis biliosior ad hepar attrahatur, & quis sit usus humoris fellei, quem natura in vesicula, aliisve vasis, in hunc finem recondidit. Hisque ita præstitis, quæ jam duodecim propositionibus comprehendimus, summam repetam, finemque huic negotio imponam.

Plenitudo vesiculæ felleæ naturalis sive ordinaria, descripta est in propositione primâ: extraordinaria vero, in secunda: quomodo ipsa, aliæque vasa fellea naturaliter impleantur, in tertia propositione dictum est: quarta explicuit, quomodo bilis in aliis quoque vasis resistet: quinta & sexta docent, quâ viâ vasa illæc omnia inaniantur: septima, octava, & nona, oblique insertionis, ductusque communis usum exponunt: decima atque undecima, excretionis hujus humoris *moras intercalares*, & mox eructationes copiosiores explicuit: duodecima denique humoris hujus ita reconditi utilitates proposuit.

*Propositio-  
num harum  
elenchus.*



## CAP. XXI.

*Dua administrationes Anatomica, quarum  
operâ vasorum felleorum in hepate vestigia  
clariùs innotescant.*

**F**lnito jam vasorum eorum examine, quæ foris extra hepar conspiciuntur; superest, de iis quoque agamus, quæ in ipsius parenchymate recondita sunt. Quoniam autem intus in obscuro latent, arte aliquâ opus est, quâ dilucidius nobis innotescant. Neque ad hanc rem administratio qualiscunque Anatomica (modò lucem aliquam afferat) mihi displicuerit. Crediderim tamen tenebras hæc, ab eâ, quam Antiqui nobis prætulerunt, face, vix satis dispelli posse: ac propterea, factâ brevi digressiunculâ, duos hujus rei indagandæ modos, veteribus Anatomicis haud clarè cognitos, aperiâ.

*Admini-  
stratio pri-  
ma,*

Et primus quidem inquirendi modus, fit syringis operâ: quæ licet non magis huic parti, quàm aliis quoque plurimis detegendis inserviat; tamen ob præclaram illius utilitatem, descriptionem ejus hic appingere non gravabor.

Utebar primò quidem machinis vulgaribus; postea verò duo ab iis incommoda sum expertus. Nam si parvulæ obtigissent, liquoris minorem, quàm par erat, quantitatem continebant: majores autem, ob longitudinem, ac molem, haud dextrè satis adhibebantur. Hæc itaque mala ut evitarem, aliud syringis genus huic operi adaptabam: quod constabat,

1. Fi-

1. Fistulâ.
2. Vesicâ ei annexâ.
3. Subere, cum adalligato filo, quo illud è  
fistulæ foramine evelli posset. *instrumen-  
tum illi in-  
servians.*
4. Funiculo, quo vesicæ ad libitum repletæ  
collum constringeretur.

Et ut verbo dicam, totus hic apparatus ei proximè accedit, quo enemata vulgò exhibentur: possitque adeò idem instrumentum hic quoq; non malè usurpari: nihilominus ut feliciùs res procedat, fistulæ hujus extremitas, in imo sui, uno solum foramine perforetur; sitque inflexa paululum; & in ipso apice, quàm in reliquo ejus ductu, paulò crassior, ad styli exploratorii modum, nè è vinculo facilè elabatur: fiantque etiam fistulæ hujusmodi complures variz magnitudinis, ut omne genus vas commodè inserviant.



Majus fistulæ orificium apto subere obturetur, idque syndone vel linteo involvatur, & superiore sui parte vinciatur robusto satis filo, longoque adeò ut pars ejus foris extra vesicam propendeat. Vesicæ quoque collum vinculo muniendum est.

Appropinquante jam usûs tempore, fistulæ orificium majus subere occludendum est; ità tamen, *eodem usen-  
di modus.*

ut arrepto postmodum filo facillè evelli queat. Mox vesicæ, quanto opus fuerit, liquorem infundito; ejusdemque summitatem (quemadmodum in clystere instruendo fieri solet) arctè constringito. Poterit is liquor esse, vel aqua calida simplex, vel lacti commixta, vel croco tincta, vel aliud quodcunque videbitur.

Præparato ad hanc normam instrumento, tenuiorem siphunculi partem, venæ, vel arteriæ, aut alii vasi (de quo periculum facere est animus) indito; dein vasis istius orificium circa siphonem firmiter colligato; tum manu alterâ prehensâ fistulæ summitate, alterâ suber extrahito. Postremò, vesica primùm leviter, mox paulatim validiùs comprimenda est; donec liquor vasi ingestus fuerit partemque illam (cujus explorandæ causâ, tanto molimine usus es) permeaverit; si modò transitus illac concedatur. Adeoque in hujusmodi administratione, observandum est,

*Quamnam  
sint obser-  
vanda.*

- 1.<sup>a</sup> Num liquor injectus partem pertranseat.
- 2.<sup>a</sup> Per quodnam vas liquor ita transiens egeratur: & num per unum duntaxat, an autem per plura: simul etiam, quo discrimine id fiat.
- 3.<sup>a</sup> Quamnam mutationem substantiæ partis, quam penetravit, impresserit: & quantopere vasa distenderit.
- 4.<sup>a</sup> Si liquor restitet; inquirendum, quousque pervadat, atque ubinam subsistat.
- 5.<sup>a</sup> Num vasa effracta sint; aut aliud quidpiam liquoris transitum impediat.
- 6.<sup>a</sup> Quàm latè vasa distendantur, antequam liquor pertranseat, aut priusquam vasa rumpantur.
- 7.<sup>a</sup> Fiat idem experimentum in aliis quoque vasis

vasis ejusdem partis ; &, quæ nunc diximus, de-  
nuo explora.

Alter vasa hepatis indagandi modus, huic parti *Admini-  
stratio alte-  
ra.*  
præ cæteris omnibus maximè convenit ; nam in  
aliis haud feliciter adeò succedit. Dicitur autem  
hepatis *excarnatio* : quæ fit, dum vasa ejus, dempto  
parenchymate, dilucidè ob oculos exponuntur.

Doctissimus *Spigelius* duos modos proponit, qui- *De hum.  
bus hepatis vasa à parenchymate liberentur. Prior corp. fabr.  
hic est : Faciet, inquit, excarne hepar, si prius non- l. 5. c. 4.  
nihil in aqua coctum, eò usque donec caro molliem con- secundum  
traxerit, inde in vase aquâ pleno sinistra manu submer- Spigelium,  
gat, & dextrâ interim cultello ligneo, aut lapideo, vel  
certè ferreo, non valdè acuto, leviter fricat. Sic enim  
sensim caro separabitur ; & quæ separata est, ab aqua  
subitò eluetur.*

Est autem hic modus (expertus loquor) inele- *et manca,*  
gans, incommodus, atque imperfectus. Quippe  
hoc pacto tumultuariè omnia agimus, & quasi in  
tenebris rem explicandam aggredimur : fieri enim  
aliter non potest, quin vasa aliqua sedem propri-  
am mutant, alia disrumpantur : & si quæ fortè in-  
tegra permanferint, hæc satis constat tamen, ut-  
rum locum suum naturalem servant, an in diver-  
sum abierint. Adeoque necesse est, experimenta  
hoc modo instituta, obscura valdè atque ambigui-  
tatis plena sint.

Modum alterum sic explicat : *Est, inquit, & Eiusdem  
alius modus non minùs elegans, & faciliior ; si formi- modus alius  
carum acervo impositum relinquatur, donec (quod brevi  
spatio fit) exederint.*

Fateor quidem, experimenti hujus faciendi non- *etiam mu-  
dum mihi obtigisse copiam : crediderim tamen, tilus.*  
modum hunc haud magnopere ad hanc rem pro-

futurum, etiam si is fortè aliquo modo inconcinniter præstari queat. Fac enim, hepar hoc pacto reconditum, animantium aviumque rapacium laniatus effugere; atque etiam formicas hyberno tempore haud adeò torpidas reddi, quin viscurationi huic interesse queant; neque hepar ab æstivo sole putredini tantopere obnoxium reddi, ut experimenti frustretur certitudinem; fatendum est tamen, opus hoc variis modis incommodè procedere: nempe hyeme, à nive, pruina, ac gelu obrigescere; mox verò obortis pluviis regelasce-re, & flaccidum fieri: æstate autem exteriora ejus indurari atque exarescere, priusquam interiora à formicis comesta sint, adeoque forsàn harum morfus evitare. Præterea, metuendum est, nè exiles tenerasque vasorum partes, non minùs quàm parenchyma, depascantur; unde negotium saltem imperfectum nobis relinquatur. Sunt enim nonnulla hepatis vasa æquè (& fortasse ampliùs) tenera, atque externa ipsius tunica: in quem censum veniunt rami venæ cavæ, majores quoque ramuli & capillamenta venæ Portæ, ejusdemque capsulæ sive integumenti communis. Quis spondebit igitur, eas, neglectis vasis, parenchyma solum abrosuras? Concedit sanè experimentum, de quo agimus, exteriorem hepatis tunicam à formicis absumi: quomodo enim aliter ad ipsum parenchyma perveniant, aut vasa oculis nostris nuda exponant? quod in *excarnatione* est prorsus necessarium. Quapropter, cùm tunicam hanc devorent, causam profectò nullam video, cur & teneriores vasorum partes non simul abliguriant: præsertim cùm vasa hæc (utì verisimile est) delicatiora sint, quàm vel parenchyma, vel ipsius involu-

crum;

crum ; ſaltem humecta magis ſunt, utpote ab illo cooperta.

Verùm eſto, nihil huiusmodi contingat : attamen vaſa omnia præ ariditate, marcere, ac duritie corrugabuntur ; nec quidquam manifeſti inde conſtabit, unde obſervationis alicujus certitudinem elicere queas.

Quare miſſis his indagandi modis, addam tertium, à me ſæpe inſtitutum, uſuque comprobatum. Annus jam agitur duodecimus, poſtquam eum in Collegio Medicorum Londinenſium publicè propoſui : ex quo tempore complures tum Medici tum Chirurgi eundem ſequuti ſunt. Fit autem hoc pacto : *Adminiſtratio noſtra.*

Hepar primò horam minimùm integram percoquendum eſt ; deinde abjectà aquâ, quamprimum ſatis intepuerit, ut tractari commodè poſſit, bacilla in eum uſum parata (quæ nempe haud mucronata ſint, ſed lato cuspide in aciem deſinant) adhibenda ſunt ; iſſque parenchyma à vaſis avelendum ac deruncinandum eſt, ſummâ curâ habitâ, nè quæ vaſa abrumpantur : ac propterea ocioſè ac pedetentim opus aggredi oportet. Quodd ſi hepar interea ſicceſcat, & induretur, licebit ſubinde aquæ immergere, penſumque denuo redintegrare.

At enim, inquis, negotium nobis laboris ac ſaſtidii plenum narras. Ità quidem eſt, ſi modò tam accuratè omnia moliri velliſ, ut nè minima quidem vaſorum capillamenta uſpiam deſiderentur : ſin verò detectâ alicubi, explicatâque diligenter vaſorum capillarium diſtributione, de iſſdem alibi mindſ ſolicitus eſſe veliſ, operæ ſanè tuz plurimùm conſulueriſ. Utcunque, tædium hu-

jusmodi, accuratioris disquisitionis commodo abunde compensatur. Fieri enim vix potest, ut quisquam ad dilucidam certamque vasorum horum notitiam pertingat, nisi illa prius à parenchymate suo liberaverit. Atque hinc factum arbitror, quòd Anatomici olim, licet summo judicio, curâ, ac diligentia rem hanc aggressi sint, vasorum tamen horum descriptionem nobis imperfectam mutilamque reliquerint. Mirabar equidem, cum primum vasa hepatis apertè detegerem, Antiquos tantopere hac in re hallucinatos fuisse: cogitanti verò postea, modum hunc, quo vasa isthæc mihi innotuerant, ipsos latuisse; desit subito admiratio.

Atque de duobus modis, quibus vasa hepatis indagari queant, jam egimus: reliquum est, ut ipsorum vasorum descriptioni accingamur.

## CAP. XXII.

*Summa eorum, quæ de interna hepatis figurâ dicenda restant.*

**S**UPEREST, de principali internæ hepatis figuræ parte dicamus: nempe de figura parenchymatis internæ, vasorumque ejus texturâ agendum est.

*Quomodo  
figura pa-  
renchymatis  
interna dig-  
noscatur.*

Parenchyma haud aliam figuram internam sortitum est, præter eam, quàm vasorum ejus vestigia induxerunt: quemadmodum figura sigilli ceræ in, rimitur. Ideoque quas vasorum ab hepatis carne liberatorum ramificationes cernimus, easdem quoque elegantes figuras in ipso parenchymate, dum

dum integrum est, exculpi credendum est. Quilibet enim horum vasorum ramulus adæquatam sibi in parenchymate cavitatem nactus est: ac propterea, cognita semel eorum figurâ, de hujus pariter descriptione haud ultrâ laborabimus, cum sibi invicem respondeant. Id itaque solum annitendum est, ut de vasorum ipsorum descriptione nobis certò constet: quippe ad eorum normam, parenchymatis figuratio reducenda est. Aliter enim cum sit corpus simile, non est quod figuram aliquam internam propriam in eodem expectemus.

Vasa hepatis sunt septem numero: scilicet

*Hepatis vasa,*

- Rami {
1. Venæ Portæ.
  2. Venæ cavæ.
  3. Vesicæ felleæ, & pori bilarii.
  4. Capsula Portæ, & pori bilarii.
  5. Arteria hepatica.
  6. Nervus hepaticus.
  7. Lymphæ-ductus hepatici.

Quibus addere licet eam venæ umbilicalis in hepate partem, quæ in ligamentum degeneravit: ut & canalem venosum, qui in Embryone quidem talis reperitur, postea verò in ligamentum transit, cuiusque pars suspensorii præcipua annectitur.

Horum vasorum primum, secundum, & tertium, præ cæteris, officio hepatis inserviunt; ideòque descriptioni eorum diutius immorandum est: quartum ad hepar unicè pertinet, nec alii cuiquam parti communis est, ac propterea hic diligenter plenèque explicari debet. Quintum, sextum, & septimum (utpote vasa hepatis cum aliis partibus communia, adeòque minoris momenti) paucioribus expediam.

*quo ordine  
trahenda  
veniant,*

Habent præterea priora hæc tria vasa rationes quædam



quasdam communes, quibus inter se convenient; & differentias quoque aliquot peculiares, quibus ab invicem discrepent. De utrisque primum agam, antequam particulares eorum descriptiones aggrediar. Ut verbo dicam; hunc mihi ordinem proposui: describam 1.<sup>a</sup> Trium priorum vasorum communitates. 2.<sup>a</sup> Eorum inter se discrimina. 3.<sup>a</sup> Eorundem, & reliquorum etiam vasorum per hepar distributiones. 4.<sup>a</sup> Connexiones eorum. 5.<sup>a</sup> Illorum actiones, & usus.

### CAP. XXIII.

*Rationes quaedam communes, quibus vena cava vena Porta, & porus biliaris inter se convenient.*

*Communi-  
tas prima,*

1.<sup>o</sup> CONveniunt primò in eo, quòd tria hæc vasorum genera sint canales sive tubuli, in eumque finem extructi, ut aliquid vel ad hepar afferant, vel ab eodem exportent: quòdque præcipuus eorum usus ibi quærendus sit, ubi in hepate terminantur; nempe ubi onus vel suscipiunt, vel deponunt.

Prima hujus propositionis pars sensui manifesta est: sunt enim omnium horum vasorum cavitates planè conspicuæ, non solum in ramis majoribus, sed etiam in minoribus eorum ramusculis; nec meritò dubitari potest, quin idem quoque in minimis capillaribus eveniat: quoniam ejusdem ubique cum illis texturæ sunt, & magnitudinis duntaxat ratione discrepant. Quinetiam syringis

gis usus huic veritati suffragatur.

Pars hujus propositionis altera, priorem necessariò sequitur : neque enim fas est credere, vasa hæc in nullum finem fuisse excavata ; ac propterea necesse est, aliquid vel ad hepar apportent, vel ex eodem efferant.

Tertia similiter propositionis pars subsequitur secundam. Concesso enim vasa hæc deferendis humoribus destinata esse, eosque vel in heparingere, vel ex eodem educere ; oportet sanè præcipuus eorum usus ibi consistet, ubi onus suum vel accipiunt, vel relinquunt. Quippe vas quodlibet (dummodo secundum naturæ legem omnia sese habuerint) humorem quempiam adferens, parti illi (cui adfertur) aliquid utile, & quo antea carebat, impertit : idèoque parti ei immediatè inservit, in quam se exonerat ; nam illi soli immediatè vestigale est. Similiter & vas, quod ex naturæ instituto aliquid aufert, credendum est asportare rem superfluam ; adeoque parti, cui adimitur, officiosè consulere.

Jam verò vasa omnia, ibi loci onus suum vel suscipiunt, vel deponunt, ubi terminantur. Quippe extremitatibus suis duntaxat, non autem à latere, quicquam vel ingerunt, vel egerunt. In sanguinis circuitu, arteriæ omnes per capillares oras suas sese exonerant, nullibi autem per latera sanguinem effundunt : similiterque venæ omnes implentur. Enimvero latera earum certo naturæ consilio undiquaque occlusa sunt, membranisque ejusmodi constant, quarum robore, inflatus aër ad extimas oras necessariò deducatur, non autem medio itinere huc illucve effluat, nisi fortè alicubi incisæ aut ruptæ fuerint. Idque etiam in vivorum dissectionibus

dissectionibus perspicuum est ; ubi nec arteria magna, nec vena cava, neque vena Portæ (etiam si, aperto ad eam rem abdomine, facile manibus attraheri comprimique possint ) quidpiam sanguinis effundunt, aut guttatim extillant. Quapropter concludendum est, vasa usum suum præcipuum illic obtinere, ubi desinunt : atque æquum esse, ut nomina quoque ab iisdem partibus fortiantur ; utpote ad quas jure pertineant, earumque famulatio adstrictæ sint.

Est quidem verissimum, vasa sæpe loca ea pertransire, in quibus minimè terminentur : non tamen iis partibus, quas præterlabuntur, inserviunt ; sed iis solum in quas desinunt. Ità nempe œsophagus thoracem transiëat, licet nullo officio in eo fungatur, sed illius solum munus sit, ventriculo ( in quem terminatur ) famulari. Ad eundem modum, ureteres supernè in renibus terminantur, quibus etiam inserviunt ; & infernè in vesicæ cavum desinunt, cui itidem operam suam præstant: medio autem intervallo, nulli parti ex usu sunt. Similiter ramus splenicus, sive venosus, sive arteriosus, pancreas pertransit ; sed præcipuè in lienem desinit, cui etiam potissimùm famulatur. Et quamvis dici possit, aliis quoque partibus medio itinere inservire ; ubicunque tamen id fit, ramulos in easdem partes emittit, qui ibidem terminentur: absque illis enim si foret, nihil prorsus ipsis conduceret.

Quamobrem ea vasa huic vel illi parti propriè servire dicuntur, quæ in eandem desinunt. Nam si quæstio instituatur, pluresne an pauciores venæ aut arteriæ ad hanc illamve partem pertineant ? recta hanc rem æstimandi ratio, non ab iis venis  
five

sive arteriis petenda est, quæ partem alterutram præterlabuntur aut pertranseunt; sed ab illis solum, quæ in iisdem terminantur: quippe istæ solum ad partes illas propriè spectant.

Et propterea, si dicamus, lienem majoribus arteriis gaudere quàm hepar: id certè volumus, majores arterias ad lienem distribui, in eoque terminari, quàm in hepate; uti revera fit. Si porrò proportionem sive magnitudinem partium adjungamus, quarum vasa inter se conferuntur; debet tamen semper comparatio isthæc intelligi de iis vasis solum, quæ in partibus illis ad invicem collatis terminantur. Veluti si dicamus, lienem ampliores arterias sortitum esse, quàm partem ullam musculosæ carnis magnitudine ipsi coræqualem: ut de veritate hujus rei certiores simus; haud plus vasis in partem utramlibet distributi in comparisonem afferendum est, quàm quod capillaribus ramusculis in eandem absumitur. Aliter enim vas amplius, quàm oporteat, illi assignabimus: nemini enim ignotum est, venas atque arterias sæpe per unum aliquem musculus in alium transire; nihil tamen venæ hujus, sive arteriæ, parti (quam hoc modo pertransit) attribui debet, præterquam id, quod in eadem terminatur. Ideoque, si primum vasorum horum in hepate usum expiscari est animus; ultimos eorum fines, quibus in hepate terminantur, indagare oportet: hinc enim præcipuè illorum actiones atque usus eliciendi sunt.

II. Secunda communitas, qua vasa hæc inter se conveniunt, in eo sita est, quòd ea omnia ibi *secunda,* ampliora reperiuntur, ubi vel ingrediuntur hepar, vel ex eodem egrediuntur; in ipso autem hepate continuè

continuè in minora dividantur, donec tandem in vasa capillaria desinant, quæ in parenchymate ejus terminentur. Adeoque pars quælibet horum vasorum ipsi hepati peculiaris est, neque aliqua illud pertransit, ut vicinæ cuiuspiam parti inserviat. Propositio hæc in excarnatione hepatis ad oculum liquet, nec probatione ulteriore opus habet.

tertia,

III. Vasa hæc porrò in eo consentiunt, quòd eorum quodlibet ramusculos capillares in unamquamque parenchymatis partem distribuât. Nullam scilicet hepatis partem, quæ sit alicujus momenti, reperiatis; ad quam venæ cavæ, Portæ, atque pori bilarii capillaria vasa non pertingant.

Veteres quidem anatomici (quòd optimum excarnandi hepatis modum nescirent, quo sine propositio hæc minùs certò cognoscitur) putârunt, venam Portæ nequaquam ad gibbum hepatis pertendere, venamque cavam citra illius finem terminari. Errorem autem hunc inde profectum arbitror, quod majores Portæ rami finem hepatis perrepent, similiterque venæ cavæ rami ampliores per gibbum ejus distribuantur. Nesciebant verò capillaria horum vasa postea ad omnes hepatis partes disseminari.

Enimvero, si quis hepati carnem ademerit, videbit tum venæ Portæ, tum etiam pori bilarii filamenta capillaria ad supremam gibbi ejus partem, totamque illius circumferentiam pertingere; pariterque venam cavam omnes fini hepatis partes perrepere. Quapropter assero, omnium horum vasorum, cujuscunque demum generis fuerint, ramulos capillares in quælibet parenchymatis partes distribuî.

quarta,

IV. Quarta horum vasorum communitas, utranque

que jam postremò dictam ulteriùs confirmat: quippe haud solum omnis generis vasa capillares suos ramulos ad quamlibet hepatis partem emittunt, verùm id faciunt *equaliter*. Nempe vasa fellea, vena Portæ, atque cava, ramusculos suos capillares æqualiter ad quamcunque parenchymatis hujus partem dispergunt.

Communitas hæc tum re ipsâ, tum ratione etiam manifestè liquet. Nam in excarnando hepate facillè videre est, ramum cujusunque vasis majorem, majori quoque hepatis parti per æquâ proportionem inservire: similiterque majorem quemlibet ramum in plura capillaria vasa proportionaliter distribui. Adeò ut duplex proportio sit ad cujuslibet rami magnitudinem: altera quidem inter amplitudinem rami, & parenchymatis, cui inservit; altera verò inter ejusdem rami magnitudinem, & capillarium illius numerum. Quoniam igitur, cùm parenchymatis magnitudo, tum capillarium numerus, ejusdem vasis amplitudini proportionem respondent; necesse est & illa quoque proportionem inter se congruant; adeoque major parenchymatis pars, majorem capillarium numerum in se recipiat, & minor minorem. Quæ enim tertio alicui proportionem respondent, illa quoque eodem pacto inter se conveniunt.

At verò numerus capillarium vix à nobis dignosci potest, quoniam exiles admodum, valdeque numerosæ sunt, & à parenchymate suo ægrè separabiles. Fateor equidem, parvitatem atque multitudinem horum capillarium pensiculatè justaque trutinâ æstimari non posse: possunt tamen summam, atque uno intuitu. Nam quem admodum in duobus arenæ acervis (ubi omnes arenulæ

arenulæ paris magnitudinis conspiciuntur) majorem cumulum plures in se arenas complecti judicamus; idque plus minùsve, prout alter alterum amplitudine excefferit: ità pariter, quoniam vasa capillaria perinde hic atque illic exilia sibi que invicem propinqua apparent; existimandum est, eadem pro mole suâ plura aut pauciora existere. Nam id solum volumus, partes hæc (quantum oculis judicare licet) proportionem eâ inter se gaudere, quam jam diximus. Quod difficultatem illam attinet, quâ vasa capillaria à parenchymate suo liberantur; ei malo duobus duntaxat auxiliis mederi queas: nempe, ut & majore diligentia, spatiòque temporis longiore rem aggrediaris; & pro capillaribus iis, quæ fortè in excarnando hepate dilacerantur, aliquid computi tui calci adjicias.

Id porrò in instituenda horum vasorum proportionem notandum est, debere vasa quælibet etiam aliis sui generis vasis comparari; putà ramos venæ Portæ, cum aliis Portæ ramis: idemque de venæ cavæ, porique bilarii ramis dictum puta. Ceteroquin enim facilè nos expectata horum vasorum proportio fefellerit. Quippe rami fellei, minores multò sunt, quàm vel venæ cavæ vel Portæ rami, licet cum his ad eandem hepatis partem distribuantur.

Postremò, animadvertendum est, ramos bilarios haud eandem magnitudinis proportionem servare cum parenchymatis parte eâ cui inserviunt, quam venæ Portæ atque cavæ ramos observare diximus. Nam si Portæ aut cavæ ramus aliquis, hujus vel illius hiatus sive cavitatis, parenchymatis uncie ministrandæ satis sit; alius duplè cavitatis,

tatis, duabus illius unciiis suffecerit. In ramis autem felleis, aliter se res habet; hic enim vas duplæ magnitudinis, quadruplo minimum parenchymatis inservit. Atque hujus rei rationem paulò inferiùs explicabimus: hoc nunc solum dicimus, esse aliqualem proportionem inter ramos felleos, eorúmque vasa capillaria; atque etiam inter hæc, & partem eam parenchymatis cui administrant: licetque haud eadem sit cum illa, quæ venæ Portæ atque cavæ ramis obtigit, proportionem tamen aliquam inter eorum capillaria vasa, & parenchyma hepatis explicat, in qua communitas jam dicta consistit.

Porro communitas hæc ratione etiam confirmatur. Quoniam enim parenchyma hepatis, ubique ejusdem similis substantiæ est; oportet sanè, ut in omni sui parte iisdem quoque qualitatibus five facultatibus præditum sit, easdémque actiones atque usus obtineat: atque adeò iisdem quoque vasis perinde hic atque illic opus erat. Nempe, si una aliqua parenchymatis pars tribus vasorum generibus indigebat, & reliquæ etiam omnes totidem necessariò desiderabant. Nulla enim ratio reddi potest, cur in corpore simili, una aliqua ejus pars, præ cæteris omnibus, tria vasorum genera requirat. Præterea, cum corpus simile sit uniformis substantiæ, virtutisque par; necessariò etiam proportionem æqualem uniuscujusque horum vasorum generis exigit, ut tum substantiæ uniformitati, tum virtutis æqualitati respondeant. Ideoque necesse est, quorumlibet horum vasorum extrema capillaria (quæ sola parenchymati immediatè inserviunt) æqualiter distribu-

Q

antur,



antur, inque omnes ejus partes terminentur: quod hic probandum suscepimus.

*Spigelius* certè animadvertit, parenchyma solidius esse in cavo hepatis, quàm in gibbo. Id tamen de ipso hepatis parenchymate minimè intelligendum venit, sed de partibus ipsi adjunctis: eoque sensu *Spigelii* sententiam libenter amplectimur. Sin verò ipsum hepatis parenchyma aliter in cavo, quàm in gibbo, sese habere intellexerit; nos sanè diversum ab eo sentimus. Fatemur quidem, cavum hepatis concretè sumptum (nempe unà cum vasis in eo reconditis) firmitus atque solidius, quàm ipsius gibbum reperiri: idque duabus de causis. 1.<sup>o</sup> Quia rami majores v. n. Portæ, pori bilarii, & capsulæ communis, ibi sedem habent. 2.<sup>o</sup> Quia jam dicta vasa omnia, in cavo hepatis complures de se ramulos in membranam ambientem emittunt, qui eidem inseparabiliter annectuntur; horumque vascula capillaria mox versùs cavum regrediuntur, ut parenchymati ibidem inserviant: indeque fit, ut membranæ pars interior plurimum roboris acquirat, ipsùmque parenchyma à recurrentibus vasis tantopere implicatum sit, ut difficulter admodum excarnari possit: quod fortasse *Spigelio* imposuit. Hinc etiam hepar, in cavo suò, injuriis perferendis magis idoneum redditur; ubi etiam, quàm in gibbo, iisdem magis erat obnoxium. Nemo tamen propterea evicerit, inæqualitatem aliquam in ipso parenchymate reperiri: neque sanè ejusmodi mihi, licèt in excarnando hepate diligenter indaganti, uspiam occurrit.

In hepatis quidem obstructionibus (quæ sæpius  
in

in cava illius parte, quàm in gibba, eveniunt) non nihil discriminis inveni, apparuitque parenchyma illic paulò durius. Id autem oppilationis solum causà evenit; siquidem in juvenilibus sanisque jecinoribus, rarissime differentiam hujusmodi deprehendi; verum in senibus, & sub finem hyemis ea crebrius contingit. Quinetiam in eorundem jecinorum cavo, partes nonnullas, ab obstructione liberas, non minus teneras, quàm in ipsorum gibbo reperi: claro indicio, quicquid est in iis discriminis, id solum ab oppilatione proficisci. Quis fit autem, inquis, ut sima hepatis pars, potius quàm gibba, obstructionibus obnoxia sit? Nimirum, quia crassior magisque obstruens materia ad illam proclivius fertur.

Est etiam alia, in æstimanda diversarum parenchymatis hujus partium duritie aut teneritudine, errandi occasio. Nempe partes illæ, quas primum aggredimur, teneriores apparent, utpote minus siccæ: & quæ diu extra aquam fuere, duriores videbuntur, nisi identidem in illam denuo immergantur.

V. Superest adhuc inter hæc vasa communitas *quinta*, quinta: nimirum, quod proportio quædam intercedat inter quemlibet eorum truncum, & ramos in quos immediatè distribuitur; similiter inter singulos ramos, atque eorum ramulos; porro inter unumquemque ramulum, & ipsius vasa capillaria; denique inter quodlibet vas capillare, & partem illam parenchymatis, cui famulatur. Itaque omnia simul capillaria, paria sunt toti parenchymati; omnes ramuli, suis capillaribus; omnes rami, ramusculis omnibus; totusque truncus (ubi unus solum adest; vel omnes trunci, ubi plures

reperiuntur) omnibus suis ramis; adeoque totus truncus, toti parenchymati peræquâ proportionem respondet.

Est tamen in proportionis hujus modo, inter vasa biliaria, atque illa venæ Portæ & cavæ, discrimen aliquod: cujus rei jam suprâ meminimus, & nunc uberius paulò de eadem dicendum est.

Truncus venæ Portæ, ubi primùm hepar ingreditur, tubi capacitate quinque ramis suis æqualis est; parique sanguinis copię inferendæ habilis est, quantam omnes illi rami distribuere queant. Similiter, quilibet ramus, canalis sui ratione, par est omnibus suis ramulis in quos dividitur; & quilibet ramulus, suis capillaribus; singulæque capillaria, ei parenchymatis portioni cui operam navant. Adeoque totum parenchyma tantundem sanguinis in se recipere, atque aliorum effundere potest; quantum vel vena Portæ, vel omnes ejus propagines illuc afferre queant.

Ex dictis constat, proportionem inter quodcunque hujus generis vas, & minora vasa quæ immediatè ex eo proveniunt, in ductuum eorum æqualitate consistere. At verò, licet inter pori bilarii truncum ejusque ramos proportio aliqua reperiat, non tamen in eadem illà æqualitate fundatur.

Rami venæ cavæ eandem fere cum ramulis & capillaribus suis proportionem obtinent, quam venæ Portæ contigisse diximus. Quippe eorum vasa omnia capillaria tantundem sanguinis auferre queunt, quantum per totum parenchyma transmitti potest; atque adeò omnibus venæ Portæ capillaribus ad amissum respondent; positâ ubique inter eorundem extremitates debitâ justæque parenchymatis

renchymatis proportionē. Porro omnes ramuli tantopere hiant, ut quicquid à capillaribus affunditur, id in proximos ramos commodè deferant : hique etiam illis simili ductuum æqualitate respondent. Ut ubique eadem proportio adsit, quam in venæ Portæ ejusque ramificationibus observavimus. Id solum interest, quòd rami venæ cavæ, priusquam ex hepate egrediuntur, in unum truncum (instar ramorum venæ Portæ) minimè coalescant : cæterum, si quis trunci venæ Portæ amplitudinem, cum ramorum venæ cavæ osculis omnibus comparaverit (subductis interea minutis quibusdam valvulis hisdem præfixis, quarum præsentia ipsa vasorum ora quartâ sui parte angustiora, quàm revera sunt, apparent) admirabilem æqualitatis proportionem inter eosdem reperiet ; qualem etiam, excarnato hepate, inter omnes ipsorum ramos adesse cernimus.

Vena autem Portæ, inquis, tantum sanguinis apportat, quantum à vena cavâ & poro bilario simul effertur ; deberétque adeò utrolibet horum ampliùs patefcere. Respondeo, sanguinem à sola venâ cavâ ablatum, quadragies saltem humorem felleum à poro bilario egestum quantitate superare ; & consequenter vasa fellea quadragesimâ duntaxat oneris sui parte cavam levare ; quod juvamen vix est perceptibile ; imò verò nullum ; si modò tecum cogites, majorem copiam sanguinis, quàm est bilis per vasa fellea exhaustæ, in venam cavam transire, quæ tamen per venam Portæ nequaquam advenerit ; putà sanguinem ex arteria hepaticâ affluentem. Ideoque non invitus concesseris, omnes simul venæ cavæ ramos, cum ipsa ve-

nâ Portæ, hujusque ramis omnibus, æquali cavitatis amplitudine extructos esse.

Vasa verò fellea haud eandem exquisitè proportionem obtinent: quippe diviso jam in ramos poro bilario, rami illi conjunctim spectati, communis trunci amplitudinem excedunt: idque ad hunc modum continuè sit, donec ad ultima capillaria perventum sit. Quod eâ forsitan ratione contingit, quia, ex naturæ lege, bilis complusculum in hepate semper recondi debuit: inque eum finem, insertio ductûs communis plerunque clauditur, & naturaliter occludi amat: cùm verò interdum hîscit, non debet omnis bilis confertim egredi, sed paululum ejus duntaxat, quantum nempe ipsi vasis est oneri. Ac propterea haud par erat, ut trunci bilarii amplitudo, omnium ramorum suorum capacitati æquaretur; aut rami quilibet, omnibus suis ramulis; vel hi etiam, capillaribus suis omnibus pares essent. Nam si canales isti ad invicem comparati, æqualis proportionis essent; quidni, obsecro, quotiescunque obliqua insertio referatur, omnia isthæc vasa (saltem minora & capillaria) planissimè exhauriuntur? At verò, posito jam, majora vasa angustiora esse, quàm ut humoris parem quantitatem cum omnibus minoribus vasis, in quæ distribuuntur, comprehendant; necesse est bilem, ab his copiosè suppeditatam, tardius amoliantur: adeoque semper nonnihil hujus humoris in hepate supererit; quod etiam Naturæ instituto erat consentaneum.

Præterea, manifestum est, truncum pori bilarii, si cum innumeris suis ramis, ramulis, atque capillaribus conferatur, exilem admodum esse: nâmque

que haud paucioribus capillaribus, quàm ipsa vena Portæ, donatur; magnitudo autem ejus, vix decimam hujus amplitudinis partem adæquat. Idque inde planè constat, quòd vena Portæ & porus bilarius, postquam semel hepar ingressi sunt, semper pari passu, usque ad ultima capillaria, sese invicem comitentur: debétque adeò horum numerus esse æqualis: quanto autem discrimine trunci eorum inter se differant, id oculorum indicio facilè innotescit. Concesso itaque, truncum pori bilarii communem, cavitatis ratione, trunco venæ Portæ decuplo minorem esse, & tamen pari capillarium numero gaudere; necesse sanè foret, quælibet etiam ejus capillaria decuplò minora esse, capillaribus venæ Portæ: quod tamen nemo, opinor, concefferit: siquidem vasa ad tam pertenuem exilitatem deducta, nulli usui forent. Est enim venæ Portæ vasis capillaris cavitas fere oculis imperceptibilis: decuplò igitur minor capacitas, cui commodò inserviat? Ac propterea Natura, ut inutilem ejusmodi exilitatem evitaret, ramos omnes simul sumptos, trunci eorum communis amplitudine majores extruxit; & similiter, ramulos omnes suis ramis paulò capaciores; denique, ad eundem modum vasa omnia capillaria ramulis suis propriis ampliora condidit. Eoque pacto, quælibet ejus capillaria, tum humori admittendo, tum officio suo perfungendo idonea sunt.

Crediderit fortè aliquis, hanc ductuum inæqualitatem in trunco ramisque vasorum felleorum, eorundem cum aliis duobus vasis cõmunitatem evertere: quod revera non fit; nam in hac cõmunitate aliqualem duntaxat proportionem inter tria illa vasa, eorúmque ramos, &c. asserui: non

autem dixi, eandem omnino proportionem inter tria illa genera reperiri; sed solum inter venam Portæ, & cavam; in vasis autem felleis, discrimen jam dictum occurrere. Et tamen licet horum vasorum trunci, ramis, ramulis, & capillaribus, in quæ usque dirimuntur, inæquales sint; est tamen in ulteriore semper divisione inæqualitas proportionata, quæ communitati modò dictæ stabiliendæ suffecerit.

Ductus tamen communis, inquis, duobus suis ramis, nempe meatui hepatico & cystico, æqualis cernitur. Respondeo: Non est hæc divisio hujus loci, cum extra hepar contingat: debuitque necessario à reliquis in hepate divisionibus discrepare, ut repentinis vesiculæ felleæ inundationibus atque effluviis promptè succurreret. Quoniam enim vesicula hæc, promptuarium istius humoris multò amplius est, quàm ullum in ipso hepate reperias; majorem quoque canalem necessario requirebat, per quem humorem hoc pacto congestum forasque properantem faciliè evomeret.

## CAP. XXIV.

*Differentia, quibus, in excarnando hepate, vasa ejus primo intuitu ab invicem distinguantur.*

*Utile est  
horum va-  
sorum dis-  
criminatio.*

**E**Xcarnationem hepatis molienti, vasa capillaria ramulique omnis generis primum occurrunt; quos nisi detur primo statim intuitu ab invicem discernere, vix multarum hic à nobis traditarum observationum judices erimus idonei: ideoque

ideoque operæ fuerit pretium, discrimina eorum manifestiora proponere; ut ita genus illorum quodlibet, quamprimum in conspectum venerit, clarè innotescat.

1.<sup>a</sup> Rami venæ Portæ rubicundiores paulò, simulque colore nubilo obscuroque magis, quàm rami venæ cavæ, conspiciuntur. Habent etiam tunicam duplicem; propriam nempe, atque aliam à capsula communi mutuatam: indeque crassiores, fortioresque evadunt, atque ad arteriæ naturam propius accedunt, Quinetiam tubulus sive canalis eorum minor est, quàm ramorum venæ cavæ, licèt exteriore ambitu utrique pares sint.

2.<sup>a</sup> Venæ cavæ rami, ramuli, & vasa capillaria, singulari duntaxat tunicâ induuntur: sunt etiam candidiores, tenuiores, magisque pellucidi; amplioris quoque (pro proportionem) cavitatis, ut jam diximus, quàm rami venæ Portæ. Sequitur nimirum hæc canalis eorum amplitudo, tunicarum tenuitatem: ubi enim duo vasa pari exterius magnitudine fuerint, quod tenuiore tunicâ donatur, necesse est cavitatem intus ampliorem obtineat.

3.<sup>a</sup> Vasorum felleorum rami, ramusculi, & capillaria vasa, ex pallido fuscoque flavescent: tunica etiam eorum, quàm cavæ, multò crassior est; imò verò utramque venæ Portæ tunicam crassitudine excedit. Ambitus illorum longè minor est, quàm ramorum venæ Portæ, quibus associantur. Similiter & canalis eorum multò angustior est, quàm vel venæ cavæ, vel portæ; imò sanè (ob tunicarum crassitiem) ratione propriæ circumferentiæ, valdè exilis est. Sicubi vas aliquod hujus generis obstructum repereris, videbis id plurimum su-  
pra



pra Naturæ modum dilatari : sæpe etiam cavitas supra oppilatum locum valdè ampliatur, adeò ut pustulæ live vesiculæ aquosæ speciem præ se ferat. Contingunt autem maximè obstructiões hujusmodi in brutorum animalium jecinoribus sub finem hyemis ; eodémque tempore etiam lapidosi tubuli sæpe vasa fellea inferciunt : sũntque hi tubuli, ejusdem similis substantiæ cum lapillis iis, qui in vesicula fellea reperiuntur.

4.<sup>a</sup> Obversa parte illâ (cujus dignoscendæ tum satagis) ad lumen Solis ; si duo vasa occurrerint, in una eadémque capsulâ sese invicem comitantia, simulque porro (ceu indivulsi focii) in minores ramulos divisa, nunquam autem sese mutuò decussantia ; certum est, alterum venæ Portæ, alterum vasorum felleorum esse propaginem. Sin autem vasa quomodocunque decussatim posita videris ; non est dubium, quin illud ad venam cavam, hoc ad venam Portæ spectet.

5.<sup>a</sup> Si ramulus, quò propius ad posticam hepatis partem (ubi vena cava ei conjungitur) pervenerit, eò quoque major continuè evaserit ; scias, eundem ad venam cavam pertinere. Et similiter, si versùs finem hepatis, ejusque centrum præsertim, perpetuò increverit ; venæ Portæ sobolem esse intelligas : quippe illic truncus ejus hepatis ingreditur, ramósque suos postea quoquoversum diffundit.

6.<sup>a</sup> Si vasorum horum genus aliquod, duplò plures ramulos, vasâque capillaria, quàm alterum, habere videatur ; certò scias, vas pluribus ramulis donatum, ad venam Portæ attinere ; alterum verò paucioribus præditum, ad venam cavam referendum esse. Non quidem, quod vena Portæ  
revera

revera duplò pluribus ramulis valisque capillari-  
bus, quàm cava, gaudeat; sed quia hujus minores  
ramuli & capillaria vasa, tenera adeò sunt, ut ple-  
runque in excarnando hepate abrumpantur, ac  
propterea pauciores multò, quàm re ipsà sunt, ap-  
pareant.

*Spigelius* asserit, plures ramos venæ Portæ, L. 5. c. 4.  
quàm cavæ, per hepatis substantiam dispergi.

Idque mihi etiam, cùm primùm excarnandis jeci-  
noribus operam dabam, ità visum est: postea ve-  
rò re accuratiùs perspectà, facilè errorem meum,  
duplicémque ejus causam deprehendi; quæ fortas-  
sis & *Spigelio* quoque errandi ansam præbuit.

1. Quòd minores venæ cavæ ramuli & vasa capil-  
laria (utì diximus) inter excarnandum hepar,  
avellantur. 2. Quòd venæ Portæ capsula com-  
munis, & porus bilarius, Portæ ità conjungantur,  
quasi unicum vas forent: Indèque factum est, ut  
ipsa vena Portæ major, quàm revera est, habere-  
tur. Adeòque concessis venæ cavæ teneris illis ab-  
ruptis vasculis, demptisque à portæ amplitudine  
capsulâ communi, atque poro bilario; tam vi-  
cina certè inter illa vasa proportio exurget, ut  
dictu haud facile sit, quodnam eorum altero ma-  
jus sit, aut pluribus vasis capillaribus done-  
tur.

Possent & aliæ forsitan horum vasorum diffe-  
rentiæ assignari; nempe à variis eorundem mix-  
turis atque temperamentis. Sunt autem ejusmo-  
di discrimina obscura adeò atque incerta, ut pa-  
rùm admodum lucis ab iisdem ad hanc rem expe-  
ctandum sit; ideòque datâ operâ negleximus.

Postremò, vasorum horum distributiones variæ,  
diversæ origines, metæque contrariæ ad quas ten-  
dunt,

dunt, eadem facillè inter se discriminant. Quoniam tamen distributiones eorum titulum peculiarem postulant, iisque reliquæ ambæ affines sunt; tractationem earum omnium ad proximum caput distulimus.

## C A P. XXV.

*De vasorum horum in hepate distributione : & primum de illa vena Portæ.*

**D**E venarum origine, jam olim inter Galenicis & Peripateticos animosè acriterque disceptatum est : dum illi hepar, hi verò cor principium earum *δυσκρίσις* sive distributionis constituunt. Quæstio isthæc quidem aliquatenus ad rem præsentem attinet : de eadem tamen impræsentiarum nihil dicam ; quoniam determinatio ejus, actiones simul atque usus hepatis includit ; ideoque postea, ubi de his egerimus, de illa quoque videbimus. Id nunc solum inquiram, ubi nam nempe venarum distributiones necessariò exordientur sint ?

*Undenam  
vasorum in  
hepate di-  
stributio or-  
dienda sit.*

Vasà omnia in longum producta, duos minimum terminos sortita sunt : sin autem in ramos desinant ; extrema illa, quæ indivisis eorum truncis opponuntur, sunt multiplicia. Vasorum itaque talium distributiones delineaturum, necessariò oportet vel à pluribus eorum extremis, vel ab indivisis truncis auspicari.

Vasà hæc haud malè flumini comparaveris ; nam & canales cavi sunt, & humorem fluidum in se continent, similiterque etiam divaricantur.

Cui

Cuicumque autem flumen aliquod describere est animus, necesse est vel ab ostio ejus ordiatur, sursumque ad caput amnis ascendat; vel initio facto à variis illius scaturiginibus, secundo flumine ad mare usque pertendat. Qui terras noviter repertas descriptum eunt, flumina fere eà facie nobis delineant, quàm ipsis inventoribus primum innotuerant, nempe dum adverso flumine vela facerent: cognitis autem postea ipsis fontium scatebris, descriptio eorum non minus commodè inde versum mare deducitur. Similiter cum primum in dissectionibus anatomicis vasorum horum molimur indaginem, præstat à majoribus eorum truncis (utpote inventu facilioribus) auspicari, indeque ad minores atque obscuriores illorum ramulos proficisci: postquam verò diligenti investigatione apertiora nobis facta sunt omnia, licebit ductum eorum sequi, atque ab ipsis fontibus rem aggredi. Mihi hic placet secundo flumine navigare: & quoniam vis sanguinis maxima in hepar è vena Portæ influit, ab hujus descriptione ordiar.

Galenus venam Portæ arbori comparat, ejusque radices extra hepar, ramos autem in illo constituit. Imaginare, inquit, arboris quendam truncum, qui parte inferiore in multas radices, superiore in numerosam ramorum sobolem findatur. Hoc pacto quæ in ventrem & intestina deferuntur venæ, proportionè radicibus respondent; truncus verò est in hepate. Nempe ita arbitratus est; quòd crederet, chylum omnem in hepar per venam Portæ deferri, eundemque fibrarum hujus capillarium ope è ventriculo atque intestinis exfugi: perinde atque radices arboris è terra succum attrahunt, qui postea toti plantæ nutri-

Lib. de venis.  
Distributio  
Portæ:

nutriendæ inferviat. Erat quidem verisimilis admodum hæc sententia, antequam venæ lactææ innotescerent: quamprimum autem hæ comparuerunt, illa protinus evanuit: siquidem ex harum venarum descriptione luculenter constat, chylum neutiquam ad hepar pertingere.

radices hujus extra  
hepar,

Utcunque, licet venæ Portæ fibris capillaribus nullum sit cum chylo commercium; quoniam tamen sanguinem è ventriculo, liene, pancreate, omento, mesenterio, atque intestinis illatum, in venam Portæ deducunt; possunt quodammodo illius trunci radices æstimari; etsi minùs propriè, quàm si chylum advexissent. Ego autem vasa hæc capillaria potiùs pro totidem scaturiginibus habuerim, quæ ingentem sanguinis fluvium, hepar mediante venâ Portæ percurrentem, suppeditent. Quippe capillarium horum officium est, sanguinem è prædictarum omnium partium ambitu prolucere; quemadmodum & scaturigines aquam è terra derivare solent: & prout vasa illa hepatis magis appropinquant, in unum passim congregiuntur, sociatîsque ductibus vasa semper ampliora constituunt; sicuti & scatebræ complures coeuntés rivulum efficiunt, & numerosi rivuli tandem in fluvium evadunt. Quamprimum venæ hæ majusculæ factæ sunt, nominibus donantur; eadèmq; propriissimè à partibus, unde primùm scaturiebant, mutuantur; etsi sæpe fiat, ut à locis quæ pertranseunt, vel ad quæ tendunt, nuncupentur.

à ventriculo,

Venæ sive rivuli, è ventriculi tunicis exorti, sunt quinque numero; eorùmq; tres in venam splenicam desinunt: nempe *vas breve venosum*, (cujus, utpote longissimè remoti, sit primùm mentio; )

tio;) *gastroepiplois sinistra*, quæ etiam ab omento tenuiores furculos accipit, ac propterea ab utrifque nomen suum nanciscitur; denique insignis ventriculi vena, *gastrica major dicta*; cujus propago quædam est *coronaria*, scatebris suis, coronæ instar, superius ventriculi orificium ambiens. Tres hæ venæ, ut dictum est, rivulos suos in venam splenicam effundunt; proxima autem *gastroepiplois dextra* in ramum mesentericum evacuatur; atque ultima è pyloro orta, in ipsum portæ truncum exhauritur.

Præter jam dicta vasa, alia quoque complura à liene, pancreate, omento, adfunt, quæ venæ splenicæ canalem adaugent; qui nomen toti vasi impertiunt; simul etiam alii quatuor, qui origines suas propriis nominibus testantur; nimirum *epiplois dextra*, *epiplois sinistra*, exilis propago è pancreate, atque hæmorrhoidalis interna, cujus munus esse vulgò creditur, sanguinem melancholicum à liene ad intestinum rectum deferre; cum tamen fluxio omnis in hoc vase (quemadmodum ex doctrina circulationis sanguinis clarè liquet) ad ramum splenicum solum tendat, nec possit inde ullo pacto recurrere. Ad vasa verò illa quod attinet, quæ in fluxu hæmorrhoidali sanguinem melancholicum in intestinum exonerant; dico esse vasa quædam varicosa, quæ ab impedito in venam hanc hæmorrhoidalem libero transitu (quo sanguinem ex arteriis hæmorrhoidilibus in illam derivatum versùs cor regerant) necessariò intumescunt, tandèmq; referata, sanguinem in intestina evomunt. Desideratur autem sæpenumero vena hujusmodi hæmorrhoidalis interna; vel (ut rectius dicam) rarò admodum in

(Venarum hæmorrhoidali-  
dium u-  
sus & ori-  
go).

in ramum splenicum exinaniri deprehenditur ; ut meritò credendum sit, eandem olim ampliore, quàm par erat, munere decoratum fuisse. Fateor, inquam, adesse quidem semper venam hæmorrhoidalem internam ; eadem tamen plerunque non in ramum splenicum, sed in *mesentericam sinistram* illabitur ; námque hoc pacto etiam hæmorrhoidalis internæ nomen obtinet, ad discrimen *hæmorrhoidalis externæ*, quæ sese in cavæ ramum aliquem exonerat.

ab intesti-  
nis, & me-  
senterio.

Reliquæ venæ, & profectò omnes quæ ab intestinis aut mesenterio primas scaturigines hauriunt ( præter jam dictas, quæ in ramum splenicum evacuantur, & hæmorrhoidales externas ) longo mesenterii tractu ad hepatis pergunt, indèque *mesaraicæ* dicuntur, nomine apud Medicos olim perquam celebri. Plures venæ capillares ab intestinis profectæ simulque unitæ, furculorum horum unum constituunt. Numerantur autem vulgò hujusmodi venæ quatuordecim ; licet numerus haud perpetuò certus sit, sed in diversis corporibus variet. Hæ omnes venæ tandem concurrentes, ramum mesentericum efficiunt, qui ( admittis priùs *gastroepiploï dextrâ*, & *venâ intestinalem* five *duodenâ* ) cum ramo splenico conjungitur, atque ab amborum vesticulibus vena Portæ grandescit : eadem tamen, antequam hepatis ingreditur, duas quoque alias venas excipit ; *pyloricam* nempe jam antea dictam, & *cysticam* ; vel potiùs *cysticas gemellas*, quòd sæpe binæ reperiuntur.

Omnes istæ venæ Portæ propagines haud directè quidem ad rem præsentem attinent, quoniam extra hepatis conspiciuntur ; ideòque soloci filorum earum telam pertexuimus ; neque sanè quidquam omnino

omnino de iis egissem, verum ad alios Anatomicos, qui datâ operâ de hac re tractârunt, Lectorem remissem; nisi constaret, eas secundum sanguinis processum (quomodo à nobis in posterum considerandæ veniunt) à nemine hactenus descriptas esse.

Vena Portæ sinum hepatis, prope centrum ejus, ingreditur; quò propagines suas faciliùs in *Distributio Portæ intra hepar.* omnes illius partes distribuat. Adstant huic locoduz eminentiæ, *πύλαι* Græcis dictæ, unde huic venæ nomen. Præterea ingressus ejus est proximè subter (ant paulò ultra) exilem hepatis lobum: quo etiam indicio faciliè dignoscitur.

Quamprimum vena hæc in hepar inseritur, tunicam aliam induit; nisi satius duxeris, tunicam hanc superadditam, *capsule communis* nomine (quòd duo vasorum genera in se complectatur) indigitare. Utcunque, videtur novæ tunicæ officio fungi; ut postea uberius constabit.

Vena Portæ hoc modo in hepar ingressa, post- *eiusdem rami,* quam illud semipollicari circiter longitudine per-  
netravit, partim dextrorsum, partim sinistrorsum fertur, adeoque in sinum quasi efformatur, (ut *sinus,* in apposita figurâ videre est).

R

A. Truncus





A. Truncus Portæ.

B. B. Sinus ejus oblongus.

1. 2. 3. 4. 5. Quinque illius rami.

indèque in quinque amplos ramos dividitur; eorūque quatuor longè latèque per sinum hepatis diffunduntur, quintus autem versùs gibbum ejus rectà pergit. Utque vena hæc faciliùs in omnes hos ramos exporrigatur, ibidem loci (ut jam diximus) in sinum oblongum protenditur: élique cavitas hæc in embryone multò magis conspicua; quia ingens sanguinis è vena umbilicali influxus, eandem latè explicat. Quinetiam in embryone faciliè videas, *tubulum venosum* ex hoc sinu (ferè ex adverso ostiū umbilicalis venæ) in cavam rectà immitti. Tubus iste est ejusdem similis substantiæ ac texturæ cum vena; & ramificatione solùm destituitur, quâ aliz omnes venæ gaudent. Ideoque non malè à quibusdam dicitur *canalis venosus*, ad exemplum arteriosi illius, qui cordi proprius est. Canalis hic venosus ibi loci cavam ingreditur, ubi diaphragmati annectitur; ibidémque etiam duo alii rami magni ex hepate in cavam inferuntur: adeò ut, si venam cavam in longum è directo hujus loci aperias, tria

*canalis venosus,*

ampla

ampla vasorum ora simul in conspectum veniant ; quorum anterius, est plerunque vas hoc de quo agimus. Eodem etiam loco ligamento suspensorio annectitur, posteaque temporis tractu ( nempe post natum embryonem ) in ligamentum abit : & quemadmodum sedem suam ligamento umbilicali aliquatenus adversum habet, ita pariter in actione atque usu *antagonistam* agit ; dum illud hepatis sustinendo, hoc verò eidem deorsum revelando institutum est. Sed ad Portæ quinque amnes revertendum est.

Quatuor ejus rami, uti diximus, huc illuc per *Rami quin-* finium hepatis sparguntur : quod, cum figurâ o-*que,* vali constet, ab iisdem in totidem partes dispescitur. Primum quadrantem appello, in quem vena umbilicalis inferitur : reliquos eo ordine habeo, quo occurrunt ; ita scilicet, ut numeratio dextrorsum procedat.

Quadrantem primum, primūque venæ Portæ *primus,* ramum ( cui vena umbilicalis connectitur ) propterea eo loco habui, quia in embryone vena umbilicalis maximam sanguinis vim ad hepar appor-  
tat, & quodammodo venæ Portæ munus exequitur, quæ in eo ( præsertim nuper formato ) exilis admodum, nulliusque ferè momenti conspicitur. Præterea ramus iste est maximus & robustissimus, eoque nomine primatūs dignitatem meretur. Hic ramus minores alios ramos, ramulos, & capillares fibrulas in totum sinistram anterioremque hepatis quadrantem (quem jam *primum* appellavimus) dispergit ; & quò validiores radices agat, atque ligamenti umbilicalis ( dum munere suo fungitur ) vellicatus fortius sustineat, in utramque fissuræ hepatis partem ramos emittit. Porro,

ramuli ab eo in sinum hepatis diffusi, ad membranam ejus excurrunt, atque eidem annectuntur; indeque reflexi, venulas suas capillares sursum in parenchyma disseminant. Idque etiam (ratione ramulorum in sinum hepatis disperforum) secundo, tertio, quartoque ramo commune est. Denique, ramus hic venas capillares in medium hepatis, maximamque quadrantis hujus (in quem major ramulorum ejus pars absumitur) gibbam partem effundit.

*secundus,*

Secundo loco eum venæ Portæ ramum habeo, qui jam descripto proximè dexter adjacet, qui-que alteri hepatis anteriori quadranti in dextero ejus latere inservit. Hic ramus superiore paulò minor conspicitur, tertio tamen quartoque amplior. Rami hujus furculis aliquibus radices vesicæ felleæ annectuntur, etsi nonnunquam quoque inferiori alicui quinti rami propagini adhaereant. Idem ramus toti hepatis cavo, per quadrantis sui ambitum, capillares venulas suppeditat; quinetiam, prope ejus confinia, gibbo quoque illius famulatur.

*tertius,  
quartusque,*

Tertius, quartusque ramus (quacunque eorum termini exporriguntur) hepatis simo præcipuè inserviunt, nempe duobus ejus interioribus quadrantibus dorso proximis. Prope ultimos autem earum regionum fines, ramulos & vasa capillaria non minùs in gibbam, quam cavam illius partem distribuunt.

*quintus.*

Ramus quintus atque ultimus, nequaquam in sinum hepatis dispergitur; verùm, arboris instar, ramulos suos sursum expandit: & quanquam inferiores ejus propagines mediis nonnullis hepatis partibus administrant, præcipui tamen illius rami sursum

sursum feruntur, gibbique partibus elatioribus maximèque crassis (præsertim in dextro latere) ancillantur. Et quamvis ramus iste olim generatim cognitus fuerit, *distributio* tamen illius præscos Anatomicos omnino latuit: alioquin enim non asseruissent, venam Portæ ad gibbum hepatis minimè deferri: namque è quinti hujus rami distributione manifestè constat, eum totum in gibbam hepatis partem, ipsamque solam, absumi.

Notatu hic porro dignum est, quàm æquali proportionem vena Portæ ad omnes hepatis partes distribuatur. Quippe diviso in quinque partes hepate (nempe in quadrantes quatuor, & gibbum) cuilibet earum, ramus proportionalis inservit; ita ut majori parti major pariter ramus, & minori minor concedatur. Primus quadrans cæteris major est, ramoque maximo donatur: gibbum ei magnitudine proximè accedit, ramumque amplitudine secundum obtinet: reliquorum etiam quadrantum rami, nimirum secundi, tertii, quartique, suos habent commensus proportionis. Quemadmodum in excarnando hepate id manifestè liquet; atque etiam, si vasa jam à parenchymate suo liberata, cum spatiis iis in quæ expanduntur, comparaveris. Enimvero quantum ramus quisque major fuerit, tantum quoque spatium sibi tutius vindicat: eademque illa spatia, quem quilibet ramus in hepate locum impleat, clarè indicant. Adeoque ramus ille, qui post excarnationem hepatis, reliquis omnibus latius diffunditur, portioni hepatis maximæ famulabatur. Neque enim ratio alia reddi potest, cur ramorum horum aliquis, excarnato jam hepate, ramulos suos vasæque capillaria

pillaria præ cæteris fusiùs explicet; nisi quia antea in ipso hepate latius extendebatur, scè que adèò in ampliorem hepatis portionem exonerabat. Idque etiam uberius constabit, si inter exempta vasa, atque aliud hepar integrum, comparisonem institueris: licebit enim hoc pacto cuilibet vasi suam in toto hepate portionem probabilis satis conjecturâ attribuire. Postremò, si totum parenchyma à singulis his vasis separatim seorsim serves, omnesque postea parenchymatis portiones singillatim trutinâ expenderis, nihil profectò in hac re dubii supererit.

*ejusdem usus.*

Ex hac distributionis venæ Portæ in omnes hepatis partes æqualitate, facillè intelligas, quàm apta nata sit, ingentem sanguinis copiam per exteriores ipsius ramos illatam, in hepatis substantiam effundere. Potest enim hoc pacto facillè parem sanguinis quantitatem cuilibet parenchymatis parti distribuere: & licèt amnis vasto gurgite affluat, idem tamen in minores postea rivulos diductus, tandèmq; in millena aliquot vasa capillaria divisus, inque eadem æqualiter distributus, hepatis parenchyma facillè pertransierit.

## CAP. XXVI.

*De radicibus, sive ramorum vena cava in hepate distributione.*

*Radicibus venæ cavae,*

Vasa in hepate ad venam cavam spectantia, dici commodè possunt vel radices, vel rami: siquidem & arboris radices in terra, non secus ac brachia

brachia ejus in aëre, in ramos plurimos diffunduntur. Hoc autem solum interest, quod radices humorem ad truncum deferant, rami verò ab eodem auferant: atque hoc nomine (fateor) vasa isthæc radices potius, quàm rami dicendi sunt; quoniam nempe sanguinem versùs truncum suum apportant.

Fluxus enim in his vasis non sit è cava in hepar, <sup>quoniam</sup> verùm ex hepate in cavam: contrà quàm in vena <sup>versùs in</sup> Portæ usu venit, in qua sanguis versùs hepar <sup>iisdem san-</sup> fluit, inque omnes ejus partes distribuitur; hæc <sup>guis fluat.</sup> autem vasa, quicquid à Porta effunditur, in se colligunt atque exhauriunt. In horum quoque vasorum descriptione mihi visum est, ipsius amnis ductum sequi; idèoque à primis eorum fontibus exordiar; nimirum à minimis atque extremis illorum capillaribus, quibus sanguinem è parenchymate proliciunt.

Quemadmodum vasa Portæ capillaria in omnes hepatis partes æqualiter distribuuntur, quò <sup>ex m. be-</sup> sanguinem iis ex æquo impertiant: ità & cavæ <sup>pate æqua-</sup> capillaria ab ejusdem parenchymatis partibus om- <sup>liter oriun-</sup> nibus æqualiter exoriuntur, ut sanguinem pariter <sup>tur.</sup> ex iis emulgeant. Sùntque adèd capillarium horum extrema, ceu primæ fontis scaturigines; fluxiòq; sanguinis ex parenchymate in cavam per illa inttituitur.

Venæ istæ minuscule ulterius versùs cavam <sup>earundem</sup> progressæ, dum plurimæ earum coeunt, ramulum <sup>congressus,</sup> constituunt; plurimique ramuli, ramum majorem; qui longiore semper intervallo, novorum ramulorum ramorùmque accessione, canalem suum adauget, donec tandem in cavam sese exoneraverit:

quod etiam omnibus cavæ radicibus in hepate commune est.

truncus,

Neque enim venæ istæ truncum communem in hepate nascuntur, nec extra illud quidem truncum aliquem peculiarem sortiuntur: (licet Portæ rami tum intus tum foris trunco ejusmodi gaudeant) quippe omnes in cavam extra hepar inaniuntur, quæ neque illic quidem venarum harum peculiaris truncus est: enimvero cavitas ejus omnium harum venarum simul oribus longè major est, inque eum finem condita, ut non solum ex his venis, sed & è reliquis ferè omnibus totius corporis (quarum etiam communis truncus est) sanguinem excipiat: meritoque dixeris, eam radices suas in omnes totius corporis partes, è quibus sanguinem non minus quàm ex hepate haurit, dispergere.

rami minores,

Quoniam radices venæ cavæ (ut diximus) haud in unum communem truncum in hepate conveniunt, necesse est plures numerentur; possuntque omnes ceu totidem cavæ rami censeris; siquidem ejusdem cum ea generis sunt, eique continuè reperiuntur, atque onus suum in illam deponunt. Radices hæc, sive rami (quatenus vocabulum hoc latiore significationis ambitu vasa quolibet in ramulos diducta complectitur) sunt vel majores, vel minores: minores autem in certum aliquem numerum vix redegeris; mihi enim (quantùm crebrò iteratâ indagine observare licuit) verisimile videtur, tum numerum eorum, tum situm etiam in variis jecinoribus varium occurrere. Id itaque de iis solum dixerim, non longè illos in hepar ferri atque iisdem actionibus & usibus

ufibus cum majoribus ramis frui ; præterquam, quòd variz eorum magnitudini nonnihil discriminis concedendum fit. Quinetiam ad amplitudinem eorum quod attinet, id univèrse verum est, vafa ea cæteris majora eſſe, quæ longiore tractu hepar percurrunt ; & minora fimiliter, quæ breviori ſpatio feruntur. Adeoque vafa hæc non malè amplis parvisque fluminibus regionem aliquam peragrantibus, & cavam oceano comparaveris : flumen enim, cujus primæ ſcaturigines pluribus milliaribus à mari abſunt, dum obvios quosque rivulos abſorbet, hæreditatem ampliat, atque ingentem tandem alveum nanciſcitur ; qui autem prope mare oriundus eſt amnis, nunquam amplitudine ſuâ ſuperbit. Similiter & harum venarum rami, è fibris capillaribus longiſſimè à cava remotis originem ſuam ducentes, dum longo per hepar itinere ramulos ramosque alios excipiunt, in magna tandem vafa excrescunt : qui autem prope cavam oriuntur, & exiguum hepatis tractum emetiuntur, ad ſpectabilem magnitudinem nequaquam pertingunt. Sunt itaque horum ramorum aliqui perexigui, quòd in ipſius cavæ viciniâ ortæ ſint ; alii verò ampli admodum, quia ad ultimas hepatis ſimbrias expatiantur.

Majora hæc vafa poſſunt in numerum redigi ; *majores.* etiamſi hac quoque in re varietatis nonnihil appareat. Plerunque enim non niſi terna conſpiciuntur ; tum verò fit, ut bina priora ſtatim bifariam in alia paris ſerè amplitudinis diſpartiantur : quæ ſi ( ob exilem eorum unionem ) binorum vaforum loco habere libuerit, poſſint equidem majora iſta vafa in hepate quina numero cenſeri. Venarum harum prima mihi eſt, quæ præ cæteris dextrorſum



trorsum sedem habet ; indéque secunda, tertia, &c. numerantur, prout ordine sinistrorsum vergunt. Si vasa hæc terna solum esse volueris, priora ambo in Embryone, venosi canalis osculo propinqua, sibi invicem, in trianguli modum, prope admodum conjuncta conspiciuntur : uti manifestè constabit, si modò venam cavam (ubi illa hanc ingrediuntur) adaperueris.

Si verò ramos hosce quinque esse dixeris, eoque numero necessariè censendas eredas, ut totidem Portæ ramis aptè respondeant ; falleris profectò plurimum, quoniam nullus venæ cavæ ramus integer solusque uni alicui Portæ ramo appropriatur ; verùm omnes, partim huic partim illi vasi (prout commodissimè id fieri potest) sese adjungunt. Idque indè factum, quia radices venæ cavæ, Portæ ramis ferè decussatim incumbunt : quoniam vena Portæ hepar circa cavi ipsius centrum ingreditur, radices autem cavæ necessariò in medio superioris ac posticæ hepatis partis sese exonerant, ubi solum truncus venæ cavæ (in quem radices illæ deplendæ erant) hepatis appropinquat.

Radicum harum rami duo priores, ut & canalis venosus, ligamento suspensorio firmissimè annectuntur, ibidémque in venam cavam subter diaphragma immediatè positam, inferuntur.

Vena cava in postica hepatis regione sinum quendam nanciscitur, qui ambitus illius facilè semissem complectatur ; cujus auxilio, atque minimi lobi interventu, à vertebrarum injuriâ protegatur.

## CAP. XXVII.

*Quomodo Porus biliaris in hepate  
distribuat.*

**V**Asa biliaria in hepate sunt duum generum : nempe radices tum vesiculæ fellæ , tum pori biliarii.

Radices istæ in truncum unum coeunt, non quidem in hepate, verum extra illud ; nempe in ductum communem qui utrisque veluti truncus communis est ; siquidem in eum confluunt, & per hunc solum in intestina deplentur.

Jam antea, ubi de vesicula felleâ egimus, radices quoque illius (ob utriusque affinitatem) unâ descripsimus ; ut de pori biliarii radicibus nunc solum dicendum sit.

Truncus pori biliarii sive hepatici, non procul à vena Portæ ex hepate progreditur ; aliquantò tamen anteriùs. Paulò antè in hepate cum eadem conjungitur, capsulàmque communem induit ; atque utrisque firmè aded annectitur, ut vix, sine alterutrius rupturæ discrimine, indè avelli queat. Pari quoque passu unâ progrediuntur, & similiter iterum iterumque usque ad ultima capillaria dividuntur, à primò truncorum eorum congressu nunquam ab invicem recedentes ; ut primo intuitu unicum duntaxat vas esse videantur : verum si clarè luci objeceris, colorum varietas facillè vas illud geminum esse indicabit. Namque integrum vas colorem obscure purpureum

*Pori biliarii  
truncus, hu-  
jusque di-  
stributio.*

purpureum prae se fert, & in eodem ductus alius colore ex pallido fuscoque flavescente conspicitur, estque vas bilarium. Capsula communis, ubi vas istud obtegit, minus, quam alibi, crassa est; quippe pars ejus magna inter Portam & vas isthoc intervenit, adeoque exterius tenuior apparet, colorque pori bilarii per eandem facile tralucet. Praeterea, toto vasis hujus tractu, capsula communis prominentia quadam tereti duraque extuberat. Et ne quid scrupuli superfit, capsulam aperi, vascum ipsum ad pori bilarii truncum usque persequere: ita enim de re hac liquidò constabit. Hoc tamen (ut & illud, quod de coloribus modò asserui) de hepate à parenchymate suo nudato, dictum scias.

Cum primum hepar carne suâ exuerem, horum aliquot spatio ambo hæc vasa pro uno eodemque habui: verum cum vasa fellea nusquam occurrerent; nec alibi, quam in capsula hac, ea indagandi daretur locus, (cava enim manifestè sine comite incedebat) bina vasa tandem in eadem deprehendi; putà venam Portæ, & porum bilarium. Indèque mirari desii veteres Anatomicos vasorum horum distributionem tam mutilè descripsisse. Nam cum eadem occultè adeò in alterius vasis tegmine delitescere cernerem, perinde ac si illius pars aliqua forent; haud dubium erat, vasa ista, sub hac nubecula, obtutum eorum effugisse.

Quoniam vasa hæc, uti modò diximus, eandem ferè cum vena Portæ distributionem sortiuntur; non est quòd descriptionem eorum ulterius moliamur. Ueberioris tamen notitiæ ergò, pauca hæc insuper de iis adjungam.

1. Ut pori bilarii rami cum propaginibus Portæ aptius ac facilius jungantur; necesse sæpe est, ut illi (ante harum divisionem) in alios porrò ramulos herciscantur; adeoque faciliè credas, ad unam Portæ propaginem duos trèsvè pori bilarii ramulos pertinere. Verùm si quò abeant diligenter pervestigaveris, deprehendes sanè id à Natura consultò factum fuisse, ut ramuli illi peculiaribus Portæ ramis expeditè magis associarentur, quorum ductum eisdem sequi voluit. Est autem hujus rei ratio, quia Portæ propagines, quàm pori bilarii, multò ampliores sunt; sæpèque fit, ut in oppositum latus ramulos suos diffundant: quamobrem fieri aliter non potest, quin porus bilarius, post factam sui divisionem, spatium aliquod emetiatur, antequam ramulum, ad quem tendit, assequi queat. Attamen toto hoc itinere, nusquam egreditur è capsula communi, neque Portam deserit. Atque istæc quò faciliùs intelligas, figuram appictam consule.

A. Hepatis



255.

- A. Hepatis gibbum.  
 B. Pars illius dextra.  
 C. Cavum hepatis.  
 D. Pars sinistra.  
 E. Truncus Portæ sursum re-flexus, ut cætera  
 vasa facilius conspiciantur.  
 F. Ductus communis.  
 G. Porus bilarius, ipsiusque prima divisio.  
 H. Meatus cysticus.  
 I. Vesicula fells.  
 a. a. a. Capsula communis aperta.  
 b. b. b. b. Pori bilarii subdivisiones.

2<sup>da</sup> Ad

2<sup>a</sup> Ad omnes hepatis partes (præter pauculas eas, quibus vesiculæ felleæ radices ministrant) distribuantur.

3<sup>a</sup> Extrema eorum capillaria terminantur, idque æqualiter, in omnes parenchymatis partes, præter paucas illas quas nunc diximus; atque eorum illic absentiam alia ejusdem generis capillaria, ad vesiculam felleam spectantia, ex æquo suppleant. Adeoque totum hepar vasibus felleis capillaribus æquabiliter instruitur.

Denique, motus humoris in his vasibus contrarius est ei, qui in vena Portæ contingit: fertur nempe ex hepate, non autem in illud; incipitque à parenchymate, unde ultima capillaria jam dicta bilem eliciunt: idque ut æqualiter fieret, par erat in omnes illius partes perinde distribuerentur, ut ita operi suo perficiendo parata adessent. Humor hoc pacto ab ultimis capillaribus absorptus, mox in primos ramulos (in quos plura vasa capillaria definunt) lentè sensimque provehitur, indeque ad majores ramos fertur, donec tandem ad pori bilarii truncum pervenerit, & per eundem foras extra hepar eliminatus fuerit. Quid de eo postmodum eveniat, jam antea à nobis dictum est.

## CAP. XXVIII.

*De distributione Capsulæ, venæ Portæ, atque poro bilario communis.*

*Capsula hæc  
diversimodè  
appellatur.*

Facta est jam sæpe à nobis hujus partis mentio, potestque eadem aliis quoque nominibus insigniri: nempe dici potest, vel *vagina Portæ*, vel *tunica Portæ exterior*. Pars isthæc veteribus prorsus incognita fuit, ideoque & nomine hæcenus caruit. Mihi primum (nisi fallor) contigit, partem hanc detegere; cum ante duodecim annos, ex mandato Collegii Medicorum Londinensium, mihi publicè prælegendi munus incumberet, inque eum finem plurimorum animalium jecinora parenchymate exuerem.

*quàmobrem.*

Potest, inquam, pars hæc, ratione officii ususque varii, diversis nominibus appellari. Quatenus enim Portæ venam atque porum bilarium in se complectitur, non malè *capsula* eorum *communis*, sive indefinitè *capsula communis* indigitatur; nomine scil. huic soli parti proprio. Cum etiam eà suâ parte, quâ Portam tegit, crassior sit, quàm illâ quâ ramos bilarios obducit, septuplòque minimùm latior reperiat; cumque nonnulla ejus portio inter Portam & porum bilarium (præsertim in majoribus eorum ramis) manifestè intercedat; & cum etiam primarius ejus usus sit (utî postea dicitur) Portæ aliquo modo in transferendo sanguine auxiliari; non incommodè

modè *vagina Portæ*, five exterior Portæ tunica dici meretur.

Anatomicis perquam familiare est, quoties *illius origo*, vasis alicujus distributionem tradunt, à primâ ejus origine auspicari : ideòque meritò quærat aliquis, undenam vas istud ortum primum ducat. Quòd si exortûs nomine principium continuationis intellexerint, tale nempe principium, quo pars aliqua alteri magis notæ ampliorique continua est ; fateor, eam hoc modo à tunica hepatis ex peritonæo oriundâ prognatam esse : quippe tunicæ illi magis celebri, fusiúsque expansæ conjungitur. Sin autem velint (dum à peritonæo oriri dicitur) illam ejusdem cum ipsò similis substantiæ esse ; aut ab eodem necessariò dependere, ità ut sine eo nequaquam esse possit ; vel denique peritonæum natalium genere præpolare : nos sanè in contrariam sententiam imus. Est enim pars magis sanguinea, multoque carno-*dignitas*, ferior atque crassior, quàm peritonæum : imò verò vix alibi in toto corpore partem aliam ejusdem cum ea similis substantiæ reperiatis. Minus, quàm vena, albicat ; nam purpureo magis colore saturatur, minúsque transparet. Ad robur autem ejus quod attinet, ad arteriæ firmitudinem proximè accedit.

Ubi primum venæ Portæ truncum excipit, hepatis tunicæ (eâque mediante, peritonæo, ut diximus) circumcirca continuatur. Capsula enim isthæc ad cavum hepatis pertingit, ubi Porta ingreditur ; & simulatque venâ hæc hepar subit, capsulam illam induit ; quæ cùm ad cavum ejus perveniat, necesse sanè est & tunicæ, hepar ibidem loci ambienti, connectatur.

S

Quam-



*diviso.*

Quamprimum capsula hæc venam Portæ atque porum biliarium amplexa est, eadem mox ad Portæ normam divaricatur, atque porrò ad ultima usque capillaria cum illa unà dividitur, pèrque integrum hepar eandem prorsus distributionem sortita est : adeoque ulteriore ipsius descriptione non est opus ; verùm quæ de Portæ ramificatione jam suprà diximus, eadem huic quoque commodè attribueris. Hæc solùm obiter adjicimus :

1<sup>a</sup> Tunica hæc ramulum venæ Portæ comitata, ad vesiculam felleam usque pertingit, totàmque illam partem ejus, quæ in cavitate hepatis defoditur, investit ; ibidémque in fossulæ hujus ambitu, hepatis tunicæ circumcirca annectitur, vel potius eidem continuatur : atque hujus connexionis vi sit, ut vesicula fellea cum hepate firmiter conjungatur.

2<sup>a</sup> Tunica hæc, in embryone, venæ umbilicali quoque communis est, ( nempe toto illo spatio, quo in hepar penetrat ) remanétque etiam post natum fœtum ; & deinde ubi vena illa in ligamentum degeneravit, mediante hac tunica validdè cum hepate connectitur : neque enim eam Portæ solùm, sed & exteriori hepatis tunicæ (cui toto ligamenti hujus ambitu annectitur) firmè adalligat.

Postremò, capsula hæc, in embryone, canali venoso tunicam impertit ; eundémque, postquam excluso jam fœtu in ligamentum abiit, plurimum corroborat. Quippe tunica isthæc ligamento suspensorio firmiter cohæret, hócque adeo illius operâ cunctis hepatis vasibus (ceu totidem radicibus) affixum, tanto oneri sustinendo idoneum redditur.

CAP.

## CAP. XXIX.

*De Arteria hepatica distributione.*

**O**Ritur hæc arteria ex dextro ramo arteriæ cæliacæ, ibi loci ubi venæ Portæ adjungitur; indeq; omenti tunicâ suffulta ad hepatis cavum ascendit, quod etiam juxta Portam ingreditur. Surculos quidem nonnullos medio itinere de se spargit; quorum, cum præsentis negotii non sint, non libet meminisse.

*Ejus ortus.*

Arteria hæc, quamprimum hepar ingreditur, in capsulam communem sese insinuat; ut primum intuentibus capsula isthæc etiam huic vasi communis videri queat, cum tamen revera non sit. Nam si ita esset, arteria in hac capsulâ minimè terminaretur, sed (aliorum duorum vasorum ad modum) eandem perlaberetur: at verò in omnes tum dictæ capsulæ, tum pori bilarii partes distribuitur, ultimisque suis capillaribus in easdem desinit.

*Capsulam Portæ ingreditur.*

Pars tamen arteriæ hujus longè maxima in Portæ tunicam absumitur; quippe hæc sanguine plurimo tingitur, dum in poro bilario vix vestigium illius deprehenditur: ideoque verisimile est, exiguam valdè arteriæ portiunculam in hunc excurrere. Partem tamen ejus aliquam in hunc diffundi, vel hinc liquet; quòd vasa biliaria in hepate ejusdem similis substantiæ sint cum vesicula fellea, adeoque ejusdem generis vasis donari debeant.

At enim, dices, vesicula fellea non minùs venis *Objectis*

*diluitur.*

quàm arteriis prædita est : quamobrem si porus bilarius, ad vesiculæ exemplum, arteriis opus habuit; debebant pariter, ob eandem causam, & venæ eidem attribui. Attribuuntur, inquam; sed capillares tantum, quæ à vena Portæ illi contiguæ exoriuntur. Et profectò haud necessum est, ut partes hæc vase aliquo peculiari & à Porta distincto instruantur; siquidem hæc sanguini ubertim avehendo par, in proximo ubique accubat. Neque venarum ramificationes ullæ spectabiles hic loci expectandæ sunt, quoniam porus bilarius toto itinere Portæ contiguus est: quo fit, ut ramuli ejus in vicinam hujus partem (quam tangunt) immediatè depleri possint: idèoque oportet venulæ hæc breves atque exiles adedò sint, ut parùm verisimile videatur, eas sensuum ullo examine cognosci posse. Unde igitur tibi compertum, inquis, venas ejusmodi illic concedendas esse? Est quidem ex doctrina circulationis sanguinis manifestissimum, ubicunque arteria aliqua reperitur quæ sanguinem effert, ibidem & venam dari quæ eundem regerat: quid enim aliter sanguis ità accumulatus agat? Oportet sanè per venam Portæ revertatur; neque alio, quàm jam dicto itinere, id fieri ullo modo potest. Quemadmodum igitur vesicula fellea extra hepar sita, arterias venasque foris nanciscitur; ità similiter & porus bilarius in hepate, arterias & venas intus acquirit, quæ ibidem in portam desinunt; sicuti & vesiculæ venæ in Portam, antequam in hepar ingreditur, illabuntur. Vasa tamen illa in hepate, uti diximus, sunt duntaxat capillaria.

Porro, etiam si haud necesse fuerit, peculiarem aliquam venam à Porta distinctam partibus istis  
inservire

inservire ; opus erat tamen , arteriam aliquam conspicuam extrui ; quoniam aliter nulla hujus generis capillaria ad easdem pertigissent. Unde enim adveniant ? aut quomodo ad tot tamque diversos vasorum horum ramos , tantòque itinere excurrant , si capillarium duntaxat magnitudine hepar ingressa fuerint ?

Arteria hepatica manifestè in hepate distribuitur : nempe iterum iterumque ad capsulæ communis legem dividitur ; ramique ejus hoc pacto ad ultima capillaria distributi , in capsula illa includuntur. Haud tamen ramis istis conspicuis vasa hæc immediatè irrigat , sed capillarium suorum extimorum ope ; quæ in illa , toto itineris sui tractu , à majoribus his ramis quoquoersum dispergit. Nullos ramos spectabiles in pori biliarii tunica reperiatis ; verùm illa minimorum solum capillarium sorte contenta est. Atque idcirco haud mirum est , vasa hæc nativum suum colorem obtinere : quod etiam aliis quoque corporis partibus commune est ; veluti tunicis & humoribus oculi , plurimis ligamentis , tendinibus , ac membranis , & (quod maximè ad rem præsentem facit) tunicis vesiculæ felleæ , in quam arteriæ manifestè terminantur.

Arteriam hanc , in angustam adeò capillarum subtilitatem tenuatam , in vasa hæc desmere ; porro aliis etiam argumentis adstruitur. 1<sup>a</sup> Quia omnes totius corporis arteriæ capillaribus suis fibrillis in eas partes terminantur , ad quas sanguinem apportant. 2<sup>a</sup> Si arteriam hanc leniter à capsula communi avulseris , remque diligenter inspexeris , videbis sanè fibrosam quandam connexionem intercedere , quàm verisimile est ab arteri-

olis hisce capillaribus proficisci. 3<sup>a</sup> Nullam aliam partem in capsula communi (quæ arteriam hanc totam amplectitur) invenias, ad quam ullo modo disseminari possit, præter jam dicta vasa; ac propterea in ipsa distribuatur necesse est. Postremò, nulla hujus arteriæ pars in hepatis parenchyma exporrigitur, uti manifestè in excarnatione hepatis videre est; & propterea in vasa solùm absunt. Quinetiam si toti hepatis parenchymati inserviando destituata esset, debuisset saltem sextuplo major extrui; uti manifestè constabit, si hepatis aliarumque partium dimensiones comparaveris: quippe in istis, etiam multò minoribus, majores arteriæ reperiuntur. Quamobrem sic habendum censeo, arteriam hanc in vasa hepatis jam dicta planè absumi.

Observandum itaque obiter, arteriam hanc *hepaticam* dici, non parenchymatis, sed vasorum solùm ratione. Dictum enim à nobis antea est, vasa propriè partibus illis adjudicanda esse, in quibus terminantur. Cùm autem vasa isthæc ad hepar solùm spectent, atque arteriæ huic cum lis intercedat negotium; haud immeritò cognomentum hoc illi obtrigisse credimus.

### C A P. XXX.

#### *De Nervorum in hepate distributione.*

Eorum ex-  
ortus.  
l. 7. c. 2.

**N**ervi hepatis à quibusdam sexti paris ramis originem ducunt. *Spigelius* ait, *Sinistri nervi sexti paris ramum exteriorem ad orificium superius ven- triculi*

triculi abire, inque ejus partem dextram multis ramulis distribui: ab hoc furculum secundum elatiorem ventriculi regionem ad pylorum deferri, indeque in cavum jecoris proficisci. Idemque asserit, dextri nervi ejusdem conjugationis ramum interiorem, propaginem aliquam in vesiculam fellis, & jecoris cavam partem emittere. Adeoque, ex ejus sententiâ, duo diversæ originis nervi (licet ambo à sexto pari) alter à sinistro ramo exteriori, alter autem à dextro interiore, hepar ingrediuntur; nempe in cavam illius partem proximè venam Portæ, inque capsulam illius communem recipiuntur.

Riolanus etiam hos nervos agnoscit, sed originem eorum non addidit; unde facile suspicetur aliquis, haud satis illi perspectos fuisse eorum natales: hæreditatem tamen amplificavit, ulteriùsque, quàm par erat, (scil. in ipsum hepatis parenchyma) illorum fines produxit: eoque nomine Galenus litem intendit. Scribit, inquit, Galenus, *exiguum sensum hepatis attributum fuisse, similem plantis, ut discerneret utile ab inutiles. Et alibi docet, nervulum illum nè quidem in parenchyma hepatis demergi, sed in membranam tantùm dispergi, ideoque solo gravitatis sensu frui. Attamen nervulos duos insignes venam Portam comitari vidi, & subire substantiam ipsam hepatis, cujus dolores sunt acutissimi, non tantùm ex sensu membrane, sed etiam ipsius parenchymatis. Quibus constat, velle eum, nervos in hepar unà cum Porta ingredi: oportet itaque simul in communem capsulam recipiantur. Id autem sententiæ illius, quâ vel nervorum eorum in parenchyma distributionem asserit, vel Galenum (quod hepar obtusi solum sensus particeps esse voluerit) erroris insinuat, malè admodum patrocinator. Ego sanè frequentius*

l. 4. de ul.  
par. c. 13.  
l. 2. de loc.  
aff. c. 3. & 4

distributio.

Galenus,  
dum hepatis  
sensum  
duntaxat  
bebetem  
concedit,  
defenditur.

quenti jecinorū excarnatione edoctus, id verè testari possum, nullū extare nervuli cujuspiam extra capsulā communem in hepatis parenchymate vestigium; eosque, qui illam ingressi sunt, nuspiam forās in parenchyma proripere: verūm omnes, vel in capsulæ ipsius substantiam, vel in pori bilarii tunicam terminari. Ideoque *Kiolanum* deferens, in *Galen*i sententiam planè abeo: fieri enim non potest, ut pars merè similis nervisque omnibus destituta, sensu acerrimo fruatur.

At enim dolores hepatis, inquit ille, sunt acutissimi. Dictum verò oportuit, quibus indicii ipsi constiterit, dolores ejusmodi ad hepar, non autem ad partes vicinas pertinuisse: vel saltem certiores nos fecisset, quosnam morbos præcipuè dolores illi comitarentur; ut indè palàm fieret, num hepati inessent, necne. Dum autem indefinitè rem exprimit, suspicio facilè suboritur, eum rei hujus minùs gnarum, in generalibus versari maluisse.

In hepatis quidem inflammatione adest dolor quidam gravativus in dextro latere: acutum autem dolorem in hoc morbo contingere, medicinam facientibus necdum compertum. Et si fortè aliquando dolores solito acerbiores persentiantur, possunt sanè verisimiliter partibus vicinis condolentibus attribui: nimirum hepatis ligamentis; aut diaphragmatis parti illi, cui hepar (mediante lato suspensorio) arctè annectitur; aut peritonæo nothas costas in dextro hypochondrio investienti; aut denique ipsi tunicæ, & vasis hepatis. Quamquam haud parū dubito, num dolor acutus adeò possit tunicæ vasisque hepatis obvenire.

Sæpe quidem comperi, dolorem, cholico non abssimilem,

ablimilem, iſtero præcedaneum eſſe, atque eundem interdum ſubſequi. Differt à cholica vulgari, quòd ultrà cartilaginem enſiformem ad ipſius ſterni ferè medium protendatur, imò verò ad ipſas claviculas nonnunquam pertingat. Diffunditur etiam ad hypochondria, aliàsque complures abdominis partes; omnibùsque ferè iis in locis dolor hic mordax ac lancinans perſentiſcitur. Adeſt, inquam, dolor exquisitus, nullà febre comitatus, & ad cholicæ morem corpus arctè conſtringit. Licèt autem obſtruſtio hepatis poſſit eſſe quadatenus dolorum horum acerrimorum cauſa, hepar tamen eorum ſedes eſſe non poteſt, quoniam ad loca ab eo longè diſſita exporriguntur. Fortaſſis & colon interdum doloris huius nonnihil particeps fuerit. Ventriculo autem præ cæteris omnibus partibus ægrè eſt; uti & peritonæo, qui nothas coſtas obtegit: unde etiam crediderim, membranas ſubtus ſternum poſitas invadere. Sæpe mihi moleſtus fuit hic dolor, præſertim ab uſu opii; imò verò aliquando epotis duabus ſolùm diacodii drachmis, iſdem malis dilaniabar: attamen vini albi frigidi amplius frequènsque hauſtus, opem mihi præſentaneam attulit. Medelam etiam huic ægritudini afferunt enemata, aliàque medicamina iſtero convenientia. Num doloris huius pars aliqua ipſi hepati inhzreat, ego equidem ambigo: ſin autem ita fuerit, mihi tamen certum eſt, eam tunicæ ejus aut vaſis, quæ nervis prædita ſunt, acceptam referendam eſſe; non autem parenchymati, quod iſdem deſtituitur.

Nervi iſti in hepate ſimiliter atque arteria hepatica diſtribuuntur. Spargunt nempe exiles fibrulas in capſulam communem, obviàsque pori bilarii



bilarii radices : planèque ad capsulæ communis normam dividuntur, ut toto ductu prædictis jam vasis inserviant.

## C A P. XXXI.

*De Vasis aquosis, sive Lympha-ductibus  
ad hepar spectantibus.*

**V**Asorum horum nupera est inventio ; finitulusque jam propemodum erat tractatus ille, antequam ea mihi satis innotescerent : quamobrem non est, ut quisquam à me accuratam eorum descriptionem expectet.

Incidi primum in eorum notitiam, indicio D. *Jolivii*, idque anno 1652. sub initium Junii ; quo tempore ille Doctoratus gradum adepturus, me *Cambrigiæ* in eum finem convenerat. Afferuit nempe, dari vasorum quartum genus, à venis, arteriis, nervisque planè diversum ; idèmq; ad omnes aut plurimas saltem corporis partes distribui, & humorem aquosum in se complecti. Addebat porro, se in compluribus animalibus eorundem ductum investigasse ; in artubus scil. testiculis, utero, aliisque etiam partibus ; certòque sibi constare, liquorem in iis intrò versùs mesenterium tendere, & particulatim ad initium sive radicationem ejus.

Totam hanc rem mihi tum æquum videbatur, primo Inventori porro eliminandam relinquere : neque ultrà quicquam tunc temporis de iisdem eram sollicitus ; præsertim, quòd ad hepatis negotium nihil spectare viderentur : neque enim dictus *Jolivius*,

*Jolivius*, quenuam horum ductuum indè proficisci, etiamnum monuerat.

Nuperrimè verò, cum doctus sagaxque Anatomicus *D. Thomas Bartholinus* libellum de *Venis Lymphaticis* ederet, earumque aliquas ab ipso hepate deduceret; è re nostrâ quoque tunc videbatur, apertis in eum finem pluculis animalibus, sedulò inquirere, quantum ea res ad præsens nostrum institutum faceret. Id dum ago, certillimè comperi, vasa isthæc non modò aliundè, sed & complura eorum ab hepate profluere: quemadmodum *Bartholinus* affirmaverat. Ideòque haud malè me facturum arbitrabar, si hic loci de iisdem paucula attexerem.

In homine, portio quædam pancreatis venam Portæ ad hepar deducit, eadèmq; porum bilarium, meatum cysticum, & ductum communem reducit ad intestina. Pars hæc lata ac plana est, atque utrinque membranâ à peritonæo ortâ amicitur: antèrius illius latus omento, posterius autem mesenterio etiam videtur conjuncta; illudque ramus splenicus, hoc mesentericus comitatur. Ab hac pancreatis productione in homine, fit, ut vena Portæ, porus bilarius, meatus cysticus, & ductus communis, usque adèò in occulto sint, ut (nisi abraso pancreate) conspici nequeant. Simillimum quoque est verò, lymphæ-ductus hosce ex hepate prodeuntes, sæpe similiter abscondi; ad-òque ferriùs innotuisse: etiam si eadem vasa in homine, inter pancreatis parenchyma ejusdèmq; membranâ à peritonæo ortam, manifestè decurrentia nonnunquam viderim; reliquis intèrea vasis jam dictis planè delitescantibus. In nonnullis, imò verò in plerisque aliis animalibus, pancreas ad hepar

par minimè pertingit ; ideòque prædicta vasa trans membranas deferentes facilè conspicua sunt. In iisdem etiam animalibus videre est alterius generis vasa, exilia, tenuia, & tralucentia, humore aquoso referta, ab hepate inter dictas membranas delata, & nonnunquam Portam, aliàque vasa conscendentia : sùntque ea ipsa vasa, de quibus nunc agimus.

Cùm primum vasa hæc conspiciat essem, subitè animum *Afelli* assertio, quâ ait, exploratum sibi esse, *venas lacteas in hepar distribui*. Crediderim autem, vasa hæc aquosa eum fefellisse, quæ facilè pro venis lacteis habuerit ; primòque intuitu æquè promptum fuerit arbitrari, ea ad hepar ire, atque ab illo reverti. Si tamen, adhibitâ morâ, experiri libeat, quónam humor in iis vergat ; manifestè constabit, eundè ab hepate, non autem ipsum versùs tendere : idque etiam valvularum structura, quæ numerosæ in iis reperiuntur, dilucidè evincit ; illæ siquidem liquori ex hepate effluenti facilè cedunt, regressuro autem occluduntur.

Porro, licèt vasa hæc interdum in itinere à pancreate sustineantur (quemadmodum id fieri, certò comperi) in illud tamen minimè distribuuntur. Quippe vel ad rami mesenterici latus feruntur ; vel illum conscendentia, à pancreate versùs mesenterium declinant, ubi venas deferunt, rectàque ad receptaculum commune progrediuntur, in quod etiam sese exonerant.

Præterea, aquæ ductus isti (omnes nempe, qui ad hepar spectant) originem suam ducunt vel ab ipso hepate, vel à vesicula felleâ : qui verò ab hepate prodeunt, cæteris majores, aut saltem plures cernuntur. Si vestigia eorum retrorsum legas, statim

tim ubi hepar ingressus fueris, videbis illos à capsula Portæ excipi, & abscondi; adeò ut ulteriorem eorum progressum indagare planè arduum sit. Verisimile autem est, eos capsulæ illius, porique bilarii in eadem conclusi, distributionem sequi; neque uspiam in ipsum hepatis parenchyma emigrare. Enimvero si alicubi in parenchyma distribuendi essent; quì sit, ut in ipsius partem illam, quam (capsulam adeuntes) pertranseunt, minimè disseminentur? Aquz-ductuum horum in aliis locis distributiones, quoniam ad præsens nostrum institutum minds attinent, impræsentiarum haud ulterius prosequar.

## CAP. XXXII.

*De Vasorum in hepate connexionibus; iisque primùm, quibus Porta & porus bilarius novè conjunguntur.*

**T**Ria hepatis vasa præcipua, nempe Porta, ca-  
va, & porus bilarius, diversimodè inter se  
connectuntur. Et duo quidem harum connexionum genera nullo alio intercedente eveniunt; tertium autem secus se habet. Porta scilicet & porus bilarius immediatè conjunguntur; idèmq; similiter Portæ, cavæque ramis passim contingit: porus autem bilarius & vena cava, nuspiam, nisi Portæ interventu, copulantur. De tribus his connexionum modis nunc paucis dicendum est.

Primò, ad venæ Portæ atque pori bilarii connexiones quod attinet, jam supra diximus, vasa  
illa Porta cum  
poro bilario  
conjungitur;

illa ubiq; per hepâr sese invicem comitari : adeôq; id solum de iis inquirendum restat, cur toto distributionis tractu inseparabiliter commeent ? Qui vasorum conjunctionem quamlibet *anastomoseon* nomine indigitant, has etiam fortassis in eum finem extructas arbitrabuntur : rem autem diligenter perpendenti liquidò constabit, nullam uspiam *anastomosis* in his vasis reperiri.

*interque ea  
vasa nulla  
anastomosis.*

Ego certè operam impendi sedulò, ut quid de hac re esset, certior fierem : in eumque finem omnes Portæ ramulos (quorum quidem qualiscunque amplitudo operationi hujusmodi non refragabatur) in excarnato hepate aperui ; quævisque diligenter, num è vase in vas hiatus aliquis patefceret : idque demum verè testari possum, nullum omnino vas (quod præ exilitate indaginem non effugiat) hoc pacto pertusum esse. Neque rationi sanè consentaneum videtur, ramusculos aut vasa capillaria *anastomosis* donari, cùm majora vasa (quæ iis admittendis magis idonea sunt, atque eundem modum inter se connectuntur) iisdem careant.

*connexionis  
ratio.*

Quinetiam, si inter vasa hæc *anastomoses* aliquæ darentur, causa nulla assignari posset, cur non sanguis pariter aliquando in vasis felleis, perinde atque bilis, reperiatur. Porta enim sanguinem præcipuè in se continet : & licèt bilis aliquid ei commisceatur, hæc tamen sanguini permixta, unà cum ipso commeat, nec ab illo sejungi potest, nisi peculiari colatorio, cujus modum postea explicabimus. Hoc nunc solum dicimus, non posse bilem (positis ejusmodi *anastomosis*) à sanguine fecerni : siquidem nemo causam dixerit, cur, cùm meatus hi utrique humori ex æquo pateant, alterum

nim tamen eorum excipiant, alterum verò excludant foras : absque quo discrimine si fuerit, perfecta aliqua separatio nequaquam institui possit.

Adhæc, si anastomoses bilem à sanguine secernerent, haud faciliè quis *parenchymatis* usum commodum inveniat. Credimus enim (idque postea apertius constabit) separationem huiusmodi esse *parenchymatis* munus præcipuum : eoque ablato, pars hæc, pristino honore exuta, omni serè officio privabitur. Nam frustra dixeris, secretionem hanc partim ab anastomosis, partim etiam à *parenchymate* absolvi. Natura enim rebus consimilibus producendis, instrumentis adeò disparibus (in quibus haud faciliè operandi modum communem invenias) nunquam utitur. Sæpe quidem in prægrandi huiusmodi opere socias operas adiciit, facitque ut pars parti auxilium ferat : pars tamen quælibet privato muneri incumbit, totumque pensum non nisi cum reliquis absolvit. At verò si anastomoses pariter atque ipsum *parenchyma* bilem à sanguine dirimant, agentia tam diversa totum opus singillatim exequuntur : quod parum verisimile est, ubi communia auxilia, quibus ad eundem modum operentur, nulla adsunt.

Quorsum igitur Porta atque porus bilarius, *connexionis* quocunque demum pergunt, inseparabiliter adeò *ratio*. artèque conjunguntur ? Nempe 1.<sup>o</sup> ut Porta tantò faciliùs poro bilario vasa capillaria suppeditet. Quippe jam antea à nobis dictum est, artèrias capillares in eum ex arteria hepatica transmitti, ac proinde necessariò quoque venis capillaribus donari ; quæ sanè aliunde, quàm à Porta eidem immediate connexa, haud adeò commodè prodierint.

2.<sup>o</sup> Ut connexionis huius ope, vani alii ab alio robur

robur accederet, & utrunque accessorio capsulæ communis auxilio frueretur. 3.<sup>a</sup> Ut vasâ hæc cum minimo alterutrius impedimento distribuerentur. Enimverò hoc pacto nec sese invicem decussant, nec aliter obstaculo sunt, neque etiam ambo simul multò plus spatii obtinent, quàm Porta sola occuparet. Denique ab hac pori bilarii Portæque vicinitate, bilis sanguini permixta ad secretionem præparatur, eoque faciliùs postea in parenchymate à sanguine secedit. Est enim vasis felleis cum humore bilioso magna familiaritas & similitudo; ac propterea sanguine in proximo præterfluente, bilem ad separationem indè faciendam extimulant, sollicitantq; ut cum partibus sibi magis similibus consocietur. Quamobrem etsi antea inficias iverim, à Portæ porique bilarii connexionem, sive anastomoseon operâ, actualem aliquam separationem fieri; non nego tamen, ob vasorum eorum vicinitatem humorem felleum ad secretionem incitari, varièque eadem in sanguinis massam agere.

## CAP. XXXIII.

*De vena Porta & Cava in hepate connexionibus.*

*Connexio-  
num harum  
tres species.  
l. 1. c. 14.*

**N**emo connexiones has dari difficitur, earumq; in excarnando hepate tria genera occurrunt, quas Barbolinus sic describit: Manifestum est diligenter inquirenti, conjungi has radices modo per transversum, ut altera alteri quasi per medium incumbat; modo

modò extrema unius vene tangunt extrema alterius ;  
 modò extrema unius tangunt medium alterius. Tria hæc  
 connexionum genera (modò ritè intelligantur)  
 utpote sensui obvia, omnino concedenda sunt :  
 quanquam secundum genus, uti postea dicitur, mi- *Anastomo-*  
 nids rectè ab eo describitur. Hic autem præcipuè *ses autem*  
 inquisitu dignum est, numnam (ut Bartholinus, a- *nussiam.*  
 liique voluerunt) in illis connexionum locis, ve-  
 næ Portæ cum cava *anastomoses* intercedant.

De iis *Anatomici* alii aliter sentiunt : quidam e-  
 nim dari negant ; nonnulli ambigunt ; plerique  
 verò easdem profitentur. Ipse quidem diu senten-  
 tiæ anceps hæsi, quid de hoc negotio statuerem ;  
 ideoque summam in iis indagandis diligentiam  
 adhibui : cùmque modum excarnandi hepatis ex-  
 peditissimum indeptus essem, bovina jecinora ag-  
 gressus sum, ut si quæ *anastomoses* à Natura extru-  
 ctæ essent, easdem in vasis illis peramplis deprehen-  
 derem. Postquam autem spem meam non minùs  
 hic, quàm in jecinoribus quæ carne exueram, fru-  
 strà esse sensi ; cœpi illico suspicari, Autores om-  
 nes, earum assertores, planè hallucinatos esse :  
 eoque magis, quia ipsemet sæpe me illas reperisse  
 credidi, cùm tamen factò diligentius examine, er-  
 rorem meum pariter atque errandi ansam depre-  
 henderim : quam mox, ubi de tribus illis conne-  
 xionum generibus particulatim agetur, paucis ex-  
 ponam ; quia & alii forsitan ad eundem lapidem  
 offenderint. Priùs autem de connexionibus his u-  
 niversè aliquid dicendum est.

Ubicunque igitur venæ cavæ Portæq; rami sese *Connezziones*  
 invicem contingunt (quod plurimis in locis fit, *ista quomo-*  
 ubi majores ramuli occurrunt) rectè aded inter se *do se ha-*  
 conæctuntur, ut citra alterutrius rupturam di- *beant.*

T velli



velli nequeant. Hincque, opinor, factum est, ut Anatomici hisce in locis *anastomoses* constituerent; etiamsi re penitus inspectâ, nullâ omnino ibidem reperiantur.

Porro certum est, ubi rami hoc pacto committuntur, membranam multò *tenuiorem* conspici, quàm Portæ tunica alibi esse soleat : idque fortè conjecturam jam dictam confirmaverit ; quasi ex Naturæ consilio tunica ibidem tenuior extructa sit, ut humores è vase in vas faciliùs transfudarent. Est autem hoc subleste fidei argumentum : siquidem membraneum repagulum nuspiam à Natura instituitur, ubi canali opus est ; nec unquam ad unius humoris ab altero colaturam sive separationem, membranæ operâ utitur ; sed semper parenchyma aliquod negotio huic designat ; humoresque hoc pacto secreti, alii aliò per diversa vasa abeunt. Membrana autem in ejusmodi vasorum connexionibus pertenuis extruitur, quia validiore illic munimine nihil erat opus. Utcunque enim tenuis conspicitur, non minùs tamen firmam eam, quàm valvulas ullas in venis consimilis magnitudinis nuspiam in toto corpore reperiâs : atque hæc nihilominus sanguinem, aliò quàm oportet fluentem, faciliè arcent ac repellunt.

Præterea membrana ibi loci tenuis reperitur ; quia ubi Porta & cava connectuntur, tunica Portæ exterior desideratur, & solitaria duntaxat tunica utrique vasi inservit. Quo fit, ut vasa hæc, licèt decussatim incedant, spatii tamen, quantum fieri poterat, minimum occupent, parùmque alia aliis molesta sint. Natura certè amat compendia ; nec ambages quaerit, ubi rem suam minore negotio perficere queat ; idque hic obtinet, ubi communem

nem Portæ capsulam exiit, facitque ut in connexionibus hæc simplex tunica utrique vati subseruiat, eadēque operā canales ambo satis ab invicem determinentur. Quippe ejusdem texturæ & firmitudinis est cum interna sive propriâ Portæ tunicâ, & conumilis soliditatis atque roboris cum tunica ramorum cavæ, quæ in hepate pariter simplex conspicitur, & tamen sanguinis transudationem impedit. Fatendum itaque est, tunicam hanc quoque in connexionibus jam dictis idem præstare posse; præsertim cùm membrana hæc sanguinis utrinque æquali pressurâ, à nimia distentione protegatur.

Supereſt, de tribus connexionum harum generibus *particulatim* aliquid dicamus, simulq; ostendamus, quomodo quodlibet eorum anatomoſeôs specie fecellerit: idque lucem aliquam controversiæ hujus tenebris adſperget.

Primum harum connexionum genus est, cùm ramus alter alteri per medium, ad decuſſis formam, incumbit: nempe hoc modo.

Hoc genus connexionis in excarnando hepate sæpe fit obviâ, operationēmq; plurimùm retardat; quoniam,



ubique tales vaſorum noduli occurrerint, parenchyma ipſum veluti circumvallant, neque avelli facilè patiuntur. Imò verò ex ipſa excarnandi difficultate facilè connexionum harum locum dignoſcas, etiam antequam videris. Sæpe in utriuſlibet vaſis majoribus ramis occurrunt, eoque nomine faciliùs examinari queunt. Id etiam obſervatu dignum eſt, vaſa hoc pacto unita haud pari magnitudine prædita eſſe;

*Quomodo  
Anatomici  
ab illis con-  
nexionum  
generibus  
anatomoſeôs  
specie  
decepti fue-  
runt.  
à primo.*

verùm aliquando cavæ, interdum Portæ ramos præcellere.

error evin-  
citur.

Has verò connexiones non esse *anastomoses*, ipsius sensus arbitrio facilè constat. Nam si vasa ambo, ubi ità conjunguntur, aperias; tunicam intermediam, quamvis tenuem ac pellucidam, non minùs tamen densam porisque privatam invenies, quàm propria & singularis utriuslibet vasis tunica uspiam alibi conspicitur. Imò verò, si, adaperto utroque vase, connexionem hanc clarè luci exposueris; membranz intersepientis densa atque uniformis textura, eandem ibi loci minimè perviam esse, facilè persuaserit. Quin addo amplius, etiam si perspicillorum operâ porositates ejus indagaveris, nullas tamen ullibi reperies: quod mihi irrefragabile argumentum habetur.


Illud autem forsitan nonnullos deceperit (quemadmodum & me quoque ab initio fefellit) quòd in connexionum harum extremis oris parva interdum foramina conspiciantur, quæ facilè primo intuitu pro anastomosis habeas, attamen ulterior hujus rei indagatio, nullas planè ibidem reperiri, certiore faciet. Quippe inditâ leniter in quodcunque eorum foraminum aciculâ, aut stylo quopiam tenuiore, facilè comperies, illud in aliud aliquem ramulum patescere, qui à ramo, in quo foramen conspicitur, ortum ducit; atque ipsam connexionem præterlabi, neque ullo pacto in annexum vas ingredi: quod tamen factum oportuit, si modò *anastomosis* aliqua revera adesset.

Quomodo  
secundum  
connexionis  
generis  
imponetur.

Secunda connexionum harum species est, quando ramulus Portæ cum cavæ ramulo ità conjungitur, quasi extrema eorum in se invicem terminarentur,

renter, adeoque vas unum continuum efficerent. Cùm primùm hoc genus connexionis cernerem, credebam sanè me anastomosis ibidem reperturum. Videbatur enim vas unum ore aperto in aliud (ceu canalem communem) terminari. Facta autem postmodum accuratiore indagine, speciosæ hujus demonstrationis fallaciam facilè detexi. Non est tamen cur doctissimo *Barbolino*, aliisque vitio vertam, quod in tanta rei verisimilitudine decepti fuerint; siquidem id ipse mihi quoque primùm evenisse memini. *Barbolinus* ait, *extrema unius vena tangere extrema alterius*: atque ita quidem videtur, quamvis revera secus se res habeat: adeoque modò secundum connexionis genus malè ab eo explicatum dixi, quod etiamnum mihi porro elucidandum venit.

Vasa hæc, licèt primâ fronte alia in alia terminari videantur, latera tamen duntaxat inter se conjungunt, itérq; interim diversum instituunt: quemad-



modùm in apposito schemate videre est. Adeò firmiter autem coalescunt invicem, ut unicum duntaxat vas esse, simplicique foramine prædi-

ta videantur; cùm tamen duobus, iisque manifestè distinctis constent. Nam si claro lumini obiectis, distinctionem quandam inter ea obscuriorem deprehendes, videbisque laterum solummodò, ut diximus, vicinitate conjungi. Quinetiam si utrique eorum tenuem stylum indideris, facilè constabit, immisos stylos per varios canales ferri, neque sibi invicem occurrere. Liquet denique, utrumlibet vas in alterum non definere, sed abire in ramulos & vasa capillaria sui generis: quod certè

nequaquam fieret, si in adjunctum sibi vas terminaretur.

quomodo  
equium.

Tertium connexionis genus est, cum vas unum alterius lateri directe occurrit, nempe ad hunc modum. Viso primum hoc connexionis genere, arbitrabar me anastomosis certò deprehendisse.



Quippe ramuli è Porta prodeuntis extremitas, majori venæ Cavæ ramo insiar hirudinis adhærebat. Aperui itaque è regione illum cavæ ramum, visurus num foramen transitivè aliquis inter ea vasa patesceret. Atque eccum foramen comparuit: adeoque *anastomosis* dari, mihi tum ratum erat: sed mutavi illico sententiam; nam si foramen istud anastomosis esset, debet certè in ramulum venæ Portæ ei annexum aperiri; quod etsi ità videretur fieri, minimè est factum tamen. Nam indito in illud pertenui stylo, sensi eum in ramulum è cavæ ramo ibidem oriundum penetrare, eratque ramulus iste prædicto jam Portæ ramulo conjunctus; secundo nempe connexionis modo, sive hac facie. Nimirum vas illud, quod cavæ lateri adhærebat, simplèxq; Portæ ramulus primum intuenti videbatur, erat revera furculus duplex, è Portæ scilicet cavæque ramulis compositus. Quippe opposito splendidiore lumine, licebat duo vasa cognoscere, aliudque quodammodo ab alio distinguere: inditisque utrinque in ambo vasa stylis exilibus, si manifestè sese invicem præterantes, diversorum vasorum varios canales penetrabant, neque sibi mutuò occurrebant;



currebant; uti fieri necessarium oportuit, si modò *anastomosin* aliquam ibidem efformassent. Quibus cognitis, mihi certum erat, nullam omnino *anastomolin* inter hæc vasa intercedere; verùm Authores omnes, qui easdem adstruerent, aliquo errore (& fortassis eo ipso, qui me primùm fefellerat) deceptos fuisse.

Ex jam dictis constat, nullas *anastomoses* sensu- *Amorum*  
um indicio dignosci posse, licet tria ista connexi- *de hac re*  
onum genera oculis manifesta sint. Robur porro *testimonia.*  
huic sententiæ addunt ipsorummet Authorum,  
qui eas asserunt, testimonia; præsertim eorum,  
qui eas diligentissimè perscrutati sunt. Fatetur en-  
nim Spigelius, *anastomoses* hæc exiles admodum esse,  
ut Veieres propterea inconspicuas censuerint. Atque  
ipsemet Baribolinus, earum vindex acerrimus, con-  
cedit, non apparere ad oculum omnium *anastomoseon*  
genera in demortuis. Cur autem addidit, in demor-  
tuis? an ut tacitè nobis fidem faceret, easdem in  
viventibus conspicuas esse? Id verò non ausus  
est apertè profiteri; neque modum ullum docuit,  
quo illæ in talibus conspici possint: quod tamen  
factum oportuit, fecissetque proculdubio, modò  
ei aliquis innotuisset. Ipsemet tamen paulò post  
explicatè magis loquitur: Ego, inquit, curiosè  
in bovino hepate inquisitioni *anastomoses* manifestas, in  
quibus magis, ob magnitudinem, conspicuæ esse debebant,  
exemplum doctissimi Slegelii sequutus: ve iam enim vero  
oculum fugiunt. Paucisque interpositis, addit: Ce-  
terùm nusquam perviso foramine stylus per ullam *anasto-*  
*mosin* admittitur.

At enim Baubinus videtur easdem sensus quo-  
que testimonio evincere; monet enim præcipuè obser-  
vandam insignem *anastomosin*, quæ canalem emulatur,

*& est veluti communis & continuus ductus, ex radicibus Portæ in radices cavæ, stylum satis magnum admittens. Certum autem est, Baubinum de canali venoso loqui; appellat enim anastomofin, quæ canalem æmulatur: quæ ab omnibus anastomofecon generibus hic controverfis longè discrepat; atque ipsemet quoque eam peculiarem constituit, dum haud plures ejusmodi in toto hepate agnoscit. Nos verò non negamus anastomofin illam in embryis & recens natis reperiri; eadèmq; à nobis jam antea non solum admissa, sed & descripta est. Hæc autem à proposito nostro aliena est, quoniam in embryis duntaxat recensque natis conspicitur, in ætate verò provectioribus occluditur; quod fortassis à Baubino minùs fuit animadversum: quippe paulò antequam canalis hujus meminit, loquitur de scetu recens excluso, & de umbilici insufflatione, quo anastomosis hæc dignoscatur. Quamobrem dum Bartholinus confirmandis suis anastomosis hoc testimonio utitur, non videtur Baubini mentem rectè assequutus, nec canalem hunc venosum agnovisse. Quòd si Baubinus censuerit, canalem hunc in viris perinde atque in embryonibus & infantibus patescere; ipsemet profectò, experienciâ teste, egregiè fallitur. Ratum itaque esto, anastomoses hæc ipsius sensûs testimonio demonstrari nequaquam posse.*

*Bartholini  
sententia  
perpendi-  
tur.*

Nec sanè tutum videtur, ut quis veritatem indagaturus, relicto sensûs indicio, incertæ rationis conjecturæ acquiescat. Quare miror hæc verba Bartholino excidisse, *Negandum tamen non est, in vivis dari aditum, naturæ non nobis cognitum, propter transitûs necessitatem. Nam si transitus iste nobis incognitus est, unde compertum habuit, cum naturæ notum*

notum esse? Quia, ait, necesse est sanguis è Porta in cavam transfluat. An autem propterea necesse, ut id per *anastomoses* fiat? quidni, obsecro, per parenchyma? Quia, inquit, *solus per carnem transitus non sufficit in celeri & copioso fluxu*. Hæc unica est ratio, propter quam, in hoc negotio, sensus arbitrio stare noluit.

Ego verò libenter *Bartholino* concesserim, debere sanguinem, qui in Porta est, aliquo modo in cavam transmitti, esseque transitum hunc planè necessarium; ut ità sanguis, qui per arteriam coeliacam & mesentericas continuè in intestina, mesenterium, pancreas, lienem, &c. protruditur, in cavam postliminio reducatur, indeque ad cor redeat, laborèmq; denuo in orbem redintegret. Quinetiam, si quis chylus è lactibus adveniens cum sanguine commistus fuerit (complures enim arbitrantur venarum lactearum partem aliquam ad hepar tendere, atque illic in Portæ ramos transfundi: in quam tamen sententiam haud facilè concesserim) oportet sanè, eum quoque unà cum sanguine, eodèmq; itinere traduci. His concessis, inquirendum est, quam viâ humores isti è Porta in cavam commigrent.

*Bartholinus* (utì diximus) existimat, transitum per parenchyma in celeri & copioso sanguinis fluxu non sufficere. Non itaque planè translationem quamlibet per parenchyma inficiatur; sed in copiosis solum atque incitatis fluxibus, *anastomoses* suas parenchymati subsidiarias advocat; ut, ubi res ab hoc solo præstari nequit, illæ opitulatum veniant. Scilicet, ex ejus sententiâ, *anastomoses* eundem usum hic obtinent, quem emissaria sive cataractæ in molis aquaticis solent. Nimirum, si  
plus



plus aquæ affluerit, quàm versandæ molæ sibi sit; quod nimium est, per emissaria ejus transfunditur: similiter, si plus sanguinis in hepar irruat, quàm per ejus parenchyma in cavam transmitti possit; superfluum illico per anastomoses amandatur. Est autem hæc opinio plurimas ob causas rejicienda. Nam

1.<sup>a</sup> Hæc sententia statuit anastomoses istas modò apertas, modò clausas esse; quod sanè fieri non potest, ubi nullæ valvulæ, aliæve machinæ à Natura extractæ sunt, quibus meatus hi vel aperiantur, vel claudantur, prout usus postulaverit; quod tamen factò opus erat, si eorum nullus usus esset nisi in celeri & copioso fluxu.

2.<sup>a</sup> Natura semper magnis præcipitatisque inundationibus exonerandis, meatus conspicuos amplòsque efformat: hi verò (si qui adfuerint) exigui adeò sunt, ut oculorum aciem omnem, adhibitâ quoque perspicillorum ope, subterfugiant. Quapropter parùm verisimile est, eos humoribus affatim irruentibus aliorsum derivandis institutos esse. Accedit, quòd connexiones istæ raræ admodum sint, & perforationes earum (si modò ullæ fuerint) exiguæ adeò, ut parva admodum humorum copia illac pertransire queat, eorùmque pars solum tenuissima (relictâ in iis angustis crassioribus) transcoletur: ideòque natura imprudentiæ nomine accersenda esset, quæ remedium ejusmodi adhibuerit, quod destinatum opus retardet potius quàm promoveat. In embryone sanè canalem venosum per amplum extruxit, qui stylum mediocre facile admisit; in eum nempe finem, ut sanguinis è vena umbilicali affluentis gurgitem in cavam deducat. Sciendum tamen, venam hanc umbilicalem

umbilicalem ante natum hepar existere, & tunc temporis, solum atque immediatè per canalem hunc in cavam exinaniri. Postea verò, efformato jam hepate, canalis hic venosus (habitâ ratione umbilicalis venæ, aut hepatis) indies minuitur. Certo documento, Naturam statim ab initio à canali venoso sanguinis impetum avertere, eundemque aliorum, nempe per hepatis parenchyma, in cavam protrudere. Post partum autem, præciso jam planè per umbilicalem venam sanguinis curriculo, fluxus quoque hujus per canalem venosum prorsus abruptitur, simulque vas istud (ad umbilici modum) in ligamentum, sive radicem ligamenti degenerat. At verò si post partum emissariis ejusmodi opus esset, per quæ copiosus sanguis evacuetur; cur, obsecro, *canalis* iste occluditur; siquidem per hunc nimia illa ubertas commodè depleri posset? vel potiùs quomodo claudi potuit, si etiamnum tali sanguinis traductioni ex usu esset? Quoniam itaque natura canalem hunc à partu occludi finit; manifestum est, anastomosibus haud magnopere opus esse, quibus sanguis celeriter copiosèque affluens egeratur foràs.

3<sup>a</sup> Sanguis per Portam illabens, bili commisceatur; quam ab illo separari convenit, priusquam in cavam elutrietur. Ideoque antequam eò perveniat, opus est partem bili secernendæ destinatam pertranseat. Quamobrem superest inquiramus, num parenchyma à natura ad id munus institutum sit, an verò connexiones illæ, de quibus nunc agimus. Quippe haud fas est credere, naturam ad unum idemque officium peragendum varia ac diversa organa construxisse. Utitur enim illa, ad quemlibet finem obtinendum, medio maximè accommodo:

modo : quod, nisi unius generis, esse non potest. Nam si res aliqua proposito peragendo optimè conveniat, alia sanè quatenus ab illa discrepaverit, eatenus quoque eidem efficiendo minùs commoda censerì debet. Ac propterea vel parenchyma ab hoc munere feriatur ; vel fictitiz hz anastomoses bili à sanguine separandz minimè designantur : Enimverò diversz planè sunt harum partium constitutiones : Estque profectò parenchyma tali separationi faciendz maxime idoneum, ramorum autem Portz & cavz connexiones ab ejusmodi officio prorsus alienz sunt. Adsunt enim parenchymati vasa fellea capillaria, quz bilem in eo secretam mox auferant ; cavzque capillaria, quz sanguinem puriorem redditum abducant foràs : connexiones autem istz nullis vasis felleis præditz sunt, quibus humorem illum avertant. In quem itaque finem separatio ejusmodi instituitur ? aut quò, precor, humor ità secretus evadet ? Quoniam igitur connexiones hz bilem à sanguine segregare nequeunt ; certum est, easdem huic è Porta in cavam transvehendo nequaquam extructas esse.

4.<sup>a</sup> Natura, ut dictum est, non solet vasa oblique per latera, sed directè per extrema eorum exonerare. At enim, inquis, exteriores saltem corporis venz mutuis passim anastomosibus invicem conjunguntur. Respondeo : Anastomoses hz omnibus conspicuz sunt, sanguisque transit è vase in vas aliud per apertum canalem, qui perinde in utrumlibet vas quasi terminatur ; non autem per utriuslibet vasis laterales tunicas obscurà quadam transudatione permeat : quemadmodum hic fingendum est, humorem, ubi connexiones illz reperiuntur, per tunicam utrunque vas interficientem

entem transmitti. Quinetiam assero, nullos ejusmodi transitus per latera vasorum, ullibi in toto corpore occurrere. Præterea, vasa ista in connexionibus hisce minimè terminantur, verùm ulterius procedunt, atque porrò distribuuntur; quod certè frustra fieret, si in illis connexionibus deplerentur: quorsum enim jam exinanita, ulterius procederent? Observatum sanè dignum est, venas hæc ultra connexionum loca, haud in pauciores hepatis partes ramificari, quàm ulla alia ejusdem magnitudinis vena solet, licèt ab omni connexionione libera fuerit. Argumento certissimo, non ibi earum operam desinere, ubi connectuntur; sed perinde ac si nullibi copulatæ essent, totum eis pensum adhuc absolvendum esse: quapropter etiam in partes hepatis haud pauciores distribuuntur, quàm si nulla uspiam connexio contigisset. Quorsum verò istuc? deberet saltem ramificatio earum minor esse, quàm aliorum paris amplitudinis vasorum, quæ istiusmodi emissariis destituuntur, per quæ partem sui oneris medio itinere deponant. Quoniam igitur hæc venæ ultra connexiones suas nihilo minùs porrò disseminantur, quàm si nulli ejusmodi connexus omnino obtigissent; clarè constat, eas nullam sarcinæ suæ partem in connexionum locis deponere, sed duntaxat per ultima sua capillaria (quemadmodum & aliis ramulis ab omni copulâ liberis usu venit) humorem suum effundere.

Postremò, jam suprà asseruimus, venam Portæ cap. 17. per totum hepar æqualiter distributam esse, toti- 5. 4. & 5. que ejus parenchymati proportionaliter respondere: (adeò quidem, ut vasa omnia capillaria æqualis cum trunco capacitatis sint; neque hic ampliùs

plius adferre, quàm illa in parenchyma transferre possint; ) ipsùmque parenchyma omnibus capillaribus par esse, & tantundem in radices cavæ amandare posse, quantum omnia Portæ capillaria advehere queant. Ipsæ denique radices cavæ consimili proportionem constant. Ac propterea anastomolibus auxiliatricibus nihil opus est, quæ operis partem conficiant; quippe totum negotium hoc pacto facilè absolvitur: nulla enim parenchymatis particula plus sanguinis admittit, quàm qui per minimum capillare vas ad eandem affluit; à quo sanè nequaquam opprimi potest. Nam licet ipsæmet Portæ amnis peramplius sit, in aliquot tamen mille rivulos divisus ( quot nempe vasa capillaria reperiuntur ) eorum quilibet parenchymatis parti, cui ministrat, parùm negotiū facessit: tandèmq; *multorum manibus grande levatur onus.*

*Experi-  
mentum e-  
gregium.*

Ad ulteriorem sententiæ hujus confirmationem, experimentum asseram memorabile, quod non solum transitui huic sanguinis è Porta in cavam, sed & aliis plurimis ad circuitiōem sanguinis spectantibus claram faciem præferat. Facta nempe non ita pridem, in Theatro Anatomico Londinensi, privatà cadaveris dissectione, cui Collegæ solum aliquot intererant; visum est experiri, quàm facilè aqua, vi in Portam protrusa, hepar pertransitura esset. Vesicam itaque bubulam prægrandem siphoni adaptatam ( quemadmodum in enemate exhibendo apud nos fieri assolet ) aq. à calidâ, lactis pauxillo coloratâ, implevimus; sicutæque apicem, Portæ juxta hepar inditum, filo confinximus; ut scilicet, nè quid humoris relaberetur, prospiceremus. Quid sit? Compresâ fortiter

titer vesicâ, aqua illico hepar pertransiens, cavam ingreditur, indèque in dextrum cordis sinum delata, per venam arteriosam pulmones adit, iidèmq; trajectis, in sinistrum ventriculum delabitur, hinc in aortam fertur, & denique clara lactei hujus humoris vestigia in ipsis renibusprehendimus. Relictâ autem historiz parte illâ, quæ ad rem præsentem nihil attinet; liquor hoc pacto in hepar immissus, sanguinem paulatim non solum è majoribus valis, sed è capillaribus etiam, ipsoque parenchymate prorsus eluebat. Visus enim est color parenchymatis sanguineus sensim evanescere; ablutòque mox omni sanguine, hepar ex albo fuscòque flavescbat. Idèmq; color (ut verisimillimum mihi videtur) nativo hepatis colori propinquior est; quàm rubicundus ille, quem à pertranseunte sanguine mutuabatur. Facto ad hunc modum hujus rei periculo, ipsum hepatis parenchyma altè incidimus; ut constaret, nunquam intima illius similiter permutata essent: sanguinèmq; omnem indè adeò ablutum reperi-mus, ut vix alio pacto id æquè fieri potuisse videretur: quippe totum parenchyma colorem modò dictum planissimè ostendit. Jam verò, si injectus liquor, anastomoseon opera, hepar penetrasset; quí factum, ut omnis sanguis indè elueretur, & parenchyma ejus, dempto sanguineo colore, novum illico suâ sponte indueret? Aqua certè colorem illi nullum indidit, quo ipsa caret: nec lac etiam flavum aut fuscum colorem, quem modò diximus, eidem impertiit: licèt hic illius operâ ad albedinem magis accedere potuerit. Venimè quid ultra litis superesset, sæpe, aquâ solâ injectâ,

injectâ, hujusce rei experimentum institui, apparuitque ex pallido flavoque infuscatus color. Et quoniam hic in omnibus parenchymatis partibus consimilis videbatur; indicium fecit, aquam singulas ipsius partes æqualiter perluisse: quod profectò fieri nullo modo potuisset, si pars ejus (facto per anastomoses transitu) immediatè in cavam perreptasset. Sanguinem autem naturaliter eodem, cum aqua hac, itinere deferri; nemini, opinor, erit dubium. Quapropter concludendum censeo, eundem, non quidem per fictas illas anastomoses elabi, sed ipsum hepatis parenchyma percurrere.

*Connexio-  
num harum  
usum.*

Superest solum dicamus, siquidem nullæ illic anastomoses reperiantur, quibus usibus igitur vasorum horum connexiones inserviant Respondeo,

1.<sup>a</sup> In eum usum extractæ sunt, ut friabilem imbecillamque parenchymatis coherrentiam firment ac corroborent. Videmus enim inter excarnandum hepar, parenchymatis portiunculas ægritudis multò in connexionum earum locis, quàm alibi, avelli.

2.<sup>a</sup> Ligamentum suspensorium (cujus potissimum robore hepar suspenditur) cavam circumambit, eidemque firmiter adalligatur; adeoque, mediante cavâ, veluti radices in hepar agit: quippe hæc radices in totum hepar spargit; quæ Portæ ramulis passim coherentes, ligamento huic firmitudinem præbent, omnemque lacerandi hepatis metum tollunt.

Postremò, quoniam necesse erat, ut Porta & cava (quarum trunci in diversis hepatis locis siti sunt)

sunt) sese invicem decussarent; connexionum harum ope fit, ut minus spatii occupent, minisque sibi invicem molestæ sint.

Præter jam dictos connexus Portæ cum vasis felleis, interque nonnullos Portæ cavæque surculos; est etiam alia (non tamen immediata) inter vasa fellea & cavæ ramulos connexio. Cùm enim vasa biliaria Portæ ramos perpetuò comitentur; fieri non potest, quin, ubi Porta cavæ conjungitur, illa quoque vasa cum hujus ramulis connexionem aliquam fortiantur. In omnibus jecinoribus, quorum excarnandorum mihi hætenus facta est copia, etiamsi trium horum vasorum nodi sæpe occurrerent, semper tamen vena Portæ vas felleum & cavæ ramum intercedebat, adeoque hæc vasa nunquam immediatè conjungebantur. Quod propterea factum arbitror, nè rami venæ cavæ, puriori sanguini vehendo destinati, à vasorum felleorum viciniâ amarorem aliquem contraherent, sanguisque indè facilis bilisceret.



*De Tabulis five Figuris excarnato hepatis adscriptis.*

UT hepatis descriptiones omnes à nobis traditz clariùs intelligantur, visum est tabellas duas excarnati hepatis adjungere ; quarum illa vasorum in cavo, hæc in gibbo ejus distributionem exhibeat. De utraque verò universè moneo,

1.<sup>a</sup> Majorem longè esse ramorum atque capillarium in hepate ritè excarnato multitudinem, quàm in tabulis hisce expressimus : idque datà operà à nobis factum esse ; quoniam aliter, si ramulorum in hepatis meditullium distributorum minuta vestigia adpinxissemus, majorum vasorum delineationi nebulas offudissent.

2.<sup>a</sup> Haud eandem plarè vasorum distributionem in omnibus jecinoribus expectandam esse ; neque ad eam prorsus normam, quam hic expressimus. Habebam præ manibus quatuor jecinora noviter carne exuta, cùm tabulæ istæ exculpendæ essent ; eorùmque quodlibet ab aliis paululùm abludcbat. Natura scilicet vario itinere delectatur, quoties commodè per diversas semitas ad eandem metam itur.


3.<sup>a</sup> Minora


3.<sup>a</sup> Minora vasa (putà arteriam, nervum & Lymphæ-ductus) haud eodem semper numero constare; eorundemq; paucitatem amplitudine perpetuò compensari. Reperiuntur nonnunquam duæ arteriæ hepaticæ, sed exiliores. Vidi etiam tres nervos, quorum unius ramulus vesicæ felleæ famulabatur. Ipsi quoque Lymphæductus numero admodum variant. Hic duos solum exhibui; quoniam in excocto excarnatòque hepate haud plures deprehendi, etiam si in alijs jecinoribus sæpe plures viderim.

TABULÆ ISTÆ HEPAR A  
PARENCHYMATE SUO  
LIBERATUM EXHIBENT.

Figura prima simam ejus partem, unà cum vasis  
ibidem conspicuis repræsentat.

- A. Pars hepatis dorso vicina.
- B. Latus illius dextrum.
- C. Anterior ejus fimbria.
- D. Latus sinistrum.
- E. Vena cava, ubi diaphragma pertransit.
- E.1. E.2. E.3. Tres ejus rami primarii, in universum  
ferè hepar distributi.
- F. Vena Portæ sursum reflexa, ut alia vasa facilius in  
conspetum veniant.
- F.1.F.2.F.3.F.4. Quatuor rami Portæ, in simi hepatis  
quadrantes dispersi: quintus autem ab hoc la-  
tere conspici nequit.
- G. Vesica fellea.
- HH. Vena umbilicalis in ligamentum degener.
- I. Ductus communis.
- K. Canalis venosus, ligamenti jam munus obiens.
- L. Cavæ descendentiis truncus.
- a. Membrana hepar investientis portuuncula.
- b. Pars diaphragmatis cavam circumplectentis.
- c. Porus bilarius.
- d. Meatus cysticus.
- e. Vasorum horum concursus.
- f. Arteria hepatica.
- oo. Nervi hepatici.
- pppp. Capsula communis aperta.
- qq. Lymphae-ductus.
- mmm &c. Portæ ramuli minores.
- nnn &c. Cavæ ramusculi.





## FIGURA SECUNDA;

Partem Hepatis gibbam, & vasa ibi-  
dem sita explicans.

A. Pars hepatis superior & dorso proxima.

B. Pars ejus dextra.

C. Pars ima, sive crepido anterior.

D. Pars hepatis sinistra.

E. Truncus venae cauae supra diaphragma.

F. Sinus Portae.

F. 1. F. 2. F. 3. F. 4. Quatuor Portae rami, quadrifariam  
in hepate distributi.

F. 5. Quintus Portae ramus, qui in altera figura descri-  
bi non potuit.

G. Vesicula fellea.

HH. Vena umbilicalis.

I. Ductus communis.

aaaa. Quinti rami Portae ramusculi praecisi, quod reli-  
qua vasa manifestius conspiciantur.

b. Diaphragmatis portio, ubi cauae annectitur.

c. Porus biliaris.

dd. Meatus cysticus.

e. Vasorum horum angulus unionis.

mmm &c. Portae ramuli minores.

nnn &c. Ramuli minores Cavae.

## CAP. XXXIV.

*De actione atque usu hepatis : & primum universè de quarumlibet partium actione & usu, deque methodo in dicendis proposita.*

*De actionis, usûsq; partium discrimine.*

**A**ctiones usûsq; partium ferè simul tractari solent : nec sanè commodè de iisdem separatim egeris, cum sibi invicem tantopere affines sint. Quælibet enim actio proprio usu gaudet, & unusquisque usus actionem habet, à qua vel dependeat, vel cui inserviat. Adeoque, si partis cujuspiam usus læsus fuerit, necesse est, ut actio aliqua atque item facultas simul detrimenti aliquid patiantur. Neque facultatem aut actionem aliquam plenè descripseris, nisi quoque aliarum quarundam partium usus (saltem illi subsidiarios) explicueris. Eadèmq; ratio est idonea, cur Auctores passim *actionis usûsq; partium nomina conjunxerint.*

*Usus duplex;*

Usus sunt duùm generum : alter *activus* dici potest, utpote actionis cujuspiam effectus ; alter autem (distinctionis ergò) *passivus* ; etsi pars interea, quæ usum hunc præbet, vim nullam patiatur, libertatèq; suâ minimè privetur.

*activum, & passivum.*

Usus *activus*, est actionis alicujus effectus, quatenus vel agentis, vel parti cuiuspiam alteri, vel etiam toti proficius est. Quælibet enim actio, ut causam efficientem, sic & finalem obtinet : eadèmq; finalis causa, quandiu est in *intentione* agentis, manet etiamnum causa finalis ; quamprimum verò

ad

ad executionem perducitur, ut rei propositæ *fructus* est, ita ipsiusmet actionis *usus* dici debet. Quippe actionis hujus *usus activus* nil aliud est, quam quod agens eo pacto finem sibi propositum consequatur. Finis enim iste necessario bonus æstimandus est, ac propterea ejusdem acquisitio similiter bona fuerit, & consequenter proficua sive utilis. Ideoque actionis effectus (habitâ emolumenti ratione) prout actionis *finis* erat quoad *intentionem*; ita, quoad *executionem*, ejusdem *usus* est.

Bonum ab agente propositum, si *privatum* duntaxat fuerit, ipsa quoque actio privata judicatur, ususque etiam privatus est, utpote privatæ solum partis (â cuius actione profluxit) commodum inserviens. Sin autem bonum propositum fuerit *publicum*, actio quoque publica judicanda est, ususque publicus sive toti subserviens.

Certum quidem est, actionis privatæ finem ab agente semper propositum esse: quandocunque autem pars aliqua privata fini publico ministrat, numnam finem illum sibi destinet, meritò controversum est: videtur enim agens omne naturale rem suam solum agere, nihilque alterius emolumento consulere. Respondeo autem, naturale agens absolute in se consideratum, sui ipsius duntaxat curam gerere; idem tamen, quatenus pars est cum aliis, ad totius salutem, sociali fœdere conjuncta, quatenusque fœdus illud amat & expetit, cuius nomine situm atque ordinem, quem in toto nunc habet, obtinuit; oportet finem publicum, eo nomine ad se quoque spectantem, accurret. Quippe hac ratione, actio publica parti illi muneris officii loco venit: debetque adeo pars ista muneri huic, usuique, qui inde ad totum redundat, studiosè incumbere:



cumbere : alioquin enim fœderis cum toto isti nulla illi cura esset, quod in partis ad totum subordinatione consistit, quatenus pars hoc pacto actioni aut usui publico sit accommodata.

Quamvis igitur organum quodlibet prudenter adedò à Natura instructum sit, ut pars quæque illius, dum agit, peculiari quadam delectatione afficiatur; neque ægrè ferat, si pars alia quæcunque ejusdem organi, operâ ipsius utatur; imò verò licet interdum dici possit, partem aliquatenus proprio suo commodo inservire, in eumque finem agere, etiam tunc temporis cum publico muneri incumbit; haud existimandum tamen (vel in illis casibus) partem illam, quæ actionem usumve præbet, suarum rerum solidum satagere, publici autem emolumenti planè immemorem esse. Neque enim usus, qui in totius utilitatem cedit, respectu habito ad organum à quo manat, fortuitò contingere putandus est. Nam si organum, unde is proficiscitur, nullam ipsius curam gerit; quamnam aliam partem de illo sollicitam arbitrabitur? Et si nulla pars usui publico operam navat, oportet is casu solummodo eveniat; quod profectò à recta ratione est alienum. Haud dubium quippe est, quin publicus cujusque organi usus secundum naturam sese habeat, adeoque & ipse naturalis sit, causamque naturalem obtineat, quam non fas sit credere, opus suum fortuitò instituire, effectumve temere ac nullo consilio producere. Quoniam igitur organi cujuslibet publicus usus, effectus est naturalis; oportet sanè & causam quoque naturalem habeat. Nulla autem usus publici causa constitui potest, præter organum à quo promanat; ideoque ab organo eundem aliquo modo decerni necesse est.

Quapro-

Quapropter licet organum absolutè (ceu agens naturale, nullòque ad totum respectu habito) consideratum, suis tantùm rebus consulat, quatenus tamen cum toto fœderatum est, debet necessariò dare operam illius commodo, publicæque actioni atque usui, quos producit, incumbere; neutrum verò eorum fortuitò consequi.

Privatæ actionis *usus* quamvis (ut dictum est) *usus privati* si rigide loqui velimus, ab *actione*, quæ eum producit, distingui possit; non solent tamen vulgò de hoc genus usu agere, tanquam ab actione distincto, sed actionis nomine utrunque confundunt: quia huiusmodi usus ab actione necessariò atque immediatè promanat.

Quotiescunque auctores de actione atque usu partium, ceu contradistinctis, agunt; non illum usum intelligunt, qui actionem privatam subsequitur, & in agentis solummodo emolumentum cedit: verùm *usus* nomine eum semper volunt, qui non partis, unde emanat, sed alterius cuiuspiam, aut totius utilitatem spectat. Idèoque in posterum, actionis nomen eo sensu accipiam, quatenus partem eam respicit, cuius actio est: *usus* verò nomine eum intelligam, qui ad aliam aliquam partem refertur, cui pars illa, unde usus proficiscitur, inservit.

Atque hoc sensu, tum actio tum usus dici possunt trium esse generum. 1. Totius organi actio, vel usus totalis. 2. Actio cuiuscunque *partis* organi; vel usus, quem pars quælibet organi, alteri cuilibet illius parti suppeditat. 3. Actio partis in vicinas partes; vel usus sive beneficium, quod propinquis partibus ab ea accedit.

Porrò, actio atque usus partium distingui possunt, *dividuntur in similes & organos.*

*Actio tum  
atque usu-  
um tria ge-  
nera.*

*dividuntur  
in similes  
& organi-  
cos.*

sunt, in *similares*, & *organicas*. Et de *actionibus* quidem nemo dubitaverit, quin *divisionem* eam admittant : *numnam* autem *usus* quoque sint ita *divisibiles*, nonnulli fortassis ambigant ; quoniam *usus* semper alii alicui *agenti* videntur *instrumentales*. Fatemur certè, *usum* semper, *sensu* jam dicto, vel alii *cuipiam* *parti*, sive *agenti*, vel *toti* *inservire* : non tamen id semper facit *organicè* sive *mechanicè*, sed interdum per *modum* *similarem*. Potest enim *partis* alicujus *actio* *similaris*, alii alicui *vicinæ* *parti* ex *usu* esse ; sed non aliter tamen quàm *virtute* *similari* : verbi gratiâ, *calor* *hepatis*, in *hepate* est *actio*, & *ventriculo* est *usui* ; attamen non solum *calor* in *ipso* *hepate* est *similaris*, sed etiam *effectus*, quem in *ventriculo* *producit*, pariter *similaris* est ; cùmque *effectus* iste ex *ventriculi* *usu* sit, dicendus erit *usus* *similaris* : adeoque concedendum est, *usum* non minus *similarem*, quàm *organicum* reperiri.

Dicendum  
est metho-  
dus.

*Actione* atque *usu* *partium* hactenus universè explicatis, de *actione* atque *usu* *hepatis* particulatim dicendum est : idque fiet hoc ordine. Primò agam de *organi* hujus *actione* atque *usu* *totali* : & quoniam in errorem minus pronum iter est, dicere quid in re aliquâ non sit, quàm affirmare quid sit ; ordiar à *negatione*, posteaquæ asseram, *cuinam* *actioni* *usuive* *publico* *hepar* *inserviat*. Deinde *actionem* & *usum* cujusque *partis* hujus *organi* *expediam*. Postremò, *indicabo* *usum* sive *beneficium* quod *partibus* aliis *circumvicinis* *impertit*. Atq; hæc dum aguntur, dicam *obiter*, quænam *actiones* atque *usus* *similares* sint, & quænam *organicæ*.

Ad *totalem* *hepatis* *actionem* atque *usum* quod attinet, *quæstiones* duz *percelebres* ea de re jam pridem

pridem disceptatz sunt : altera, utrùm hepar sanguificet ? altera, nūmnam hepar sit origo venarum ? Atque harum quæstionum determinatio, actionum & usuum parti huic falsò adscriptorum exclusionem planè absolvet. Ideòque hinc mihi exordiendum censeo.

## CAP. XXXV.

*Num hepar sanguificet.*

**L**itigatum est jam olim inter *Peripateticos* & *Galenicos*, <sup>*Veterum sententia.*</sup> cuiusnam visceri sanguificandi munus conveniat : dum illi, *cordi* ; hi verò, *hepati* officium illud attribuunt. Factumque est postea, ut aliqui (rejectis amborum opinionibus) id muneri venis adscripserint.

Tres istæ sententiæ, cum varia earum temperaturâ, limitatione, atque interpretatione, animos omnium hæcenus exercuerunt. Nuper autem factâ penitiore illius rei indagatione, clarè constitit, nullam earum veritati consonam esse.

Sunt quædam rationes atque experimenta communia, quæ opiniones omnes jam dictas pariter convellant ; sunt etiam alia quædam peculiariora, quæ easdem singillatim labefactent. De illis primò agendum est.

Et principiò quidem videamus, quidnam sanguinem primum efficiat. Mihi namque vero plusquam simile videtur, quicquid primum sanguinem fabricaverit, id ipsum toto vitæ spatio eidem muneri incumbere. Est enim causarum identitas, quæ

quæ facit ut effectus idem sit ; quippe effectus supponitur non esse, donec à causis existentiam suam indeptus fuerit ; & dum existentiam illam largiuntur, oportet ipsius quoque identitatem imperiant, qua sine effectus ipsemet nequaquam fuerit. Indè vulgò dicitur ; *Idem, quâ Idem, semper facit idem.* Nam licet causas liberæ, pro arbitrio variè aliquatenus operari possint, & diversimodè effectum suum producere : primariæ tamen earum facultates, etiam tunc temporis, haud uno modo sese habent : ipsorumque organorum actiones, modo quodam æquivalentiæ, ad identitatem reduci possunt, priusquam effectus absolvitur. Causæ verò naturales brevissimo optimoque agendi modo strictius adalligantur ; debentque, quandiu eadem permanserint, rem eandem agere, nisi alicunde impeditæ fuerint ; idemque effectus oportet semper causas easdem immediatas nanciscatur ; nempe vel easdem ipsas, vel quæ illis saltem æquipolleant. Quoniam igitur causa sanguinis primi effectrix, est agens naturale ; si in animali usque perfluerit, oportet quoque idem semper opus instituat ; & si in eo novus quotidie sanguis efficiatur, necesse eadem quoque causa adsit, vel saltem æquipollens ei, quæ primum sanguinem fabricavit ; debetque adeo causa illa, sanguificationis fons existimari.

*Quidnam  
sanguinem  
primum ef-  
ficiat.*

Si verò accuratè pensitemus, quidnam sanguinem primitivum efficiat ; liquido constabit, non hepar, neque cor, nec etiam venas, sed *spiritum vitalem* in prima seminali materiâ hospitantem, illius auctorem esse. Nam in ovo incubato sanguinem reperiās, antequam cor, hepar, venæve efformatæ fuerint ; imò verò priusquam in ipso puncto

puncto saliente vel minimum sanguinis extiterit. liquor tamen hic vitalis, antequam sanguinis rorem induit, sese à reliquis ovi partibus (quibus promiscuè commiscetur) segregare incipit, & in rivulos sive ramificationes quasdam excurrere, quæ postea in venas evadunt. Rivuli isti in unum punctum coeuntes, in eum locum conveniunt, qui posita *punctum saliens* & *cor* appellatur. Idque fieri videtur, diu antequam sanguinis vestigium aliquod compareat. Quamvis enim igitur rivuli isti coniunguntur, fluxus in iis aliquandiu reprimatur, indeque humor exæstuat, locumque ampliorem requirit: cumque ille (ob affluentes jugiter novos argites) eodem itinere reverti nequeat; necesse habet, efformatis novis ductibus, in seminalem materiam, unde profluxerat, retrogredi. Hinc obicitur circumgyratio; tandemque ductus priores, in venas; posteriores, in arterias abeunt; atque linearum confluentiarum puncto *cor* enascitur. Rivulorum horum intrò foràsque fluentium operà, succus vitalis (dum vita superstes est) motum suum perpetuat, irrigatque simul ac vivificat omnes materiarum partes, quas continuè perlabitur. Fit iste succus, uti arbitror, priusquam succus vitalis in sanguinem excoctus fuerit: nempe fluida solum etiamnum existente materiâ, sive facto jam limamine aut *colliquamento*, ut doctissimi *Harvei* non verbo utar. Nimirum, dum seminalis materia adhuc liquida est, vitalis succus canales suos per eundem quoquoque versum facillè dispergit, utpote nullo uspiam occurrente obstaculo: sin autem efformatis jam partibus solidis, tum demum ramificationes suas exordiretur, non posset ullo pacto per eandem viam suam pertundere.

Captâ

quæ facit ut effectus idem sit ; quippe effectus supponitur non esse, donec à causis existentiam suam indeptus fuerit ; & dum existentiam illam largiuntur, oportet ipsius quoque identitatem imperitiant, qua sine effectus ipsemet nequaquam fuerit. Indè vulgò dicitur ; *Idem, quâ idem, semper facit idem.* Nam licet causæ liberæ, pro arbitrio variè aliquatenus operari possint, & diversimodè effectus suum producere : primariæ tamen earum facultates, etiam tunc temporis, haud uno modo se habent : ipsorumque organorum actiones, modò quodam æquivalentiæ, ad identitatem reduci possunt, priusquam effectus absolvitur. Causæ verò naturales brevissimo optimoque agendi modo strictius adalligantur ; debentque, quandiu eadem permanserint, rem eandem agere, nisi alicunde impeditæ fuerint ; idemque effectus oportet semper causas easdem immediatas nanciscatur nempe vel easdem ipsas, vel quæ illis saltem æquipolleant. Quoniam igitur causa sanguinis primitrix, est agens naturale ; si in animali usque persisterit, oportet quoque idem semper opus instituat ; & si in eo novus quotidie sanguis efficiatur, necesse eadem quoque causa adsit, vel saltem æquipollens ei, quæ primum sanguinem fabricavit ; debetque adeo causa illa, sanguificationis fons existimari.

*Quidnam  
sanguinem  
primum effi-  
ciant.*

Si verò accuratè pensitemus, quidnam sanguinem primitivum efficiat ; liquidò constabit, non hepar, neque cor, nec etiam venas, sed *spiritum vitalem* in prima seminali materiâ hospitantem, illius auctorem esse. Nam in ovo incubato sanguinem reperiatis, antequam cor, hepar, ventres efformatæ fuerint ; imò verò priusquam in ipso puncto

puncto saliente vel minimum sanguinis extiterit. Liquor tamen hic vitalis, antequam sanguinis ruborem induit, sese à reliquis ovi partibus (quibus promiscuè commiscetur) segregare incipit, & in rivulos sive ramificationes quasdam excurrere, quæ postea in venas evadunt. Rivuli isti in unum punctum coeuntes, in eum locum conveniunt, qui postea *punctum saliens* & *cor* appellatur. Idque fieri videtur, diu antequam sanguinis vestigium aliquod compareat. Quamvis igitur rivuli isti conjunguntur, fluxus in iis aliquandiu reprimatur, indeque humor exæstuat, locumque ampliorem requirit: cumque ille (ob affluentes jugiter novos gurgites) eodem itinere reverti nequeat; necesse habet, efformatis novis ductibus, in seminalem materiam, unde profluxerat, retrogredi. Hinc oboritur circumgyratio; tandemque ductus priores, in venas; posteriores, in arterias abeunt; atque in earum confluentiarum puncto *cor* enascitur. Rivulorum horum intrò foràsque fluentium operà, succus vitalis (dum vita superstes est) motum suum perpetuat, irrigatque simul ac vivificat omnes materiæ partes, quas continuè perlabitur. Fit iste circuitus, uti arbitror, priusquam succus vitalis in sanguinem excoctus fuerit: nempe fluida solum etiamnum existente materiâ, sive factò jam liquamine aut *colliquamento*, ut doctissimi *Harvei* nostri verbo utar. Nimirum, dum seminalis materia adhuc liquida est, vitalis succus canales suos per eandem quoquoersum facillè dispergit, utpote nullo uspiam occurrente obstaculo: sin autem efformatis jam partibus solidis, tum demum ramificationes suas exordiretur, non posset ullo pacto per easdem viam suam pertundere.

Cœpà



quomodo is  
fiat.

Cœptâ jam hoc modo *vita choreâ*, licet sanguis etiamnum nullus appareat, liquor tamen vitalis, dum continuè (quamvis pedetentim) rotatur, formam sanguinis paulatim induit. Quoniam verò chorion, tam tutelæ quàm nutritionis alliarum partium causâ, indurari primùm oportuit; cùmque in eum finem, nulla humiditas forinsecus adfit, quæ impediat; caloremque à gallinæ incubatione proficiscentem primùm experiatur; fit, ut succus vitalis ibi primulùm sanguinis colorem adipiscatur. Idque eò expeditiùs, quoniam liquor vitalis halitus suos ibi loci faciliùs transpirat: quod nisi fieret, vitalis calor brevi extingueretur. Ac propterea verisimile est, calorem hoc tempore in exterioribus partibus, quàm in ipso centro, vivaciorem nidulari; adeòque primum sanguinem (ut etiam ad oculum liquet) in chorio fabricari. Quoniam autem per horas complusculas, post visum in chorio sanguinem, nullus in saliente puncto conspicitur; manifestè constat, sanguinem ab initio tardè admodum circumvolvi. Quamprimùm enim sanguis, qui in chorio est, circuitû perficiens ad cor pertingit, necesse est in puncto saliente conspiciatur.

Omissis autem quæ ad rem præsentem minùs attingunt; assero, spiritum vitalem (qui alloquin in crassiore materiâ veluti sopitus jacet) ab extraneo incubationis calore excitatum atque adjutum, sensim infervefacere liquorem vitalem, in quo hospitatur, eidemque colorem sanguineum inducere; idque fieri à calore ejus vitali, & motu qui in eo inest; nullamque aliam partem (ceu agens principale) ad hoc opus arcessendum esse. Admittimus quidem causas auxiliatrices extrinsecas, quarum in numero gallina erat ab initio, posteaque ipsius cordis

cordis substantia ; neque repudiamus causas accessorias organicas, cordis nempe fabricam, arterias etiam, atque venas : verùm id tantummodo pertendimus, *spiritum vitalem*, caloris motusque sui ratione, agentis principalis locum in hoc negotio solum obtinere.

A calore ac motu colores sæpe ex albo pallidove ad rubicundiorum speciem exurgere, plurimis *Unde rubedinem acci-  
quirat.* experimentis palam fit. Malorum cydoniorum cæterorumque fructuum conditoribus notum est, diutinam eorum cocturam ruborem illis affundere. *Quercetanus* alicubi ait, tincturam panis diuturniore inter digerendum morâ rubicundam fieri. Fructus similiter in clibano cocti, quàm crudi, rubicundiores sunt : panis item coctus, quàm massa farinacea. Cibi assati, tostique, extrâ, quàm intus, magis rubent. Fatemur quidem, non omnes liquores rubedinem pariter induere ; certumque est, aquas simplices coctione parùm admodum immutari ; quod etiam de aliis ferè rebus omnibus simplicibus verum est : quæ tamen succo nutritio uberiore gaudent, rubicundiora coctione evadunt. Credibile sanè est, liquores omnes vitales (si modò caloris quantum satis est, & luctationem in motibus suis obtinuerint) in sanguineum colorem evasuros. Id profectò in animalibus omnibus sanguineis perspicuum est, in quibus chylus primùm albicat, rubrumque demum colorem adipiscitur. Et in iis quoque animalibus quæ naturaliter exsanguia sunt (ex.gr. in ostreis) ob calorem æstivis mensibus exuberantem, sanguis nonnunquam deprehensus est : indèque ratio constat, cur aliis temporibus succus earum vitalis ad sanguinis tincturam minimè pertingat ; quoniam nempe

nempe calor in eo tunc hebetior est, quàm ut colorem hunc illi inducere queat: quinetiam vitalis succi circuitus in ipsis faciliè adèd peragitur, ut intensiore caloris gradu, luctatione ve in eo nihil opus sit.

Quemadmodum animalia sanguinea ex sanguibus calidiora sunt, ita partes quoque illorum rubicundiores calore uberiore pollere, contrà autem pallidiores magis frigidæ censentur. Similiter in morbis frigidis, veluti chlorosi, cachexiâ, hydropè, constitutionibus phlegmaticis, & similibus aliis, sanguis pallidior, quàm in calidis morbis, conspicitur. Quinetiam sanguis venosus, prout de calore illo, quem in corde & arteriis obtinuerat, remittit; ita pariter colorem illum floridum & coccineum, quo paulò antea in iisdem rutilabat, paulatim exuit. Sanguis enim è vena e ductus, lividior apparet, & ad purpureum fuscumque magis vergit: amisso vivido roseoque colore, qui in sanguine ex arteria profluente conspicuus est. Præterea, sanguis è vena in paropsidem effusus, dum sensim refrigerat, splendenti floridoque suo colore mox destituitur. Quæ omnia clarè indicant, cujusnam operâ (in sanguineis animalibus) succus vitalis in sanguinem excoquatur, quidque hunc ipsum incolumem conservet: est nempe calor spiritûs vitalis, in ipso sæpe redintegratus, absque quo sanguineus illius color subito evanescit.

Certum est, albumen in ovo, ante incubationem, & aliquandiu etiam post eam, alborem pristinum retinere; exque illo, sine alterius cuiuspiam rei adventu, fieri pullum. Libens itaque intellexim, quo pacto color iste albidus immutetur,

& ruborem induat. Non potest certè hoc fieri à re aliqua, quæ jam antea rubra extiterit, quoniam pars rubra adhuc nulla in ovo reperitur: neque etiam credendum est, partes carnosas, quæ aliquandiu post efformatum primum sanguinem etiamnum albæ manent, rubedinis in illo sanguine causam esse. Imò verò mihi è contrà plusquam probabile est, carnosarum partium ruborem à sanguine ipsas perluente proficisci. Accrescit enim paulatim in iis rubor, idque citiùs aut seriùs, pro caloris gradu, sanguinisque copiâ, quæ easdem perlabitur. Partes aliquæ, quas paucillum sanguinis, idque pedetentim transfluit, nunquam rubræ evadunt: in quo censu sunt tunicæ & humores oculorum, ligamenta, tendines, aliæque corporis partes complures: aliæ verò pallidum colorem obtinent, cum aliquali rubedinis misturâ; ut putà glandulæ, quæ prout majores minoresve (pro amplitudinis earum proportionē) arterias in se distributas habent, ità pariter sanguine plus minusve tinguntur. Carnes musculosæ uberiore, quàm glandulæ, sanguinis copiâ irrigantur; idèoque istis etiam magis rubescunt. Renes, lien, hepatis, pulmo, & cor, ingentibus sanguinis rivulis proluuntur, ac propterea præ cæteris quoque omnibus partibus rubent. Licèt autem per pulmonum parenchyma multò maximum sanguinis flumen pertranseat, vix tamen pari cum hepate rubore saturantur; quoniam sanguis illos celeriter tranat, & quia membrana eorum (venarum instar) sanguinem subtus positum, ceu lividum aut cæruleum repræsentat: quod etiam lieni commune est, qui aliter proculdubio ipso hepate rubicundior

retur; utpote in quo sanguis diuturniorem, quàm in hepate, moram trahat.

Porro, quamvis partes ultimò jam dictæ, præ cæteris rubicundæ appareant; saturatâ tamen rubedine ab ipso sanguine vincuntur. Et rationi protectò consonum videtur, ut majus minori, non autem vice verâ, virtutem suam naturaliter impertiat. Quomodo enim quicquam ultra activitatis suæ sphæram operetur; aut alteri communi- cet, quo ipsummet destituitur? Quoniam igitur cor, hepar, & vena, ipso sanguine pallidiores conspiciuntur, quomodo huic colorem proprio vividiorum magisque saturum conferant? aut qui ruborem alii contribuant, quem necdum ipsæ inditæ sint? Est quidem verissimum, fieri aliquo pacto debere primum sanguinem: non potest autem fabricari à corde, aut hepate, aut aliâ aliquâ solidarum partium, quia post natum sanguinem hæc demum efformantur; ineptumque est credere, partem aliquam agere posse antequam existat. Quamobrem nihil superest, quod primum sanguinem effingat, præter *spiritum vitalem*, qui in vitali liquore continetur.

Expedito igitur, quidnam sanguinem primum efformet (esse nimirum viralem spiritum, qui calore motuque suo eundem in succo vitali excitat;) asserimus porro, debere idem agens in consimili opere ad ultimum vitæ terminum persistere. Nam spiritus hic vitalis non solum in corpore permanet, verum in dies singulos fit vegetior, calidior, & ad opus promptior, donec animal ad ætatis florem pervenerit; & idcirco quotidie (ad hoc saltem tempus) magis, quàm ab initio, efficiendo sanguini

sanguini idoneus redditur. Neq; sanè putandum est, agens aliquod naturale (qualis est spiritus hic vitalis) ab opere omni ferriari, actionémve suam suscipere, aut vires integras non exere: ideóque, quandiu vita suppetit, oportet eidem munerì incumbat. Imò verò, quoniam nulla alia pars constitutionem virtutémve similem obtinuit, necesse est ea sola condendo sanguini destinata sit. Potest autem, inquis, ipsemet *sanguis* fabricare sanguinem. Fateor equidem, vitalem sanguinem, quatenus spiritum quoque vitalem in se complectitur, reverà sanguinem efficere; ipsúmque etiam sanguinem spiritui vitali in hoc negotio suppetias ferre: adeóque non inficior, sanguinem hoc sensu à sanguine produci. Et in posterum, si ve asseruero, sanguinem fabricare sanguinem, si ve spiritum vitalem illum procudere, rem eandem dictam puta: nempe spiritum vitalem, seu agens principale; & sanguinem, tanquam causam accessoriam, huic negotio præesse: revera, spiritum vitalem, dum vitalem succum in colorem sanguineum excoquit, primum sanguinem efficere; eundémque spiritum in sanguine jam facto commorantem, & ab hoc adjutum, majori semper postea facilitate idem opus exequi.

Ratio alia generalis, quæ cordi, venis, atque *Altera ratio* hepatis pariter sanguificandi munus adimat, hæc *prædictis* statui potest: quia nulla harum partium sanguini *omnibus* satis *assimilis* est, ut officio hoc defungatur. Pro *sententiis* concessio enim habeo, sanguificationem esse actionem similem, & per modum assimilationis perfici debere: ideóque pars quælibet sanguificationi idonea, oportet sanguini omnifariam similis sit: ceteroquin enim aberrabit ab hoc scopo, & in

in aliam metam desinet. Quamobrem si cor sanguinis faciendi officio sese accingeret, chylum ad substantiæ suæ similitudinem solum deduceret, ibidemque subsisteret, neque ad formam sanguinis inducendam unquam progrediretur. Quantum enim similis cordis substantia, à sanguinis substantiâ remota est, tantundem pariter & effectus ejus, assimilatione productus, ab eadem discrepabit. Similiter, hepar, venæque ad sui duntaxat speciem assimilarent, neque ulterius procederent. Quomodo igitur trium harum partium ulla, sanguinem vi assimilationis efficiat, cum hic ab omnibus iis diversæ sit substantiæ similis? Sanguis profectò sibi met est simillimus: ideòque cum & spiritus vitalis sedes sit, quid ipso rectius, in assimilando ei chylo, instrumenti vicem obeat?

Idem porro adstruitur, quia sanguis cum chylo penitus commiscetur, neque unquam ab ulla ejus particulâ in sanguinem transmutandâ recedit, donec opus istud perfectum fuerit. Venæ autem chylum duntaxat superficialiter lambunt, uti etiam arteriæ, & ventriculi cordis. Et si daremus, chylum per hepar ferri; tamen non diu satis in eo itinere commoratur, ut assimilationem aliquam ibidem nanciscatur. Omnis enim assimilatio tractu temporis fit, non autem momento peragitur.

Præterea, quoniam sanguis & chylus intimè commisti manent, necesse est in se mutuo per modum assimilationis agant: corpora enim naturalia, id, quantum in se est, sedulo annituntur, ut corpora alia, intra sphaeram activitatis eorum posita, sibi ipsis assimilent. Quapropter necessariò concedendum est, sanguinem ac chylum in se invicem agere, & utrumque omnibus modis conari,

ut

ut alter ab altero vincatur, eidemque assimiletur. Quoniam verò sanguis mole suâ chylum, uno patiu accedentem, decuplò minimum superat, viribus autem centuplò præcellit, præsertim si spiritu vitali comitatum pensites; (quid enim potentius spiritu illo, qui totum corpus vivificat? quid mollius, lenius, magisque superabile, quàm chylus?) haud dubium sanè est, quin sanguis victoriam chylo præripiat, sibi que eundem assimilet.

Accedit in sententiæ nostræ confirmationem ipsamet experientia: sæpe enim usu venit, ut quorum corda, jecinora, venæ, aliæque solidæ partes, integræ illibatæque sanitatis sunt, si tamen casu aliquo ingentem sanguinis jacturam faciant (nempe vel narium hæmorrhagiâ, vel ruptione venarum, vel ab inflictis vulneribus, &c.) sanguificatio statim manifestè lædatur; adeò ut sæpe mox in cachexiam, hydropem, aliòsque frigidos morbos devolvantur. Quod sanè aliunde fieri nequit, quàm quòd sanguinis (in quo spiritus vitalis nidulatur) tantùm absumptum sit, ut residuum illius novo chylo confestim domando non sufficiat; adeoque, probi sanguinis loco, venæ crudo aquosoque humore repleantur.

At enim, inquis, in copiosis sanguinis effluxibus, cor etiam, hepar, & venæ refrigerantur, atque imbecilliores evadunt, vimque sanguinem facienti magnam partem amittunt; ideoque sanguificandi impotentia huic causæ potius, quàm meræ sanguinis absentiæ attribuenda fuerit. Respon- *Objectioni*  
deo: cor, hepar, & venæ, sunt partes solidæ; nec, *respondetur.*  
ratione constitutionum suarum, subito adeò immutari queunt; præsertim cùm nihil præternaturale iis ab hujusmodi hæmorrhagiâ advenierit. Si



verò objicis, eas privativum damnum pati, quoniam jam solito vitalis sanguinis influxu destituntur : manifestè fateris, vitalem calorem in sanguine, esse revera unicam sanguificationis causam. Quid enim aliter partium harum ulli deest, quò minùs munere suo defungatur ? Si calor vitalis partem aliquam sanguini efficiendo aptam reddit ; quidni pariter & alias partes (pro gradu scil. caloris, qui in iis reperitur) eidem muneri idoneas faciat ; & præcipuè sanguinem vitalem, in quo calor ille originaliter commoratur ? Quippe calor vitalis & spiritus, in sanguine arterioso maximopere vigent, plurimùmque pollent, utpote à reactione partium minimè præpediti ; quemadmodum iis semper plus minùs usù venit, quotiescunq; ad hepar, venas, ipsùmque cor deferuntur. Quorsum autem ais, cor, venas, aut hepar virtutem à sanguine vitali profluentem adipisci ? Nimirum eadem operà fateris, eandem in sanguine illo originaliter reperiri. Stulta profectò res est, credere, vitalem sanguinem partibus aliis virtutem aliquam infundere, ipsùmque interea virtute illà destitui ; præsertim, dum calor ejus ipsi conjunctus manet, & in summo activitatis culmine consistit.

Quod ad sanguinis evagationes porrò attinet, notandù est, venæ-sectionem moderatè institutam (ubi sanguis vitalis ultra modum excoquitur, plurimùmque luxuriat, adeoque nimio opere in chylum agit) æstus illius sanguinis compescere ; idque plus minùsve, prout major aut minor ipsius quantitas ablata fuerit. Interea tamen cor, hepar, & venæ, nullo modo debilitantur, nec muneribus suis fungendis ineptiores redduntur ; licèt vis sanguificandi præpollens, diminuta jam & modera-

tior

tior evadat. Claro indicio, virtutem faciendi sanguinis, non in corde, hepate, aut venis positam esse, sed in sanguine ipso. Siquidem ablato sanguine, ipsa sanguificatio minuitur; quamvis nullæ partes, præter unum sanguinem, moderatâ hujusmodi venæ-sectione, de virtute ac robore suo quicquam amittant.

Atque hic jam argumento huic finem imponere, nisi quod aliqui fortitan dubitaverint, num sanguificatio sit actio *similaris*; veluti à nobis nuper suppositum est. Ad hujus itaque rei elucidationem, assero, sanguinem ipsum, qui efficitur, esse corpus simile; chylumque, ex quo fit, pariter similem esse; & chylum non facessere in sanguinem, separatione ullius ejus partis ab alia (quemadmodum urina & bilis oriuntur) verum exaltatione quadam spiritûs illius naturalis in vitam; dum spiritus *vitalis* eundem calorem sive motum diffusivum, atque micationem, quam ipsimet obtinent, in *naturalibus* exuscitant: quod manifestè assimilando peragitur, èstque actio merè *similaris*.

*Sanguificatio est actio similaris.*

Porrò, si discrimina inter chylum & sanguinem perpendamus, luculenter constabit ea omnia esse *similia*. Nam ut ambo sunt corpora *similia*, ita neuter eorum quicquam organici in se habet, unde quis differentias organicas ullo modo aucupetur. Partes chyli sunt, potulenta materia (in qua serum quoque comprehenditur) & *sebifon* sive caseosa pars, in qua etiam pinguedinis nonnihil delitescit. Eadem ipsæ partes in sanguine quoque reperiuntur: inest quippe in eo pars potulenta, (fons urinae primarius) & serosa; pars item grumosa sive crassior, & alia pinguiuscula. Fa-

*Chyli & sanguinis discrimina.*

temur quidem, partem chyli potulentam, quam-  
 primum sanguini permiscetur, utrique commu-  
 nem esse: priusquam tamen illi conjungitur, chy-  
 lo solum vehiculi loco est, ut eundem facilius in  
 intima corporis penetralia deducat. Postquam  
 verò cum sanguine miscetur, partes hujus sabulo-  
 sas falsasque sibi associat, & utrasque (quandiu in  
 corpore remanet) liquidas conservat; demùmque  
 (ubi ad renes pervenerit) percolatione factâ, cum  
 iisdem in vesicam egeritur. Concedendum igitur,  
 in chylo (priusquam cum sanguine confunditur)  
 majorem potulentæ materiæ copiam reperiri, quàm  
 in pari sanguinis quantitate: liquidem pars san-  
 guinis serosa quotidie ab iis vectigalibus inflau-  
 ratur, quæ cum chylo accipit; ut unâ cum illa  
 pars sanguinis glareosa & salsa eliminetur foras:  
 ceu jam dictum est. Quinetiam chylus fortassis mi-  
 nus facile in corpus primò deditur, quàm semel  
 admissus in eodem circuletur postea; quoniam ad  
 hunc motum ab impulsu cordis atque arteriarum  
 plurimùm adjuvatur: idèoque oportebat illum  
 tunc temporis ab admisto copioso sero dilutio-  
 rem ac tenuiorem reddi. Neque sanè putandum est,  
 quia pars aliqua potulenti à chylo secernitur,  
 priusquam forsàn ipsemet in sanguinem transeat,  
 propterea chylum illum, factâ solum colaturâ, in  
 sanguinem faceffere: ità enim renes pro sangui-  
 nis officinâ habendi essent, in quibus potulenta  
 hæc materia percolatur. Sed sciendum, tum chy-  
 lum, tum sanguinem, crassiorem tenuioremve fieri  
 posse, prout potulentæ sive serosæ materiæ plus  
 minùsve iis admistum fuerit: neutrumque eorum  
 inde speciem suam variare; ut opus sit credere, chy-  
 lum partis alicujus potulentæ materiæ separatio-  
 ne

ne in sanguinem mutari. Chylum plus minúsve dilutum, in diversis animalibus etiamnum viventibus, ad *Afelli* normam dissectis, facillè videre est. In quibusdam animalibus sæpe cum crassum lacteumque sum conspicatus; in aliis verò pertenuem & aqueum, ut vix color lactis remanserit. Verisimile sanè est, in iis qui aquas acidulas liberaliter potant, liquorem venas lacteas pertransentem parùm admodum à pristina sui naturâ immutari. Porro, idem hoc sanguinis discrimen in venæ-sectione dignoscitur: nam si dudum ab assumpto potu venam alicui aperueris, sanguinem solitò crassiorem deprehendes: sin paucis horulis post exiccatos ingentes cyathos venam secueris, eundem multò dilutiorem comperies. Quamobrem assero, sive plus sive minùs potentæ materiæ adfuerit, sanguinem tamen chylumve haud propterea specificè mutari; & materiæ illius secretionem nihil omnino ad sanguificationem conferre. Concludo igitur, sanguificationem esse actionem similem, fierique à vitali sanguine per modum assimilationis. Nempe spiritus in sanguine vitali hospitantes, naturalem spiritum ad eundem secum micationis & caloris gradum attollunt: quo fit, ut sanguis venosus in arteriosum exaltetur, & chylus admistus paulatim in sanguinem excoquatur. Atque hoc dum fit, crassiores quoque sanguinis vitalis partes id sedulò agunt, ut eundem chylum sibi assimilent; adeoque in hoc sanguificationis opere spiritibus vitalibus opitulatum veniunt.

Præter generales has rationes, quæ partibus prædictis universè sanguificandi munus tollunt, sunt

*Hepar particulatim à sanguificandi munere eximitur.*

sunt aliz quoque particulares, quæ hepatis *speciatim* hoc officium adimunt.

Primò : postquam pullus in ovo perfectè efformatus est, venæque & arterias sanguine repletas habet, hepar illius tamen etiamnum ex pallido flavescit : quod ipsi sanguinis illius faciendi munus planè abjudicat, alterique parti necessariò attribuit. Quomodo enim hepar etiamnum pallidum, chylo ruborem affricuerit ? Indèque constat etiam, nativum hepatis colorem haudquaquam rubrum esse, sed potiùs pallidè flaventem : & cùm postea rubescit, id à copioso sanguine illud transfluente fieri putandum est. In pullo autem necdum excluso, color iste pallidè flavescens, ad ultimum incubationis diem est conspicuus, etiam si tunc aliquid immutari occipiat : imò verò diebus aliquot post exclusum pullum, nonnulla coloris hujus vestigia in illius hepate supersunt ; postea verò quotidie paulatim magis magisque sanguineo colore tingitur. Præterea, si velicam aquâ calente impleas, eadèmq; (adaptatâ pro more fistulâ, ceu dictum est) sanguinem ex hepate, postquam id colorem sanguineum acquisivit, planè eluas ; videbis illico colorem hunc evanescere, ejusque loco obscuram sive fuligineam flavedinem conspici. Videtur fuligineus hic color ad sanguinem aliquo modo referri debere, quoniam (ut modò diximus) primus hepatis color in pullo est ex pallido flavescent ; qui, postquam sanguis illac copiosè permeavit, in fuscâ flavedinem abit. Est autem mutationis hujus causâ, vel calor sanguinis pallidam illam flavedinem aliquo modo adurens, vel tinctura aliqua sanguinis hepar pertranscuntis, vel

vel forsitan pars illius aliqua in hepate etiamnum residua. Sanguis enim ubicunque diu resistit, colorem survum induit; qui pallidæ flavedini adveniens, eandem facili in fuliginæam flavedinem modò dictam permutaverit. Utcunque, certum est, parenchyma hepatis nativo suo colori nonnihil pallidi admixtum obtinere: indèque constet, quàm aptè illud humori felleo conveniat, & quàm inidoneum sit, cui magni sanguificationis organi titulus tribuatur.

Aliud argumentum, quod hepati particularim sanguificandi munus abneget, peti potest à distributione illà venarum lactearum, quam *Joannes Pecquetus* nuper detexit. Nam si venæ illæ in subclavias aut axillares exonerantur (ut experimento illo id fieri palàm est;) chylus ad hepar nunquam pertingit, verùm rectà ad dextrum cordis ventriculum properat: quomodo igitur hepar sanguificet, cùm chylus ad ipsum nequaquam perveniat, ut ab eodem immutetur?

Ratio hæc ulteriore probatione non indigeret, nisi doctissimus *Bartholinus*, in tractatu suo de lacteis Thoracis, assereret, non omnem chylum per thoracicas lacteas ad cor ferri, sed aliquem ad hepar per lacteas mesenterii. Non est mihi impræsentiarum animus in hanc arenam descendere: ipsemet *Pecquetus*, ejusque confectanei hunc cum illo contentions funem ducant. Dicam solùm, quid mihi in hujusce rei indagine obvenerit; simulq; rationem annexam, cur *Pecqueti* potiùs quàm *Bartholini* sententiæ faveam.

Vidi sæpe venarum lactearum propagines aliquas versùs hepar tendere, (nisi fortè lymphæductus dicendi fuerint) ipsamque Portæ venam

con-

*Vena lactea ad hepar non pertingunt.*  
cap. 15.

conscendere ; & easdem nonnunquam ulterius investigans, deprehendi illas in glandem cavo hepatis contiguam definere ; nempe juxta spinam dorsii, & prope locum illum, ubi *Pecqueti* receptaculi communis superior pars sita est ; in quam verisimile est, glandulam illam chylum è lactibus istis profluum deponere.

*Venarum  
lactearum  
duo sunt  
genera.*

Fac autem, inquis, venas lacteas nonnunquam ad hepar ascendere, nullamque glandulam, quæ chylum earum excipiat, illic reperiri ; quid tum de iis statuendum est ? Crediderim sanè, illas vel in venam cavam, vel in commune *Pecqueti* receptaculum exinaniri, adeoque de secundo lactearum genere esse. Quod ut rectius intelligatur, duas observationes præmittam : quarum priore constat, venarum lactearum (præter receptaculum chyli commune, illiusque propaginem in thoracem & venas subclavas) duo genera reperiri ; alterumque tenuibus capillaribus ex intestinis oriundum, atque indè per mesenterium delatum, ad glandulam aliquam, vel in ipso mesenterio, vel alibi in imo ventre sitam, decurrere ; ibidemque in capillaria vasa disseminari : alterum verò ex ipsa illa glandulâ, in quam prius lactearum genus definebat, ortum ducere. Secundâ observatione liquet, omnes in imo ventre glandulas haud certis locorum limitibus definiri ; verùm, citra ullum corporis incommodum, nunc hinc nunc alibi reperiri ; & ab hac earum incertitudine variam quoque in eo venarum lactearum distributionem proficisci. Semper enim deprehendi, ramulos omnes primi generis lactearum (earum, inquam, quæ ex intestinis oriuntur) ad aliquam in imo ventre glandulam ferri, in eamque distribui, priusquam ad

ad commune receptaculum pertingant, aut in venam quampiam sese exonerent: imò verò novam potiùs capillarium sobolem in iisdem glandibus, in quas primi generis venæ terminabantur, producere; pluræque capillaria coeuntia ramulum constituere, & plures ramulos ramum majorem, antequam in receptaculum commune, aut venæ cavæ propaginem aliquam ingrediantur: uti jam diximus. Ab hac varia glandularum positione fit, ut venarum lactearum ad illas distributio, & ab iisdem propagatio quoque plurimum discrepent; & quibusdam indè suspicio oboriat, venas hæc in complures corporis partes disseminari; quibus tamen solum appropinquant, & mox præterlabuntur.

In ulteriorem secundæ hujus observationis confirmationem, porrò addo, me nunquam vidisse venas lacteas distribui, vel in pancreas, vel in renes, vel in renales glandulas sive renes succenturiatos dictos, vel in tunicas ventriculi, vel in lienem, vel in hepâr, vel in Portam ejûsve ramulum aliquem, vel in arteriam quampiam, vel in uterum, vel in testiculos, vel denique in mammas. Prætergrediuntur quidem, & in transitu attingunt partium harum nonnullas; nuspiam verò, quod sciam, in easdem terminantur.

Verùm ut revertar ad propositum; dico probabile esse, venas omnes lacteas (antequam chylus colorem suum lacteum exuat) in venam cavam, ejûsve ramulos aliquos depleri. Ad lacteas thoracicas *Pecqueti* quod attinet, manifestum est, eas in subclavias aut axillares venas (quæ cavæ sunt propagines) exhauriri: & si lactearum aliquæ in mammas aut placentam uteri sese exonerent, alborem suum



suum illic non amittunt ; neque etiam lactez alig in ventris inferioris glandulam aliquam desinentes, colorem suum exuunt : adeoque hactenus propositionis hujus veritas facta testis manet. Porro, etiam si venæ lactez hepar subeant, ibidemque (citra distributionem in ipsius parenchyma) cavæ ramulum aliquem ingrediantur, propositionis tamen nostræ veritas neutiquam labefactatur : parum enim interesse mihi videtur, utrum lactez in hanc illamve cavæ propaginem exiniantur ; siquidem earum omnium rivuli, ad dextrum cordis finem, seu Oceanum, rectè decurrunt, priusquam sarcinam suam in aliam aliquam corporis partem exonerent. Quamobrem etiam si concederemus, lacteas aliquas introire in renes, ibidemque (citra distributionem aliquam in eorundem parenchyma) in emulgentem venam evacuari ; parum sanè id nostræ sententiæ incommodaret : quoniam quicquid in illa est, mox in cavam transit, indeque ad dextrum cordis ventriculum deferitur. Id solum obnixè contendo, venas hæc lacteas nequaquam *distribui* in parenchyma hepatis, renum, lienis, pancreatis, aliarumve quarumlibet partium à nobis jam antea commemoratarum ; præterquam fortassis (de quo tamen mihi necdum constat) in mammas, & placentam uteri. Nego etiam, illas immediatè depleri in arteriam aliquam, aut in venam Portæ, ullumve hujus ramulum. Nam si arteriam aliquam peculiarem subeant, oportet simul partes illas (in quas arteria ista distribuitur) pertranseant : & similiter, si in Portam ferantur, necesse est hepatis parenchyma pervadant.

Istæ verò omnes distributiones à Naturæ consuetudine alienæ sunt, quæ semper idem opus, vasibus ductibus-

ductibúsque ejusdem generis, molitur. Chylus est res humilis, & quicquid illius in sanguinem abire debet, oportet in vasa congenera effundatur, ut mutatio quoque ubique similis contingat. Illam autem solummodo chyli partem dixi, *quæ in sanguinem abiitura est* : quoniam mihi necdum certum est, an non aliquid chyli immediatè ad ubera & placentam, nutriendi foetus gratiâ, deferatur ; (ut modò monui) quod adhuc minimè in sanguinem mutari debet, ac propterea intra propositionis nostræ fines nequaquam comprehenditur. Profectò si chylus in alias aliquas partes distribuendus est, oportet id fiat, ut ab iisdem in sanguinem transmutetur, vel saltem præviam aliquam dispositionem ad hanc rem nanciscatur : quorum neutrum sustineri potest. Cùm enim oninis chylus sit materia similis ; cur, obsecro, pars ejus aliqua, præ cæteris, præparatione ejusmodi indigeat ? Aut si portio illa, quæ venam subclaviam ingreditur, præparatione nullâ eget ; quare reliquum illius eâ opus habeat ? Nam chylum, in hac distributione, in sanguinem mutari, nemo asserit ; præterquam illam ejus partem, quam per hepar ferri arbitrantur. *Bartholinus* certè acer hepatis patronus, sanguificandi munus eidem attribuit ; & quoniam dissiteri nequit, magnam saltem chyli partem immediatè in venam subclaviam deponi, indèque rectà in dextrum cordis sinum delabi ; propterea ait, *operas inter se partiri cor & hepar.*

Adversùs quam sententiam plura argumenta afferri possint : ego verò, cæteris nunc omissis, unum tantùm annectam, quod ipsius verba mihi suggerunt, dum inter cor & hepar pensum hoc distribuit. Nequeo enim intelligere, quomodo tam diversæ

Nuper  
quidem  
hanc suam  
sententi-  
am retra-  
ctavit : alii  
autem in  
eadem e-  
tiamnum  
persistunt.  
*Hepati, cor-  
di que di-  
versa sum  
munia.*

versæ constitutionis partes, eidem officio exequendo à Natura destinatæ sint. Enimverò si illa, quod optimum est, id semper agit (utî fatendum est; ) oportet concedamus, utrumque hoc viscus æqualiter, atque ad eundem modum isto munere defungi : quod fieri certè nequaquam potest. Puta enim cor huic negotio commodissimè adaptari ; non poterit sanè & hepatis quoque eadem laus attribui, quoniam istud à corde (viscere maximè idoneo) tantopere discrepat. Quantum enim quidque ab optima constitutione recedit, tantumdem etiam muneri exequendo minùs aptum redditur. Videmus ambos renes, eidem officio designatos, ejusdem quoque speciei esse : similiter & testes, oculos, aures, nervorum conjugationes, cæterasque omnes partes, quæ geminæ in corpore reperiuntur, quemadmodum manus, pedes, latera, &c. quin etiam pulmonum lobi (ut & hepatis) eidem muneri inservientes, congeneres sunt. E contrario autem, ubicunque partes inter se manifestè discrepant, diversis quoque officiis funguntur : veluti cor, pulmo, lien, renes, pancreas, ventriculus, cerebrum, vesica urinaria, &c. Quapropter ità concludendum censeo : si cor sanguinem conficit, hepar illo munere destituitur ; quod si ità est, in quem finem igitur chylus per ipsius parenchyma trajiciatur ?

*Bartholinus* fatetur, cor sanguificare ; ac propterea idem quoque à me hic concessum est : licèt revera (ut nuper dixi) aliter sentiam ; nempe, vitalem sanguinem in cordis ventriculis & arteriis id muneris exequi : qui, cùm ab hepatis constitutione remotior sit, debet (potiore jure) diverso officio defungi. Sanguis enim est corpus fluidum ; hepar verò, solidum : sanguis est inorganicus ; hepar,

hepar, organicum : sanguis est vitalis spiritûs calorisque thesaurus ; hepar autem, jejunè admodum iisdem fruitur, nimirum per arteriam hepaticam. Quamobrem ut hepar cordi in eodem officio nequaquam partiarium est, ità multò minùs est sanguini vitali : adeoque hepar sanguinem nullum conficit, neque chylus in sanguinem mutandus in ipsius parenchyma diffunditur.

Cordi particulariter sanguificandi munus denegatur, hoc argumento ; quòd cor ipsum, vitalem omnem calorem atque activitatem à sanguine vitali in ventriculis ipsius contento, inque substantiam ejus per arterias coronarias distributo, scerneretur. Absque quo calore ac vitalitate (è ventriculis ejus influente) si foret ; cor ipsum non minùs torpida pars esset, quàm alia quælibet totius corporis. Et profectò talis conspicitur, quamprimum in nuper mactatis animantibus, vitalis illius sanguis extinguitur. Evelle protinus sani animalis cor, sanguinemque indè omnem elue, ac mox (dum etiamnum calet) chylum aut lac in ventriculos ejus infundito, visurus, numnam liquor ille sanguinis faciem aliquam induiturus sit : experieris profectò eundem neutiquam immutatum iri. Est tamen cor pars solida ; & minùs verisimile videtur, actionem illam (quam solidioris suæ substantiæ ratione exequitur) momento temporis intercipi. Quoniam igitur cor illico à sanguificationis officio cessat, quamprimum sanguis vitalis è ventriculis ejus eductus fuerit ; fas est concludere, vim sanguinis generatricem haud primariò in solida ipsius substantiâ sitam esse, sed in alio quopiam : debetque adeò in eo posita esse, cujus absentia fit, ut virtus illa elanguescat ; nempe

*Rationes  
peculiares,  
quibus cor-  
di sanguifi-  
candi officium  
adimi-  
tur.*

1. de Ra-  
chiride,  
c. 8.

in sanguine vitali. Viventium certè dissectionibus compertum habemus, calorem vitalem majorem esse in cordis ventriculis, quàm in ipsius substantiâ, in quam sanguis è ventriculis derivatur. Est itaque originaliter in vitali sanguine in ventriculis, non autem in ipsomet corde; quemadmodum à nobis alibi fulius demonstratum est. Jam verò si cordis activitas à vitali sanguine originem ducat, sitque hic illo potentior; tarendum sanè est, eundem esse sanguificationis causam primariam: nisi fortè constet, sanguinis vitalis activitatem, minùs (quàm ipsius cordis) sanguini faciendò idoneam esse. Verùm si rem ipsam rectè cogitemus, manifestum erit, sanguinis vitalis activitatem, magis quàm cordis substantiam, huic muneri convenire. Sanguis enim vitalis, cum effectu producendo, ejusdem speciei est; quod itidem de cordis substantiâ dici nequit. Quoniam igitur causæ naturales id solùm agunt, ut aliud sibi assimilent; certum est, vitalis sanguinis activitatem, sanguificationis operi propriissimè designari. Idque vel ex eo quoque luculentius constat, quia (ut antea dictum est) sanguis intimè magis chylo commiscetur, hujusque partes quilibet, etiam minimas, tangit; non autem, parietum cordis in modum, superficialiter duntaxat eundem complectitur. Accedit, quòd chylus in ventriculis cordis exiguam morulam facit: à sanguine autem nunquam abscedit, donec vel eidem assimilatus, vel in partium nutritionem absumptus fuerit. Nisi dixeris, partem ejus aliquam in lactantis ubera, aut in prægnantis uteri placentam separari.

De hac re, seu dubiâ, jam antè monuimus: sunt autem duo solùm modi, quibus verisimile quippiam de

de eo negotio adstrui possit : alter est ; dari venarum lactearum ramulos quosdam peculiare, qui in glandes mammarum, uterique glandulam hve placentam, distribuuntur. Si hujus rei veritas liquidò explorata fuerit (quanquam hætenus peculiare ejusmodi ramuli nondum reperti sunt) de proposito jam dubio planè actum est : sin minùs de ea re constiterit, alia inveniendæ via, per quam lacteus succus in partes illas deferatur. Et quoniam posterior hic modus (si concedatur) argumentum aliud particulare, adversùs cordis sanguificationem, nobis suppeditat ; eidem paululùm immorabimur.

Si mammæ, & placenta uteri, succum alibilem è venis lacteis minimè hauriunt ; oportet sanè vel arteriæ mammarie atque uterine, vel nervi eundem illis ministrent. Concesso enim, haud alia vasa (præter arterias, venas, nervos, & lymphæ-ductus) ad illas partes ferri ; quia venæ duntaxat & lymphæ-ductus, quod allatum est, regerunt ; oportet necessariò arteriarum aut nervorum hoc negotium sit. Quid de nervis statuendum sit, postea videbimus : nunc autem sic accipimus, quasi solis arteriis munus illuc delegaretur : dicimùsque ex hoc supposito, arterias unà cum sanguine chylifam materiam ad mammæ apportare, hæcque illam à sanguine secernere, & lactis specie in cellulis suis ad fœtûs usum recondere ; dum sanguis interea per venarum rivulos delatus, in cordis oceanum revertitur. Plurimi olim arbitrati sunt, lac in mammis è sanguine progigni : quod mihi sanè minùs verisimile videtur : neque enim res est magis ardua, senem denuo rejuvenescere ; quàm sanguinem in chylum reverti. Potèstne fructus planè maturus, de integro revirescere ; aut vinû vetus, mustum denno fieri ?

feri? Nihilo magis certè chylus in sanguinem semel excoctus, naturam suam pristinam unquam recuperaverit. Quippe motus coctionis, maturationis, & fermentationis, nunquam sunt retrogradi, verùm semper ultra progrediuntur; donec corpus, in quo insunt, dissolutum fuerit. Præterea, natura haud adeò inconsultè rebus suis prospicit, ut telam eandem texat, retexâtque: nempe, id sollicitè faciat, quod mox majore opere infectum reddere debeat. At verò, si chylus in sanguinem abit, atque hic denuo in chylum revertitur; natura destruit, quod modò consiruxerat; priórque illius labor non solùm inutilis est, verùm etiam nocuus. Chylus enim similior est lacti, quàm sanguis; adeoque promptè magis in illud commutabilis: imò verò chylus vix quicquam à lacte discrepat; uti illi facilè constabit, qui in eum finem venam lacteam aperuerit. Posito itaque (ceu re perspicuâ) nullam venam lacteam ad ubera, vel uterum tendere, nervosque hic planè ociari; necesse sanè est, arterias chylum, non minùs quàm sanguinem, ad partes illas devehere; simulque manifestum est, chylum non uno circuitu per cor factò in sanguinem mutari: eundemque adeò haud diu satis in corde morari, ut illic in sanguinem transeat. Non multùm autem tribuo huic argumento, quia incerto fundamento innititur.

*Peripatetici  
reconcilian-  
tur in gra-  
tiam.*

Antequam controversiæ huic finem impono, æquum censeo, ut cum *Peripateticis* (quantùm rei veritas patitur) redeam in gratiam. Quamobrem libenter fateor, sanguificationis opus in cordis ventriculis primùm institui, & in arteriis continuari, tandèmq; post complures circumactus, in iisdem locis perfici: atque idcirco cor & arterias

rias, sanguificationis officinam sedémve meritò dici posse. Quinetiam, si cor & arterias sensu concreto intelligant, prout nempe sanguinem vitalem in se continent (quod *Aristotelem* fecisse verisimile est) me planè consentientem habent. Nihilominus si quæras, quænam harum concretarum partium (cordis scil. arteriarum, & vitalis sanguinis) sit agens principale? dicendum est, sanguinem vitalem esse illam partem; quoniam reliquæ ambæ huic solummodò auxiliatrices sunt; idque potius per modum organicum, quàm per similem.

Denique contra venarum sanguificandi potestatem, id obijci potest; esse illas à sanguinis constitutione longè remotiores, quàm est vel cor, vel *Vena singularem sanguificandi munere privantur.* hepar. Sunt enim coloris pallidi, & nonnihil translucens; substantia earum viscida est, membranosa, & exsanguis (si modò sanguis omnis ex illarum canalibus eluatur;) parenchymate quoque omnino destituuntur; calore item, spiritûque, sive activitate perexili gaudent. Sanguis autem è contrà, florido colore nitet, èstque imper-spicius: substantia ejus minimè tenax, & liquida quoque sive interminata est, quandiu cum sero suo & potulentâ materiâ conjungitur; ab iis verò separata, mox grumescit: spiritibus etiam, calore, atque activitate abundat. Quapropter venæ efficiendo sanguini prorsus ineptæ sunt; & si tale quid attentarent, chylum duntaxat sibimet ipsis assimilarent, quæ à sanguine plurimùm diversæ sunt: ut ex jam dictis innotuit.

Venæ autem, inquis, sanguinem incolumem *Quomodo vena sanguinem conservant.* servant, possuntque adeò haud minùs eundem conservare. Respondeo: conservatio illa, quam venæ *conservant.* sanguini



sanguini præstant, est solum organica; quæ eundem unitum servant, ab alienarum rerum mixturâ protegent, ab externis injuriis tuentur, motuque ipsius in orbem famulantur: quæ omnia ad sanguificationem nihil attinent. Quod autem ad actiones venarum similes spectat, illarum conservandi officium potissimum in activitatis earum debilitate consistit, quâ sit ut sanguini quàm minimùm noceant: quemadmodum vasa vitrea liquoribus conservandis utilissima habentur, quia neque ipsa noxam iis aliquam asserunt, nec ab aliis inferri sinunt. Si verò scire aves, quidnam præcipuè sanguinem conservet; dico, id ipsum esse, quod eundem ab initio condidit; nempe spiritum in eo vitalem, qui calore suo foveante, motuque, non solum sanguinem à corruptione vindicat, sed & solidas omnes corporis partes, ipsasque adeò venas, quandiu vita superstes est. Extincto autem semel hoc vitæ spiritu; hui! quàm subito cuncta corporis computrescunt? Nimirum, quod olim de suis animâ ferebatur, *eam illi datam esse pro sale*: id ego de omnium animalium vitali spiritu æquè verè dixerim; hunc nempe illis contigisse, nè putrescerent. Absque hoc spiritu, venæ ipsæ à corruptela haud tutæ sint, multò minùs sanguinem ab ea vindicaverint: quippe in demortuis, sanguis citò, etiam in venis, corrumpitur. Si verò dixeris, sanguinem meliùs in venis, quàm foras effusum, conservari; nemo sanè id diffitebitur: quoniam quandiu in venis continetur, in motu circuituque suo persistit, & subinde ad cor atque arterias relabitur, ubi vitalitatem suam redintegrat; ideòque haud mirum est, si interea temporis non computrescat. Quamprimùm autem è vasis effunditur

Plin. l. 8.  
c. 51.

& in partibus reſtat; circumgyrationem amittit, nec vim ſuam vitalem inſtaurare poteſt: quã obrem quid aliud jam expectemus. quã ut ſubito corrumpatur, ac putreſcat? Concludo itaque, venas neutiquam ſanguificare; ſed vitalem ſanguinem ſpiritu ſuo, calorẽque vitali, ac motu perpetuo, novi ſanguinis architectum eſſe, eundẽque etiam conſervandi hujus cauſam eſſe primariam.

## CAP. XXXVI.

*Num Hepar ſit origo ſive principium venarum.*

**H**Aud minor quoque de venarum exortu ſive *Tractatus* *nuſ ordo.* *principio*, inter Galenicos & Peripateticos liſ eſt; dum illi, *hepati*; hi autem, *cordi* illud acceptum referendum autumant. Huic verò controverſiæ rectius dirimendæ, non abs re fuerit univerſalem primũ *ũ principio* definitionem ſtatuerẽ, variãque poſtea illius genera proponere.

Exortus rei primarius, ſive principium id dicitur, quod in aliquo ordine eſt primum. Unde conſtat, haud pauciores nominis *principii* ſignificatus reperiri, quã ſunt varii rerum ordines. Oportet enim in quolibet ordine aliquid ſit primum, & veluti choream ducat.

Sciendum tamen, dari principium *ſimpliciter* primum, & primum *ſecundũ quid*. Principium *ſimpliciter* primum accipi poteſt, vel quatenus naturæ ſines tranſcendit; eòque ſenſu, Deus ſolus cunctarum rerum origo eſt, nãmque à Jove *principium* *ſignificatio*

pium ; vel intelligi potest de naturali rerum ordine ; quâ significatione, in diversa rerum serie varia quoque principia censeri possunt.

Similiter, principia prima secundum quid, haud unius generis sunt : estque infimæ sortis in hac classe, quod respectu sui planè indifferens est, & pro utentis solùm arbitrio, vel principium statuitur, vel secus. Ità utriuslibet lineæ extremitatis punctum, principium illius dici potest, vel terminus. Aliud eorum genus est, cùm iustis de causis varietas huiusmodi instituitur ; utpote cùm unius rei ratione, ab hoc extremo exordior ; alterius verò, ab illius opposito. Veluti si fluvium aliquem describere est animus, licebit certè vel à prima illius scaturigine auspicari, unde ipsemet originem ducit ; vel ab ostio ejus, ubi aquarum illius omnium confluxus sit, quòdque propterea divisioni iterum iterumque faciendæ aptissimum est.

ad tria genera reducitur :

Porro, ne variis principii significationibus implicemur, conabor eas omnes ad tria genera restringere : nempe ad principium dignitatis & dominii ; principium causationis ; & principium terminationis.

I. Principia dignitatis & dominii uno eodémque genere complexus sum, quia iisdem plerunque rebus conveniunt, neque alterutrum eorum magnopere variat. Significat nempe præcipuum in quolibet ordine, in quo res alia alii vel præcellit, vel imperat.

II. Principium causationis non minùs diversum est, quàm ipsæmet causarum species, quæ quinque enumerantur : nempe tres externæ, efficiens, finalis, & exemplaris ; internæ duæ, materia & forma. Efficiens porro in quatuor genera dividitur ; scil.

in

in principium generans, alens, influens, & sustinens. Est, inquam, origo generationis; ut pater, relatione habitâ ad filium: origo nutritionis, ut nutrix, respectu infantis quem lactat: origo influentiæ, quemadmodum sol & stellæ, ratione mutationum variarum, quas terrestribus afflant: & origo sustentationis, ut putâ fundamentum respectu domûs quæ eidem superstruitur. Principium finale, i.e. finis præcipuus ac summus, est primus in intentione, licet in executione sit ultimus: idemq; hæc semper absolute summus est, sed interdum in hoc solum illôve genere. Principium exemplare, est idea sive imago, ad cujus normam efficiens opus suum exequitur; quale prototypon, sive exemplar primitivum est, respectu secundarii.

Principia interna, ut diximus, sunt materia & forma: hæc ab Aristotele definitur, principium motus & quietis: materia autem est illius subjectum ultimum; cui etiam accenseri possunt elementa, partēsque similes, quæ nonnunquam principiorum nomine appellantur: quinetiam materia proxima, utpote genitura sive materia seminalis, productæ rei principium dici potest; quemadmodum & ovum, pulli principium nominatur.

III. Principium terminationis, est primus sive præcipuus rei illius terminus, cujus principium esse dicitur: suntq; huiusmodi principiorum varia genera; nempe principium temporis, utpote primum momentum sive instans horæ, diei, anni, &c. Principium autem morbi, apud Medicos, temporis aliquod spatium in se complectitur, veluti horas aut dies plures paucioresve, prout morbus tardius aut celerius ad finem deproperat. Principium motus, est terminus à quo motus primum incipit: eodemque

démque etiam referre licet principium *actionis*; operis autem peracti principium, partē potius aliquam operis primum instituti in se comprehendit. Principium *quantitatis*, ut punctum ad lineam, linea ad superficiem, superficies ad corpus. Principium denique *numeri*, est unitas, in *abstracto*; & res primum numerata, in *concreto*.

*Principii  
terminatio-  
nis duo alia  
genera.*

Atque horum quidem principiorum duo adhuc genera supersunt, quæ administrationi Anatomice commodissimè inserviunt: nempe principium *scaturiginis*, & principium *continuationis* vel *connexionis*. Principium scaturiginis se habet, ut scatebra fonticuli ad fluvium, in quem primò emicat: id autem liquidis fluidisve corporibus solum convenit. Principium verò continuationis aut connexionis, solidis partibus proprium est. Nec tamen qualibet partium continuatio aut connexio, earundem *originem* nec *statiò* designat: possunt enim partes aliquæ pluribus aliis connecti; *principium* autem earum non nisi ab una proficiscitur. Quinetiam connexis simul duabus partibus (si continuationem aut connexionem illarum duntaxat respicimus) cur illam potius ab hac, quàm hanc ab illa oriundam dicemus? Quamobrem arbitror, ut pars una ab alia oriri dicatur, debere eam (præter continuitatem vel connexionem) esse vel ampliorem, vel nobiliorem, vel magis cognitam. Ad hunc modum dicimus, tunicam hepatis à peritoneo ortum ducere, quod multò est amplius: quasdam oculorum tunicas à nervo optico oriri, parte scil. nobiliore: tunicam verò *innominatam*, originem trahere ab aponeurosis musculorum oculi, utpote partibus distinctioribus, magisque notis. Est etiam præterea, principiorum

piorum horum continuationis aliud genus celebrius, quod haud malè appellaveris principium *ramificationis* ; cujusmodi est truncus communis, respectu ramulorum indè nascentium.

Secundùm jam dictos modos quidem facîle concessero, partem aliam ab alia originem ducere : sin autem velis (quemadmodum nonnulli arbitrantur) partem unam ex alia exrescere ; istuc profectò nobis à ratione omni prorsus alienum videtur.

Expedito hætenus ab ambiguitatis laqueis principii nomine ; proximum est, ut *Galen*i de eo *Ad prædila redu-*  
distinctiones ad jam dicta genera referamus. At-  
que ille certè principium trifariam intelligit : ut *distinctiones Galeni.*  
sit unum *γένεσις*, alterum *ῥιζόσις*, & tertium *τροφήσις*.

Illius principium *γένεσις*, sive *originis*, dici potest esse, vel principium generans, nempe efficiens rei primarium in ordine generationis ; vel genitura, sive materia originalis è qua res producit-  
tur ; vel principium operis producti, pars scil. quæ primùm efformatur. Nullum verò horum ad præsentem quæstionem attinet.

Principium *ῥιζόσις* sive *radicationis*, videtur deductum à radicibus plantarum, quæ quodammodo earundem primordia dici merentur : eadèmq. nominis significatio complectitur in se principium *sustentationis*, sive *fulcimenti* : quippe radix veluti fundamentum plantæ est, eamque sustinet : est etiam illius nutrix, sive alimenti principium ; dum, quicquid alendæ plantæ conducit, ipsa primùm imbibit : est denique initium humoris vitalis, qui cunctas plantæ partes perlabitur ; adeoque principium *scaturiginis* censenda est.

Principium *τροφήσις*, sive *dispensationis*, cum

eo convenit, quod à nobis principium *influentie* dictum est. Nam si res aliqua facultatem virtutemve originaliter in se habeat, eandemque aliis communicet ; sive hanc, *influentiam in eas*, sive *dispensationem ad illas* dixeris, eodem profectò res redierit.

Explicatis jam *principii* significationibus, superest dicamus, quænam earum venis conveniat ; nimirum quo sensu venæ dici possint principium sive originem nascæ esse, & à quibusnam speciatim partibus eandem deducant.

*Vena habent principium continuationis,*

1.<sup>o</sup> Venæ (major nempe earum pars) sibi invicem continuæ sunt ; eaque ratione, minores venæ dici possunt exoriri ab amplioribus quibus immediatè continuantur ; cumque vena cava, quæ cordi annectitur, omnium maxima ac nobilissima sit, potest eadem hoc sensu ramulorum suorum omnium origo ibidem æstimari : est enim omnium, quibus illi continuantur, pars summæ tum amplitudinis, tum etiam dignitatis. Isthuc autem solummodo est principium *terminationis*, & *continuationis*, quodque à nobis speciatim principium *ramificationis* dictum est ; de quo inter Galenicos & Peripateticos nulla lis est.

Similiter, arteria venosâ (quæ revera pulmonum vena est) quoniam magnitudinis atque usus præcipui est, ubi sinistro cordis ventriculo conjungitur ; propterea quoque pars illius cordi vicina, dici potest origo ramorum omnium per pulmonis substantiam distributorum ; siquidem omnes huic, ceu trunco, continuantur, ipsæque in illos omnes dividitur.

Ad eundem pariter modum, venæ Portæ truncus, cum illius pars sit amplissima, dici merito potest,

potest ramorum indè ortorum principium, sive hi ad hepar, lienem, aut mesenterium distribuuntur. Est tamen hoc, ut dixi, principium duntaxat *terminationis, continuationis, & ramificationis*; quòd Anatomico veluti terminum quandam præstituat, unde ramorum descriptionem atque definitionem, tanquam ab unito trunco, exordiat.

II.<sup>o</sup> Quoniam omnes venæ *canales* sunt, intrá *scaturiginis*, que alveos suos totidem quasi sanguinis rivulos *nis*, deportant, qui uno itinere omnes, nempe introrsum & versùs cor feruntur; ut horum affluxus perennes sint, oportet alicunde, tanquam à fonte, originem suam ducant, humorémque ità perpetuum hauriant. Quamobrem ubi primùm sanguinem influentem excipiunt, ibi quoque dici possunt exoriri, sive principium *scaturiginis* nancisci. Quoniam autem primi cavæ rivuli ab ultimis ejus capillaribus in omnes totius corporis partes (ad quas ipsa pertingit) dispersis oriundi sunt; necesse est, ut hoc sensu extrema illa capillaria sint ipsius cavæ exordia, principia nempe *scaturiginis*, unde sanguinis rivuli omnes in illam ejúsve ramulos quoslibet transferantur.

Similiter arteriæ venosæ ultima capillaria, sunt primi fontes rivulorum sanguinis per illius ramulos delatorum: paritérque venæ Portæ capillaria, in liene, ventriculo, intestinis, panereate, mesenterio, &c. radicata, primarii fontes sunt, qui sanguinis per eandem Portam, ejúsque ramos delabentis fluvium sustentant. Illa verò Portæ capillaria, quæ in hepar diffeminantur, nullo modo rivulorum in illud influentium fontes æstimanda sunt: sanguinem enim, qui canalibus illis perpetuò sufficiatur, nullum apportant, sed duntaxat aliunde



aliunde allatum, in parenchyma hepatis effundunt.

Cavæ tamen vasa in hepate capillaria, quia sanguinem è parenchymate hujus primò excipiunt, inque illius ramulos deducunt, primòsque adeò sanguinis rivulos auspicantur; possunt meritò fluminum illorum primi fontes indigitari: quinetiam ipsum hepatis parenchyma, cum (veluti terræ vice) capillaria ista, è quibus sanguis primùm elicitur, circumdet; potest similiter principium *scaturiginis* appellari; respectu nempe ramorum cavæ qui in hepate sunt, & rivulorum qui inde profiliunt. Adeoque hætenus quidem cum *Galenicis* consentire, hepar nempe dici posse principium sive scaturiginem rivulorum illorum omnium particularium, qui ex ipso in cavam promanant: isti verò pauci admodum cum sint (habitâ ratione aliorum rivulorum, qui ex reliquis omnibus totius corporis partibus in eandem cavam derivantur) haud magis apti sunt, qui hepar *principii venarum* titulo insigniant; quàm reliqui sanguinis rivuli ab aliis omnibus partibus profluentes, singulas illas eodem meritò elogio condecoraverint. Siquidem & reliquæ partes capillaribus in se distributis sanguinem suppeditant, non secus ac hepar peculiaribus venæ cavæ capillamentis, quæ in parenchymate suo reperiuntur: omnèsq; haud minus verè dici possunt fontes rivulorum, quos per venas suas particulares effundunt; quàm hepar eorum, quos per peculiare cavæ ramulos in se distributos transmittit.

*finale.*

III.<sup>a</sup> Quoniam venæ omnes vitali sanguini inserviunt; non solum quòd spirituum ejus celestem fugam prohibeant, sed quòd ipsi quoque sanguini

guini canales sint, per quos, factâ circumgyratione, ad cor revertatur denuo : in eumque finem valvulæ iis donatæ sunt ; necesse est, in id potissimum extractæ fuerint, ut sanguinis motui auxiliarentur ; adeoque concedendum est, venas formationis suæ causam sive principium finale sortitas esse. Enimverò partis cuilibet jam efformatæ actio atque usus, finem, cur efficeretur, clarè indicant. Neque enim putandum est, partes casu aliquo extractas esse, actioneque & usus earum fortuito illis obtigisse ; verùm à Protoplasmate jam antea designatas fuisse, ac propterea operis illius esse causam finalem. Quamobrem cum ex doctrina circulationis sanguinis luculenter constet, venas sanguini vitali ministrare ; necesse etiam est, in eundem finem conditas esse, ac proinde habere principium finale, nempe (cei jam dictum est) ut vitali sanguini inserviant.

Non autem venæ solum, sed etiam arteriosa vena (quæ revera pulmonum arteria est) atque ipsi quoque pulmones, aorta, auricula utraque, ambo ventriculi, omnes cordis valvulæ, corque etiam ipsum, fini eidem generali administrant : nimirum, ut sanguinis circuitum perpetuent, illumque incolumem præservent. Ideoque nulla harum partium est simpliciter finis ultimus, verùm omnes principium finale ulterius agnoscunt.

Nihilominus si visum fuerit in partibus organicis jam dictis subsistere, neque quicquam ultra progredi ; intelliges sanè, cor esse partem præcipuam, & in reliquas veluti principatum obtinere. Quippe vena Portæ sese exonerat in cavam, hæc in auriculam dextram, & utraque in dextrum ventriculum, ubi valvulæ tricuspidæ, cei janitricæ, sanguinem

*Quo sensu  
dicatur cor  
in reliquas  
partes præ  
cipuum  
obtinere.*

guinem quidem affluentem admittunt, prohibent verò nè remigret : vena arteriosa, cedentibus valvulis ejus sigmoidibus, sanguinem hunc educit foràs, qui recursurus ab iisdem valvulis arcetur : pergit igitur ad pulmones, qui unà cum aëre halitus ejus expirant : indè porro in arteriam venosam transmigrat, unde mox in auriculam sinistram delabitur, atque ab utraque in ventriculum sinistrum effunditur, valvulis illic nihil obstantibus : parietes hujus ventriculi, sanguinem per aortam in totum corpus protrudunt, auxiliantibus hic quoque valvulis, quæ egressui illius favent, refluxui autem adversantur. Adeò, ut tota hæc series sive ordo partium, parietibus sinistri ventriculi cordis sublevari : & propterea certum sit, parietes istos in omnia hæc inferiora organa, non solum dignitatis, sed & dominii principio quodam donatos esse : & ut concedatur, sanguinem vitalem ipsi cordi præcellere, eatenus tamen *Peripateticis* consentio, cor nempe esse organorum horum præcipuum, & reliquis etiam omnibus imperare. Nam si venæ, ut diximus, cordi famulantur ; principatus sanè illi concedendus est, cui ministerium ab aliis tribuitur.

*Sanguis est  
principium  
venarum  
efficient.*

VI.<sup>o</sup> Venæ dici possunt habere causam efficientem, sive principium generans. Succus enim vitalis (ut nuper dictum est) ante sanguinis aliarumve partium formationem aliquam, incipit à reliquis genituræ partibus secedere, eadèmq; illà segregatione partes proprias unitum it ; sic tamen, ut dum conjunctionem hujusmodi molitur, hand in orbem accumuletur, sed productis finibus suis, in rivulos potius diffundi amet ; qui in partem illam sive punctum (postea cor dictum) concurrentes,

tes, caloréque ibidem adaucto, rivulos alios in materiam genitalem retrogrados progenerant; suntque adeò posteriores hi, arteriz; illi verò, venæ. Utriusque autem earum productionis modus est hujusmodi: Succus vitalis, dum à crassiore materiâ secernitur, partes suas viscidas ac tenaces magis, à medio suo rivulo ad latera amandat; quæ, augescente calore, paulatim consolidescunt, venâsque aut arterias constituunt. Estque adeò vitalis iste liquor, venarum atque arteriarum non solum causa finalis, sed & primum efficiens, sive principium generans. Ideoque nec cor, neque hepar principia generantia venarum aut arteriarum dicenda sunt, sed privilegium istud soli succo vitali competit, qui protinus, absoluto hoc opere, in sanguinem evadit. Quapropter spiritus vitales, qui nunc in sanguine hospitantur, quemadmodum prima sanguificationis causa erant, ita & canalium (venarum putà & arteriarum) per quos sanguis labitur, primi erant opifices.

Concesso itaque, liquorem vitalem, in suo congregandi nisu, semet in ramulosos rivulos diffundere (veluti in quaestione præcedenti dictum est;) necesse equidem est, ut eodem illo conatu, vel partes crassiores ad canalium sive rivulorum jam efformatorum latera rejiciat, (neque enim aliò aliquò easdem commodè ablegaverit) vel partes feculentas atque viscidas haud omnino de se separet. At verò, hoc congregandi nisu, aliquam saltē segregationem sive depurationem institui, vel inde manifestum est, quoniam quicquid in unum locum congregatur, oportet id aliud quippiam relinquat, cum quo antea conjungebatur; & quia vitalis succus est, qui adunari creditur, debet is pro-

fecit partes à se maximè diversas (crassas nempe & viscidas) vel deferere, vel aliquo modo amoliri. Quemadmodum scil. in cerevitiæ aut vini fermentatione usu venit, ut partes crassæ atque heterogeneæ à liquore limpidò ac puriore expellantur foras; ita pariter in prima caloris vitalis in genitali materiâ accensione, quamprimum succus vitalis sese congregare inceptat, necessariò partes heterogeneas deferit, atque à se amovet. Et sicut in fermentatione, materiæ rejectæ pars summum petit, pars ad imum subsidit, pars lateribus allabitur, omnesque simul puriori liquori veluti capsam constituunt: sic vitalis liquor similiter, partes dissimiles à rivulis suis quoquo versus submovent, capsulam sive canalem sibi effingit, per quem decurrat: estque hic major minorve, rectus vel obliquus, perinde atque rivulus, quem amplectitur. Quare manifestum est, succum vitalem in efformandis vasis, non solum opus auspicari, sed & materiam præparare atque coagulare, formamque eidem inducere.

*Materia &  
forma ve-  
narum.*

Denique liceret addere, venas principium tum materiale tum formale nactas esse: verum eà de re ex superiore assertione jam satis constat. Nec scio, an præter jam dictas & principii venarum significationes, alia aliqua cujuscumque momenti superfit, quæ iisdem meritò attribui possit; ideòque *Galenicorum & Peripateticorum* rationes super hac re nunc paucis expendam: ubi si quid ab iis erratum fuisse constabit, haud promeruerit tamen, quamobrem id illis vicio vertamus; siquidem fundamenta, quibus solis quæstionis hujus determinatio firmè innititur, non nisi multis post eos natos sæculis demum reperta sunt; circuitiōnem sanguinis in-

telligo,

telligo, & venas lacteas; citra quarum notitiam, controversia isthæc fortassis æternum foret disputabilis.

Horum Autorum fundamentum primum est, sanguificationis origo, quam Peripatetici in corde, Galenici in *hepate* constituunt. Opiniones autem istas jam supra rejecimus.

Alterum eorum fundamentum est, dispensatio <sup>Expenditur sententia Galeni,</sup> sanguinis per venas; quam isti, hepati; illi verò, cordi acceptam referunt. Et *Galenici* quidem, præter sanguinis illam dispensationem, aliam insuper facultatum spirituumque *naturalium* dispensationem commenti sunt. *Peripatetici* autem spirituum <sup>et Peripateticorum,</sup> facultatumque *naturalium* ab hepate dispensationem inficiantur, spiritusque solum *vitales* è corde profluos agnoscunt. Quippe, ex eorum sententia, cor sanguinem vitalem & spiritus in omnes corporis partes per arterias emittit, eorundemque operâ facultatem nutritivam iisdem impertit: venosus autem sanguis eodem momento à corde in singulas corporis partes per venam cavam ejusque ramulos propellitur; adeò ut cor iis non solum spiritus facultatesque nutritivas per arterias, sed & alimentum accommodum per venas suppeditet. Quamobrem licet spirituum facultatumve *naturalium* dispensationem per venas abnegent; asserunt tamen, sanguinem venosum nutriendis partibus per easdem affluere. Quod si verum esse concedamus, ut cor *principium dispensationis venarum* dicatur, planè sufficit.

Illud quidem *Peripateticis* concedimus, cor per arterias sanguinem vitalem ad omnes partes organicè distribuere, eoque pacto easdem vivificare, constitutionesque ipsarum exaltare, ac proinde

facultates quoque insitas vividas reddere. Quippe sine hac vitæ à corde participatione, facultates illæ nutritivæ minimè in actum educerentur, sed jacerent torpidæ ac consopitæ; quemadmodum in animi deliquio videre est, in quo facultates illæ omnes languescunt, idque plus minúsve, prout vitalem influxum magis minúsve impediri contingerit.

Quamobrem licèt facultas attractrix, retentrix, concoctrix, atque expultrix, aliquatenus in naturalibus partium constitutionibus fundatæ sint; haud perficiuntur tamen, nisi vitæ à corde participatio accesserit. Idèoque cum *Peripateticis* fatendum est, cor rectè statui principium dispensationis vitalis sanguinis per arterias.

Cor autem venosum quoque sanguinem in omnes partes venarum operâ distribuere, adèoque dispensationis ejusmodi originem esse; istuc profectò neutiquam concedimus. Venæ enim nihil extrorsum ad partes efferunt, verùm quod ab arteriis elatum est, ei solùm regerendo inserviunt: quemadmodum ex doctrina circulationis sanguinis luculenter constat.

Eadem etiam sententia pariter refellit priorem partem secundi fundamenti *Galenicorum*; nempe hepar per venas sanguinem spiritûsque naturales in omnes partes effundere. Nam si sanguinis motus in venis introrsum solùm spectet, quî poterit aliquid foràs per easdem emitti?

Porrò, cùm *Galenici* dicunt, facultates naturales ab hepate in alias partes per venas dispensari; id non ità intelligendum est, quasi facultates illæ ab una parte in aliam transmigrarent (quippe hoc pacto accidentia transilirent è subiecto in subiectum:

Etum : quod in sana philosophiâ minimè ferendum est ; sed credendum, voluisse eos, hepar, dum sanguinem (utî opinabantur) spiritibus naturalibus imprægnatum ad omnes partes emitteret, iisdem illis spiritibus facultates quoque naturales contribuere, vel saltem in partibus ipsis excitare. Hæc, utî arbitror, eorum sententia est : quæ si fuerit, sublato jam illius fundamento (dispensatione videlicet sanguinis & spirituum naturalium per venas) necesse est & ipsa simul corruat. Enimvero si hepar nec sanguinem neque spiritus naturales venarum operâ propellit ; quomodo, precor, spirituum illorum adiumento, facultates naturales inseruit ? Quapropter adversus Galenicis concludendum est ; hepar, venarum beneficio, nullius publicæ dispensationis originem esse.

## CAP. XXXVII.

*De totius Hepatis officio.*

Postquam hætenus munera illa, quæ hepatis jam olim (sed falsò) attribuebantur, repudiavimus ; superest, verum propriumque illius officium asseramus.

Officii autem nomine, nequaquam intelligo rem aliquam à publica ejus actione aut usu distinctam ; sed vocabulo solum concreto usus sum, ut utrumque in se quodammodo comprehenderet. Enimvero partis officium, & actio publica atque usus, significationis sunt aded conterminæ, ut in ulicato dicendi genere, alterum in alterius locum

*Quid officii nomine intelligendum veniat.*



haud malè substitui possit. Nihilominus ut in eorum gratiam, qui minutias hujusmodi severè pensitant, quantum sit inter illa discriminis planè constet; id nunc universè dicam. *Altio* partis *publica*, revera idem significat, quod *officii* illius nomine intelligimus; sed *relationem*, quæ ipsi cum agente intercedit, unà complectitur: similiter & *usus publicus*, idem officium designat, quatenus ad totius corporis *utilitatem* refertur: denique, *officium* ipsum utranque hanc significationem includit, & præterea partem ad id muneris præstandum *obstringi* innuit. Nempe istud hepatis officium (sive actionem, sive usum, seu munus vocet) res est, quam quærimus.

*usus nobilis  
ac publicus  
hepatis concessus.*

Si ipsius hepatis amplitudinem, si magnitudinem vasorum ejus, texturamque horum admirabilem (de quibus omnibus antea dictum est) spectemus, fatendum necessariò erit, esse organum nobile, atque publico alicui & præcellenti usui inservire. Neque enim naturæ mos est, magnificas fabricas in pompam inanem struere: nec solet integre cuipiam animalium speciei idem organum largiri, nisi ipsi magnopere ex usu fuerit: multoque minùs cunctis animalibus idem organum semper impertit, ubi alicui eorum generi parùm admodum commodi allaturum sit. Observatione profectò dignum est; quòd, licèt lien & pancreas in quibusdam animalibus desiderentur, plurimisque piscibus pulmones desint, hepar tamen in omnibus reperiat: certo indicio, muneri ipsum eximio necessariòque destinari. Neque sanè existimandum est, partem aliquam tam universàliter utilem, omnibusque animalibus concessam, esse in ullo eorum exigui momenti: videtur enim in aliquo

quo fundatum esse, quod in cunctis animalibus necessarium requiritur; adeoque, ut singulis illius generis speciebus insit, planè necessum est. Unde autem sit, ut pars hæc cunctis animalibus tantopere ex usu sit? Non quidem inde provenit, quòd ad *quifnam is* sensum aut motum sit necessaria: quippe hepar *ex- sit.* illis admodum sensus est, nec suâ sponte ullo pacto movetur. Nec magis fons vitæ censenda est, qui omnium calculis cordi meritò tribuitur. Ad actiones verò *naturales* quod attinet, generationi nequaquam intervīt; neque officium illius publicum coctioni destinatur; siquidem nec chylum neque sanguinem efformat, ut antea à nobis dictum est. Quamobrem officium illi aliud nullum superest; præter aliqualem *sanguinis depurationem*. Est quidem verissimum, sanguinem variis modis depurgari: renes nempe falsum & terrestre excrementum cum materia potulenta mistum ac dilutum exonerant: pancreas similiter materiam aliam à nemine hætenus explicatam evacuat: alizque complures partes peculiaria huiusmodi officia naturæ sunt. Verùm si hepar spectemus, ceu partem sanguinis alicui depurationi designatam: simulque vesiculam felleam eidem annexam, & porum biliarium per illius parenchyma distributum intueamur; dicendum profectò fuerit, hepar in eum finem à Natura institutum esse, ut sanguinem à bile defæcatum reddat: atque istuc illius officium esse, quod hic quærimus. Quâ de re ut plenius atque luculentius constet, propositiones hæc porro adstruendæ veniunt.

1. Bilis, non est humor aliquis nutritius, sed *Propositio- nes 4.* planè excrementitius, eoque nomine à sanguine *segregandus.*

Z 4

2. Calor

2. Calor vitalis perpetuâ sanguinis cocturâ, in ipso amarulentum sive felleum ejusmodi humorem necessario producit.

3. Sanguis, in quo felleus iste humor maximè abundat, in circuitu suo ad ventriculum, lienum, pancreas, mesenterium &c. potissimum tendit; humorque ille amarulentus, transitu per eas partes facto, quò facilius à sanguine secernatur, præparationem aliquam adipiscitur.

4. Sanguis hoc pacto ad separationem fellei humoris præparatus, non debuit in cavam regredi, priusquam ab eo depurgaretur; hepârque solum, præ cæteris omnibus partibus, purificationi hujusmodi est accommodum.

## C A P. XXXVIII.

### *Propositio prima.*

I. **V**idendum, qualisnam humor bilis sit; statuendumque, non esse illum humorem nutritium, sed omnino excrementitium, ac debere à sanguine separari.

*Bilis elementa, è quibus constat.*

Elementa, è quibus constat, videntur esse pauci spiritus, aliquantulum sulphuris, plurimumque salis, aquæ, & terræ.

Spirituum paucitas vel inde apparet, quia amarities hæc non est ab initio, sed absumptis dulcibus spiritibus demum exoritur; &, si qui horum superfuerint, fixi sunt, nec dominatum obtinent.

Neque sulphuris etiam magna copia adest, si molem ejus solam spectemus; quippe humor iste non est

est admodum oleosus sive pinguis, neque flammam  
facili concipit; imò verò ignem, non minùs  
quàm aqua, extinguit. Sulphur tamen in eo prin-  
cipatum obtinet, utpote ab adustione exaltatum;  
unde quoque amaritudo illius progignitur.

Sal, licet quantitate præcellat, non tamen in e-  
odem dominatur, sed sulphur duntaxat exacuit, &  
acre magis reddit; qualitatque ejus absterfiva hinc  
originem dueit, quæ usque adèd manifesta est, ut  
fel bovinum interdum saponis loco veniat.

Pars illius aquea seu phlegmatica, liquiditatem  
sive madefaciendi potentiam largitur. Pars terrea  
incrassat, & corporaturam exhibet, quâ fit, ut in  
aqua subsidat. Fitque etiam nonnunquam, ut  
partes aliquæ terrenæ & salis præcipitentur, cal-  
culosque rotundos in vesica felleâ, atque tubulos  
lapideos in poro bilario producant. Calculi isti  
pallent, & nonnunquam extrinsecus flavescunt, in-  
tus verò fusco sive ravo colore conspiciuntur.  
sunt etiam cretacei, fragiles, spongiosi, & leves  
adèd, ut aquæ interdum innatent. Partium terre-  
narum intima mistio (eâque per omnia æqualis)  
cum aqua, sale, & sulphure, lubricitatem hujus hu-  
moris internum producit.

Qualitates bilis primariæ, sunt caliditas & ficitas: *qualitates*  
potentialiter nempe sive effectivè tales sunt, non  
autem actu; quippe bilis tangenti frigida depre-  
henditur, & (non secus atque alii humores) made-  
facit. In corpore autem animalis, ob adusti sul-  
phuris dominium, calefacit atque exiccat.

Præter lubricandi & abstergendi facultates, quas  
diximus, est etiam aperitiva, putredinique (ob sa-  
lis præcipuè in ea copiam) resistit. Ipsa quidem  
non tam alterabilis est, quàm mutandis aliis ido-  
nea;

nea; quod ab arcta partium illius unione, spirituumque inopiâ provenit; quippe spiritus, præ crassioribus aliis elementis, faciliè separantur. Humor iste quamvis crassus sit, vix quicquam tamen sedimenti deponit.

*amaror,*

Amariçudo illius (unâ cum qualitate nauseosâ, acri, partisque vellicante) lubricitati atque absterfioni ejus conjuncta, facultatem ipsi aliquantulum purgantem imprimit. Siquidem prioribus illis qualitatibus excretricem intestinorum facultatem extimulat; posterioribus verò, eadem lubrica reddit.

*color,*

Genuinus humoris hujus color ex pallido flavescit: interdum verò (secundum adustionis gradus) saturatè flavus, aliquando viridis, & nonnunquam ex fusco flavesçens conspicitur. Si illam in ventriculo aut intestinis sanguini aliquantisper commisceri contigerit, fuliginis colorem induit; estque fortassis famigerata præcis seculis *atra bilis*.

*atra bilis.*

*Humor biliosus non nutrit.*

Ex dictis videre est, humorem felleum nutritioni minimè conducere: quippe lenes suavesque ejus spiritus jam evanuerunt; & quod illi spirituum superest, ab adusto sulphure (quod illic principatum tenet) coercetur, & amarescit. Est etiam nauseosus, corrosivus, & partibus omnibus noxius, suoque insuper calore atque siccitate, humiditati earum radicali planè adversarius, iisque aded nutriendis prorsus ineptus. Denique quoniam à partibus alterari nequit, ipsèque mutandis illis valdè aptus est; nihil sanè commodi, verum damni plurimum accefferit, si diutulè in corpore asservaretur. Concludo itaque, nequaquam nutritium, sed *excrementitium* planè humorem esse.

CA P.

## C A P. XXXIX.

*Propositio secunda.*

II<sup>a</sup> **A**fferimus, calorem vitalem perenni sanguinis coctione, in eodem amarulentum five felleum ejusmodi humorem necessariò progignere.

*Quomodo  
bilis produ-  
catur.*

Quanquam *saporum* diversitates ac mutationes haud perfectum indubitatumque principiorum omnium elementarium in mixtis corporibus, & virtutum eorum judicium præbent; proculdubiò tamen certitudinem inde majorem, quàm hactenus contigit, indipisci liceat. Quippe ausim dicere, nunquam in rerum saporibus variatum esse, quin vel additio, vel ablatio, vel exaltatio, vel depressio unius pluriúmve principiorum elementarium accederet. Videtur itaque natura donâsse regulam satis idoneam, quâ de gustu rerum discrimina cognosceremus; sed eandem ab humana industriâ minùs excultam esse.

*Facultas  
gustandi, de  
rerum ele-  
mentis diju-  
dicat.*

Est quidem, fateor, *gustatus* aliis quibusdam sensibus multis nominibus inferior: in misturis tamen rerum, earúmque virtutibus dijudicandis, fortasse cæteris omnibus præcellit; inque eum finem, tanquam *explorator*, habitat in ea parte oris, qua esculentis & poculentis iter Natura patefecit; nè quid damnosum aut insalubre in corpore irreperet.

Facultas videndi jampridem variis artibus ad-  
aucta est; non potest autem gustandi potentia  
iisdem *Quomodo  
eadem pro-  
moveri  
queat.*

iisdem modis promoveri: id solum ad hanc rem conduxerit, si gustus in misturis rerum, earumque virtutibus æstimandis, præstitutis quibusdam regulis dirigatur. Est quidem res isthæc ut summæ difficultatis, sic & usus eximii; atque idcirco prima hujus generis tentamenta, utcunque imperfecta fuerint, haud ingrata tamen fore sperandum est. Impræsentiarum autem, quoniam reliqui saporis ab instituto nostro alieni sunt, de amaro, dulci, atque acido solum tractabimus. Imò certè hic loci de amaro tantum agendum videatur: istuc verò qui possit, contrario ipsius (dulci nempe) incognito? & quomodo dulcem saporis ritè intelligas, ignotis ejus contrariis, acido scilicet & amaro? Quamobrem, aliis saporibus omisiss, agam hic non solum de amaro, verum etiam de dulci & acido: & quoniam aciditas quædam dulcedinem præcedit, alia verò eandem subsequitur; similiter amaror quidam ab initio perçenscitur, alius autem post dulcorem demum exoritur; propterea de utrisque aliquid dicemus, prout res postulaverit.

*Gustus præcipue à spiritibus afficitur.*

Præterea, quoniam *spiritus* propriè sic dicti, quàm cætera elementaria principia, in faciendis mutandisque rerum saporibus, plus possunt; de iisdem pauca præmittam, & de reliquis elementis quædam obiter duntaxat pro re natâ indicabimus.

*Spiritus diversa significat.*

Vocabulum *spiritus*, quatenus corporibus tribuitur, varia significat. Primò autem quodlibet corpus ad *volatilitatis* gradum rarefactum, *spiritus* olim dicebatur: quodcunque autem crassius erat & minimè volatile, id è censu illo eximebatur. Atque hac significatione, ventus, aër, oris halitus,

tus, & quælibet exhalatio spiritûs nomine indig-  
tabatur : nec malè sanè hæc nomenclatura illi  
convenit, quatenus à *spirando* deducitur. Spi-  
ritum verò istiusmodi non intelligimus, cum  
de eo, ceu de principio misturæ elementari, agi-  
mus.

Secundò, mos est corpus quodlibet *subtile*, acti-  
vum, valdéque penetrabile, spiritûs nomine insig-  
niri. Ità nimirum dicimus spiritum aceti, salis,  
& vitrioli ; atque olea etiam distillationis arte  
prolecta, spiritus dici possunt, veluti oleum suc-  
cini, & è lateribus. Sed neque hæc, propriissi-  
mâ nominis acceptione, spiritus appellanda sunt ;  
cum sint tantùm sales fixi, & crassa olea, distilla-  
tionis operâ subtiliora reddita. 3<sup>d</sup> Spiritûs voca-  
bulo intelligendum venit elementum illud, quod,  
post debitam *fermentationem*, licèt haud antea, suâ  
sponte fursum nititur, & fit volatile ; imò verò  
quod abiturum sit, corpûsque planè mortuum re-  
licturum, nisi ab extrinseco arceatur. Spiritus  
hic in distillatione, post præviam fermentationem  
primus ascendit, & in vasculis vitreis *spiritûs* no-  
mine asservatur : ut spiritus vini, rosarum, ani-  
si, &c. Atque hæc est vocabuli *spiritûs* acceptio  
propriissima, quatenus intelligitur esse misturæ  
pars elementaris. Chymici eum *Mercurium* dicunt,  
eadémque nomenclatio (respectu volatilitatis,  
quam à fermentatione adipiscitur) in illum probè  
quadrat. Mercurius, sive spiritus iste, est duûm  
generum : est enim Mercurius *pinguis*, sive sul-  
phureus ; est etiam *macer*, sive salinus. Spiritus  
pinguis elicitur in forma olei, macer autem sub  
specie aquæ. Prioris generis sunt chymica olea  
sive spiritus cinamomi, anisi, rosarum, &c. poste-  
rioris

*Mercurius  
est vel pin-  
guis, vel  
macer :*



*Macer, non  
constat ex  
mistura  
phlegmatis  
& olei:*

rioris verò spiritus vini, aliæque aquæ ardentes.

Nonnulli certè ambigunt, an non posteriores illi spiritus, sub aquæ specie apparentes, consistant ex mistura quadam phlegmatis & olei chymici. Et fatendum profectò, in ultimis jam dictis spiritibus reperiri additamentum quoddam olei chymici, unde vigorem præcipuum & quasi vitam trahunt; spiritumque illum salinum vix arte ullâ demonstrari posse purum & miscellâ vacuum. Planè autem inficior, alteram spiritus illius partem (quæ priorem fortè quantitate millies excedit) esse solummodò phlegma insipidum: quin potius assero, esse salem volatilem, in liquorem distillatione redactum. Quippe notum est, salem còmunem liquefactum, subire formam aquæ, non autem olei; liquorémque è sale quarto ignis gradu prolectum (qui secundâ quidem nominis significatione, non autem propriâ, dici potest *spiritus salis*) aquæ formâ conspicuum esse: idèoque creditu facilius est, salem volatilem distillatione separatum, aquæ faciem induere.

*Sententia  
huius ratio-  
nes.*

Rationes verò, cur putem, non esse misturam phlegmatis atque olei chymici, hæc sunt. 1.<sup>o</sup> Quia olea chymica phlegmati innatant, nec cum eo facillè miscentur. 2. Quia spiritus vini conflagens, totus avolat; quod certè non fieret, si maxima illius pars phlegma esset. 3. Quoniam, si quis sal volatilis in rebus extiterit, qualem chymici verè reperiri docent, oportet cum oleo spiritu ascendat; quemadmodum etiam id fieri compertum est: nam cum perinde saltem levis sit, quomodo post hunc in fundo hæreat?

*Uterque  
mercurius  
descenditur.*

Credant forsitan aliqui, neutrum horum spirituum ad *mercurium* pertinere: non primum quidem,

dem, quoniam videtur ad *sulphur* referri oportere, quod est principium pingue; neque etiam alterum, quia fatemur esse naturæ salinæ, adeoque ad *salem* spectare. Quid verò tum fiet de paupertino Mercurio? Is-ne è principiorum Chymicorum numero exturbandus est? Provoco enim quemlibet Chymicum, qui mihi ostendat mercurium aliud diversum à crasso sulphure, sale, & phlegmate; præter spiritus illos salinos ac sulphureos, jam dictos. Non quidem inficias eo, spiritus salinos naturâ suâ *fixo sali* admodum affines esse; uti & sulphureos spiritus, *crasso sulphuri*: ac propterea cuilibet eorum cognomen à familia, ad quam peculiariter spectant, deductum indidi; dum illos spiritus *salinos*, hos verò *sulphureos* nominavi: ut his insignibus, cujusnam quisque tribus esset, facile innotesceret. Nihilominus tamen satis causæ est, cur spiritus isti, seu principium à crasso sulphure fixoq; sale diversum, habeantur. Nam si (factâ prius debitâ fermentatione) modum, quo inter distillandum ascendunt, pensitemus; diversitas eorum planissimè innotescet. Quippe primùm ambo Mercurii simul conspiciuntur, tum phlegma prodit, posteaq; prorepat crassum sulphur; sal verò & caput mortuum toto tempore in imo hærent. Est itaque inter utrumque Mercurium & sulphur magna intercapedo; nempe elementum integrum (phlegma scilicet) intercedit; neque sulphur citra tertium caloris gradum ascenderit: est autem majus intervallum inter Mercurium salinum, & *salem* ipsum; namque duo elementa interjiciuntur, phlegma nimirum & oleum; nec sal facilè sine aperto igne ad superiora tendit. Idcirco principia hæc, utcunque sibi invicem affinia fuerint, satis

fatis tamen inter se mutuò distinguuntur. Quinetiam inter spiritus hosce salinos & sulphureos magna intercedit familiaritas, ut facîle possint in eandem familiam coalescere : sunt enim ambo non solum volatiles, sed in minima quantitate cæteris omnibus elementis activitate præpollent ; idque citra omnem corrosionem ; ob quam etiam causam sunt subjectum primarium *caloris vitalis* ; ad quem dignitatis gradum ubi pertigerunt, nomen suum immutant, dicanturque *spiritus vitales* : qui honos cæterorum elementorum nulli competit. Quamobrem *spiritui* sive *Mercurio*, inter mixturæ elementa, suus ordo atque principatus concedendus est : & quotiescunque spiritus sit mentio, tanquam partis alicujus in mixtura, nomen id de mercurio vel salino vel sulphureo, vel utroque intelligendum venit. At si vocabulum istud alii alicui spiritui, minus propriè sic dicto, tribuatur ; nisi dictionis scopus sententiam planè elucidaverit, commodum profectò fuerit (vitandæ ambiguitatis ergò) distinctivam vocem annectere ; veluti cum dicitur spiritus vitrioli, salis, &c.

*Spirituum  
sulphureo-  
rum disci-  
mina.*

Nonnulli autumant, spiritus sulphureos omnes esse uniusmodi : ego verò (nè quas alias nunc differentias recenseam) videre nequeo, quomodo spiritus hujusmodi summè dulces, cum aliis extremè amaris, uni generi accenseri possint. Ecquidnam enim putabimus, chymicum oleum sive spiritum absinthii, atque anisi ejusdem speciei esse, cum sapore, colore, virtutèque tantopere inter se discrepent ? Itaque licèt alias jam differentias missas faciam, spiritus saltem dulces lenèsq; ab amaris distinguendi sunt.

*Spirituum,  
aliorumque  
elemento-  
rum status  
mixtus.*

Porro, pingues macriq; spiritus jam dicti, & revera

revera omnia mixturæ principia, citra speciei variationem, triplici conditioni, in mixtis corporibus, obnoxia sunt: nempe *statui fixationis, fusionis, & volatilitatis*. Secundum trium horum itatum mutationem, corpora mixta, citra elementorum suorum additionem, ablationemve aliquam, saporem, aliasque suas virtutes plurimum immutaverint. Mihi cum *spiritibus* solis nunc res erit. 1.<sup>o</sup> ubi spiritus firmissimè aliis elementis impli-<sup>primus,</sup> cantur, sive, quod idem est, ægerrimè ab iisdem separantur, tunc *fixi* dicuntur. Maxima, quam quidem novimus, *fixatio*, est spiritus auri; proxima, aliorum metallorum, ac mineralium. Vulgaris maximè illius modus, est cruditas sive immaturitas, quam in fructibus deprehendimus. 2.<sup>o</sup> Quam-<sup>secundus,</sup> primum spiritus medio jam itinere sunt, quo à crassioribus elementis liberentur, excitatæque in iis lucta partes omnes ad æqualem mixturam producerunt; tunc statum *fusionis* sive floris medii nanciscuntur. Abundè hujus rei exemplorum est, in fructibus jam mitescantibus, & maturitati propinquis. Fusionis autem nomine, non intelligo meram elementorum *liquationem*; sed eam solùm, quæ ad *separationem* eorundem dimidium quasi itineris emensa sit; & cujus ope corpus mixtum, quoad partium suarum posituram, ad *æqualitatem* quandam perducitur. Res crudæ ad hunc statum, *maturationis* operâ, non nisi longo tempore per-  
tingunt; *fermentationis* autem auxilio, aliisque motibus æquivalentibus, spatio brevior. 3.<sup>o</sup> Quo-<sup>tertius,</sup> tiescunque spiritus exaltantur adeò, ut, nisi forinsecus compescantur, paulatim, idque brevi tempore, emigraturi sint; tum *volatiles* dicuntur. Prostat hujus rei specimen in vino & cerevisiâ, quæ  
A a                      nisi

nisi arctè ocludantur, spiritum suum volatilem amittunt, & vappescunt. Fructus similiter, quamprimùm spiritus eorum volatiles facti evanuerunt, computrescunt. Fit quidem hoc opus à maturati-  
one, sed diuturniore morâ; fermentatio autem calôrque vitalis & putrefactio, idem agunt, multô-  
que expeditiùs.

*Quomodo  
status isti  
a l gustum  
referantur.*

Verùm respiciamus modò ad saporem, aliarum-  
que in rebus virtutum mutationes; quantum  
nempe ad *elementorum* eorum diversitatem attinet;  
& præcipuè quoad *spirituum* illorum varietatem,  
diversosque eorum status, quos nunc diximus: &  
primò quidem videamus *acerbitatem* illam, quæ dul-  
corem antecedit; illamque *amaritudinem*, quæ sta-  
tim ab initio persentiscitur.

*Acor dulce-  
dini præce-  
dinem, fun-  
ditur in spi-  
ritu salino  
etiamnum  
fixo.*

Acor, qui dulcedinem præcedit, & in plurimis  
fructibus immaturis conspicitur, provenit à spiri-  
tu salino (mercurio macro scil.) nempe dum ad-  
huc *fixus* manet. Quippe idem spiritus, prout pe-  
detentim ad medium fusionis statum accedit, pau-  
latim quoque maturescit, & dulcedinem induit: &  
quia plerunque pars alia post aliam mirefcit, fit ut  
fructus sensim dulcoris atque acredinis suavissi-  
mam misturam nanciscantur: tandèmq; possi-  
quam omnes hujus spiritus partes maturuerunt,  
planè dulces evadunt. Et quoniam spiritus isti  
gradatim sensimque ad medium statum perveni-  
unt; fieri potest, ut qui primi illum assecuti sunt,  
progressu ulteriore facto, aliquatenus volatiles fi-  
ant, priusquam reliqui cruditatem suam exuerint;  
quo casu sapor vividus & vinosus oboritur, ex dul-  
ci tamen atque acido contemperatus: quemad-  
modum in delicatissimis fructibus usu venit; quo-  
rum summa laus est, mulcebrì istiusmodi sapore  
gustui

gustui nostro adblandiri. Sapor iste in vinis acidulis tenuibusque præcipuè eminet; præsertim si limonis succum & sacchari momentum iisdem admiscueris. Inest enim vino à natura hic sapor, idque ob mercurium ejus volatilem: adest etiam à crudo ejus spiritu aciditas, minor tamen fortè quàm cupias; dulcedinem verò perpauca habet, ob substantiæ illius tenuitatem, quæ vix ullos suos spiritus in medio eorum statu durare finit; sed illi, quamprimùm miscere maturarive occipiunt, protinus fiunt volatiles. Aciditas autem, quoniam in vinis non est eximia, poterit eadem crudorum atque acidorum succorum admixtione augeri; saccharumque additum, maturitatem illis & consistentiæ modum meliorem conciliat. Et similiter, sacchari atque acidorum succorum cum distillatis spiritibus mixtione, licebit arte (cognitis nimirum compositionis illius elementis) saporem vinulum, dulcem, acidumque conficere. Præterea verò, aciditatem illam, quæ dulcedinem præcedit, in spiritu salino fixo fundatam esse, in *omphacio* videre est; quod, citra alieni additamentum, fermentatione solâ dulcescit; & ubi dulces illi spiritus avolarunt, fit vappa, neque acescit denuo. Certissimo argumento, primum illum acorem à spiritu profluxisse: alioquin enim fermentatio eum ad volatilitatem nequaquam perduxisset; quod tamen factum constat, quoniam res ea, quæ aciditatem primam induxerat, jam abiit; vel certè, postquam dulcis spiritus evanuit, pristinam suam acedinem recuperaret. Idem quoque in limonum & aurantium putredine conspicitur; illa enim dum putrent, spiritus suos amittunt, & cum illis unâ aciditatem; nihilque superest, præter succum nau-

non tamen  
summâ fi-  
xatione.

seosum, merâmq; vappam : claro indicio, aciditatem in eo spiritu positam fuisse, cum quo illa simul evaporavit. Monendum tamen est, dum assero, saporem hunc acidum in spiritu salino fixo consistere, non intelligere me, supremam illius fixationem ; quippe hoc pacto spiritus iste planè coërcetur, nec vim aliquam in aliena corpora exercet, neque etiam saporem alium exerit, præterquam insipidum ; qui in plurimis fructibus recens natis deprehenditur, posteaque sensim acescit, prout spiritus salinus liquefcere incipit, virésque novas acquirere. Dicendus est tamen spiritus fixus, donec ad medium sive maturitatis statum pervenerit.

Amarities  
initio abor-  
ta, in quo  
fundetur.

*Amaritudo*, quæ statim ab initio adest, fundatur in spiritu sulphureo amaro. Nam si absinthium arte per *serpentinam* distillaveris, spiritum sive oleum chymicum valdè amarum indè elicies : quo educto, quod absinthii superest, planè iners & amarore omni destitutum reperies : insigni documento, amaritiem illam à spiritu sulphureo proficisci. Hujusmodi spiritus haud, prioris instar, maturatione dulcescit, sed potiùs amarescit magis : videmus enim tenella amararum plantarum germina primo vere prodeuntia, minùs amara atque aspera esse, quàm quæ propectâ ætate expululant. Credibile sanè est, verno tempore majorem salini spiritûs portionem sulphureo admistam esse, huncque ab illo temperari. Neque etiam fermentatione ullo modo amaritudinem hanc domat, nisi quatenus spiritus sulphureus amarus ejus operâ foràs evolat : quippe spiritus absinthii post fermentationem eductus, nihil prorsus de amaritie pristinâ remittit. Fatemur quidem, cerevisiam cum

cum lupulo coctam, amariorē esse recentem, tractūque temporis amarorem suum maximam partem exuere; quōd, uti verisimile est, spiritus lupuli adeo tandem volatilis evadat, ut & ipsemet evanescat, & amarities simul plurimū imminuatur. Nihilominus tamen, *amari* spiritus haud adeo facile *volatiles* fiunt, atque *dulces* solent; quippe hi ab illis veluti constringi videntur, abituque facili prohiberi. Absinthium cerevisiæ inditum, eandem vividam conservat, quod illi etiam cum lupulo commune est; quo sine amarore, cerevisia ante pubertatem vel acescit, vel saporem vividum amittit, vappæque accipit nomen.

*Dulcedo* oritur è suavium spirituum in mistura *Dulcedinis origo.* dominio, dum illi in statu medio sive maturitatis constituuntur. Sunt autem dulcedinum tres species; nempe macra, pinguis, & ex ambabus mixta. *Macra*, famelica, & salina dulcedo, fundamentum habet in spiritibus salinis, dominio potentibus, adque maturitatis gradum perductis: estque eadem cum illa, quam in fructibus mitescensibus deprehendimus. *Pinguis*, optimus, & nutricans dulcor, exoritur à spiritibus sulphureis principatum tenentibus, inque medio statu constitutis. Dulcedo hæc in cibis plurimū nutrientibus manifesta est; sicuti in carne, pinguedine, butyro, pane, medullâ, &c. In quibus omnibus, mercurius pinguis, sive oleosus spiritus dominatur, & in mollitudinis gradu consistit. *Dulcitas mixta*, gustui quidem suavior est, sed posteriore minùs nutricans, licet priorem hac virtute antecellat. Oritur autem à spirituum salinorum & sulphureorum conjuncto dominatu, utrisque ad maturitatem proVectis. Sapor iste eminenter apparet in melle,

A a 3                      saccharo,



faccharo, ficibus, passulis, dactylis, glycyrrhizâ, &c. Dum autem dulcedinis hoc genus *mixtum* appello; non ità intelligi velim, quasi ambæ aliæ species à mixtura omni alienæ sint: nam spiritum salinum vix deprehendas, sine aliqua sulphurei spiritûs admixtione; atque ægrè admodum videas corpus aliquod mixtum, in quo spiritus sulphureus ità abundet, ut de salino nihil participet. Quapropter distinguuntur hæc dulcedinum genera, non quidem mixturæ *carentiâ*, sed quòd vel alter horum spirituum solus, vel ambo simul *dominatum* teneant. Sapo- res dulces porrò ab invicem discernuntur, pro *crassorum* elementorum cum iisdem commissiorum maiore minorève proportionem: ex. gr. si rei dulcis maxima pars ex crasso sulphure constet (quemadmodum in medulla, & similibus contingit) dulcedinem hanc ab illa discriminat, quæ in *macra* carne deprehenditur, in qua elementa alia crassa præcipuè abundant.

*illam præcedunt acor  
& insipidi-  
tates.*

Sapo- res etiam, qui dulcedinem *præveniunt*, à nobis dispiciendi sunt: quorum aliqui eandem immediate, quidam verò non nisi aliorum interven- tu, antecedunt. In posteriore hoc censu sunt, vel *adstrictio*, vel *asperitas*, vel *sapor* ex utrisque *mixtus*, qualis est *stipticitas*, quæ de utraque illâ in summo gradu participat; atque etiam *austeritas*, sed gradu inferiore; ut & *acerbitas*, quæ in imo gradu consistit, cuiusque aciditatis paululum videtur conjunctum. Hi sapo- res ut plurimum in aciditatem de- sinunt, quæ ipsos ordine jam proposito consequitur. Dulcedinem *immediate* præit, vel *aciditas*, vel *insipiditas*; estque hæc vel planè talis, vel cum obscura aliquâ austeritatis aut acerbitatis mixturâ: quippe sapo- res isti in tali gradu, quòd gustum *exiliter*

exilliter admodum afficiant, ad *insipiditatis* classem vulgò referuntur. De *aciditate* jam antea egimus; illa verò dulcorem salinum præcedit. *Inspiditas* quoque nonnunquam dulcedinem antecit; tum verò dulcor subsequens plenior est, adque secundum vel tertium genus suprà memoratum pertinet. Quippe proprius spirituum sulphureorum, in summa eorum fixatione, sapor, est insipiditas. Spiritum autem illum sulphureum intelligo, qui postmodum dulcescere aptus natus est. Sunt enim sulphurei spiritus, qui in summa (quam quidem usitatè obtinent) fixatione, amaritudinem suam retinent; eorúmque jam in proximè præcedenti paragrafo meminimus. Plantarum frigidarum, ut & temperatarum fructus, in quibus spiritus sulphurei dominantur, sunt plerunque ab initio merè insipidi, vel saltè obscure saponi, & postea dulcescunt: ità triticum, secale, hordeum, avena, atq; oryza, necdum matura, sunt insipida; tempore dulcescunt, & nutritui inserviunt, utpote sulphureis spiritibus copiosis donata. Nonnullarum verò calidarum plantarum semina, statim ab exordio sui dulcescunt; quoniam nunquam adeò figuntur eorum spiritus, ut propterea activitatem suam amittant: idémque dixeris de lacte, carne, aliisq; ab animalibus depromptis eduliis. Quæcunque item spiritus suos sulphureos non nisi paululùm supra summam eorum fixationem exaltatos habent, ut parum dulcedinis obtinent, ità insipiditati sunt proxima; veluti ovorum albumina, farina tritici, gummi tragacanthum, Arabicum, &c.

Insipiditatum autem tria sunt genera: quorum *tria hujus genera.* primum oritur à *carentia activorum principiorum,* quæ saporem impertiant: alterum, à *parium terminatione:* tertium, à *fixatione.* Primum genus,

haturum à defectu activorum principiorum (nempe mercurii, salis, & sulphuris, quæ sola saporis sapidi autores sunt) videre est in aqua simplici, & nonnullis aquis stillatitiis, atque etiam in aqua & terrâ invicem permixtis. Secundum genus (quod in partium terminatione consistit) hinc nascitur, quod corpora terminata ad gustûs organum afficiendum inepta sint. Sic frustra majuscula minûs sapiunt quàm pulveres, & hi similiter minûs quàm tincturæ ex iisdem educæ. Imò verò pulveres, qui inter deglutiendum neque liquefcunt, nec tincturam exhibent, neque quicquam exhalant, prorsus insipidi sunt. Quod ab iis perpendi velim, qui ex variis atomorum figuris, sese saporum omnium discrimina prolekturos sperant. Nam si illorum atomi, corpora sint terminata; non equidem video, quomodo gustum afficere queant. Terebinthina liquida egregiè amarescit; eam verò si tantisper coxeris, donec in pulverem redigi possit, erit quodammodo insipida. Nonnullæ res, ut odorem, ita & saporem quoque suis *balitibus* effundunt: halitus autem illi, tincturæ modo, salivæ imprimuntur, & liquorum instar degustantur. Salia & sacchara, liquamine suæ saporem edunt: nam si eadem, fusione factâ, in solidiora frustra redegeris, ut dein haud faciliè liquefcant, linguæque leviter delibaveris; haud plus profectò saporis inde elicies, quàm si lapidem delinxisses. Unde constat, terminationem solam, quandiu talis manserit, corpori insipido reddendo sufficere. Tertium insipiditatis genus, à summa spirituum *fixatione* provenit; quâ fit, ut (durante eadem fixatione) activitas eorum, saporémque educendi potestas veluti condormiscat. Est autem hæc fixatio duum generum; quorum alterum à spiritibus salinis, alterum

rum à sulphureis proficiscitur. Prius illud *adstri-*  
*ctionem* atque *asperitatem* admittas habet : dicitur  
autem *insipidum*, ob saporis obscuritatem, & defe-  
ctum aciditatis, quæ postea subsequitur : posterius  
verò adstriktionem & asperitatem *minores* multò *Spiritus*  
(li modò ullas) conjunctas obtinet, habetque dul- *omnes ad*  
cedinem consuetaneam. Neque enim spiritus sul- *abitum pro-*  
phurei aciditatis capaces sunt ; sed quamprimùm *clives.*  
ad activitatem suam pertingunt, dulcedo eorum  
paulatim magis magisque emicat. Spiritus, cujus-  
cunque generis fuerint, quamprimùm vel *matura-*  
*tione*, vel *fermentatione*, vel *putrefactione*, aut alio  
consimili motu, ad *volatilitatem* perveniunt, præ  
cæteris omnibus elementis faciliè avolant, & in  
aërem disperguntur : uti in spirituum extractio-  
nibus chymicis, post debitam præparationem, ma-  
nifestè cernimus. Fugatis autem spiritibus, quic-  
quid illius mixturæ superest, vel *vappescit* illico, vel  
*acescit*, vel *amarefcit*. Atque singulas hæc mutati-  
ones nunc paucis expediam.

Liquores, qui *fermentationis* ope spiritus suos a- *Quid ab eo-*  
mittunt, unà cum istis, vel etiam antea, partes suas *rum à fer-*  
terrenas, salinasque (quas junctas, *tartarum* vulgò *mentationis*  
dicimus) aut saltem majorem earum partem, à se *operâ dis-*  
cessu eve-  
amoliuntur ; & pauxillum quoque sulphuris, *niat ;*  
quod in iis erat, pariter rejiciunt, evaduntque te-  
nues & limpidi. Absumptis verò hoc modo spiri-  
tibus, amissòque sale, & sulphure ; principium a-  
ctivum nullum amplius superest, quod in iis prin-  
cipatum teneat, saporémque ipsis impertiat ; qua-  
propter, velut exanimis, vappescunt.

Quicumque autem liquores, non tumultuosâ *quid à sim-*  
*fermentatione*, sed *simplici exhalatione*, spiritus *plici eorum-*  
suos dulces amittunt ; licet & ipsi quoque partes *idem exha-*  
suas *atime.*

*suas terrestres per subfidentiam abjiciant, salinas tamen etiamnum retinent. Quare facta spirituum dulcium jactura, salique (spirituum illorum ascensu) ad fusionem, live medium activitatis statum perducto, idem mox dominio potitur, fitque liquor tenuis, asper, acidus, valdeque penetrabilis. Processus iste in faciendo aceto est manifestissimus. Nimirum hujus aciditas, plurimum differt ab ea, quæ in immaturis fructibus deprehenditur: namque hæc (utî monuimus) dulcedinem præcedit, illa verò eandem subsequitur: quippe hæc sita est in spiritu salino moderatè fixo; illa autem in sale crasso ad fusionis statum exaltato: hæc maturati-  
one, aut fermentatione dulcescit, & mox spiritus in aërem diffundit; illa verò spiritibus omnino destituitur, nullaque arte (citra mixturam) postliminò ad dulcedinem revertitur. Communis autem sal, inquis, in aqua liquefcens, lixivium parat, non utique acetum. Profectò mera liquatio salis in aqua, nequaquam sufficit, ut eundem ad medium activitatis gradum, live fusionis statum perducatur: quippe hoc pacto ad mediam volatilitatis sortem pertigisset; sal verò in aqua liquefcens, volatilitati nihilo propinquior est; quod tamen de acido sale, saporem aceto communicante, necessariò fatendum est: quippe acetum tertio caloris gradu distillatione attollitur; cùm tamen sal aliud, quocunque eum modo liquaveris, vix quarto illius gradui obtemperet. Præterea, liquor ille, qui igne aperto è sale prolicitur, & vulgò spiritus salis dicitur, est saporis acidi; licet sal, dum fixus esset, aciditate omni destitueretur: unde constat, salem volatilitati jam proximum redditum, aciditatem nancisci posse, quâ antea omnino carebat. At  
verò*

verò acetum, aïs, magnam aciditatis suæ partem amittit, si modò tartarum eidem injeceris. Ità fit : tartarus principium aceti salinum figit, firmumque reddit ; unde evenit, ut de aciditate suâ tantundem remittat. Ipse verò tartarus sapore acido præditus est, qui à falsedine quadam oritur, quam queas arenæ calore volatilem reddere ; tumque sal reliquus nequaquam accessit. Omphacium, succisque aurantiorum, aut limonum, &c. haud bene muriz vicem præstant, nec rebus diu conservandis sunt utiles : quoniam principium eorum acidum, facilè fermentationi aut putredini obnoxium est. Acetum autem principium suum acidum pertinaciter retinet, muriàmque ipso sale fixo haud multò deteriore efficit : claro indicio, aciditatem illius non à spiritu salino, verùm à crasso sale ad fusionem provecto, promanare.

Præter amaritudinem illam, quæ sponte exoritur, & de qua jam egimus ; est etiam alia, quæ à dulcedine dulcedine exurgit ; & in eo à priore discrepat, quod plerunq; haud sita fit in amaro sulphureo spiritu, sed in crasso sulphure adusto. Quamprimum nempe spiritus dulces absumpti sunt, nisi & sulphur una abjiciatur, adustionem necessariò appor-<sup>Amaritudo</sup> tat, atque adeò amaritudinem. <sup>dulcedine</sup> Adustionis autem nomine intelligo, reductionem quandam crassi sulphuris ad medium activitatis sive fusionis statum : fusionem illam dico, quæ facit ut volatilitati magis appropinquet. Nam spiritus dum nituntur fieri volatiles, larémque pristinum deferere ; hoc ipso motu conantur torpidiora elementa, aquam putà, salem, sulphur, & terram unà secum avehere : ista verò, utpote ponderosiora, crassiora, adeoque ad motum æquè celerem inepta (aquam

(aquam tamen in hoc censu non habeo) dum renituntur; ut plurimum haud ultra fusionis statum progrediuntur: qui in sulphure idem est cum eo, quem adustionem dicimus. Quemadmodum autem jam diximus principii salini fusionem, esse causam aciditatis illius, quæ dulcedinem sequitur; ita pariter adustio sulphuris, causa est amaritudinis, quæ dulcorem comitatur. Sulphur enim ad medium statum erectum, præ sale, donando saporis pollet; ideoque res, in qua inest, non accescit quidem, sed amarescit: qui sapor sulphuri proprius est, quotiescunque aduritur.

*Quomodo  
dulcia ama-  
rescant.*

Calor evidenter adustionis est causa, & cum ea simul amaritalem manifestè producit. Nonnulla, si ad focum diutulè coquantur, protinus amaritudinem consciscunt: ita lac, nisi continuè circumagatur, aduritur, atque amarescit. Oleum amygdalarum dulcium, butyrum insulsum, & similia, igni imposita, dulces suos spiritus brevi amittunt, fiuntque rancida & amara. Glycyrrhiza pariter longâ coctione amaritudinem quandam manifestè contrahit: quod etiam melli commune est, licet aliàs ab eo sapore quàm maximè alienum sit. Carnes etiam adultæ, sive id elixatione, sive assatione, sive coctione in furno factum sit, amarorem aliquem subito acquirunt. Nec solum ignis calor hunc sorem inducit, sed & quilibet alius, qui spiritus dulces à crassioribus elementis separat: eà tamen lege, ut mistura adeò maera tenuisque non sit, ut vel nihil sulphuris in se contineat, vel pauxillum illud, quo fruitur, unà cum fugitivis spiritibus amandet foras: sicuti in parando aceto usque venit. Aliter enim, absumptis semel spiritibus, duloibus, quod superest, amaroris, non autem a-

coris

coris fit particeps : quemadmodum in fructibus putrescentibus videre est. Certè in pomis maturis nullum amaritudinis vestigium deprehendas : postquam tamen, accedente motu putrefactivo, spiritus illius dulces omnes avolârunt, protinus evidenter amarescunt. At enim mespila, inquis, & forba, citra amaritiem, putrescunt. Falleris plurimùm ; quæ enim putredo dicitur, est eorum vera maturitas ; spiritibusque illorum dulces non, nisi ubi plenè maturuère, absumentur : uti satis constat, ex sapore eorum etiam tunc temporis dulci, vivido, atque eleganti, & austeritate illorum præcedaneâ. Pyra, inter putrescendum, minùs amarescunt ; ob principii sulphurei in iis pauperiem, propter quam haud integro potitur dominatu : sed, simulac putrescere incipiunt, nauseosâ dulcedine perfunduntur ; quòd spiritus eorum dulces nondum omnes abierint : postea verò amarities in ipsis quoque est manifestaria. Ad acidiores fructus quod attinet, sunt illi magis adhuc famelici ; & quoniam sulphuris eorum & salis tanta est paupertas, ut principatum obtinere nequeant ; amissis spiritibus, statim veluti animam effiant & vappescunt. Quamobrem concludendum censeo, eundem calorem, sive *motum expansivum*, qui spiritus dulces corporis alicujus mixti (in quo insit sulphuris proportionata quantitas) dissipat ; si eadem operâ sulphur illud non expulerit, necessariò idem adurere, atque amaritudinem in eo progignere.

Ut verò jam constet, quomodo hæc sanguini *Sanguis est liquor opulens.* convenient ; dicendum primò, nobilem hunc liquorem, haud esse jejunam famelicâve misturam aliquam, verùm in se complecti elementa primitia,



(aquam tamen in hoc censu non habeo) dum renituntur; ut plurimum haud ultra fusionis statum progrediuntur: qui in sulphure idem est cum eo, quem adustionem dicimus. Quemadmodum autem jam diximus principii salini fusionem, esse causam aciditatis illius, quæ dulcedinem sequitur; ita pariter adustio sulphuris, causa est amaritudinis, quæ dulcorem comitatur. Sulphur enim ad medium statum evectum, præ sale, donando saporis pollet; ideoque res, in qua inest, non acescit quidem, sed amarescit: qui sapor sulphuri proprius est, quotiescunque aduritur.

*Quomodo  
dulcia ama-  
rescant.*

Calor evidenter adustionis est causa, & cum ea simul amaritatem manifestè producit. Nonnulla, si ad focum diutulè coquantur, protinus amaritudinem consciscunt: ita lac, nisi continuè circumagatur, aduritur, atque amarescit. Oleum amygdalarum dulcium, butyrum insulsum, & similia, igni imposita, dulces suos spiritus brevi amittunt, fiuntque rancida & amara. Glycyrrhiza pariter longâ coctione amaritudinem quandam manifestè contrahit: quod etiam melli commune est, licet aliàs ab eo sapore quàm maximè alienum sit. Carnes etiam adultæ, sive id elixatione, sive assatione, sive coctione in furno factum sit, amarorem aliquem subitò acquirunt. Nec solùm ignis calor hunc saporem inducit, sed & quilibet alius, qui spiritus dulces à crassioribus elementis separat: eà tamen lege, ut mistura adeò maera tenuisque non sit, ut vel nihil sulphuris in se contineat, vel pauxillum illud, quo fruitur, unà cum fugitivis spiritibus amandet foràs: sicuti in parando aceto usque venit. Aliter enim, absumptis semel spiritibus, dulcibus, quod superest, amaroris, non autem a  
coris

coris fit particeps : quemadmodum in fructibus putrescentibus videre est. Certè in pomis maturis nullum amaritudinis vestigium deprehendas : postquam tamen, accedente motu putrefactivo, spiritus illius dulces omnes avolârunt, protinus evidenter amarescunt. At enim mespila, inquis, & sorba, citra amaritiem, putrescunt. Falleris plurimùm ; quæ enim putredo dicitur, est eorum vera maturitas ; spiritusque illorum dulces non, nisi ubi plenè maturuere, absumuntur : uti satis constat, ex sapore eorum etiam tunc temporis dulci, vivido, atque eleganti, & austeritate illorum præcedenâ. Pyra, inter putrescendum, minùs amarescunt ; ob principii sulphurei in iis pauperiem, propter quam haud integro potitur dominatu : sed, simulac putrescere incipiunt, nauseosâ dulcedine perfunduntur ; quod spiritus eorum dulces nondum omnes abierint : postea verò amarities in ipsis quoque est manifestaria. Ad acidiores fructus quod attinet, sunt illi magis adhuc famelici ; & quoniam sulphuris eorum & salis tanta est paupertas, ut principatum obtinere nequeant ; amissis spiritibus, statim veluti animam effiant & vappescunt. Quamobrem concludendum censeo, eundem calorem, sive *motum expansivum*, qui spiritus dulces corporis alicujus mixti (in quo insit sulphuris proportionata quantitas) dissipat ; si eadem operâ sulphur illud non expulerit, necessariò idem adurere, atque amaritudinem in eo propignere.

Ut verò jam constet, quomodo hæc sanguini *Sanguis est liquor opulens.* convenient ; dicendum primò, nobilem hunc liquorem, haud esse jejunam famelicâve misturam aliquam, verùm in se complecti elementa primæ

ceria, spirituum uberem copiam, & sulphuris etiam siue pinguedinis debitam proportionem: ne quid nunc amplius dicam. Ideoque, si suaves ejus spiritus continuè disperdantur, necesse est, ut calor (dispendii illius autor) sulphur quoque crassum adurat, atque eidem amarorem conciliet, humoremque adeò felleum progeneret. Cum enim spirituum in sanguine sit ingens copia; oportet etiam calor, siue expandendi nifus, iisdem proportionem respondeat; ceteroquin enim spiritibus illis omnibus dissipandis minimè sufficeret: sin autem suffecerit, necesse est (ob rationes jam dictas) ut sulphuri quoque adustionem imprimat. Quare docendum est, spiritus sanguinis dulces perpetuò absumi.

qui fiat, ut  
spiritus ejus  
dulces pro-  
fugiant.

Non est dubium, quin præviâ fermentatione, spiritus dulces cæteris partibus elementaribus faciliùs dissipentur: sicut ex celeri eorum inter distillandum ascensu, modò demonstravimus. Si igitur calor vitalis eundem effectum in chylo sanguinéque producit, quem fermentatio in aliis ministris; nempe si exuscitat spiritus ad volatilitatem: necesse est, hos sic exaltatos faciliùs exhalarì, quàm alia quælibet ponderosiora crassioraq; ejusdem sanguinis principia. Fermentatio autem est calor intus exorìens, ob luctam inter spiritus & partes crassiores; dum illi conantur sese expandere, atque avolare, hæc verò illi nifui adversantur. Similiter, vitalis calor provenit ab interna concertatione, inter spiritus sanguinis vitales, hujusque elementa crassiora; dum illi id sedulò agunt, ut tum ipsi, tum sanguis reliquus dilatentur; hæc autem isti conatui oppidò reluctantur. Adeoque fermentatio & vitalis calor in hoc conveniunt, quòd in

in utroque spiritus nitantur sese expandere; hoc autem sine volatilitatis gradu aliquo fieri non potest. Quippe volatilitas haud aliud significat, quàm avolandi conatum, nisi aliunde reprimatur. Quamobrem dicendum est, calorem vitalem spiritus sanguinis dulces ad fugam pronos reddere, faceréque ut in aërem evanescant. Posset hoc ipsum luculentius multò declarari, si modò nunc animus esset, caloris naturam universè explicare; ac deinde ostendere, quantum discrepet calor vitalis, ab igneo, à maturationis etiam, putrefactionis, & fermentationis caloribus. De quibus omnibus tractatulum muginabar: ille verò cum prolixus nimium, & à proposito nostro remotior videretur, placuit ab incepto desistere. Quare hic solum addam, quibus gradibus spiritus, à primo eorum in corpus unà cum alimentis ingressu, ad volatilitatem suam, exitumque progrediantur.

Cibi solidi, cum primùm deglutiuntur, spiritus <sup>Spirituum</sup> suos fixos in se continent; qui brevi tempore in <sup>horum ex-</sup> ventriculo, potulentæ materiæ admistione, atque <sup>halationis</sup> fermentationis ope, ad <sup>series, à</sup> statum secundum (fusionis <sup>primo usq;</sup> nempe) perducuntur. In hoc statu, nutrimenti <sup>nutricatu.</sup> solidi partibus opimioribus, per modum liquationis aut tincturæ, cum potu permistis; profluit lacteus quidam succus, quem *chylum* dicimus; estq; liquor suavibus, mitibus, atq; delicatis spiritibus refertus. Simul ac verò lenes hi spiritus ad cor pertingunt, ibidémq; cum vitali sanguine commiscuntur; paulatim ad *tertium statum*, volatilitatis nempe, promoventur; fiuntq; jam subjecta idonea, in quibus calor vitalis niduletur; ideòq; proximo eorum ad cordis ventriculos recursu, accenduntur, evaduntq; *spiritus vitales*. Quippe spiritus vitales, ab  
iis,

iis, quos unâ cum alimentis accipimus, haud aliter discrepant, quàm præparationibus atque exaltationibus jam dictis; quòdque calor vitalis in ipsis tandem accendatur. Sciendum autem cor ad exiguum quasi punctum minimè contrahi, neque omnem sanguinem vitalem è ventriculis suis expellere; sed plusculum hujus, finitâ contractione, in illis etiamnum superesse. Residua autem hæc sanguinis portio, alium è venis in ventriculos illos reducem accendit, facitq; ut sit sanguis vitalis. Observandum porrò, esse in sanguinis spiritibus volatilitatis complures gradus; neque eos (nisi post frequentes circulationes, novâsque plurimas in corde accensiones) ad summum illius gradum pertinere. Nonnulli quidem spiritus quibusdam sanguinis partibus firmiter magis, quàm alii, uniuntur; adeoque quidam paucioribus, quidam pluribus circuitibus ad summum volatilitatis apicem perducuntur: omnes tamen, temporis tractu, eò perveniunt. Enimverò in unaquaque circulatione magis magisque subtiles evadunt, debentq; tandem necessariò ad supremum fastigium pertinere. Quò ubi perventum est, proximâ statim circulatione (licet à parietibus cordis, arteriarumq; tunicis, quandiu in illis locis sunt, coërceantur) quamprimum ad corporis habitum delati fuerint, sicut eundem calefaciunt ac vivificant, ita ipsimet avolant, & in aërem disperguntur, ablati unâ secum plurimis aquosis, & fortè sulphureis nonnullis exhalationibus. Dúmque hoc pacto agiles hi spiritus diffugiunt, alii minùs volatiles, à partium, quas transeunt, frigidiore temperie aliquantulum reprimuntur, validùsque eorum motus expansivus plurimùm compescitur; cessâtque adeò micatio;

micatio ; & sanguis, in quo insunt, ex arterioso sive vitali, fit denuo venosus seu naturalis ; talisque permanet, donec ad cordis focum postliminè redierit.

Equibus facillè videre est, quanti Naturæ <sup>Quantus sumptus Natura faciat, ut vitam tueatur.</sup> con-  
stet, ut calorem vitalem perennem tueatur : nempe haud minoris, quàm jugi spirituum sanguinis maximè volatiliùm dispendio. Quippe calor iste intus exoritur, eidemque excitando subtilissimè spiritus primi motores sunt. Quisnam autem eorum motus ? Nituntur nimirum sese expandere, finisque suos ampliare ; dum interea alia sanguinis elementa, eorum conatibus adversantur. Atque hæc *lucta* essentiam caloris generalem exhibet. Addendum tamen porrò, spiritus nunc præpolle-  
re, sanguinisque massam attollere sive tumefacere ; nunc verò crassiora elementa, auxiliante cordis atque arteriarum contractione, motum illum retundere ; indeque fieri sanguinis micationem. Quoniam igitur calor vitalis consistit in nisu spirituum rarefactivo, crassiorumque partium renixu ; & quoniam spiritus ex parte, saltē alternatim, triumphānt & dominio potiuntur ; veritati sanè consentaneum est, calorem illum, absque spirituum sanguinis maximè volatiliùm perpetuā jacturā, conservari non posse.

Haftenus id egi, ut spirituum sanguinis dissipatio à priori innotesceret : licebit porò eandem <sup>idem de-</sup> quoque à posteriori confirmare ; instituto nempe <sup>monstratur</sup> computo à magnitudine evacuationis, quæ per in-  
sensibilem transpirationem perficitur. <sup>à posteriori.</sup> *Sanctorius* <sup>transpirati-</sup> certè, in *Medicina sua Statica*, deprehendit, eorum, <sup>onũ insigne</sup> quæ comedimus & bibimus, plus quàm dimidium per insensibiles halitus absumi. Quod quidem in <sup>momentum.</sup>

moderatè bibentibus verum esse arbitror, non autem in iis qui aquas acidulas potant, aut vini cervisive ingentes cyathos exiccant: quoniam isti, quem hauserunt potum, ferè omnem paucis pòst horulis reddunt. Cæteroquin ingens est, procul omni dubio, huiusmodi evacuatio; potèstque eadem vel ex halitu, quem cum anima perpetuò expiramus, ulterius dignosci. Nam, si rem rectè putemus, altero ferè tanto ampliùs expiramus, quàm inspiramus; spiritùque aliquoties in speculum illiso, nubecula statim, roris instar, oboritur. Atque ad aliarum partium exhalationem quod attinet, si calidioris pollicis interiorem partem prope argentum aut stannum expolitum admoveris, halitus indè emigrans metallum illico inficiet. Cogitanti verò, idem à reliquis quoque omnibus corporis partibus, idque singulis momentis, fieri; haud multùm profectò absonus videbitur *Sanctorii* calculus. Non existimo tamen, omnes istas exhalationes esse spiritus evaporatos; nam si centesima earum pars tales fuerint, mihi abundè suffecerit. Atqui oportet sanè bona earum pars sint spiritus: neque enim verisimile est, exhalationes hæc omnes ab eorum expansivo nisu foràs cieri, ipsorùmq; interea nihil avolare. Quapropter concludendum censeo, spiritus sanguinis dulces à calore vitali perpetim rarefieri, tandèmq; in aërem facessere.

*Excrementorum sanguinis generatio,*

Concesso itaque, quasdam sanguinis partes (easque certè, quarum spiritus minùs arctè crassioribus elementis uniebantur, vel quæ plurimùm à calore vitali passæ sunt) spirituum suorum dulcium omnem penum absumpsisse: cui usui, quæso, fuit massa residua? Non potest profectò ampliùs esse subiectum caloris vitalis, neque eidem inserviet; sed

sed potius damnum afferet. Quippe sulphur ejus, spirituum ad avolandum nisu, amaritudinem contrahit; caputque mortuum, cum salina parte conjunctum, aptum est coagulari ac lapidescere; parsque aquosa est prorsus inutilis. Quamobrem hæc non amplius, ceu partes sanguinis, æstimanda veniunt; sed tanquam excrementa habenda, forasque corpore eliminanda sunt.

Ut clarius constet, quantum pars hæc amara atque adusta cum humore bilioso conveniat; addo amplius, reliquias massæ sanguinis emortuæ jam dictas (absumptis semel spiritibus, qui imperio suo partes unitas conservabant) illico pronas esse ad diversa studia, inque partes varias secedere: planè ut in sanguine usu venit, dum venæsectione eductus in lance torpescit. Ibi enim caseosæ sive grumosæ partes, quæ maximè elaboratæ, & ad fusionem quandam perductæ, indeque visciditatem nactæ sunt, in summo natant, ad instar cuticulæ aut membranæ; aliæ verò ejusdem generis partes, fusionem visciditatemque illam nondum indeptæ, in imo subsidunt; serosæ autem ac potulentæ, easdem circumfluunt. Similiter & hæc sanguinis reliquiæ, aptæ natæ sunt ab invicem recedere: partes enim caseosæ, ad fusionis statum perductæ, facillè coagulantur, fitque inde pituita sive phlegma; tartarus autem, id est, partes salinæ & terrestres simul mixtæ, facillè potulentæ materiæ associantur; à qua etiam servantur fluidæ, & cum qua à puro sanguine segregantur, & urinam constituunt: sulphur verò adustum cum sero inseparabiliter commiscetur; eoque pacto humoris (biliosi nempe) speciem induit. Rationes autem (quibus adducor, ut credam, sulphur adustum cor-

*illis natura  
explicanda  
conducit.*



potulentiam suam à sero mutuari, & potius ab hoc, quàm à parte potulentâ aut pituitosâ) hæc sunt: Primò, quantitas adusti sulphuris in humore felleo est perexigua, (licet virtute præpolleat, & dominio potiatur) adeoque alio humore accessorio opus habet, ut consistentiam illam, quam obtinet, nanciscatur. Est autem humor iste sero maxime affinis, nimiam verò cocturâ aliquanto crassior apparet; eandemque ob causam, ad fusionis statum perductus, forsitan haud adeò facilè coagulatur: cæteroquin substantiâ cum eo convenit; nempe friabilis est, aut saltem non viscidus, uti oportuit, si à phlegmate provenisset. Non potuit itaque, nisi à sero, naturam illam humoris adipisci. Præterea, phlegmate multò tenuior est, multoque crassior quàm urina, proximèque ad seri consistentiam accedit. Quinetiam ejusdem cum sero coloris est; nisi quòd, ob adustionem, aliquantò saturatius flavescat. Denique, res hæc porrò confirmatur observatione illâ, cujus antea meminimus. Erat nempe apud nos mulier cachectica, in cujus vesicula felleâ deprehendimus humorem serosum, pallidumque, minimè amarescentem, sed insipidum potius dulcique proximum. Credibile sanè est, calorem vitalem in ea pauperiorem fuisse, quàm ut adustionem efficeret; adeoque excrementum illud citra amaritudinem expurgatum esse. Utcunque, indicio est, serum necessariò ad humoris fellei structuram concurrere.

*Capitis hu-  
jus summa-  
rium.*

Ut itaque propositionem hanc finiam; assero, calorem vitalem, continuâ spirituum dulcium depredatione, necessariò tandem in crasso sanguinis sulphure adustionem atque amaritudinem efficere; idemq; sulphur amarum in seroso humore hospitan-

tans, & cum eodem commixtum, esse ipsum fel-  
leum humorem; adeoque bilem hanc in animalibus  
necessario produci.

## CAP. XL.

*Propositio tertia.*

**A**Sserimus tertio, Sanguinem, in quo biliosus  
iste humor maximè abundat, in circuitu suo  
per celiacam & mesentericas arterias ad ventricu-  
lum, intestina, lienem, pancreas, mesenterium, &c.  
(sed præ cæteris ad ventriculum & intestina) ten-  
dere; humorémque illum amarum, transitu per  
eas partes factò, præviam quandam dispositionem  
acquirere, quò faciliùs à sanguine secernatur.

In superiore jam propositione, humoris fellei  
generandi modum ac necessitatem explicuimus:  
nunc porro inquirendum restat, quid de ipso post-  
modum eveniat; & primò quidem, quâsnam alte-  
rationes aliòsve motus subeat, priusquam à san-  
guine separetur.

Diximus quoque antea, massam sanguinis emor-  
tuam, quamprimum omnibus suis dulcibus spiri-  
tibus orbata fuerit, (quorum miscellâ partes illius  
veluti ferruminabantur) novis rebus itudere, sive  
in phlegma mucosum, bilem, ac tartarum sece-  
dere. Quæ partes, quemadmodum ad separatio-  
nem ab invicem faciendam proclives sunt, ità eti-  
am propensæ sunt suis quzlibet familiis aggrega-  
ri: indèque fit, ut partes congeneres alias alias in  
arteriis, ceu continuato filo, sequantur; adque

*Partes con-  
similes fa-  
cile congru-  
guntur.*

*Unio istius-  
modi quo-  
nam usque  
in sanguine  
procedat.*

eos ramos tendant, per quos minimo negotio ad consimilis materiæ promptuaria deduci possint.

Non tamen usq; eò progreditur hic congregandi sive uniendi conatus, ut elementorum horum cujuspiam perfectam à sanguine secretionem instituat; sed cum eodem mixta ac veluti confusa etiamnum manent; nec potest sanguis, citra organi alicujus opem in eum finem extructi, sese ab eorum consortio liberare. Id solum hac ad coëundum propensione efficitur, ut sanguis excrementorum horum quorumcunq; copiâ abundans, ad ea organa se conferat, quorum operâ ab iisdem commodissimè separari queat. Atq; adeò tartarus parti sanguinis maximè potulentæ (à qua etiam fluidus conservatur) associatus, ad arterias emulgentes rectà pergit, & ab illis in renes impellitur; quos dum transit, factâ colaturâ à sanguine secernitur, urinæq; formam induit: humor autem mucosus & felleus, haud protinus actu ab invicem separantur; verùm sanguis, qui humoribus hisce maximè abundat, cum iis unâ ad arterias cœliacas & mesentericas tendit; atq; earum auxilio ad ventriculum, intestina, lienem, &c. deferitur.

*e. 18. pro-  
pos 12.  
Probat  
hic unionis  
conatus.*

Si quæras unde id compertum habeam: dico, me jam antea evicisse, humorem felleum, in sua vesiculâ, poro bilario, ductûque communi convalescentum, in eum finem ibidem asservari, ut sanguinem in aorta biliosis humoribus refertissimum, inde versùs cœliacos & mesentericos ramos alliciat, horumque exortus vasis istis felleis è directo appositos esse, ut attractio hujusmodi faciliùs perficiatur. Nunc autem porrò addo, humorem pituitosum sive phlegma inanimum, per eisdem ductus humorem

humorem felleum comitari. Cum enim uterque humor in eadem sanguinis massa stabuletur, eademque vasa utrunque ad illas partes deducant, eum quibus maxima illis familiaritas intercedit; nulla profecto ratio est, cur haec ab invicem segregentur. Quippe pituita non minus ventriculo & intestinis, quam humor biliosus vasis felleis affinis est: siquidem illorum interiora humore mucoso, phlegmati huic emortuo persimili, veluti incrustantur. Quamobrem humores isti ambo ad eadem loca pelluntur, necdum à se invicem secedunt, verum sibi mutuo potius comitatum praestant, ut quod itineris est reliquum felicius expediant.

Ubi humores isti hoc pacto in arterias coeliacas & mesentericas allekti sunt, biliosa quidem *Quomodo bilis versus intestina pellitur.* pars (reliquum itineris quod attinet) in neutram partem obnoxia est, verum susque deque habet, in quasnam potissimum vasorum horum ramificationes pertendat: pars verò pituitosa manifestè ad eos ramos allicitur, qui ad ventriculum & intestina perducunt; ubi etiam ejusdem humoris magna copia est, qui eam illò versum sollicitet. Debet itaque humor biliosus (saltem pars ejus major) nondum actualiter à dicto phlegmate separatus, nam cum eo ad ventriculum & intestina deferri. Atque haec quidem humor felleus pituitam comitatur.

Verum cum arteria sanguinem, humoribus pituitosis ac biliosis refertum, in ventriculi interiorumque tunicis effundunt; sit, ut pars pituitosa medio itinere hæreat, nec possit (ob visciditatem suam, viarumque angustias) sanguinem praeventem, in extrema venarum oscula, arteriarum effluentium oculis respondentia, sequi: qua-

propter, vel transfudatione, vel per meatus insensibiles, in ventriculum & intestina rejicitur: nempe, pars illius acidior in ventriculum fertur, ubi acidi istiusmodi humoris magna copia est, quæ eandem ad se proleſcet; partes verò insipidæ ad intestina abiguntur: prior illa appetitum stimulat, & concoctioni promovendæ fermenti locum supplet; posterior autem intestinorum transitum lubricitat: utraque verò partes suas incolumes ab alimentorum injuriis tutatur. Ideoque ventriculus & intestina viscoso istiusmodi mucos nunquam destituuntur, noviusque continuè accedit, priusquam vetus omnis in cloacam proturbatus fuerit.

*Et à bile  
deferitur.*

Atque hic quidem loci humor biliosus phlegmati valedicit, & cum sanguine potius in posterum societatem init: ac propterea cum eodem ex arteriarum finibus, per intermediam intestinorum aut ventriculi substantiam, in venarum appositarum extrema transmigrat. Quod etiam eò facilius fit, quia non est (ad instar phlegmatis) humor viscidus, sed potius aperitivus, magisque certè, quàm ipse sanguis, per angustia penetrabilis. Et, quod amplius est, nulla reperitur attractio similis, quæ efficiat ut phlegmati sese ulterius socium præbeat; sed quoniam major illi cum sanguine intercedit familiaritas, hunc potius (ut diximus) in venarum confinia comitatur.

*Cur bilis  
versum in  
testina ten-  
dat.*

Quorsum autem humor iste è via seducatur, inque partes illas transferatur, quibus neque attrahendi illius facultas aliqua, nec à sanguine separandi potestas est? Respondeo: Sanguis biliosus, ut suprà demonstratū est, in celiacā & mesentericas arterias validè satis attrahitur: eò autem ubi perventum est, hieri non potest, quin earum ductum sequatur. Illæ verò  
unicum

unicum solum ac pertenuem ramulum, hepaticum dictum, in jecur transmittunt; neque hic etiam in illius parenchyma, sed vasa duntaxat distribuitur. Quare, cum neq; coeliacæ neq; mesentericæ arteriæ rami ulli immediatè ad ipsum parenchyma deferantur; necesse equidem est, ut humor iste per earundem arteriarum alios ramulos circunducatur; & quia pituita (quæ ipsa ad ventriculum atque intestina attrahitur) illi etiamnum comes est; oportet sanè illum (saltem maximam ejus partem) unà cum phlegmate isto, per ramos ad ventriculum & intestina disseminatos, modo jam dicto derivari.

Positâ quidem, ais, ut nunc se habet, vasorum distributione, ratio illa verisimilis videtur; cur autem vasa illa ità ab initio fabricata sunt? Naturæ enim haud minis in proclivi erat, in ipso formationis exordio, arterias extruere, quæ sanguinem biliosum viâ rectâ & compendiariâ ad hepatis parenchyma deducerent, perque idem distribuerent; quàm alium sanguinem ad cæteras corporis partes traduxit. Et cur hepar solum, præ reliquis partibus, sanguine vitali non nisi secundariò fruatur; idque per venam; cum aliæ omnes partes immediatè ab arteriis irrigentur? Reputantibus sanè, hanc fabricam in omnibus indiscriminatim animalibus reperiri, fatendum necessariò est, id non sine gravissima causâ à Natura ità institutum esse. Fortasse dixeris, parenchymatis illius debilem friabilémque constitutionem immediato arteriæ impulsui ferendo non suffecisse. Neque ego planè negaverim, hanc esse posse distributionis illiusmodi causam præcipuam: etiamsi in contrarium regeri possit, lienis parenchyma majoris esse teneritudinis, & conspicuas tamen arterias

*Cur sanguis  
hepatis per  
venas sup-  
pedietur.*

arterias in ipsum disseminari. Esto tamen hæc causa principalis : sunt nihilominus aliz præterea huic accensendæ.

Primò enim videtur necessarium, ut humor biliosus phlegma comitetur, donec ventriculū & intestina prætergressus fuerit. Quippe confessa res est & manifesta omnibus, mucosum hoc excrementum ventriculo intestinalisque obstruendis peritoneum esse, nisi bilis istuc cum eo simul appelleret : hæc namque est humor aperiens ac detergens, neque angustos partium earum meatus facile à viscida pituità oppilari sinit. Quæris hujus rei specimen ? Illos aspice, in quibus (præservidi temperamenti cum sint) humor felleus abundat ; videbisq; ventriculos & intestina eorum rarissimè mucosis infarctibus oppleta esse ; contrà autem in frigidis constitutionibus (præsertim in chlorosi & cachexiâ laborantibus) partes illas permagnâ viscosa phlegmatis copiâ præpeditas reperies.

Secundò, humor ipse felleus videtur ulteriore quadam præparatione indigere, priusquam commodè à sanguine separari queat. Nam si bilis rectà ad hepar iret, vix fieri posset, quin aliquid phlegmatis hujus emortui eodem unâ raperetur ; quoniam humores isti, quandiu in arteriis manent, haud facile actu ab invicem secedunt ; & quotiescunque secernuntur, id, nisi phlegmatis primùm recessu, nequaquam fit. At verò si sanguis biliosus cum mucoso phlegmate permixtus, ad hepar (obstructionibus tantopere obnoxium) tetendisset, vix unquam sanè ab oppilationibus fuisset liberum. Ideoque opus erat, ut, antequam bilis ad hepar accederet, pituitosum hoc excrementum actu ab illa segregaretur.

Præterea,

Præterea, videtur humor felleus sanguini firmiter adhærescere; quòd in feri illius parte fundatus sit, nec faciliè ab illo, citra ulteriorem præparationem, separari possit. Idcirco necessumerat, ut hoc pacto per ventriculi atque intestinorum ambitus circunderetur; quòd, partes hæc pertransiens, ad secretionem faciendam porrò fieret inclinatio. Hoc quidem, opinor, nemo negaverit; esse in ventriculo fermentandi vim acerrimam: idque aciditas illius, ciborumque solidorum festinata dissolutio atque coctio luculenter evincunt. Consimilem quoque fermentandi potestatem in intestinis reperiās; quā sit, ut humores in iis nimidum subacti, faciliè ad putredinem proni sint. Dico præterea, humores impuros nullo meliore compendio, quàm fermentationis operā, ab invicem sejungi. Quippe notum est, vinum ac cervisiam, factā semel fermentatione, promptissimè defæcari; sine illa autem id nunquam contingere. Quamobrem summopere ex usu erat, ut sanguis plurimā bile onustus, hoc pacto ad ventriculum & intestina circumiret, priusquam ad organum secerendæ bili destinatum pertingeret; ut sic nempe acquisito fermentationis modulo, fieret postea magis separabilis. Ratum est itaque, Naturam haud temere biliosum humorem tanto circuitu deduxisse; quoniam hac arte separationem illius tutiorem facilioremque reddidit,



## CAP. XLI.

*Propositio quarta.*

**D**icimus tandem, sanguinem, in quo amarulentus humor, hoc modo ad separationem præparatus, stabulatur, non debuisse ad cavam reverti, antequam actu ab eodem secerneretur; hepárque solum huic officio esse accommodum.

*Quo itinere  
sanguis ad  
Portæ truncum  
perve-  
niat :*

Explicuimus jam superiore propositione, quantâ circuitione sanguis biliosus ad ventriculum & intestinâ decurreret, quidque eo itinere præparationis nancisceretur. Perduxeramus eum nempe in capillares venas ventriculi, intestinorum, &c. Indè verò è minoribus vasis in majora facillè pertransit, tandèmq; in Portæ truncum ingreditur. Sed gradus hic nobis paululum sistendus est, priusquam illius ductum ulterius prosequimur.

*Et cur indè  
in cavam  
immediatè  
haud trans-  
feratur.*

Venæ hujus truncus, cavæ valdè propinquus est, potuissètque proculdubio (si Natura ità rebus suis consultum putâssèt) facili negotio in eandem terminari : quinetiam hoc pacto sanguinis circuitus multò expeditior fuisset ; effuso nimirum illo è Porta immediatè in cavam, quàm translato eodem in ambagiosum hepatis parenchyma. Quippe ut illac iret, haud alio molimine opus erat, quàm ut Porta digiti unius alteriùsve transversî spatio protenderetur, quò cavam attingeret, in eandèmq; adeò infereretur. Iter autem istud per hepar, non solum anfractuosum est, sed etiam periculi plenum ; nè, factâ alicubi obstructione, sanguinis curriculum

curriculum interrumpatur. Porro, ad hanc rem requiruntur plurimæ illæ subtiles divisiones & subdivisiones (quas suprà memoravimus) venæ Portæ, & cavæ, aliorumque hepatis vasorum ad minima usque capillaria per illud disporum, atque etiam tam ingens ipsius parenchyma. Illis verò ambagibus ac mæandris, obstructionum quoque periculis, atque operosis structuris, hepatisque prægrandi mole, nihil opus fuisset, si modò Porta sese immediatè in cavam exonerasset: neque minus etiam hoc pacto circuitioni sanguinis prospectum esset; utpote quæ nihil aliud desideret, quàm ut sanguis à cœliaca & mesentericis arteriis protrusus, in cavam denuo, indeque ad cor ipsum regrediatur; quod sanè Portæ immediata in cavam apertura facillimè præstitisset.

Non equidem existimandum est, Naturam (quæ semper viâ compendiariâ utitur, nihilque unquam incassum instituit) omnia hæc diverticula & molimina in nullum finem extruxisse; vel in illum solum, ad quem sine illis perveniri possit. Ac propterea fatendum est, ob insignem aliquem usum contigisse, quòd sanguis hoc pacto per hepatis parenchyma, non autem immediatè in cavam revertatur.

Atq; ut usus iste nobis clariùs innotescat, ipsum sanguinem è Porta reducem propiùs intueamur. Diximus, eum humore felleo inquinatum, àdque hunc à se amoliendum jam omnino præparatum esse: quare nisi ad partem aliquam, ubi commodè secerni possit, deferatur; non modò præparatio isthæc omnis inutilis fuerit, sed & bilis in cavam recipietur, tractûque temporis totam sanguinis massam amarore polluet. Ideoque necesse erat,

*Hepatis usus evincitur.*

rat, ut impurus hic sanguis ad hepar primū diverteret, ibidēmq; defecatio evaderet, priusquam in cavam ingrederetur.

cap. 30:

Præterea, si modum spectemus, quo sanguis hepar pertransit; assertio hæc nostra porro confirmabitur. Neque enim per anastomoses perficitur, ut plurimi falsò arbitrati sunt, nōsque antea refutavimus; sed percolatur solū per hepatis parenchyma. In quem autem finem isthæc colatura? Oportet sanè vel *alterationi* cuiuspiam, vel *separationi* inserviat: alteratio verò hic nulla effingi potest; quoniam liquor pertransiens, sanguinis formā ingrediebatur, nec diversā egreditur. Quamobrem separationis causā id fieri oportet. Quidnam autem secernitur? Nihil profectò à sanguine separandum per Portam ad hepar desertur, præter humorem biliosum, qui eidem commiscetur; neque aliud quicquam colaturā per hepar factā secernitur; quemadmodum poro bilario ad aperto manifestè dignoscitur.

cap. 18.  
propof. 6.

Deinde, veritas isthæc ex ipsa hepatis fabricā clarè elucescit. Vix quicquam enim ad hepar, nisi per Portam, accedit; hujusque operā æqualiter in omnes ejus partes distribuitur: sunt autem duo diversa vasa, quæ humorem illatum egerunt; rami nempe cavæ, & pori bilarii. Quorsum verò humori efferendo bina vasa; si hic, postquam illatus fuerit, in duas species non dirimitur? Est certè porus bilarius vas concavum & tubulatum; quod frustra factum esset, si neque quicquam ad hepar afferret, nec aliquid ex eodem educeret. Et jam antea à nobis dictum est, humoris in poro bilario fluorem naturalem ab hepate ad intestina tendere: ideòque officium illius fuerit, aliquid indè

indè auferre. Quidnam verò auferat ? Oportet profectò quidpiam sit, quod ultimis suis capillaribus ex hepatis parenchymate exhauferit. Istius autem humorem felleum duntaxat esse, porus bilarius apertus manifestè indicabit ; quippe in isto, præter humorem illum, nihil reperias. Revocari hic quoque in mentem possint communitates illæ inter ramos Portæ, radicēsque cavæ & pori bilarii, quorum suprà fusè meminimus ; simulque eorundem vasorum in hepate distributiones, antehac <sup>cap. 21.</sup> nobis propositæ ; quæ omnia, structuram hepatis <sup>ca. 23. 24. & 25.</sup> huic mumeri peridoneam esse, liquidò testantur. Ego verò solùm memorabo æqualem illam capillariorum cujuslibet generis vasorum distributionem ad singulas parenchymatis partes ; quâ sit, ut Porta sanguinem in omnes illius partes ex æquo dispen- set ; porique bilarii capillaria per singulas ejusdem partes disseminata in promptu sint, ut humorem biliosum, cum sanguine ad quamlibet partem propulso commistum, indè exugant ; & similiter venæ cavæ capillaria ubiq; adsint, ut sanguinem jam depurgatum in se proliciant. Idèoque totum hoc opus minimo negotio ab hepate perficitur ; nec posset quispiam, ad hanc rem, structuram magis aptam comminisci. Idcirco ratum esto, hepatis integri officium esse, *sanguinem impurum per Portam affluentem excipere, bilem ab eo secernere, nitidamque jam factum in cavam reducere.*

Antequam tamen huic rei finem impono, de officii hujus dignitate pauca dicenda sunt : enim- <sup>Officii be-  
patii digni-  
tas.</sup> verò haud aliud hujus generis munus in imo ventre præstantius reperias. Possent quidem renes, si qua alia pars, cum eodem de dignitate contendere : ipsi tamen, instituto hujusmodi certamine, expetitâ

expetitâ laude frustrarentur. Primò enim hepar ambos simul renes amplitudine longè exuperat, & interna etiam illius structura multò elegantior atque elaboratior conspicitur. 2.<sup>o</sup> Humor biliosus, quàm serosus, difficiliùs secernitur; idque sive materiam ipsam, sive segregandi modum respexeris. Quippe bilis est humor crassior multò, quàm urina; nec potest ejusmodi colaturâ separari, quæ expressione mechanicâ potissimùm perficitur; quâ partes tenuiores premendo eliciuntur, crassioresque per alia vasa remeant. Ipse quoque bilem separandi modus est præstantior, utpote qui attractionem similem accuratam magis, quàm urinæ segregatio, postulet. Verùm de hujusmodi secretionem, postea pluribus agendum est. 3.<sup>o</sup> Bilis, si retineatur, pro rata proportionem plus damni apportat. 4.<sup>o</sup> Separatio bilis videtur ad urinæ quoque in renibus secretionem nonnihil contribuere; adedò ut, si bilis in hepate haud perfectè separata fuerit, urina etiam à renibus haud satis expurgetur. Atque hinc fit, ut in hepate obstructo, aut munerì huic obeundo aliter inepto, urinæ solitò pauciores profuant; sicuti in hydrope, scorbutò, &c. videre est. Et ob hanc etiam causam fortassis Veteres crediderunt, hepar primam urinæ segregationem aggredi, eamque postea ad renes amandare, quò ibidem perficiatur: etiamsi id statuendi causa illis primaria fuerit, sanguificandi potentia, hepatis ab iis nullo jure attributa. Vera autem ratio, cur hepatis mala renibus quoque incommodent, videtur ab urinæ incrassatione atque acrimoniâ (ob admistam bilem) arcessenda esse; quibus fit, ut in renibus multò ægrius transcoleatur. Denique, ab hepatis in fungendo officio suo erroribus

erroribus, plura morborum genera obveniunt, quàm ab alia aliquà in infimo ventre parte similiter malè affectà: veluti cachexia, hydrops, icterus, atrophia, fluxus hepaticus, flatulentia, asthma ob diaphragmatis compressionem, anorexia, cutis sceditas, & complura alia.

Quamobrem certum est, officium hepatis jam dictum (nempe ut secretioni atque excretioni bili-osi humoris, sanguinisque aded defæcationi infer- viat) esse ejus generis in inferiore ventre nobilissi- mum: & propterea, licet hepati principatum ab- solutum denegemus, dignitatis tamen prærogati- vam, quatenus ea à nobis explicata est, ipsi, præ- ceteris in eadem regione partibus, libenter conce- dimus.

## C A P. XLII.

*De Vasorum peculiarium, ipsiusque Parenchy-  
matis actionibus atque usibus particularibus: &  
primum de iis, qui à Porta, ejusque Ca-  
psulâ communi, atque arteriâ hepati-  
câ præstantur.*

Quamvis, statuto semel totius hepatis usu, ad vasorum quoque illius & parenchymatis acti- ones atque usus particulares dignoscendos, aliquo modo via pateat, supersunt tamen nonnulla pecu- liariter magis super iisdem inquirenda.

Ordiam à vena Portæ, quoniam illius ope hu- mores omnes in hepar deferuntur; eisque capsu- lam communem & arteriam hepaticam conjun-

G c

gam;

gam: idque propterea, quia actiones atque usus illius (nisi factâ mentione usus capsulæ communis, auxiliique ab hepatica arteriâ allati) vix satis plenè innotescunt. Addâmque insuper nervi hepatici usum singularem.

*Porta arteria affinis est.*

Quamprimum Porta parenchyma hepatis ingressa est, protinus de officio, naturâ, atque dignitate arteriæ participat: excellit nempe communis venæ conditionem, proximæque ad arteriæ perfectionem accedit. Videtur certè de hybridarum genere esse, intèrque venam atque arteriam ambigere.

Primò enim simulac vena isthæc hepar introiit, duplici tunicâ donatur, eoque pacto arteriæ constitutioni fit persimilis. Quippe arteria vestitur duabus tunicis, vena autem alibi non nisi unâ induitur. Sunt tamen arteriarum tunica crassiores, densiores, & robustæ magis, quàm illæ quibus Porta amicitur: idèoque licet uno nomine ad arteriæ naturam accedat, alio tamen eandem haud planè assequitur. Atqui verò, inquis, externa venæ hujus tunica haud ipsi soli convenit; verum est capsula aliis quoque vasis communis, præsertim poro bilario, atque aliquatenus etiam arteriæ & nervo hepaticis, uti superius dictum est. Respondeo: licet sit, ut diximus, capsula vasis illis communis, ità tamen ab eadem ambiuntur, ut nullo modo impendant, quo minùs venæ Portæ alterius tunica vicem præstet. Capsula enim illa Portam circumcirca (licet haud immediatè) amplectitur, nec minus roboris eidem affert, quàm si illam solam inclusisset. Adde, quòd vix sexta amplitudinis illius pars alia aliqua vasa attingat, sed tota ferè hanc immediatè complectatur. Quamobrem  
etfi

etsi fateamur, capsulam hanc reliquis quoque vas-  
sis in eadem involutis quodammodo communem  
esse; quia tamen pars ejus longè maxima, usûsque  
illius præcipuus Portæ inservit, poterit eo nomine  
propria hujus tunica censerî.

2.<sup>a</sup> Porta in hepate, beneficio capsulæ commu-  
nis & arteriæ hepaticæ, pulsûm aliqualem (licet  
debilem atque imperfectum) nanciscitur. Quoni-  
am enim in eadem capsulâ cum arteria hepatica  
includitur; necesse est, ut illa ab hujus diastole a-  
liquantulum comprimatur, & à systole ejus remit-  
tatur denuo; atque ad id dilatacionem & contra-  
ctionem alternatim experiatur. Quippe compres-  
sa, sanguinem necessariò coarctat, & (ad arteriæ  
modum) in hepatis parenchyma elidit; intermit-  
sa autem compressione illâ, relaxatur illico, & in-  
terea ab opere isto feriatur. Est itaque sanguinis  
per hanc venam distributio, admodum similis ei,  
quæ à vera arteriâ perficitur: fit nempe per dia-  
stolen & systolen, sive compressionem ac remissio-  
nem vicissim institutam; dicique meritò potest,  
imperfecta quædam pulsatio. Nolumus autem san-  
guinem, ab hac venæ illius compressione, æquali  
impetu ferri, atque in arteria verâ fieri solet; sed  
gradu longè dispari: eo tamen, qui sanguini per  
hepatis parenchyma transferendo sufficiat.

At verò, inquis, hujusmodi Portæ compressio  
sanguinem potius in truncum ejus ramósque ex-  
tra hepar positos retruderet: præsertim cum nulla  
valvula adsit, quæ recursum illum impediat. Re-  
spondeo: quoniam fluxio omnis in trunco Por-  
tæ, ejusque ramulis extra hepar, introrsum fer-  
tur, atque illò versùs à cœliaca & mesentericis ar-  
teriis impellitur; valvulâ nihil opus erat, quæ il-



lius reditum prohiberet; præcipuè cum diaphragmatis & musculorum imi ventris contrariis alternisque compressionibus eodem promoveatur. Quamobrem haud mirandum est, debilem hanc ramorum Portæ in hepate pulsationem, nulla ejusdem motûs clara vestigia in illius tronco ramisque extra hepar sitis exprimere: siquidem illa nè sistendo quidem sanguinis affluxui satis est; tantum abest, ut jugiter accurrentem, in contrarium repellat. Ideoque pulsus Portæ, sanguinem (ut jam diximus) in hepar adigit, perque totum illius parenchyma distribuit; nequaquam verò eundem retrorsum pellit.

cap. 30.

3.<sup>a</sup> Verisimile est, nervum hepaticum quoque nonnihil ad hanc Portæ pulsationem conferre. Quippe (ut supra à nobis dictum est) nervus iste in valorum horum capsula communi includitur, nec minùs in illam, quàm in pori biliarii ramulos distribuitur. Ideoque arteria hepatica dilatata nervum hunc aliquantulum comprimit, eundemque (ut verisimile est) ad contractionem suam faciendam irritat: quod sanè fieri nequit, sine aliquali quoque capsulæ communis contractione; adeoque necesse est, ut Porta quoque quæ in illa includitur, nonnihil coarctetur. Imò verò haud facillè intellegendum est, in quemnam alium finem capsulam communem adeat, præterquam ut motum ei aliquem impertiat. Nam si capsulæ huic sensus ullo modo ex usu fuerit, oportet sanè motûs gratiâ ei donatus sit; vix autem alius aliquis motus eidem convenit, præter contractionem atque dilatationem illam, è quibus pulsatio (quam jam diximus) constituitur.

4.<sup>a</sup> Probabile est, sanguinem in hepate, ob duplicem Portæ tunicam, spiritus in ea cæteroquin avola-

avoluturos coërcentem, óbque motum pulsatilem jam dictum, vitalitatis quoddam veluti igniculos recuperare, & micationem aliquantillam acquirere: talem nempe, quæ parenchymati hepatis vivificando sufficiat. Idque ità se habere, vel indè certò constare credimus, quia spiritus vitales parenchymati aliunde suppeditari nequeunt. Arteria enim hepatica (utì superiùs diximus) in capsulam communem solùm & vasa fellea planè infumitur, neque ipsum hepatis parenchyma uspiam attingit. Quapropter cùm (præter Portam) vas aliud nullum sit, quod sanguinem ad parenchyma istud afferat; necesse profectò est (nisi fateamur, sanguinem per Portam delatum aliquo modo reviviscere) ut parenchyma omni planè vitalitate deprivetur. Nam, sine vitali sanguine, pars nulla vivificatur; hepatisq; parenchyma, nisi quem Porta adfert, sanguinem nullum adipiscitur. Ideoque opus est, ut sanguis per eam affluens vitalitatem suam quadantenus recuperet: quod sanè, nisi eo modo, quem nunc diximus, haud facilè evenerit. Poterit etiam porrò hujus sanguinis reviviscentiæ documentũ peti à cordibus viperarum, aliorumq; consimilis vivacitatis animalium: ea enim è corporibus exacta, mensæq; imposita, pulsũ diu tervant; tandèmq; absumpto jam planè calore vitali, si modò calente salivã attigeris, reviviscũt protinus, pulsũq; denuo ad tempus redintegrant. Talis nempe est hæc vitæ scintillula, in sanguine intra Portam resuscitata; quã tamen hanc ad arteriæ naturam propiùs adducit, hepatisque animando sufficit.

Denique, sanguis ad alias quassibet corporis partes per arterias deducitur; neque vena ulla (præter Portam, idque in hepate solùm) munere

isto alicubi defungitur. Idcirco credendum est, venam illam in hepate, arteriæ vicem quodammodo supplere, sanguinẽque (quod hujus solius officium est) distribuere.

Concludendum itaq; cenſeo, venam Portæ in hepate, de arteriæ naturâ, dignitate, atq; officio aliquatenus participare. Habet nimirum duas tunicas, aliquantulum pulſat, ſanguinem naturalem ad aliqualem vitalitatis gradum exuſcitat, eundẽq; ad omnes parenchymatis partes deducit, ipſaq; adeo refocillat ac vivificat.

## CAP. XLIII.

*De Parenchymatis actione atque uſu particulari.*

*Parenchymatis hujus dignitas.*

**P**arenchyma hepatis videtur eſſe pars ipſius principalis, quoniam reliquæ omnes illius partes eidem inſerviunt. Ligamenta nempe ſitum ejus ſtabiliunt; tunica, circumveſtit; Porta, illi ſanguinem apportat; huic, capſula communis miniſtrat; arteria & nervus hepatici, operas dant partim Portæ, partim capſulæ comuni, partimque poro bilario: ramuli venæ cavæ & pori bilarii, ſoli indè auferunt; ut manifeſtum ſit, alias omnes hepatis partes, parenchymati ejus aliquatenus ancillari. Quid itaque de actione atque uſu illius dicendum eſt? Oportet ſanè ſit totius hepatis officii, antea à nobis deſcripti, pars præcipua; ac propterea ipſam bilis à ſanguine ſecretionem perficiat neceſſe eſt: quâ de re nunc uberius agendum eſt.

*ſolius vicem præſtat.*

Proculdubio parenchyma iſtud eſt *colum* quoddam peculiare, operi huic peragendo à natura inſtitutum: videtur namque *percolatione* aliquâ perfici. Quotieſcunque enim liquor mixtus partem aliquam

aliquam ingreditur, eamque pertranscundo in duas distinctas liquorum species dirimitur, talique facie per diversos canales excernitur; fas est dicere, liquores illos ab invicem sejunctos fuisse, factâ per eandem partem percolatione. Idcirco cum idem in hepatis parenchymate eveniat, dum bilis illic à puro sanguine secernitur: licebit hunc segregationis modum, separationem *colaturâ* factam indigere. *colatura est*

Est autem colatura alia *artificialis*, alia *naturalis*. *vel artificialis, vel naturalis;* Illa, si huic comparatur, planè rudis est: separationem quidem aliquam instituit, sed solummodo tenuiorum partium à crassioribus, dum illæ colum penetrant, his verò transitus omnis denegatur. Natura autem cum quippiam percolat, nihil omnino in colo residuum relinquit; nisi fortè destinatè id agat, nempe in partis ipsius nutritionem, in qua colatura ejusmodi instituitur: ceteroquin, quicquid acceperit, aliquo pacto extrudit foras; hac lege tamen, ut quod confusè & permixtè ingressum est, distinctè exeat: dividit nempe in duos diversos liquores, eosdémque per varios canales eliminat.

Varie admodum sunt colaturæ, quas Natura *hujus varia sunt genera.* instituit. Ego illas omnes ad duo genera reducere. Sunt nempe ad *nutritionem*, sunt item aliæ quæ ad *excretionem* tendant. Prioris generis exemplum videre est, in nutritionis modo illo, quo fibræ & partes membranosæ aluntur. Quippe verisimile est, ejusmodi omnes partes per nervos ali: ut verò alimentum istud in ipsam earum substantiam facilius penetret, vehiculo aqueo instruitur; idémque, cum aliter partibus nutriendis inutile sit, introductâ in illas alimoniâ, mox ablegatur, & per canales aquosos nuper repertos in ampliora spatia revertitur.

*colatura ad  
excretionem  
tendens, est  
triplex.*

Colaturæ, quæ ad excretionem spectant, trifariam dividi possunt. Quarum prima est, cùm parte tenuiore rejectâ, forâsque extra corpus eductâ, pars crassior retinetur. Atque hujus colaturæ specimen in renibus evidentissimè conspicitur, ubi potulenta materia à sanguine secernitur: idémque etiam in sudatione, lacrymatione, salivatione, &c. videre est. Et cum hoc quidem genere magis, quàm cum alio aliquo, *artificialibus* colaturis convenit.

Secundum colaturæ genus est, cùm, remanente tenuiore, pars crassior extruditur: talis percolatio fit in ventriculi & intestinorum cavitatem, quâ mucosum excrementum sive phlegma emortuum illuc deponitur, cùmque aliis imi ventris recementis expurgatur. Videtur etiam cerebrum consimilem facere secretionem, quando mucus indè in nares ac palatum destillat.

Tertia colatura, humores æqualis fermè crassitudinis sejungit: atque ejusmodi illa est, quæ in hepate contingit. Quippe humor felleus, sanguisque etiamnum calefcens, paris ferè crassitiei sunt: Natura tamen modum adinvenit, quo isti quoque ab invicem segregentur: in eo autem præstando, artificialis omnis colatura claudicat. Quâ verò ratione id fiat, nobis hic porro dispiciendum restat.

*Naturales  
colatura  
fundata  
sunt in affi-  
one simi-  
lari.*

Colaturæ artificiales sunt ut plurimum planè *mechanicæ*: naturales autem licet insignem *mechanicam* semper adminiculantem habeant, pars tamen actionis earum præcipua, videtur esse *similaris*. Quippe *mechanica* earum pars, est organica sive *instrumentalis*; *similaris* verò est, cui organum immediatè inservit, quæq; opus perficit; debetq; adeò esse actionis totius pars principalis.

Partes

Partes organicæ, quæ bili à sanguine secernendæ operas suas immediatè conferunt, sunt rami Portæ, & radices Cavæ, atque pori bilarii : quæ vasa jampridem satis amplè descripsimus. Libet hic solùm in mentem revocare, quod antea de capillarium eorum in omnes hepatis partes æquali distributione, à nobis dictum est. Siquidem ultimis suis capillaribus duntaxat, & æquali ipsorum distributione, parenchymati in faciendâ hac separatione immediatè famulantur. Vasa enim capillaria parenchymati proximè ministrant, pârque eorum distributio sanguinem biliosum in omnes ejus partes æquabiliter deponit ; adeoque pars una præ altera neutiquam gravatur ; adsuntque ubique in promptu vasa, quæ sanguinem pariter atque bilem (quamprimum humores isti parenchymatis operâ secreti fuerint) in se rapiant, forâsque extra hepar deducant. Estque ista separationis hujus pars *mechanica*.

*Partes organica separationi huic infer-vientes.*

Partes ejusdem *similares*, primariò ad hepatis parenchyma, proximo autem loco ad utrunque vasorum auferentium genus spectant. Verisimile equidem est, parenchyma è partibus diversimodis constitui ; aliâsq; humorum excernendorum uni, aliâs alteri convenire : quo fit, ut humores illi se partibus iis accommodent, cum quibus similitudo maxima atque affinitas ipsis intercedit : estque istud secretionis eorum initium. Particulæ nempe, quibus maxima cum humore *felles* est familiaritas, eundem ad sese alliciunt, inque pori bilarii extrema capillaria dirigunt. Similiter, particulæ illæ, quibus cum sanguine puro potissimùm res est, hunc ad se attrahunt, posteaque ad capillares radicum cavæ extremitates deducunt.

*Similares ; partes eisdem officio destinata.*

Interim

Interim tamen radices illæ, tum pori bilarii, tum venæ cavæ, *similari* suâ attractione parenchymati in hoc negotio opitulantur. Quoniam enim pori bilarii ultima capillaria, ejusdem cum humore felleo naturæ sunt; hunc validè ad se trahunt, & in canales suos receptum aliò deportant. Adque eundem modum, fines Cavæ sanguinem purum in se continent, similem alium ad se alliciunt, ac deinde avehunt. Quibus omnibus actionibus, totum opus hoc, nullo oblato Naturæ incommodo, perficitur.

*Partes parenchymatis biliosæ evincuntur.*

Dubitaverint fortè aliqui, numnam hepatis parenchyma ex ejusmodi diversis partibus, quales jam diximus, componatur. Fatebuntur quidem, nec inviti, esse parenchyma sanguineum, sive (ut Veteres loquebantur) concreti sanguinis grumum, circum vasa concrecentem; bilis verò aliquid admixtum esse, nullo modo concesserint. Meam sententiam si requiris; non existimo, amarulentas partes dulcibus pares esse: imò suffecerit, si illæ centesimæ harum parti exæquentur. Crediderim enim sanguinem per Portam in hepar illatum, quantitate suâ humorem biliosum cum eo unâ advectum centies minimùm excedere. Quamobrem etiamsi particulæ felleæ à parenchymate concretæ, à sanguinearum copiâ centies superentur; illæ tamen, exiguæ humoris fellei quantitati imbibendæ, eidemque ad vasorum biliorum capillares ramulos (utî diximus) deducendæ, abundè suffecerint. Esse autem in hoc parenchymate particulas aliquas biliosi humoris cum sanguine mistas & coagulatas; sensuum ipsorum, gustûs nempe atq; visûs adducam suffragia.

Gustus certè indicat, adesse hîc nonnihil bilis  
eum

cum coagulato sanguine commistum. Nam si ex-  
carnato hepate, parenchyma ipsum degustaveris ;  
licebit in illo latitantem quandam amarulentiam  
percipere ; parem saltem (si non maiorem) ei,  
quæ in sanguine per Portam allato (cuique pro-  
portione respondere debuit) deprehenditur. Ideo-  
que licet particulæ amaræ, cum sanguineis com-  
paratæ, paucæ admodum sint, & à gustu obscurè  
valdè discernantur ; quoniam tamen humori bili-  
oso per Portam advecto proportionatæ sunt, fa-  
cilè huic alliciendo, inque pori bilarii fines capil-  
lares transmittendo suffecerint.

Præterea, partes nonnullas biliosas parenchy-  
mati hepatis inesse, ipsæmet color ejus attestatur.  
Adest enim perpetuò obscura quædam flavedinis  
mistura, quam in aliis parenchymatis sanguineis  
non reperiās. Color iste, dempto indè san-  
guine (qui eundem obnubilat) evidenter con-  
spicitur : idque commodè fiet, si immissâ (ut pri-  
dem monuimus) in Portam fistulâ, hepar ingenti  
aquæ copiâ prolueris. Quapropter mihi certum  
videtur, parenchyma hepatis esse mixtæ substan-  
tiæ, haberéque in se tantum bilis, quantum se-  
cretioni huic faciendæ satis sit.



## CAP. XLIV.

*De actione & usu radicum Cavæ, poriq; bilarii; atque etiam nervi hepatici.*

*Usus venæ  
cavæ, &  
peri bilarii.*

**R** Adices venæ cavæ actionem usumve alium nullum fortiuntur, præter eum, quem jamdudum diximus; nimirum, ut sanguinem purum ad vasa sua capillaria attrahant, eundem absorbeant, & è minoribus ramis in majores transferant, donec illum tandem in ipsum cavæ truncum effuderint. Similiter & vasorum biliorum usus præcipuus est, ut humorem felleum finibus suis capillaribus alliciant, hauriantque, & è vasculis minoribus in majora transmittendo, versùs intestina deducant; in quæ tandem per ductum communem ejicitur.

*Vasorum  
felleorum  
irritatio;*

Et de his quidem usibus jam antea à nobis satis dictum est, idèoque nihil ampliùs de iisdem annexam. De poro bilario solum, & vesiculâ felleâ scrupulus occurrit, qui hic evellendus est: nempe, quomodo vasa illa, ad excretionem majorem hoc tempore, quàm illo, faciendam, irritentur.

Nemini dubium est, quin vasa fellea interdum irritentur: quia ab assumptis catharticis vel emeticis, ingens protinus hujus humoris copia sursum, deorsumve, vel utroque versum ejicitur; idque intra pauculas horas; cum aliàs spatio temporis sextuplò majore, nè quarta quidem illius pars evacuetur. Hujus autem discriminis ratio commodè explicari nequit, nisi nervorum ad has partes

partes spectantium actiones atque usus prælibaverimus; ac propterea de utrisque hic simul agendum est.

Si vasa fellea sensu omni destituerentur, non possent certè ad hunc modum irritari. Quippe irritatio omnis subesse perceptionem indicat: quicquid enim laceffitur, id illico excitatur, ut se ab illata injuriâ vindicet; quod sanè, nisi perceptâ aliquatenus re lædente, fieri nequaquam posset. Ideoque, si æquum erat, ut vasa fellea essent irritabilia; nervorum quoque in illa distributione opus erat, à quibus sensum mutuarentur.

Porro, ut pars aliqua irritationi obnoxia sit, *motum* quendam habeat necesse est. Quomodo enim res dicatur irritari, quæ neque jam actu movetur, nec ad motum ullo pacto accingitur? Ideoque ut vasa fellea essent irritabilia, oportuit eadem *nervis* prædita esse, quibus motum talem perficerent, qualem sensatio eorum postulabat. Animalem quidem motum non intelligo; sed ejusmodi, qualem in ventriculo atque intestinis deprehendimus, quo res lædens expellitur. Qui motus et si semper non sit *voluntarius*, non poterit tamen sine nervorum ope expediri, cum à *sensatione* dependeat.

Licebit hunc ratiocinandi ordinem invertere; & à posteriori disputando, ab eo ordiri, quod sensui notum est. Constat nempe, vesiculam felleam nervis præditam esse, uti & porum biliarium: debent itaque sensitivæ esse, ac motivæ; adeoque irritabiles. Quid enim aliud, præter facultates illas, ad irritationem in iis faciendam, desideretur? Profectò, quicquid incommodum alicunde illatum percipit, idemque à se amoliri satagit; id propriè

priè dixeris irritari. Idcirco, cùm partes istæ injurias persentiscant, seseque ab iisdem vindicare conentur; irritationis quoque capaces meritiò dicendæ sunt.

*Irritatio  
hac vel ori-  
ginalis est,  
vel per con-  
sensum.  
cap. 20.  
propol. 9.  
10. & 11.*

Imò verò duplicem irritationem subeunt: quarum alteram *originaliter* habent à seipsis, alteram à mutuo cum aliis partibus *consensu*.

Ad earum primam quod attinet, licebit eorum recordari, quæ jam pridem à nobis dicta sunt; nempe, humorem biliosum haud continenter in intestina depluere, sed per temporum intervalla & assultim effluere: atque hos effluxus contingere, quoties vasa fellea ab humoris vel quantitate vel qualitate lacessuntur, idque obnixè agunt, ut semet ab illius molestiâ expediant. Ibidemque etiam reperias beneficium sive usum, quem irritationes istæ alternatim institutæ afferant. Atque eatenus saltem, nervorum in illas partes distributorum usus exprimitur; siquidem eorum operâ actiones istæ peraguntur.

Quod ad partium earum irritationem per *consensum* attinet; certum est, familiaritatem ijs talem cum ventriculo & intestinis intercedere. Nam in colicis & iliaticis doloribus (si modò vomitum cieant;) & in cholera morbo; imò verò in vomitu, à gulæ solidum ab indito digito aut plumulâ sollicitatione, aliquoties iteratâ; & in aliis quoque quibuscunque vomitionibus, si ventriculum atque intestina plurimùm irritaverint; eadem simul operâ vasa fellea quoque per consensum lacessunt: uti ex amarulento humore tunc temporis per os egesto, vel deorsum per sedem deturbato, clarè constat. Idemque similiter dixeris de diarrhœâ, dysenterîâ, omnibûsque medicamentis purgantibus;

bus ; quæ, qualemunque humorem peculiariter respexerint, semper tamen bilem hanc è vasis suis plùs minùs proliciunt.

Est autem consensùs hujus causa manifesta ; ni- *Consensus*  
mirum, quia istæ partes nervos suos à propinquis *hujus cau-*  
sexti paris ramulis accipiunt : uti suprà à nobis *sa,*  
dictum est. Ideòque haud magno conamine opus *cap. 39.*  
est, ut constet ; partes illas, quæ nervos suos à vi-  
cina aded origine mutantur, facilè inter se con-  
sentire : autorèsiue omnes ferè in eadem senten-  
tià sunt. Et profectò vix concipi potest, nullam  
omnino motùs communitatem inter propinquos  
nervorum ramulos intercedere. Omnes enim  
inter vigilandum tensi sunt, instar chordarum te-  
stitudinis ad modulos compositæ ; quæ si alicubi fe-  
riantur, motus illico ad earum extrema profertur.  
Nervorum itaque ramuli, qui vicinæ originis sunt,  
facilè inter se minimum motùs incitamentum per-  
cipiunt : adeòque necesse est, ut partes, ad quas  
nervi è propinquo oriundi derivantur, simili sym-  
pathià & consensu mutuo afficiantur.

Promovetur porrò consensus iste ab illa nervi  
hepatici portione, quæ non ad vasa fellea, sed ad  
communem Portæ capsulam dirigitur. Quippe e-  
jus adminiculo, capsula illa (ob partium consen-  
sum) cum ventriculo & intestinis colluctatur ; in-  
stitutæque semel hujusmodi luctâ, oportet sanè  
vasa fellea, quæ complectitur, non solùm stimu-  
let, sed & aliquatenus comprimat, humorémque  
adedò in iis contentum expellat. Eadem quoque  
nervi hepatici portio venam Portæ per consensum  
excitat, ut sanguinem (laborantibus quoquo mo-  
do ventriculo atque intestinis) copiosius allatum,  
velociùs in hepar transferat. Erâtque ejusmodi  
concitatio

concitatio necessaria; quia, durante partium earum luctâ, arteria cœliaca & mesentericæ, ad uberiorem (quàm pro more) sanguinis copiam affundendum incitantur: qui cum omnis per hepatis Portæ operâ reducendus sit; æquum certè erat, ut vena isthæc ad redhibitionem pariter celeriozem (quàm aliàs solet) faciendam extimularetur: quod equidem sine mutua earum partium per consensum irritatione, nequaquam contigisset.

eiusdem  
usus.

Quorsum verò consensus istiusmodi inter vasa fellea, & ventriculum atque intestina requiritur? quidve reliquo corpori indè accedit emolumenti? Fit nempe hoc pacto, ut, quotiescunque ventriculus & intestina ad excretionem faciendam magno opere irritantur; vasa fellea in eodem opere concurrant, & evacuationem faciant magis universalem: qualis putà in morborum *crisibus* naturaliter contingit; aut arte (quoties opus est) instituitur, propinato in eum finem medicamine; siue istud sursum, siue deorsum purgationem conciverit. Quippe in iis omnibus, humor felleus cum aliis humoribus copiosè delabens, non solum ipsemet ejicitur, sed vi ejus abstersivâ reliquæ etiam sordes è partibus, quas pertranscunt, faciliùs exturbantur.

2.<sup>o</sup> Fieri potest, ut vasa fellea sponte *obtorpescent*, & stupore aut ignaviâ quadam afficiantur: veluti in frigidis temperamentis videre est; nempe chlorosi, cachexiâ, & similibus; in quo casu, irritatione aliunde factâ opus habent; quæ tamen, sine eorum cum ventriculo & intestinis consensu, nunquam evenerit. Ideoque istiusmodi per consensum irritabilitas (ut sic dicam) haud frustrâ illis concessa est.

Denique,

Denique consensus hic oritur, non tantum à <sup>usus reci-</sup> ventriculo & intestinis ad vasa ista; sed etiam vice <sup>procus.</sup> versâ, ab his ad illa; unde fit, ut defluente largiter humore felleo, partes eum excipientes (ob consimilem irritationem in ipsis excitatam) ad eundem auferendum, præviâ quadam dispositione promptiores fiant. Quibus omnibus ritè perpensis, superest dicamus, nervos istos tum vasis felleis, tum communi Portæ capsulæ utiliter summâque cum Naturæ providentiâ obtigisse.

## CAP. XLV.

*De actione & usu Lympha ductuum, sive  
Canalium aquosorum.*

Vasa istæ, quemadmodum suprâ in descriptione eorum monuimus, jampridem ignota erant; eorundemque actio atque usus etiamnum haud plenè innotuerunt. Ut de me sanè dicam, non aulim perfectam certamque omnium, quæ ad <sup>Humorem aquosum ab-</sup> illa spectare possint, demonstrationem polliceri. Utcunque, id certum arbitror, ea humorem aliquem à partibus, in quibus radican- <sup>ducunt:</sup> tur, avehere; eundemque aquosum, qualis plerunque in ipsis conspicitur.

Neque magis dubium est, quoniam maxima <sup>quoniam in</sup> eorum pars tendat, aut ubi sese exonerent. Nempe <sup>pergat.</sup> vel in commune chyli receptaculum, si ab imo ventre aut artubus inferioribus exoriantur; vel in <sup>subclavas,</sup> aliâve vicinas venas, si à superioribus partibus originem ducant. Possint tamen multæ

D d

aliæ

aliæ de iisdem difficultates in medium adduci, eæque  
haud adeò expeditu faciles. Nimirum,

Unde pri-  
mum in he-  
par advene-  
rit.

nempe pars  
ejus maxi-  
ma per ar-  
terias,

I.<sup>o</sup> Quid humorem illum apportet, quem vasa  
isthæc auferunt? Possint quidem *arterie* indirectè,  
& veluti per accidens, atque aliquatenus muneris  
hujus partem aliquam sibi vendicare. Fieri enim  
nequit, quin sanguis per illas exiliens (utpote ca-  
lore insigni effervescens) copiosos *halitus* diffun-  
dat in partes illas in quas immittitur: eoque ma-  
gis, quòd iidem halitus jam antea à crassa densaq;  
*arteriæ* tunicâ aliquandiu repressi fuerint. Halitus  
isti sic dispersi, à partibus fibrosis ac membranosis  
magnam partem retinentur & recolliguntur de-  
nuo; atque, ad distillationis modum, in liquo-  
rem quendam condensantur, qui humoris à lym-  
phæ-ductibus avecti partem aliquam constituit.  
Neque enim putandum est, materiam istam sub  
hac formâ in arteriis præextitisse, atque unâ cum  
sanguine protrusam, ab illo, ad colaturæ alicujus  
morem, urinæ instar, separari: quoniam venæ u-  
bique arteriis respondent, suntque amplæ satis, ut  
humorem ab his allatum deferant aliò, nulliusque  
alterius operâ indigeant. Nec videtur sanè ratio  
aliqua afferri posse, cur humor iste aquosus à san-  
guine separari debeat; siquidem nequaquam ejus  
excrementum est, etiamsi fortè partis illius, unde  
profluit, excrementum esse queat. Non est, inquam,  
*sanguinis* excrementum; quoniam denuo in venas  
regreditur, & cum sanguine remiscetur. Natura  
verò operam suam non ludit, neque quod actum  
est agit denuo. Quamobrem *arteriæ* liquorem  
hunc minimè egerunt, tanquam humorem sangui-  
ni priùs commixtum, & ab illo, ad colaturæ nor-  
mam, separandum; verùm potius, prout fors tu-  
lerit,

lerit, complures halitus à fibrosis ac membranosis partibus sistuntur, inque humorem limpidum sive aqueum condensantur, qui materiæ per canales hos avectæ, pars haud minima existit.

Unde autem constat, aïs, esse solummodo *par-* *reliquum,*  
*tem aliquam* humoris per vasa hæc eliminati? Quo- *per alia va-*  
 niam, inquam, liquor ex sola halituum conden- *sa:*  
 satione ortus, est purus admodum, tenuis, ac trans-  
 parens, magisque limpidus, quàm liquorem in his  
 lymphæ-ductibus unquam reperias. Atque idcir-  
 co, licet fatear, sanguinis halitus liquoris hujus  
 partem maximam constituere; putem tamen, *suc-*  
 cum quoque *alium* iisdem necessarîo admisceri, quî  
 spissitudinem illi majorem largiatur, & à pura aquâ  
 stillatiâ discriminet. Quippe tota hæc lymphæ,  
 uti experienciâ compertum est, densior, minisque  
 pellucens, & interdum lactis instar albescent, ali-  
 quando sufflava, & nonnunquam loturæ carnis si-  
 milis conspicitur. Atque, ut id obiter nunc mo-  
 neam, verisimile est, has lymphæ *decolorationes* (præ-  
 cipuè lactei candoris æmulam) compluribus vena-  
 rum lactearum distributiones indagantibus erran-  
 di ansam præbuisse; dum alii hic, alii illic easdem  
 à se conspectas asserunt, cum tamen lacteæ propriè  
 dictæ ibidem nunquam reperiantur. Quapropter  
 concludo, materiam omnem per lymphæ-ductus  
 delatam, non solum à sanguinis halitibus profici-  
 sci; neque ab arteriis duntaxat, sed & ab aliis quo-  
 que vasis suppeditari.

2.<sup>da</sup> Nova hic suboritur dubitatio; nempe, *quænam ea*  
 quænam alia vasa sint, per quæ liquor iste in par- *sint?*  
 tes adeò numerosas (atque nupera experientia de-  
 texit) extrudi possit. Hactenus quidem quatuor  
 duntaxat vasorum communium genera innotue-



est id ner-  
vorum mu-  
nus :

non autem  
vasis alicu-  
jus, quinti  
generis.

runt, quæ ad partes omnes jam dictas distribuuntur ; arteriæ scil. venæ, nervi, & lymphæ-ductus. Arterias jam nunc rejecimus ; oportetque etiam venæ ab hoc officio immunes sint, quoniam doctrina circulationis sanguinis ita fieri adstruit. Neque magis lymphæ-ductus huic muneri destinantur ; siquidem isti humorem hunc aqueum à partibus abducunt foràs ; ideoque inidonei videntur, qui eundem ad illas afferant ; præsertim cum valvulæ (quæ innumeræ in iis reperiuntur, omnesque extrorsum spectant) id fieri vetent. Nullum itaque vas superest, quod sit partibus illis omnibus commune, & officii jam dicti capax, præter nervos.

Nonnullæ partes, inquis, è quibus canales hi aquosi profluunt, habent vas *quinti generis* : ideoque enumeratio jam facta fortassis manca fuerit. Fateor equidem, partes forsitan omnes, quæ munere excernendi publico donantur, gaudere vase aliquo peculiari quinti generis : istuc verò non est partibus iis omnibus commune, à quibus hæc lymphæ promanat ; neque etiam ejusmodi vas quicquam ad partes illas, quibus concessum est, adferre potest ; siquidem egerendo solum ex illis excremento alicui peculiari destinatur : sicuti jam suprà de poro bilario speciatim diximus. Adeoque haud aliud etiamnum vas, quod lymphæ-ductibus respondeat (præter *nervos*) deprehendimus. Ac propterea, nisi institutâ ulteriore indagine cerò constiterit, dari vasorum quintum genus, quod partibus omnibus, in quibus lymphæ-ductus reperiuntur, commune sit ; quodque lymphæ succosiori in illas infundendæ sit accommodum ; concedendum profectò fuerit, munus istud à *nervis* perfici.

Sunt

Sunt etiam conjecturæ probabiles, quæ suadeant, haud esse uspiam quinti generis vasa communia hæcenus ignota, quæ liquorem succulentum in partes illas omnes immittant, in quibus humor ejusmodi deprehenditur. Nempe quoniam, licet complures in venarum lactearum, canaliūque horum inquisitione multam operam impenderint, nulla tamen adhuc eorum vestigia detexerunt. Cū tamen rationi consonum sit, ut vas liquorem aliquò deducens, robustius eo sit, quod eundem abducit, defertque aliò; (quemadmodum arteriæ venas firmitudine superant;) quoniam illud impulsū aliquem requirit, cujus operâ humor in habitum partium adigatur; reductio verò nullo negotio perficitur, utpote à minoribus vasīs ad majora: deberetque adeò vas firmitus, debiliore alio facilius deprehendi. Unde igitur factum, ut robustiora vasa tam accuratam hæcenus diligentiam effugerint? Deinde, vasa quæ humorem deferunt, copiam hujus aliquam necessariò alicubi requirunt, utpote partibus pluribus perpetuò sufficiendam; idèoque liquor ille haud faciliè delituerit. Quamobrem vero persimile videtur, non dari vas quinti generis, quod toti corpori inserviat; atque adeò crassiorem lymphæ partem deferendi munus, debere nervis attribui.

Plurimæ tamen ità sentienti difficultates obori-  
entur multæque asserenda erunt, quæ Veterum do-  
ctrinæ adversentur, & Neotericorum sententiis  
malè convenient. Proferam in medium eorum  
præcipua: quæ tamen sic haberi velim, non quasi  
præfractè eadè tueri cupiam, sed tanquā probabi-  
les conjecturas aliis porro pensandas relinquam.

Inque eum finem rationes aliquot annectam, quæ ulteriori hujus rei elucidationi claram faciem præferant.

nam 1.<sup>a</sup> inde sequitur, non omnes partes nutriti sanguine: digref. 3. idque evincitur,

¶ Primò itaque aio, non omnes partes sanguine nutriti. Quæstionem hanc ante annos aliquot proposuit, latèque asseruit amicus summus meus & Collega doctissimus D. Georgius Entius, in Apologia suâ pro circulatione sanguinis, adversus Parisanum; quem ipsum super hac re consulas. Ego hic solùm nonnulla, quæ eandem sententiam probabilitate maximâ statuminare videntur, porrò adjungam; partèsq; illas indicabo, quæ nutrimentum à sanguine diversum necessariò exposcant.

quia sanguis multis partibus nutritiendus est dissimilis.

Vetus dictum: partes quaslibet alimento ipsis maximè consimili enutriti: sanguis autem à multis corporis partibus plurimùm discrepat. Nam si cum cerebro, tunicâ corneâ, oculi humoribus, ossibus, tendinibus, aliisque similibus eum conferas; quamnam, obsecro, proportionem aut similitudinem inter illa reperiis? In apoplexia, ubi cerebri substantia à nimia sanguinis copiâ inundatur, omnes rerum ideæ obliterantur, neque perceptio earum ulla superest. Similiter, si oculus sanguine suffunderetur, transpectum omnem illico amitteret (sanguis enim est corpus opacum) neq; speciebus rerum insuper recipiendis foret utilis. Ossâ quoque à sanguine tam multifariam distant, ut ex isthoc ea constitui, planè incredibile sit. Idemque de tendinibus aliisque pluribus partibus pari jure dixeris.

gula illis magis est volatilis.

2.<sup>a</sup> Modus nutritionis, est progressus quidam alimenti

alimenti à cruditate ad coctionem, nempe *exaltationem* spirituum ejus versùs ulteriorem activitatis gradum. Ideoque necesse est, alimentum crudius sit, quàm pars eo nutrita. Quippe motus iste non fit degradatione aliquà, sive fixatione spirituum alimenti; sed potiùs exaltatione quâdam, quâ ad volatilitatem propiùs accedunt: quemadmodum suprà à nobis fusiùs dictum est. Ac propterea, quoniam spiritus jam in sanguine, volatilitati magis appropinquant, quàm illi qui in partibus modò dictis reperiuntur; non potest sanè sanguis partium harum alimentum æstimari idoneum. Revera enim partes solidæ, postquam ad ætatem mediam perventum est, vix nutritu ullo indigerent; nisi calor vitalis suaves earum spiritus paulatim deprædaretur, volatilisque adedò ac fugaces redderet: unde fit, ut minutæ particulæ, in quibus inerant, emoriantur, & ceu recrementa corporis unà cum sanguinis purgamentis (modo, quem diximus) rejiciendæ sint. Quamobrem oportet, partium harum redintegratio à nutrimento ejusmodi perficiatur, quod partibus ab eo restituendis mitius magisque fixum sit. Partes enim eo nomine instaurandæ veniunt, quoniam à calore vitali populatæ sunt, & prope fit ut ab invicem dissolvantur: ideoque nutrimentum novum ejusmodi requiritur, quod à dissipatione quàm longissimè ablit; vel saltem longiùs, quàm substantia partium illo nutriendarum. Quomodo enim aliàs firmandis iis partibus sufficiat?

Sanguis autem asperioris & scabrosæ magis substantiæ est, spiritusque illius volatilitati propiores sunt, quàm ii qui in solidis partibus stabulantur; & idcirco ineptus planè est, qui easdem

nutriat. Atqui verò, inquis, sunt sanguinis diversæ partes ; & ut nonnullæ earum asperiores nimisque coctæ sint, & spiritus illarum magis volatiles evaserint, quàm ut nutritioni conveniant ; sunt tamen in eo partes aliæ novitiæ, mites, & à chylò parùm remotæ ; eadèmq; propterea partibus resarciendis aptæ fuerint. Id dum ais, fateris planè, succum chylò maximè affinem, esse nutriendis hisce partibus optimè accommodum ; tacitèque solum innuere, debere ipsum prius sanguini commisceri : quod profectò nequaquam universè concedendum est. Nam si succus nutritivus tantò præstantior habendus fuerit, quantò propius ad chylì legem accesserit ; quorū cum sanguine permiscetur, priusquam in ulum transeat ? Siquidem eo pacto à natura chylì longè recedit. Præterea, necesse est, ut liquor nutritivus à sanguine separaretur denuo, antequam possit alere : in quem finem igitur præcedanea illa cum sanguine mixtura ? Credimūne, naturam (nè ociosa torpeat) tacere aliquid, ut idem infectum reddat denuo ? Videris enim fateri partem sanguinis duntaxat mitiorem alere : eadèmq; propterea alicubi à reliquis partibus necessario separanda est, priusquam munus suum exequatur. Quæres à me, quonam itinere mitis ille sive chylosus succus ad partes deferatur, si non per arterias ? Per *nervos*, inquam. At enim, ais, oculorum testimonio notum est, chylum primò in venam subclaviam ingeri, & cum sanguine confundi, antequam in varias corporis partes dispergatur. Non inficiamur certè, chylì partem sanguini spiritibùsque vitalibus reparandis destinatam illac ingredi, & cum sanguine misceri : sed solummodo contendimus, vero

vero simillimum esse, portiunculam illius minorem à nervis absorberi; idque ob rationes mox dicendas.

3.<sup>o</sup> A ratione omni alienum videtur, ut id, *quia partes*  
 quod *pascitur*, in partem cedat, etiam lis partibus, *ipso de-*  
 quas populatur ac devorat. Sanguis vitalis (uti *prædatur.*  
 diximus) est subiectum originale caloris vitalis, qui in corpore hospitatur: idcirco quicquid hic egerit, id illitribuendum est. Nam etiam si nunquam actiones qualitatibus live facultatibus adscribimus, indicantur eo pacto modum *formalem* per quem substantia operatur; fatendum tamen, substantiam live subiectum earum qualitarum aut facultatum, actionem ipsam *realiter* perficere. Est itaque *sanguis* ipsemet, qui calore suo vitali partes solidas deprædatur; cogitque eas, etiam postquam ad perfectam magnitudinem pervenerint, de victu sibi usque prospicere. Manifestum est, in diuturna fame (si modò aqua, aut alius liquor tenuis ingeratur, qui humoribus pro vehiculo sit) sanguinem è solidis partibus nutrimentum sibi adsciscere; dum illas liquando, in sustentationem sui transmutat. Similiter, in febribus sæpenumero ventriculus, præter potum, cuncta averfatur; sanguis tamen interea damnum sibi illatum è partium carnibus refarcit, quas in eum finem apertissime absumit. Atque etiam si, initio morbi, sanguinis copia (quantum vires sinunt) diminuta fuerit; æger tamen post pauculos dies, nullo interim cibo sed potu solum refectus, novam phlebotomiam haud ægrè admissit: & fortassis, majore temporis intercurrente si atio, etiam tertiam. Unde constat, sanguinis copias interea solidarum partium spoliis adauctas esse. Solo enim potu

potu admissio, sanguis nullo modo increvisset; nisi in ejusmodi angustiis propria organa præroderet, ac deprædaretur. Quoniam igitur sanguinem habemus *bellumem*, quomodo is (precor) partibus in victum cedat, quas eodem tempore depascitur?

At verò, ais, sanguis semet ipse præcipuè depopulatur, sui que quotidie plus absumit, quam omnium partium solidarum: ideoque & *comedonem* simul & *cibum*, illum meritò dixeris. Fateor equidem, vigecuplo fortassis plus sanguinis, quam solidarum partium, in horas deperdi: ac propterea hoc sensu sanguinem rectè dici posse, & absumere & absumi: quoniam ambizioso suo motu, five ad dilatandos fines conatu (quâ in re vitalis illius calor consistit) magnâ indies quantitate in aërem emigrat, proprioque adeò nisu planè concidit. Verùm cum de sanguine agitur, tanquam rem aliam abliguriente; non potest idem eâ ratione res absumpta censeris; sed quod deperit, oportet sit vel chylus nuperrimè adveniens, vel solidarum partium quicquid à calore sanguinis decoquitur: & utrumlibet statueris, necesse est, ut prædator à præda omnino diversus sit. Dato itaque, sanguinem hoc respectu prædonem dici posse; debet sanè victus illi alius contingere, eritque vel chylus, vel partes solidæ. Chylus est victus quotidianus, quo sanguinis dispendia reparantur denuo: in illius autem defectu, ipsæ solidæ partes resolvuntur, & in liquorem abeunt; atque, ubi necessitas ingruit, sanguinis jacturam reficiunt; uti ex jam dictis exemplis innotuit. Estque etiam alius sanguini voracitatis suæ explendæ modus, isque usitatus: quoties nempe calore suo, solidorum membrorum particulas minùs fixas in *balitus* diffundit.

dit. Præterea, caro à vitali calore perpetuò absumpta, opus habet nutrimento, quo reficiatur; ipsaque, illius respectu, *depredatrix* dici queat: adeoque necesse est, ut caro deperdita, à succo aliquo *mitiore* instauretur; quomodo enim aliàs eundem superet? Lupus agnum devorat; ab hoc verò illi nullus metus: sed oportet, iste tenella viscera teneriore victu & ab iis domabili (lacte scil. aut gramine) expleat. Quamobrem, cum sanguis, solidarum partium ratione, *prædo* sit; non potest certe ipsis in victum cedere; sed alimentum potius debilius requiritur, quod illæ faciliè doment, imperiòque suo subjiciant.

4.<sup>ta</sup> Alimentum partium persimile est substantiæ illi, ex qua consistant ab initio. Quod enim partibus, dum crescunt, superadditur; ejusdem simularis substantiæ est, cum eo, quod præextirerat: ideoque ex congenere materiâ constitui necesse est. Ex quolibet ligno (secundùm adagium) non fit *Mercurius*: neque etiam Naturæ perinde est, ex quo quicquam efficiat; sed oportet materiam præparet, formæque introducendæ specialiter aptam reddat; idque non minùs in augmentatione, quàm in generatione: siquidem illa revera non nisi *aggeneratio* quædam habenda est.

Materia autem prima, è qua partes fiunt, non est *sanguis*, sed *succus* quidam *liquidus*, albumini ovorum non ablimilis, unde pullus efformatur: eo solum discrimine, quod in viviparis humor ille sit tenuior, instar *colliquamenti* in ovis post incubationem. Quippe animalia etiam vivipara, ab initio *ovum* quoddam in uteris concipiunt, idemque tenui membranâ contextum, liquorem viscidum albuminibus ovorum aliquandiu incubatis persimilem

quia iste ab initio ex sanguine haud fabricata sunt.



mitem intra se complectitur. Ex hoc liquore embryonum primum efformatur, estque is sanguini admodum dissimilis; sive substantiam ejus, sive colorem, sive qualitates alias pensites. Quemadmodum igitur partes haud primum efformantur à sanguine, ita neque postea ex eodem vel nutriuntur, vel crescunt.

Plura alia occurrent opinioni huic consentanea, ubi difficultates reliquas ad hanc rem spectantes aggrediar: illa verò suis locis dicenda sunt. Enumerabo solum interea partes illas, quas succo à sanguine diverso enutrirì arbitror.

*Quanam  
partes san-  
guine mini-  
mè nutri-  
antur.*

Existimo sanè, partes omnes fibrosas, membranosas, atque nervosas, non sanguine ali, sed liquore aliquo leniore, materiae spermaticae (ex qua primum fiunt) congeneri; qui in illas è nervorum extimis capillaribus, in easdem distributis, emittitur. In eundem censum refero parenchymata omnia *ex sanguine*; ut puta cerebrum, medullam spinalem, humores oculorum, ossa, dentes, cunctasque in corpore glandulas. Ad parenchymata

*Ex quanam  
ex illo con-  
sistent.*

autem *sanguinea* quod attinet, cum nullos nervos in se derivatos habeant, non video equidem quomodo, aliarum partium more, per eosdem nutriri queant; praesertim cum nihil aliud ferè esse videantur, quam partes sanguinis crassiores ibidem coagulatae, visceraeque illa suffercientes. In hoc numero mihi sunt hepar, lien, renes, cor, pulmones, & musculorum partes rubicundae. In his verò omnibus, quicquid fibrarum, membranarum, aut vasorum cum parenchymate commixtorum reperitur, id omne ad primam classem referendum est. Adeò ut, in his etiam partibus, id quod sanguine alitur, perexiguum nulliusque ferè momenti sit,

& veluti per congestionem solum accumuletur. Ac propterea hanc quoque in re à D. Entio vix quicquam seorsum sentio.

¶ Altera difficultas, quæ opinionem hanc premit, est, quòd eam tuentibus necessum sit asse-  
2.44 hac sententia succi nutritii distributionem nervis attribuit.

Hanc quoque sententiam D. Entius jamdudum asseruit, cum in privatis colloquiis (ut Collegarum aliquot tunc temporis mos erat) de rebus Anatomicis confabularemur: etiamsi in libello suo nuper memorato nullam (quod sciam) hujusce rei mentionem fecerit. Si argumenta omnia, quæ sententiæ huic favent, in medium afferrem; texenda mihi foret prolixa nimis digressio: quamobrem pauca quædam duntaxat proponam, quæ mihi de hac re primum occurrerint; aliis in aliud tempus dilatis.

1.<sup>o</sup> In *paralyfi*, partes resolutæ, ob fibrarum laxitatem facilèque sanguinis affluxum, initio subtumidæ apparent. Constat tamen, id à genuino partium nutritarum incremento minimè fieri: quippe eadem postea, etsi sanguis usque copiosè allabatur, paulatim marcescunt; ut jam, præter ossa & pellem, vix quicquam supersit. Argumento haud obscuro, vasa, per quæ nutrantur, obstructa esse; *nervos* scilicet: quippe venæ & arteriæ morbi hujus immunes sunt, nervique soli officio suo malè funguntur.

2.<sup>o</sup> In *phibisi*, emplastra cephalica (etsi calida & sicca sint, eoque nomine morbo huic minus  
ab usu Emplast. cephalicorum con-

convenient) apprimè conferunt: idque non solum, quòd humorum defluxiones fistant; sed quia partium etiam nutritionem adjuvant: quod sanè à caliditate & siccitate eorum nemo expectaverit, nisi & nervis quoque expediendo huic muneri vim aliquam affarent.

à macie eorum qui sanguine abundant.

3.<sup>a</sup> Quemadmodum ii, qui sanguine abundant, in *macritudinem* proni sunt; ità quibus nervi humidi, aperti, & spongiosi contigerunt, facile pinguescunt. Tales quippe nervi alimentum copiose promptèq; suppeditant.

à rore, & nervosarum partium vulneribus stillante.

4.<sup>ta</sup> E nervosarum partium vulneribus sæpe humor roscidus, albumini ovorum non dissimilis, exstillat: qui certè ab arteriis aut venis minimè profluxerit; idèoque verisimile est, eundem à nervis proficisci. In ejusmodi quoque vulneribus, carnosæ excrescentiæ, *fungique* subnascuntur. Pariter etiam in *fonticulorum* labris caro sæpe luxuriat; quippe vera cutis *nervose* substantiæ est: similèsq; carnositates nonnunquam in cavis dentium expullulant; ubi tamen nulla caro adest, unde ortum ducant. Omnes istæ excrescentiæ sensu acri donantur, & dolore facile percelluntur: indicio certo, plurimum illis cum nervis rei esse. Sanguis verò planè ineptus videtur, qui hujusmodi excrescentias producat: ad quas gignendas materia aliqua spermatì analogà necessariò requiritur.

à strumarum origine

5.<sup>ta</sup> Argumento illi affine est hoc alterum: Nempe *strumarum* & *scrofulosorum* tumorum generatio, videtur materiam suam seminalem à *nervorum rore* mutuari, non autem à venis aut arteriis: sanguis enim non est materia seminalis ad hanc rem accommoda, utpote asperitatis atque acrimoniæ

niz nimiz particeps. Experientiâ quippe compertum est, tumorum istiusmodi rudimenta, esse veluti ova membranoso involucro inclusa, quod humorem ovorum albumini similem, non autem sanguinem in se contineat; eadêque ad formationem quandam, licet imperfectam, tendunt; producuntque aliquando massam carneam, nonnunquam vermiculum, aut monstri genus aliud. Quibus efficitur, materiam eorum *primitivam*, non esse sanguinem, sed succum aliquem mitiorem: qui cum aliunde (quantum hæcenus notum est) quam è nervis emanare nequeat; credendum sanè est, eundem indè profluere.

6.<sup>a</sup> Sententiam hanc porro confirmat materia *à generatio-  
ne seminis  
in testicu-  
lis.* *seminis*, modusque quo illud in testibus præparatur. Quippe semen non videtur produci è sanguine, sed è materia multò suaviore, quæ per nervos advehitur. Hi enim copiâ longè majore, & intimè magis in testium parenchyma disseminantur, quàm arteriæ aut venæ: ac propterea interior eorum substantia albicat, non autem rubescit. Quinetiam tunica illorum propria, non videtur esse aliud, quàm nervorum ipsos adeuntium dilatatio quædam & expansio; à qua nervuli undique emittuntur versùs testiculi medium; ubi concurrentes, *vas nervosum oblongum* constituunt, quod in *epididymidis* canalem manifestè exoneratur; uti clarè cernere est, in testiculis equi, tauri, verris, aliorumque majorum animalium. Idque ità sese habere, unà cum D. Entio, & D. Whartono, nuper planissimè deteximus. Ad harum partium *venas* quod attinet, illæ solum regerendo sanguini ab arteriis allato inserviunt: ipsæque arteriæ, licet variâ per testiculorum ambitum circumvolutione magnificè

magnificè sese efferant, nervisque comitatae, passim ab interiore testis tunica ad ductum seminalem (qui in testiculi medullis situs est) rectà pertendant, eidemque annectantur; raro tamen ramulos ullos de se spargunt, donec à jam dicto canale reflexi, versùs testis ambitum remeare ceperint. Ibi verò furculos aliquot huc illuc versùs testiculi circumferentiam propagant; eo fine nempe, ut venae capillares, in testium substantiam hiantes, sanguinem refluxum faciliùs excipiant, regerantque; qui aliàs, ob diuturniorem moram, testiculi parenchyma opprimeret, seminisque preparandi opus interturbaret. Nuspiam autem interea ipsum *canalem nervosum* sive *seminalem* ingrediuntur, sanguinemve in illum effundunt: adeoque probabile est, eas potius calorem refocillandis iis partibus, quàm semini conficiendo sanguinem advehere. Fateor tamen, sanguinis paucillum earum operà in ipsos testes derivari; quantum nempe vitalitati eorum conservandae satis sit: & manifesta illius vestigia in testiculi medio prope vas nervosum conspicimus, etiam alibi parcius reperiretur, quàm ut reliquis testiculi partibus tingendis sufficeret. Dices, arteriae in *arctis* testiculo numerosas esse, & manifestè conspicuas. Sunt sanè; ità tamen, ut multùm sanguinis in eum haudquaquam profundant. Potèstque hujus rei duplex causa assignari. Nam primò, variae arteriarum flexiones ac meandri, non solum plexui varicoso, sed & ipsi testis tunicae propriae tortuosis ambagibus implexi, in eum finem instituti sunt, ut sanguinis impetum retardent. Ac deinde, rara est arteriarum hic loci ramificatio, vasque capillaria per pauca disseminant; ideoque nec liberè in sanguinem

sanguinis effluxum ab iisdem expectaveris. Nervi sanè in testiculo nequaquam *motui* inserviunt, neque ad *sensationem* illic magis opus est: quapropter credibile est, eosdem liquorem aliquem, *spermati* condendo utilem advehere. Idque eò magis, quoniam testiculi tauri, equi, arietis, & verris (qui omnes insigniter vasati sunt) lymphæ-ductibus sive vasis aquosis clarè conspicuis donantur. Eadem quoque vasa in testiculis viri, aliorumque animalium deprehendi: nec dubium est, quin in omnibus (licet haud æquè facilè) reperiantur. Lymphæ-ductus isti perexiguo usui forent, nisi & aliud vas adesset, per quod generosior liquor appelleret, cuius parti superflua sive aquosa reducendæ iidem ancillentur. Accedit, quòd semen sit liquor sanguine multò nobilior; uti vel indè constat, quoniam exiguum illius dispendium plus damni spiritibus affert, quàm si vigesies tantundem sanguinis ablatum fuerit. Hinc fit, ut post Veneris gaudia, mæstitia consequatur comes: observatumque est, ipsum *cerebrum* iis, qui in libidinem proniores sunt, debilitari admodum, tenuèq; magis atque aquosum reddi. *Podagra* quoque intemperatorem Veneris usum sequitur, *labefactis* indè nervosis partibus, roscidòque nervorum liquore à pinguiore atque anodynâ sui parte orbato: unde tenulior atque acrior fit, faciliòrèque adeò impetu in articulos detruditur.

7.<sup>o</sup> In ossium fracturis, viscosa quædam sub-<sup>à fracturæ</sup>stantia in illa exudat, ruptis ossibus ferruminandis<sup>ossium con-</sup> utilis: arteriæ autem nihil huiusmodi exhibent,<sup>glutinatione.</sup> quarum officium est, unum sanguinem provehere, qui à materia ista plurimùm discrepat: cùmque præter illas, atque nervos, nullum adhuc vas re-

E c                      pertum

pertum sit, quod humorem aliquem extrorsum efficit; videtur sanè *gluten* illud ad effracta ossa per istos deduci.

*ab albumini generatione in utero gallina.*

8.<sup>a</sup> *Ovorum albumen* videtur in uterum gallinæ per *nervos* deferri. Est enim sanguini valdè dissimile; nec ullo modo fingi potest è sanguine produci, nisi per modum secretionis id fieret; quæ certè in illa parte præstari nequit, quoniam *parenchymate*, ad eam rem necessario, omnino destituitur. Videmus enim partes alias humori alicui à sanguine secernendo destinatas, largo satis & sanguineo *parenchymate* donari; quale in uteris animalium nunquam reperias. Secretio autem liquoris nutritii, qui accedit per *nervos*, *parenchymate* ejusmodi nihil opus habet, potèstque in partibus maximè exsanguibus institui. Et revera talem in ipso utero fieri, manifestum est; quoniam *numerosi lymphæ-ductus* indè revertuntur; quorum sanè haud tantâ copiâ opus esset, nisi in uteri substantiâ *secretio* aliqua perficeretur; neque enim liquoris aquosi satis adesset, quod regerent. Ut nunc autem se res habet, verisimile est, succum nobilem ac nutritium cum aquoso vehiculo temperatum, in uterum per *nervos* effundi; partemque illam aqueam, in ipso per substantiam uteri transitu à *lymphæ-ductibus* prolectam, à meliore succo separari; qui indè in cavitatem uteri delabitur, oviq; albumen constituit.

Denique, in *Rachitide* morbo, contingit nutritionis inæqualitas; quæ (uti verisimile est) provenit à nervorum quorundam, præ aliis, ad partes nutriendas ineptitudine. Quippe morbus iste (ut in libro nostro de *Rachitide* evicimus) sedem habet in medulla spinali extra cranium, nervisque indè oriundis.

*de nutritionis inæqualitate in Rachitide.*  
cap. 6.

oriundis. Quapropter nervi isti in fungendo officio debiles atque languidi sint oportet, præ iis, qui è spinali medullâ intra cranium natales suos deducunt. Indèque evenit, ut caput, facies, atque imi ventris viscera grandescant; utpote nervos intra cranium enatos sortita: brachia autem, & pedes præcipuè, macrescunt, reddunturque flacidi & enervati; quia nervis à languidiore spinalis medullæ parte forinsecus extra cranium prodeuntibus irrigantur. Præterea, quoniam interdum nervorum quorundam ramulus aliquis præ cæteris magis debilitatur; fit, ut altera pars artûs aliqujus, alterâ plus crescat, adeoque totum membrum illud tandem incurvetur.

Plura quoque alia in hanc rem afferri possint <sup>Tria præcipuè obijciuntur in contrarium.</sup> argumenta; quorum aliqua postmodum proponentur, cum reliquas adhuc in hac re difficultates enodabimus. Nunc verò proferam duntaxat tres majoris momenti objectiones, sententiæ nostræ adversarias. 1. Nulli canales in nervis conspiciuntur, per quos liquor nutritius pertranseat. 2. Liquor iste in dissectorum corporum nervis nullibi comparet. 3. In vivorum dissectionibus, injectâ nervis ligaturâ, nullus tumor citra vinculum, ant ultra apparet; & si nervum utrovis loco præcideris, liquoris hujus parum nihilve extillabit.

Ego me omnes scrupulos, qui circa hæc injici <sup>quæ diluuntur.</sup> possint, planè evulsurum non spondeo: verum ea solum, quæ mihi impræsentiarum maximè verisimilia videntur, aliis porro pensitanda proponam. <sup>non enim</sup>

1. Dico itaque primùm; posse liquorem aliquem inter fibrosa nervorum filamenta sensim delabi, <sup>obstat quòd nervi caritate manifestâ disti-</sup> etiam si cavitas conspicua (qualem in arteriis <sup>& tuant ut;</sup>



& venis deprehendimus) in iisdem nusquam appareat. Quippe in herbarum arborumque foliis, *nervosa costula* in medio exurgit, è pedunculo orta, cujus interventu plantæ suæ adhærent, & quo sine alimenti nihil ad ea accesserit. Costula hæc intermedia ad omnes folii partes peræquâ proportionem distribuitur; parsque ejus major in majorem quoque folii portionem dispertitur, adeoque folium integrum ex æquo nutrit. Costam tamen hanc, ramulumve ejus aliquem transversè si incidaris, nullam in eo cavitatem reperiēs, neque etiam succum aliquem effundet; præterquam in *esula*, *soncho*, *chelidonio*, aliisque similibus, è quibus humor lacteus aut flavus promanat; quo verisimile est, folia ipsa enutrirī. Et licet idem in aliis plantis minimè conspiciatur; credendum tamen, illis quoque succum aliquem ad eundem modum suppeditari: ideoque fatendum est, canales manifestos haud necessariò requiri, per quos alimentum traducatur; præsertim si memineris, motum in fibrulis illis esse lenem, ferèque insensibilem; non autem, torrentis instar, rapidum ac violentum.

neque etiam omnes nervi im-  
perforati sunt.

Dico ampliùs, nonnullos nervos haud adeò *impervios* esse, quin stylum subtilem in se admittant; in quo numero sunt nervi optici, atque olfactorii: & licet reliqui cavitare haud perinde manifestâ donati sint; quoniam tamen omnes nervi videntur partibus commune aliquod officium præstare; facillè creditu est, eosdem quoque aliquo pacto excavatos esse, meatibusque exiles in se complecti. Idque vel indè porrò constat, quia apoplexia sæpe in paralyfin delinit; ubi ratum habetur, materiam cerebrum offercientem, in spinalem

nalem medullam nervosque resolutos transferri: quod sanè, nisi nervi illius capaces essent, fieri nequaquam posset. Sunt, inquis, spirituum animalium capaces; nisi principium eorum obstructum fuerit, ut in paralyti usu venit: nequeunt autem liquorem aliquem crassiores admittere. At verò spiritus animales (aut alii quicunque) ab omni militurâ liberi, nusquam in corpore reperiuntur: atque idcirco, si nervi rei alicui à reliquis distincti in se recipiendâ efformati fuerint, oportet ea sit substantiâ crassioris, quàm spiritus abstracti. Porro, dari in nervis pervios canaliculos, ex ipsa compressione eorum alicunde factâ facilè percipitur; quippe stupor indè partibus iis obvenit, ad quas nervi illi pertendunt: certo documento, transitum liberum tunc temporis præclusum esse; amoto autem compressu illo, oboritur molestia quædam, tanquam partes illæ aculeis pungerentur; quasi aliquid interceptum antea, jam denuo motum pristinum redintegraret. Concludo itaque, haud satis evinci, nervos succo nutritio impenetrabiles esse, ob id, quòd cavitata manifestâ destituantur.

2. Quod secundo loco aiunt, nullum ejusmodi <sup>nec refragatur nervorum inanis in defunctis:</sup> liquorem in dissectorum corporum nervis reperi: respondeo, idem similiter in plurimarum plantarum nervosis fibris contingere; quibus, crescente etiamnum plantâ, præsectis, nullus tamen succus effunditur (utî modò diximus;) etiam si per ea loca succo alibili ad partes nutriendas iter pateat. Addo porro, motum succi nutritii in nervis usitatum, haud perpetuo impetuosive cursu ad unam eandemque metam tendere; sed fieri attractione similari, sive delectu quodam à

partibus nutritis adhibito. Fateor etiam, cum puro puto alimento liquorem alium tenuiorem, qui illi vehiculi loco sit, unà attrahi; eundemque postea per lymphæ-ductus reduci. Ideoque (celsante jam, in corporibus dissectis, attractione omni) fluxus succi hujus nutritii per nerv. *is conspicuus* minimè expectandus fuerit.

neque etiam, quòd nervi in viventibus transversim secti, nihil liquoris effundant; nec ab injecto ligamine intumescent.

3. Quod ad ligaturas, & nervorum in viventium dissectionibus præcisiones attinet; dico iterum, motum in nervis ordinarium, non fieri ad modum torrentis, sed institui attractione quâdam electivâ; ac propterea, nervo aliquo in vivorum dissectionibus confixto, nullus alterutrinque tumor præter solitum oboritur: quoniam nempe attractio à ligatura præpeditur, fluxus omnis in nervo intercipitur; quo sine, tumor haudquaquam eveniret. Præterea, in vivorum dissectionibus plerumque fit, ut ex ipsâ animalis ante obitum luctâ (priusquam vel vinculum nervo injicere, vel eundem secare queas) omnis liquor in partem illam elidatur, in quam nervus definit: indèque lymphæ-ductus, quicum illi commercium est, impletur valdè atque intumescit, dum interea nervus omni suo commeatu privatur, sectusque adeò vix ullum ejus specimen exhibet. Viderunt tamen aliqui (si famæ fides) è secto femoris funiculo nervoso, liquoris hujus plusculum profluere. Ego autem duntaxat (ut, quod verum est, dicam) apertis, dum viverent, canibus & felibus, è funiculo nervorum axillari transversim inciso, digitorum ope liquoris roscidi aliquantillum prolexi. Est tamen hæc res minoris roboris, quàm ut eam sententiæ huic tibicinem esse velim primarium; alterique potius responsioni (quâ liquoris hujus

ius fugam à summa inter moriendum luctâ fieri volui) acq̃ieverim.

¶ Sententiæ huic porrò stabiliendæ, tertio loco asserendum est, nervos alicubi succum hunc nutritium excipere, eundemque inde ad partes nutriendas deducere.

Verum dum primas succi hujus *scaturigines* investigamus, quò minus erroribus implicemur, tutissimum erit ab illarum partium *rejectione* ordiri, quas materiam hanc nervis minimè suppeditare certum est. In eumque finem,

Primò queritur, num musculi, membranæ, tendines, ligamenta, aut tunicæ, tali usui intervant? Videtur autem à ratione omni alienum, ut partes, quæ à nervis alimentum proprium hauriunt, ipsis illis primam nutritionis materiam ad-*ministrant*. Imò verò id si fieret, unde-nam partibus *incrementum*? Non possent enim quicquam aliud à nervis mutuari, quàm quod ipsis prius largitæ essent; nihilque adeò novæ materiæ utrislibet accederet. Eadem quoque ratio ossa ab hoc munere eximit; quippe & istis nutrimentum *advenit*; ut jam antea è liquore effracta ossa ferruminante constitit: hic enim proculdubio haud temere ac promiscuè in illa effunditur, verum electivè attrahitur. Sunt etiam ossa ob duritiem & siccitatem, quæ cæteris omnibus partibus ineptissima, præ reliquo corpori alimentum præparent.

2.<sup>da</sup> Ab hoc censu rejicio cor, pulmones, hepares, & renes: non solum quia partes sunt sanguineæ, sed etiam quia exiles admodum nervi in illa distribuuntur; & quoniam unumquodque eorum

*Tertia difficultas est, unde-nam nervi succum nutritium imbibant:*

*neque enim hauriunt à musculis, membranis, tendinibus, &c.*

*nec ex ossibus;*

*neque à corde, pulmonibus, aut renibus;*

alteri cuiusdam præclaro officio destinatur : cor nempe, ut sit vitalis sanguinis sedes primaria; pulmones, ut fuliginosos permeantis sanguinis halitus amendant foras; hepar, ut humorem biliosum ab eo segreget; & renes, ut liquorem potulentum, unà cum salinis & tartareis fœcibus, è corpore eliminent. Addo insuper, pancreas quoque iisdem adnumerari posse, utpote cui vas excretorium planè conspicuum contigit, officii peragendi clarum indicium.

*nec magis è  
pancreate.*

*Num-nam  
cerebrum  
eum suppe-  
diat :*

3.<sup>o</sup> Cerebrum & medulla spinalis fortè officium istud sibi vendicaverint, utpote à quibus nervi omnes ortum suum ducant, eorūque fines præcipui iisdem immediatè jungantur: adeoque materia alibilis indè facile ad omnes partes defluerit. Sententiæ autem huic id potissimum incommodat, quòd nulla via ad cerebrum pateat, per quam, deficiente pristino comæatu, novis vestigalibus suppleri possit. Venæ enim nihil apportant, & arteriæ ejus (si partis amplitudinem spectes) perexiles sunt; ipsæque venæ regerendis iis, quæ ab arteriis afferuntur, planè sufficiunt. Accedit, quòd sanguis (ut supra dictum est) haud omnibus partibus nutriendis conveniat. Quamobrem, etiamsi cerebrum aptum natum videatur, quod alimentum ad partes omnes solidas ex æquo subministret; non potest tamen esse organum, quod materiam illam nutritiam vel primùm præparet, vel in se primò admittat; sed oportet ab aliis partibus excipiat, idque proculdubio median-  
tibus nervis.

*Ex quo no-  
do;*

Non nego tamen, cerebrum esse principium dispensationis, ab eoque (mediante attractione similari) alimentum ad partes omnes, prout iis opus fuerit, distribui :

distribui : licet (ut diximus) nutritus illius materia prius ab aliis partibus ad cerebrum appulerit. Ideoq; alimenti dispensandi officium, quod olim hepatis tribuebatur, ex parte saltem cerebro debetur; etiamsi materia distributa non sit sanguis, neque à cerebro fabrefacta, sed ad hoc solum aliunde accesserit; ut postea dicetur uberius.

4.<sup>ta</sup> Victus omnis novus à ventriculo primum atque intestinis excipitur, partesque illas plurimi nervi adeunt, & præsertim ventriculum: ut facile creditu sit, aliquam saltem liquoris nutritii partem ab eo imbibiri: atque hinc fortè, ab absorpto cordiali haustulo, subita virium refectio, animiq; refocillatio provenierint.

Scio quidem, posse objici in contrarium, nervos omnes ad ventriculum & intestina derivatos, à sexta nervorum conjugatione oriundos esse; qui minores videntur, quàm ut toti corpori inserviendo pares sint, neque etiam illi ad artus, partesve externas distribuuntur. Isthæc verò non solum adversus ventriculum & intestina dicuntur, sed lienem etiam, glandesque illas particulares, quæ nervos suos ab eadem sextâ conjugatione sortiuntur. Quod autem ad sexti paris exilitatem attinet, eâ de re postea erit dicendi locus: nunc verò solum distributionem ejus perpendam, visurus quid, illius respectu, argumento huic insit roboris.

Videtur huic nervorum pari cum reliquis omnibus totius corporis nervis (licet haud immediate, aliquo pacto tamen) intercedere commercium: imò verò illi immediate cum pluribus partibus res est, quàm ulli alii nervorum conjugationi; etiamsi hi in ortu primo, tunc sui ambitu, triplo

*an à ventriculo & intestinis sufficiatur.*

*Objectioni à sexto nervorum pari ducta respondetur.*

*Ingens illius conjugationis commercium,*

plo illis majores reperiantur. Indéque jam olim sextum istud par ambulatorium sive *vagum* dicebatur.

à Fallopio  
descriptum,  
Observ.  
anat.

Cum aliis  
nervis tri-  
pliciter iis  
res est :  
1. per ple-  
xum,

eorundem  
communi-  
tates

2. per asso-  
ciationem.

Cæteris Anatomicis, quos hætenus videre licuit, *Fallopius* nervos istos accuratius descripsit. Autorem ipsum consule, quò me de hac re breviter dicentem clariùs intelligas.

Videtur huic conjugationi cum aliis nervis triplex esse familiaritas : nempe per *plexum*, *consociationem*, atque *inoculationem*.

Plexus præcipui sunt quatuor : *primus* fit in collo, quamprimum par istud è cranio prolabitur; *secundus*, in thorace, sub claviculis, è cujus fibrulis alter parvulus propagatur juxta basin cordis; *tertius*, prope primam lumborum vertebra, ubi nervi utrinque renibus succenturiatis vulgò dictis adnexi sunt, ortumq; superiorem mesenterio largiuntur; & *quartus* denique, juxta tertiam lumborum vertebra, ubi mesenterium originem inferiorem ab iisdem adipiscitur. Istis omnibus plexibus id commune est : 1.<sup>o</sup> ut sit concursus & contextus aliquarum saltem fibrarum ad diversos nervos spectantium; quarum primo coalitu fit nodus quidam oblongus : cujus generis maximus in ipso exortu posterioris rami sexti paris occurrat, quem *Fallopii corpus olivare* esse existimo. 2.<sup>o</sup> ut nervi hic loci arterias vicinas quodammodo amplexentur, iisque quasi tunicam conficiant. 3.<sup>o</sup> ut ramulos de se spargant, tanquam à communi origine, non autem à consortii illius peculiari nervo aliquo.

*Consociatio* modò dicta, plurimis in locis conspicitur. *Fallopius* ait, propagines quasdam nervorum,

rum, qui à cervice oriuntur, (nempe à primo, secundo, quarto, quinto, & sexto paribus; vel à primo, secundo, quinto, sexto, & septimo) cum fibris quibusdam à sexti hujus paris primo plexu prodeuntibus copulari, & veluti reticulum, aut complicationem quandam efformare. Fateor quidem associationes istas adeò obscuras esse, & repectu difficiles, ut vix certi quicquam de iis definiri queat: conjunctiones autem in thorace quàm maximè conspicuæ sunt: clarè enim videas, posteriores sexti paris ramulos, juxta dorfi vertebrae utrinque delabentes, cum ramulis è vertebrae illarum medullâ spinali prodeuntibus connecti, fibrâsque allquot (ut *Fallopîus* testatur) ab iisdem mutuari.

Videntur esse consociationum harum duo genera: unum quidem, cùm bini nervi in eodem involucro continentur; ità, ex *Fallopîi* sententiâ, par sextum, ubi è cranio egreditur, est nervus geminus, etiamsi unus habeatur, ob capsulam utriusque communem. Alterum autem genus est, cùm nervorum consociatorum alter alteri fibras aliquot impertit: atque hujusmodi sunt connexiones illæ, quas in thorace fieri jam diximus. Inter associationes hæc, & plexus, id discriminis est; quòd illæ fibras suas peculiare magis distinctas, minúsque invicem implicatas servant; quòd etiam (ubi conjunguntur) nodis ut plurimum careant; neque (ut in plexibus fieri solet) sese circum arterias obvolvant.

*Inoculationes* nervorum appello, cùm unius nervi extremitas in alterius extremitatem definit, quasi unum corpus continuum forent; & post unionem hanc ramulos de se promiscuè spargunt.

Vidi

3. per inoculationes.



Vidi sæpe, plurimisque in locis, hujusmodi inoculationes; idque semper in nervorum finibus, non autem in majoribus eorum ramis; neque easdem hætenus in nervis sexti paris sum conspicatus; etiamsi aliàs (si quàm familiare his nervis sit, ut cum aliis quibuscumque conjungantur, pensites) verisimile fiat, horum pariter extrema inoculationibus ejusmodi gaudere; eoque nomine à me memoratæ sunt.

*Connexio-  
num harum  
usur.*

Si quæras, in quemnam finem nervi sextæ conjugationis cum aliis nervis tam diversimodè connectantur? Ut nunc alios minoris momenti usus taceam; dico, probabile esse, eas aliquo modo ad succi nutritii commodam distributionem facere: hic enim videtur primùm à sexto pari imbibì; quod cum tantæ illius copię deferendæ impar sit, tam ingens aliorum nervorum numerus auxiliatum advenit. Quippe verisimile est, succum alibi-lem, per nervos hosce, aliòsque illis subsidiarios, ad cerebrum & medullam spinalem deferri, indèque ad omnes corporis partes derivari, prout illum electivà sive similari attractione unaquælibet alluciet. Quamobrem (ut propositæ difficultati respondeam) dico, rationem nullam apparere, cur sextum par cum reliquis nervis succenturiatis, quos diximus, haud satis sint persolvendis cerebro ac spinali medullæ iis vestigialibus, unde postmodum partes omnes sustententur.

*Quidnam  
ventriculus  
aut intesti-  
na ad hanc  
rem faci-  
ant, non de-  
finiuntur.*

Numnam autem nervi succum suum nutritium immediatè è ventriculo atque intestinis hauriant, nec ne; impræsentiarum non disputabimus: visuri potius, quidnam nervis cum liene & glandulis intercedat commercii.

Jam olim nupérque acriter litigatum est, cui-  
nam

nam usui lien primario inserviat? Ego verò omnis aliorum sententiis, de illo usu solum dicam, quem vasa in eum disseminata, ipsæque distributionis modus videntur suggerere.

Quod ut faciam luculentius, præmittam statim vasorum eorum descriptionem, prout illa evidenter in liene *bubulo* reperiuntur: ubi ob visceris amplitudinem, omnia magis sunt conspicua, atque exploratu facilia, quàm in liene humano. Et licet forsitan parva quædam discrimina, quoad vasorum horum distributionem, in utroque viscere occurrant; certum est tamen, omnia utrobique, quantum ad actionem usumque; eorum generalem attinet, perinde hic atque illic sese habere, adque eundem finem tendere; hujusque respectu, differentias illas ceu accidentales duntaxat habendas esse.

Lien, quem descriptionis hujus causâ ultimo aperui, erat novendecem digitos longus, & sex digitorum intercapedine paulò latior.

Vasa habet, arterias, venas, nervos plurimos, & nervosas fibras innumerabiles. Lymphæ-ductus nullos vidimus, eosque propterea (si qui adfuerint) aliorum oculis perspicacioribus detegendos relinquimus.

Arteriæ oriuntur à celiacæ sinistræ ramo; ut *arteria* & venæ, à ramo splenico. Vasa ista cavum lienis *vena* adeunt, ubi linea ejus recta sive sutura est, trium circiter digitorum latitudine supra infimam majoremque illius extremitatem. Priusquam verò lienem ingrediuntur, utrumque vas in tres ramos dirimitur; infimum nempe, medium, & superiorem. Ramus inferior deorsum versùs paulùm obliquatur, crassaque; lienis parti, quæ ingressui illius subjacet, ancillatur; medius, transversum iter obtinet; superior

*Quid lien  
huic mu-  
neri contri-  
buat.  
Lienis bu-  
buli descri-  
ptio.*

*vasorum il-  
lius qua-  
tuor genera.*

horum con-  
nexiones.

venæ tuni-  
cæ,

foramina,

horum va-  
sificationes.

superior autem, reliquisq; multò amplior, postquam sursum duorum digitorum spatio futuram perrepsit, lienem ingreditur, tribusq; minimùm illius quadrantibus famulatur. In ipso vasorum horum introitu, vena interiori arteriæ lateri inseparabiliter adhæret, tenuisq; aded evadit, ut arteria simul, & nervi ejusdem comites, facilè per latera ejus conspiciantur; iidemq; interiora illius protuberantes, videantur per medium ejus sinum decurrere: cùm tamen, ut diximus, eidem duntaxat adalligentur. Venæ tunica, quantò ulterius in lienem progreditur, tantò etiam magis attenuatur, donec tandem vix minima illius vestigia compareant: totòq; hoc tractu, majoribus minoribusve foraminibus pertunditur, per quæ sanguinem è parenchymate refluum exhaurit; eademq; hæc foramina per parenchyma ad venarum modum ramificantur, etiamsi venæ alicujus tunica nuspiam appareat. Nimirum, parenchymatis circa cavitates canalésve hosce labor ac firmitudo, eosdem, perinde ac si vasa per illa loca distribuerentur, integros conservat.

Arteriæ in omnes parenchymatis partes æquâ ratione disseminantur, nervis eorùmq; ramulis perpetuò comitatæ: & si quando truncus earum propaginem quandam emisit, eadem statim foramen aliquod jam dictum ingreditur, estq; istud vase per ipsum delato multò patentius. Foraminum horum quodlibet, per nudum parenchyma non aliter distribuitur, quàm arteriæ ramulus, qui per eandem semitam decurrit; donec tandem propagines ejus usque aded gracilescunt, ut oculorum aciem propemodum effugiant. Præter jam dicta autem foramina, quæ arterias excipiunt; sunt alia quæque

que plurima, quæ in venas dehiscunt, eadèmq; etiam per parenchyma ramificantur. Horum operâ fit, ut venæ ceu laceræ conspiciantur.

Nervi à sexto pari originem trahunt, nempe à *Nervi.* superiore illius plexu in abdomine prope glandulas renales: ibidèmq; (vel saltem ante ingressum eorum in lienem) arteriis conjunguntur; quas nec deserunt postea, donec nervosis fibrulis implexi fuerint. Singulis arteriarum ramis, plures nervorum rami adstites sunt, isq; diversæ magnitudinis; quorum bini arteriarum trunco utrinque accumbentes, præ cæteris sunt conspicabiles. Nervi isti, quò lieni propiores fiunt, eò etiam grandescunt magis; idq; similiter spatio aliquo, postquam lienem subiènt, iidem contingit.

Adest in liene fibrarum nervosarum ingens *fibre nerv.* tellicium; aded ut sextuplò minimum reliqua *vafa.* omnia vasa mole suâ superent: nec possunt facile distributiones earum in ordinem aliquem redigi. Ubique serè per totum parenchymatis tractum variè inter se complicantur, ut retis imaginem planè repræsentent. Fibrarum harum fines exteriores, lienis tunica, quâ gibbum ejus obvolvit, & quâ cavum ambit, interiores fines firmiter adalligantur: tunica, inquam, internæ; quippe lieni bubulo duplex tunica obgit, externa à peritonæo, & interna propria. Arcè quidem invicem coherent, digitorum operâ tamen sunt separabiles. Dictarum fibrarum aliquæ, hic illic manifestè cum ultimis nervorum ramulis uniuntur: & licèt minimè verâ ramificatione ab hisce proficisci videantur, connexionum tamen harum ope, necesse est iidem aliquo modo famulentur; præcipuè, quoniam cum aliis vasis nihil ipsis intercedit negoti.

Præter

*Nullum est  
lieni vas  
excretorium pecu-  
liare.*

Præter vasa jam dicta, nulla alia in hoc viscere hætenus reperta sunt. Nonnulli quidem crediderunt, vas aliquod *excretorium* peculiare illi concessum esse; aliiq; porro affirmârunt, vas illud in canalem pancreaticum evacuari. Mihi verò, adhibita sæpe pensiculatâ hujus rei investigatione, (namque ipsemet quoq; olim illi sententiæ favebam) nunquam tale aliquod videre licuit; adeòq; nullum adesse, fidenter dixerim. Lymphæ-ductus quoque ibidem perscrutatus sum, sed minùs accuratâ indagine; ac propterea nihil de ipsis temere affirmaverim. Hoc solum assero, siue adsint, seu minùs, haud magnopere tamen ad usum eum facere, quem vasa dicta præ se ferunt.

*Cur tot  
nervi in li-  
ene reperi-  
antur.*

Quamobrem tutò, ut opinor, usum hunc prosequemur; quærereque primùm licet, cur-nam hic nervorum tanta copia reperiatur? Haud putandum sanè, istud temere evenisse: & tamen rectè reputantibus non adeò in proclivi fuerit, conformationis hujus rationem verisimilem asserre. Quippe haud facile creditu est, nervos istos vel sensui, vel motui inservire: est enim lieni sensus omnino hebes, & motus spontaneus planè nullus; ut neutrius horum causâ, tot nervi illi tribuendi sint. Atq; idcirco nulli insigni usui destinati videntur, nisi quippiam vel ad lienem adferant, vel ab eodem auferant. Non autem existimandum est, quicquam eorum adminiculo ad lienem apportari; quoniam neq; id huic ex usu fuerit, nec vas excretorium ullum adest, per quod ingestus humor egeratur forâs. Ideòq; oportet aliquid è liene educant, quod deinde in superiorem abdominis plexum transferant, unde postea, datâ occasione, vel immediatè per nervos sexto pari con-

nexos,

nexos, vel mediantibus cerebro & medullâ spinali, in omnes totius corporis nervos distribuatur.

Quærere iterum liber, in quem finem tot nervosæ fibræ in liene intertextæ sint? Nempe, aîs, <sup>et quorsum tot nervosæ fibræ.</sup> ut laxum spongiosumq; illius parenchyma stabiliant, nè à sanguinis ex arteriis affluentis impetu ruptum dissiliat. Est quidem, fateor, hic usus privatus, viscerisq; ipsius conservationi necessarius.

Num-nam autem putabimus, organo huic publicum usum nullum obtigisse? Quorsum igitur tam laxum parenchyma, totq; illi firmando innatæ fibræ? Imò verò aliter si foret, nè viscere quidem ipso opus esset; quemadmodum nonnullos somniâsse video. Sin autem usum illi publicum concedimus; ubinam is quærendus fuerit, nisi in vasis, quæ, præter aliorum viscerum morem, in eodem reperiuntur? Quodlibet enim organum, cui actio usûsve publicus ab aliis partibus diversus obvenit, structurâ quoq; peculiari gaudet, quâ actioni aut usui illi obeundo reddatur accommodatus. Ideoq; quoties incertum est, quisnam parti alicui sit tribuendus usus publicus; vas ipsi peculiare tutissimè hunc nodum solvit. Ità nempe vasa fellea, hepatis usum indicant: similiter ureteres, renum; canalis pancreaticus, suæ glandis; arteria aspera, pulmonum, &c. usus expediunt.

Quamoprem & fibræ istæ lieni propriæ, ejusdem pariter usum demonstrant: eòq; magis, quòd <sup>Fibra ista lienis usum indicant,</sup> nullum aliud vas in illo reperiatur, quod & aliis visceribus non sit commune. Quæro itaq; denuo, quidnam hic sibi velit tam amplum fibrarum nervosarum rete? Fatendum sanè, illas aliquo pacto usui publico inservire. Et cur, precor, nudæ sanguini (parenchyma illud perlabenti) exponun-

*liquoremq;  
indè ali-  
quem eli-  
ciunt.*

tur? An non, ut liquorem aliquem ex amne illo ebiberent? In quem finem autem? cùm nec ipsi usui esse possit, nec vase separatorio donentur, per quod eundem efferant. Ac propterea necesse est, vasis cujuspiam alterius rem agant. Arteriis verò munifices esse nequeunt; quoniam illæ humori egerendo duntaxat, non autem excipiendo destinatæ sunt. Nec magis venis suam operam accommodant: siquidem illæ sanguinem illum abducunt, è quo fibræ jam dictæ liquorem suum exhauriunt; qui si in venas transferendus esset, non opus profectò erat, eundem à sanguine separari. Ideòq; nervi soli supersunt, quibus ancillantur. Et profectò magna hic inter fibras istas nervosq; similitudo intercedit; eòq; nomine *nervose fibræ* appellantur. Quinetiam illæ sæpe, si minùs è nervorum extremitatibus oriundæ fuerint, iisdem saltem junguntur. Quæ nobis facillè genuinum fibrarum harum usum indicaverint; esse nempe nervis auxiliatrices. Et cùm actio earum peculiaris sit, liquorem aliquem è sanguine prolicere; quoniam istum ablegent, præterquam ad fines nervorum capillares, quibuscum uniuntur? Concludo igitur, fibras hæc liquorem quendam per lienis parenchyma delatum elicere, cùmq; in nervos capillares (quibus conjunctæ sunt) transferre: huncq; esse usum lienis primarium.

*non quidem  
verum suc-  
cum alibi-  
lem, sed e-  
jusdem ve-  
hiculum  
duntaxat;*

Liquor hoc pacto è nervis imbibitus, non videtur esse ipsemet *succus nutritius*, sed humor magis aqueus, quiq; succo illi vehiculi loco inserviat. Quippe jam antea à nobis dictum est, sanguinem nutriendis partibus ineptum esse: adeòq; minùs verisimile est, alimentum propriè dictum è sanguine prolektari. Quinetiam rationi magis congruum

gruum videtur, nutrimentum verum ab organis mitioribus ac benignioribus (quàm lien deprehenditur) partibus accedere, ut mox dicetur amplius. Quare potius existimem, liquorem hunc esse merum vehiculum, quod succum verè nutritium, fluidum conservet, & à coagulatione tueatur, quò facilius in corpus totum distribuatur. Namq; probabile admodum est, alimentum verum faciliè concrefcere & coagulari; nisi ab admixto tenuiore vehiculo, in fluore perpetuo conservetur: obq; hanc coagulandi aptitudinem, partibus nutriendis promptius adhæret, easdémq; vel adauget, vel reficit. Quamobrem credibile est, fibras nervosas jam dictas, partem sanguinis tenuissimam, nitissimam, & aquosam maximè elicere, ut vehiculi vicem præstet. Idq; vel indè porro confirmatur, quoniam sanguis è liene regrediens, solito crassior conspicitur; adeóq; verisimile est, eundem, dum parenchyma illius perlaberetur, de tenuiore suâ substantiâ nonnihil amisisse.

Quamprimum fibræ istæ (ut diximus) partem aliquam tenuis mitisq; illius humoris è sanguine epotârunt, prædam omnem in nervos capillares sibi conjunctos, indèq; in ramos eorum majores transferunt: qui cùm arteriis associantur, iisdémque quasi capsulam circumstruant; sit ut, caloris pulsationisq; earum adminiculo, liquor ille in nervorum plexum glandulis renalibus aditum facilius traducatur. Ubi non solum confluxus nervorum eidem excipiendo par in promptu adest; sed & organum, impuritatibus, è liene fortuito affluxis, aliò derivandis idoneum, ibidem adnectitur; nempe glandulæ renales, quas renes succenturiatos vulgò dicimus.



*Glandula  
renales hu-  
morem u-  
num ab alio  
secernunt ;*

Quippe certum est, glandulas hasce renales, humoris alicujus ab altero secretioni inservire : est enim iis vas separatorium peculiare, quod in proximam venam majusculam inseritur, à qua illæ onere levantur. Plerumque in dextro latere, deplentur in cavam ; in sinistro autem, in venam emulgentem. Vas earum secretorium, in ipsarum mediotullio situm, sinu quendam præ se fert ; non latum quidem illum, sed longiusculum ; in quem ab omnibus glandulæ partibus transitus patefcunt. Sinus iste (ut jam diximus) in venam aliquam vicinam aperitur, habetque in ipso ingressus vestibulo valvulam, quæ recursus omnis è vena illa prohibetur.

*non tamen  
à sanguine.*

Possunt autem, àis, à sanguine per arterias suas delato aliquid secernere. Istud verò fieri nequit ; quoniam quod illæ segregant, quicquid demum id fuerit, illico in venas recipitur, ibidemque cum sanguine commiscetur. Putabimúsne Naturam Penelopes telam retexere, & mox destruere, quod effecerit ? Existimem potius, secretionem hic institutam, non esse liquoris alicujus à sanguine, sed ab alio aliquo succo, isthuc, non per arteriam, sed vas aliud delato. Quódam autem istud, inquis ? Fatendum sanè est, vas aliud nullum hætenus repertum esse, (quod quicquam ad glandes deferre queat) præter arterias & nervos : ideòque cum arteriæ isthoc munere exciderint, necesse est in nervos devolvatur : eos nempe, qui è plexu jam dicto profiliunt. Idque vel indè constat luculentius, quia plexus istius nervi, in ipsa glandium harum substantiâ firmiter adeò radicantur ; ut, citra præcisionem aut lacerationem, ab eadem nequaquam divelli possint. Quorum enim nervi adeò conspicui, tam altè in glandulas hasce defigantur ?

gantur? Profectò nec sensui isthic, neq; motui famulantur: quapropter reliquum est, ut glandes istæ sup:flua quædam ab iis excipiant, eadèmq; mox per vas secretorium jam dictū in venas eliminent.

Nolim tamen hæc ità accipi, quasi plexus hujus usum cum statuam primarium, ut impuritates aliquas fortuitò è liene depromptas, glandularum renalium operâ aliorum deflectat; aut immundities illas separet, quæ fortè unà cum vero alimento admixtæ fuerint; etiamsi plexus iste, glandium dictarum ope, utrunq; hoc munus obeat. Sed usus plexus hujus (ut & reliquarum omnium) primarius, est, opinor, ut succi nutritii, vehiculiq; ejus in partes omnes distributionem facili-  
*Quisnam  
usum sit plexus glandularum illis vicini.*  
 tet: prout nempe unaquælibet earum electivâ suâ attractione humores illos allegerit. Quippe nervorum hæc communione fit, ut liquores faciliè de loco in locum, prout usus postulaverit, delabantur. Sed ut ista nunc missa faciam, redeámq; ad impuritates illas, quas è liene exsorberi diximus; quæri etiamnum possit, quidnam discriminis inter eas, purâq; ejusdem liquoris partes reperia-  
 tur? Nimirum id interest, quòd illarum spiritus ad volatilitatem propiùs accedant: quo fit, ut vinosi magis ac prædatorii evadant, quàm ut succo nutritio ex usu sint: adòq; à mitioribus ejusdem liquoris partibus separandi veniunt. Similiter fieri potest, ut liquor, qui ab initio erat mitis sâris, succoque nutritio deferendo commodum vehiculum præstabat; paulò pòst tamen à calore vitali plusculum excoctus, acrior evadat ac spirituosior, quàm ut huic negotio utiliter inserviat, ac propterea rejiciendus sit. Nihilominus quoniam, ob spirituositatem illam (ut sic loquar) sanguini

nutriendo sic accommodatior; licet à nervis repudiatur, non ideo tamen è corpore proturbandus est, sed in venas traducendus potius; ad eum nempe modum, quem jam diximus.

*Quid nervis  
cum glandulis  
sit negotii.*

Postquam hæcenus, quid nervis cum liene sit commercii perpendimus; videndum superest, quid illis cum glandulis necessitudinis intercedat. Vir doctissimus, & amicitiae jure mihi conjunctissimus, D. *Whartonus*, cum anno proximè præterito, ex Collegii Londinensis mandato, *Prælectoris* munere fungeretur, totius corporis glandulas quàm accuratissimè explicuit; adeò ut vix quicquam alicujus momenti prætermiserit. Ac propterea in præsentì negotio (quemadmodum & suprà à me factum est, cum de glandibus renalibus agerem) necesse habui, nonnulla ab eo tunc tradita huc transcribere: quod sanè haud illibenter fateor, nè eum merità laude fraudasse videar.

*Glandularum  
divisio, respectu  
habito ad  
nervos.*

Nihilominus, quoniam mihi propositum est, de partibus istis obiter tantùm agere; idq; non absolute, sed relativè solum, & in ordine ad nervos; aliam illarum divisionem (licet ab Eo proposita haud adversam) in medium afferam. Oritur autem hæc divisio, à variis glandium officiis, quatenus ad nervos referuntur. Earum enim alie excretioni, alie reductioni, alie verò nutritioni famulantur: hincq; adeò divido illas, in *excretrices*, *reductrices*, & *nutritias*. Est quidem verissimum, omnibus glandulis id commune officium esse, ut *secretionem* aliquam instituunt: ea tamen, secundùm peculiare earundem munus, diversimodè se habet. In nonnullis enim earum, secretio ista tendit ad excretionem, in aliis ad reductionem, & in aliis ad nutritionem; & consimiliter materia ipsa,

ipsa, diversis hisce secretionum modis sejuncta variat. Prima illarum, est merum excrementum; altera, quarundum partium respectu, est excrementum; aliarum verò, est liquor desiderabilis, ac propterea reducendus: tertia autem est succus verè nutritius.

Glandium harum primum genus (earum nempe, quæ secretioni atque excretioni destinatae sunt) complectitur in se testiculos, prostates, vesiculas seminales, mammas in mulieribus, tonsillas, & glandes maxillares; quæ omnes vase excretorio peculiari donantur, per quod excrementum aliquod è *nervis* delatum, aliò eliminant. Vasa excretoria, *glandibus maxillaribus* propria, à D. *Whar-tono* & me primum (ut arbitror) reperta sunt; cum, in eum finem, caput bovinum dissectaremus: num glandes ipsas aliquantò antea in alià dissectione inveneramus. Horum vasorum accuratam plenamque descriptionem D. *Whar-tonus* tempore locòq; nuper dictis exhibuit: idèòque illa breviter duntaxat perstringam. Sunt (ut & glandulae ipsæ) bina numero, utrinq; unum; inq; omnes glandularum partes radices agunt, quæ tandem utrobq; in unum truncum desinunt. Trunci isti, solâ cute operiti, per latera inferiorèmq; linguae partem deferuntur, donec ad ipsius ferè apicem pertigerint; ubi, prope duorum inferioris maxillæ incisorum dentium radices, papillarum formâ in os aperiuntur. Vasa hæc, *ductus salivales* appellavimus; quia salivam tenuem, pellucidam, & aquosam in os effundunt.

Alterum glandularum genus (humoris nimirum secretioni, ejusdèmq; in corpus denuo reductioni inserviens) comprehendit in se, glandulas renales, sive renes succenturiatos dictos, glandes prope

Ff 4 anum,

*Glandulae  
excretorices,  
earumque  
usus.*

*Glandularum  
reductio-  
nem  
cum usus.*

anum, atq; illas quæ œsophago adjacent, jugulares etiam, parotidas, axillares, inguinales, & con-  
similes alias. Quæ omnes, humorem à nervis ac-  
cipiunt asperiores, & naturæ sanguinis vicini-  
orem, quàm ut partium illarum (quibus nervi pro-  
spiciunt) nutrimenti commodum vehiculum esse  
possint : atq; idcirco nervi, glandium harum ope,  
illum amoliantur, retinèntq; solum quod utile  
est. Et quoniam materia, quam respuunt, sanguini  
affinis est, eidemq; per anfractuosa vasorum pro-  
vehendo accommoda; haud foràs è corpore pro-  
truditur, sed in venas glandulis illis *secretricibus*  
proximas recipitur. Estque hæc (nī fallor) vera  
ratio, cur glandes istiusmodi, plerunque juxta ma-  
jores nervorum venarumq; divisiones sedem ha-  
beant : nempe, ut humorem è nervis deprom-  
ptum, expeditiùs in venas transferrent.

*Glandula  
nutritia.*

Tertii generis glandulæ, quæ succi verè nutritii  
(in usum nervorum) præparationi ministrant,  
sunt glandes mesenterii, item *Bartholini* glandulæ  
tres *lumbares*, communi chyli receptaculo vicinæ,  
atq; *thymus* etiam fortasse in junioribus. Et quo-  
niam glandulæ istæ, præ cæteris, ad propositum  
nostrum maximè spectant; iisdem paulò ampliùs  
immorandum censeo.

*Mesenterii  
glandula.*

Ad mesenterii glandes quod attinet; certum  
est, venas lacteas (aut magnam saltem earum par-  
tem) ad illas tendere, ibidemq; in minima usque  
capillaria distribui : atque alia etiam capillaria  
in iisdem glandulis originem nancisci ; indèque  
ulteriùs profecta & conjuncta, alterum venarum  
lacteæ genus constituere. Atque ut vasa hæc  
diversæ speciei non sint ; sunt tamen illis ortus  
& termini diversi. Primum enim genus earum,

*Venarum  
lacteæ  
duo genera.*

ortum

ortum ducit ab intestinis, & in glandem aliquam definit: alterum verò ibidem è glande (ubi priùs definebat) exoritur, & in receptaculum commune terminatur. Quæsierim itaque, cur Natura primis cur primum eorum in mesenterii glandes terminetur. venis lacteis terminum hunc constituat; atq; illico in eadem parte, ejusdem generis vasorum novam sobolem producat? Numnam moram in agendo frustra creat, molestiâq; sibi ultro consciscit? Quorsum enim vasa minutim distribuit, ut è capillaribus aliis denuo novos truncos recolligat? Si primæ venæ lacteæ (citra distributionem ullam in glandes mesenterii) ad receptaculum rectâ pergerent; citius profectò ac minore cum negotio, chylum ab intestinis illorsum transferrent. Ut nunc autem se res habet, illæ chylum in glandem, ad quam pergunt, distribuunt; quod non, nisi temporis spatio, & labore aliquo perficitur: & postea alterum lactearum genus (specie forsitan à priore minimè diversum) chylum illum denuo exhaurit: quod ceriè factò nequaquam opus esset, nisi priora vasa eundem in glandis parenchyma effluiscent. In quem finem, inquàm, Natura ambages istas molita est, si chylus hic loci neq; *alterationem* non fit id ob chyli alterationem aliquam, sed secretionem potius. aliquam, nec alterius cujuscpiam humoris à se *secretionem* adipiscitur? Alterationem verò nullam acquirit; quippe lactis specie, ut advenerat, effertur. Ideoque in eum finem huc appulerit necesse est, ut aliquid ipsi commissum ab eo secernatur. *quod autem separatur, non est excrementum, nec materia in venas reducenda,* Quænam autem materia hic separanda fuerit? Non est sanè excrementum: quippe vasa excretoria glandibus hîscæ peculiaria nulla adsunt; quæ tamen partibus nullis denegantur, quarum officium est, excretionem aliquam instituere. Neq; etiam materia est ejusmodi, qualis per *reducitrices* glandulas

glandulas in venas egeritur. Talis enim si foret, separatione nullâ opus esset; quoniam reliquus chylus paulò postea in venam subclaviam abit, potuissetque etiam hic liquor, sine secretione intermediâ, eundem comitari. Quorsum enim liquorum mox remiscendorum laboriosa separatio? An id agit Natura, ut decurso spatio, à meta ad carceres recurrat? Ità enim fit, si ambo humores jam dirempti, in venas denuo regerendi sint. Quamobrem liquor in hisce glandibus separandus, nec ad primum, neque ad secundum genus jam dictum pertinet: tertiique adeò generis sit oportet; nempe ipsemet *succus nutritius*. Hoc autem concesso, haud repertu arduum est, per quodnam vas succus iste alibilis avehatur: cum enim istud non contingat per vas aliquod excretorium peculiare, neque etiam per venas; necesse sanè est, id fiat per *nervos*. Atque idcirco concludimus, nervos succi sui nutritii partem aliquam è mesenterii glandibus depromere.

verum succus nutritius.

Per quæ vasa is auferatur.

Tres glandes lumbares eidem usui destinatae sunt.

Quod ad tres glandes lumbares attinet, existimo illas nervis pari pacto ancillari: idque duplici argumento. 1.<sup>o</sup> Quia venæ lacteæ primi generis in glandes istas distribuuntur; aliæque secundi generis inde enatæ, similiter in commune receptaculum exonerantur; ad eundemque adeò censum cum mesenterii glandulis referendæ sunt. 2.<sup>o</sup> Quoniam in iis animalibus, quibus glandulæ mesenterii prægrandes obtigerunt, lumbares istæ vel omnino desiderantur, vel perpusillæ sunt. In hominibus certè, mesenterii glandes exiguæ sunt, & verisimile est, has (utpote congeneres) defectui earum supplendo majores contigisse; adeoque & succo nutritio in nervos transferendo inservire.

*Thymus*

*Thymus* quoque mihi videtur esse glandula <sup>atque etiam</sup> *nutritia*. Nam in embryonibus, atq; animalibus recens natis (quo tempore plurimum crescunt, & <sup>Thymum, in</sup> *nutricatu* propterea uberiore indigent) magnitudine præ cæteris omnibus totius corporis glandibus, spectabilis est: in senibus verò, quibus alimento hujusmodi parum opus est, perexigua deprehenditur, & vix conspicabilis. Præterea, glandula ista vase excretorio caret, neque (majorum glandium reductricium more) sinu aliquo excavatur: adeoque illam verisimiliter ad nutritiarum classem retuleris. Denique, glans hæc est candida, mollis, suavis admodum mitisq; saporis, & substantiâ mammarum glandibus similis: ac propterea, quemadmodum istæ lac infantulo toris præparant, sic illa liquorem nutritium intus supeditaverit, cumque forsitan è ductu lacteo thoracico exceperit, qui glandulæ huic appropinquans, priusquam in venas exinanitur, in duas plerunque propagines dirimitur.

Possint tamen aliqua afferri in contrarium, quibus videatur à vero alienum esse, nervos liquorem <sup>Tria obijciuntur in contrarium:</sup> ullum è liene & glandulis jam dictis elicere: quæ breviter percenſebo. Dices nempe,

1.<sup>a</sup> Nos partibus dissimilibus munus persimile <sup>lienis &</sup> attribuere: nimirum velle, succum mitem ac benignum nervis administrari à liene pariter & dictis <sup>glandium</sup> glandibus; quæ tamen toto genere inter se discrepant. <sup>disparitas.</sup>

2.<sup>a</sup> Lienem jam olim melancholiz stabulandæ designatum esse. Is autem humor, præ cæteris <sup>diversum</sup> omnibus, nutritioni maxime ineptus est: idèq; <sup>lienis officium:</sup> minùs verisimile, succum adeò suavem (atque hic requiritur) à liene supeditari.

3.<sup>a</sup> Lienem,



*glandularum ac lienis parvitas.*

*Objectioni prima respondetur.*

*Quānam in re glandule ista ac lien conveniant.*

*Latex è liene profusus, differt ab eo, qui ex glandulis promanat.*

*Ad secundam objectionem, negamus, lienem melancholicæ fecernende deputatum esse.*

3.<sup>o</sup> Lienem, hâsque glandulas minores esse, quàm ut liquori nutritio cunctis partibus administrando iufficiant. Imo verò, nè tantum quidem humoris expromere posse, quantum copiz illi, quæ in lymphæ-ductibus cernitur, respondeat.

Primæ objectioni respondeo: Licet inter lienem & glandes nutritias plurimum discriminis intercedat; hoc tamen iplis commune est, quod ambo vasè tum excretorio, tum reductorio careant: eadèmq; illa communitas, officii erga nervos similitudinem quandam necessariò requirit. Quoniam enim in liene pariter ac glandibus (ut modò dictum est) secretio aliqua instituitur; cùmque, præter nervos, nullum aliud vas illis suppetat, per quod separatus humor amandari queat; necesse equidem est, in eo conveniant, ut materiam suâmet operâ segregatam, nervis consimiliter impertiant. Addo etiam, permultum interesse inter liquorem illum, quem nervi è liene hauriunt; eùmque, quem iidem è glandibus nutritiis proliciunt. Atque istud discrimen, facilè constitutiones tam diversas postulaverit. Quippe liquor è liene eductus, non nisi vehiculum aqueum est verè illius nutrimenti, quod è glandibus nutritiis advehitur. Hippocrates olim lienì humores aqueos absorbendi munus aliquod attribuit. Non crediderim quidem, voluisse eum id fieri ad modum illum, quem diximus: videtur tamen animadvertisse, humorum aquosorum in corpore redundantiam, à lienis tumoribus atq; obstructionibus proficisci: quod profectò sententiæ nostræ haud parùm favet.

Quod ad alteram objectionem attinet; dico, lienem

lienem olim affectuum melancholicorum reum actum esse potius, quàm peractum: neq; sententiam illam nuperis experimentis esse consentaneam. plurimi enim istiusmodi affectibus obnoxii, & post obitum exenterati, lienem ab omni tali culpâ absolverunt. Quinetiam quilibet, facto periculo, facîle cognoverit, sanguinem in liene (tum humano, tum brutorum) ejusdem saporis ac dulcedinis esse, cum eo, qui in aliis corporis partibus reperitur; ipsèq; complurium animalium splen, citra melancholici saporis offensam aliquam, non rarò comeditur. Ac propterea, haud mirandum adeò, nervos succo aquoso mitique ex ipso liene prolestando destinari; præsertim, cùm attractio-  
ne electivâ sive similari munus suum obeant,

Objectioni tertiæ reponimus; statui per illam *Tertia ob-*  
multò plus alimenti partibus solidis impendi, *jectioni sa-*  
quàm revera iis opus sit. Quippe in istas, viginti *tis sit.*

quatuor horarum spatio, succi nutritii vix binæ unciz insimuntur. Et utcunq; *Sanctorii* sententiam, limitibus antea dictis circumscriptam, non *Sanguini*  
invitus amplecter; non existimo tamen, ingentem illam impensam, quæ quotidie per insensilem *vigecuplo*  
transpirationem contingit, à partibus solidis *plus ali-*  
manare; imò verò nè vicesimam quidem illius *menti im-*  
partem; sed potius ab halitibus sanguinis profici- *penditur,*  
fici; qui verus helluo est, & præ cæteris parti- *quàm par-*  
bus, jugi instauratione opus habet. Quippe dis- *tibus soli-*  
pendium omne, quod quotidie corpori advenit, à *dis.*  
sanguine proficitur; dum is, expansivo atque irrequieto motu, fines suos ampliare nititur: quo fit, ut non modò magnam partem sui, humorum-  
que ei commistorum, in halitus absumat; sed & solidarum quoq; partium complusculum disperdat.

dat. Quoniam igitur sanguis vitalis vaporosum hunc motum orditur ; idq; in se primum ; ac secundario duntaxat, & per consensum, eundem in partibus solidis (alioquin ab illo plurimum alienis) excitat ; necesse equidem est, multò plus sanguinis & liquoris admixti, quàm solidarum partium, à motu illo dissipari.

Adhæc, licèt partes magis volatiles, minùs volatiles alias ad eundem motum extimulent ; eadem tamen simul aliâ ratione motum hunc impediunt, donec ipsæmet ex angustiis illis evaserint : nempe, dum locum ampliorem quærunt, partes vicinas aliquantulum comprimunt, præpediuntq; quò minùs liberè expandantur. Hincq; adèò fit, ut, si res fugacior cum alia magis fixâ commisceatur, hæc ægrè admodum fugam paret, donec illa omnis avolaverit. Ità argentum cum stanno aut plumbo mixtum, ignique valido excoctum, difficulter absumitur, donec metallum omne deterius, minùsve fixum, dissipatum fuerit. Ad eundem modum sanguis quoque, licèt partes solidas ad expansionem abitumq; excieat, easdem tamen aliquatenus remoratur : ac propterea mihi verisimile fit, vigecuplo minimum plus sanguinis, quàm solidarum partium indies dispergi. Ob hanc causam, canales, qui sanguini subsidio veniunt, facile conspicui sunt ; venæ lactææ scil. & ductus thoracicus : scaturigines autem, primiq; ductus, qui partibus solidis nutriendis destinantur, valdè obscuri sunt, & cognitu difficiles ; glandes nempe nutritiæ, nerviq; ad easdem perreptantes. Si tamen glandium harum aliquam mediam secueris, facile digitorum compressu succum quendam lacteum emungas (è quo nutrimentum seligitur) etiamli

etiã si idem in nervis, qui illum exhauriunt, ob causas jam antea dictas, minus compareat.

Quinetiam, solidas partes non nisi parcè admodum absumi, ex ipsa *Sanctorii* observatione porro confirmatur. Nam si dimidium eorum, quæ comedimus ac bibimus quotidie, per insensilem transpirationem exhalat; non potest certè istud solidarum partium dispendium existimari. Quippe venæ lacteæ, cibum potumq; sub lactis specie imbibunt, ac postea in venam subclaviam, còrque ad id ipsum derivant; ubi paulatim in sanguinem transmutantur. Si itaq; tantum sanguinis in dies singulos accudatur, damnosa plethora necessariò proliferibus fuerit, nili & pristinus sanguis pari portione diminuatur. Ea verò cum non eveniat; fatendum est, sanguinem jugiter dissipari. Sanguinem autem intelligo concretè sumptum; nimirum unà cum sero & potulentâ materiâ, quæ maximam halituum horum fugitivorum partem constituit. Enimverò, liquidorum assumptorum paulò plus quàm dimidium emingimus: unde constat, illa præcipuè per insensilem transpirationem dispendi. Fateor quidem, in nonnullis morbis, veluti in dysenteria, febribus, &c. magnam solidarum partium jacturam fieri: id autem diverso modo evenit. Quippe partes hìc primùm in *cruorem* sive impurum sanguinem resolvuntur; qui postea vel vomitu, vel secessu, vel sudore rejicitur. Sunt autem detrimenta *naturalia*, quæ quotidianam instaurationem postulant. Hujusmodi verò absumptiones reparari nequeunt, donec status corporis præternaturalis immutatus fuerit: & tum quoq; lentè ac paulatim reficiendæ sunt; non quidem ingenti alimoniz copiâ, sed eo solum demenso, quod

quod & à glandulis suppeditari, & à nervis in illas distributis afferri possit. Præterea, partes à morbo detritæ, sunt parenchymata musculorum præcipuè, quæ, recuperatâ semel valetudine, facile citòq; redintegrantur; partes autem fibrosæ disperditæ, cùm nervorum operâ instaurari debeant, non nisi longo temporis spatio (ac præsertim in senioribus) refarciuntur: quia & lenta fit per nervos resectio, & partes ipsæ jam debiles alimentum sibi cunctanter assimilant. Quoniam igitur, dum prosperâ valetudine utimur, haud multum nutrimenti à partibus solidis decedit; & postquam primum convalescimus, reparatio lento gradu perficitur; si rem rectè æstimemus, satis proportionis reperiemus, inter partes solidas deperditas, & organa nutrimentum iisdem restituendis præparantia.

*Plus laticis à lymphæ ductibus avehitur, quàm à nervis suggeritur.*

Verùm ubi objicitur, partes jam memoratas, haud tantum liquoris subministrare posse, quantum in lymphæ-ductibus solis reperitur: Dico; neque id facto opus esse: imò verò quadrantem illius fortasse sufficere. Quippe jam antea asserui, partem hujus lymphæ longè maximam, è sanguinis hâlicibus, roris instar coactis, & per lymphæ-ductus refluis, constitui; & vehiculum solum alimenti per nervos allati, cum ea simul reverti; hincq; ipsi crassitudinem majorem, quàm aliàs liquori puro distillato debeat, accedere.

*minus tamen, quàm primâ facie credas.*

Quo concesso, dico porrò; nos promptè arbitrari, plus liquoris, quàm revera sit, per hæc vasa ferri; quoniam, cùm lymphæ hujus motus (& præsertim post obitum) tardè admodum procedat, rivuli faciliè majores vero apparent: quemadmodum in tardigradis fluminibus, minor aquæ copia ingentibus

ingentibus alveis implendis satis est. Humorem autem in his vasis lentè prorepere, ex numerosis eorum valvulis constat. Nam licèt istæ, ubi crebræ reperiuntur, liquoris fluentis regressum præpediant; eadè tamen & procursus facilitatem simul nonnihil retardant. Quippe valvulæ omnes interdum occluduntur; humorisq; interea fluxionem impediunt, donec aperiuntur denuo. Ac propterea, cùm remoram toties properanti humori injiciant; necesse omnino est, is tardè admodum progrediatur. Idèmq; vel indè porrò confirmatur, quia vasa ista, postquam animal expiravit, etiam nullo adhibito vinculo, plena conspiciuntur: quod venis lacteis, in quibus fluxus est citatior, rarò contingit.

Denique, in æstimanda liquoris in lymphæductibus copiâ, facilè decipimur: quia rationi consonum est, vasa hæc in denatis, quàm in viventibus ampliora conspici. Nam in ipso mortis articulo, nervi (ut antea diximus) cum dolore conflictantes, humorem de se omnem in partes, in quas terminantur, exprimunt; qui jam per lymphæductus rediit, eosdem magis solitò adimplet; facitq; , ut idem quoq; in secunda valetudine ità sese habere arbitremur.

¶ Quarto loco videndum est, quo pacto liquor alimentarius in nervis moveatur. Nam postquam constitit, unde nam nervis liquor hic adveniat; inquirendum porrò restat, quo motûs genere idem postmodum feratur.

Humores quidem in vasis multifariam moventur: Ego verò nonnulla solum motuum horum genera paucis attingam: ea nempe, quæ ad rem præsentem

*Quarta difficultas, circa motum succi nutritii.*

*Humores in vasis, quinque modis moventur.*

præsentem potissimum spectent. 1.<sup>o</sup> Est motus, quo humor uno & perpetuo tenore ad eandem metam fertur. 2.<sup>o</sup> Est motus mixtus, sive quietis interpunctione interruptus. 3.<sup>o</sup> Est motus reciprocus. 4.<sup>o</sup> Est motus electivus. Et denique, datur motus ab irritatione.

1. *instar  
fluminis  
eodem sem-  
per prope-  
rantis.*

Motus eodem semper tenore procedens, est ejusmodi, qualis in fluminibus à mari remotioribus conspicitur, ubi aquæ ab æstu ingruente minimè repelluntur. Talis etiam est motus sanguinis in venis, qui continuè introrsum versùs cor fertur. Liquoris autem hujus nutritii motus ab illo diversus est, uti vinculum nervo injicientibus planè constat; tumor enim altrinsecus à ligamine nullus oboritur: qui certè contingeret, si modò liquor in ligato vase fluxione perpetuà aliquorsum decurreret.

2. *interru-  
ptè, cum  
quiete in-  
termedià.*

Alterum motûs genus, nempe cum *quietis* inter-ventu, est multiplex. Hujusmodi enim est, micatio sanguinis in corde; arteriarum pulsatio; bilis è vasis felleis per intervalla effluxio; & similiter excrementorum ex intestinis: quæ aliis plenius tractanda relinquimus. Est autem motûs quoque succi alibilis in nervis per temporum intervalla interruptio quædam, cæteris jam dictis explicatu difficilior.

Quinam  
alimentum  
statim à  
pastu fera-  
tur.

Consentaneum profectò est, succum nutritium brevi à pastu nervos paulatim subire, indèque mox sensim ad cerebrum & medullam spinalem ferri. Hinc enim horulis aliquot post epulas, fit sensuum stupor, ad motû ineptitudo, & in somnû proclivitas: quibus excussis, videtur succus ille extrorsum versùs artus, aliàsque corporis partes nutriendas prorere. Cui etiam sententiæ optimè congruit illa

illa quorundam observatio, afferentium, lymphæ-ductus, quinque aut sex horis ab assumpto cibo (utpote tunc temporis repletos magis) facillimè dignosci.

Quinetiam verisimile est, cerebrum & spinalis medullam per somnum potissimum nutriri; *quisnam sit illius motus tempore somni;* eoque tempore, liquorem hunc intrò ad partes illas fluere, humidisque suis vaporibus easdem relaxare, atque adedò somnum inducere ac protrahere. Indè evenit, ut, diu soporatis, cerebrum vaporibus impleatur, gravetur caput, torpescant sensus, & facultates motivæ enerventur. Novi aliquos, qui à somno insiticio, præsertim diuturniore, mox epilepticis insultibus obnoxii fuerint, quibus aliàs rarò tentabantur. Accedit, quòd, inter dormiendum, fluxiones omnes, ad partes per nervos institutæ, cessare videantur: pituita scilicet in tonsillis, eo tempore subsistit, ac densatur; saliva è glandulis maxillaribus nulla profluit; oculi à tenui humore vacui conglutinantur; atque alvus reprimatur. Ipse tamen sanguinis circuitus interea liberior ac citatior est, quàm experrectis esse solet; nec propterea cessationum harum causa merito censeri potest. Quoniam igitur, præter nervos, vas aliud nullum, inter quietem ab opere suo feriatur; licebit sanè verisimiliter ab eorundem vacatione, cessationum harum causam deducere.

Idque etiam constabit apertius, si modò excusso *et quis, somno finito.* jam somno, nervorum fluores haud oscitanter pensitemus.

Cerebrum nimirum & spinalis medulla sese contrahunt, ac tensiora evadunt; hinc motus in nervis fit refluus, ferturque pedetentim liquor, partim ad membra nutrienda, partimque ad glandes



tum excretioni, tum reductioni famulantes: oculi jam madescunt; nares muco opplentur; palatum & tonsillæ, scrotum ac tussim excitant; glandes maxillares, salivæ copiam profundunt; multos laxata alvus ad secessum sollicitat; junioribus ad res venereas calcar additur; omnibusque sudatio in proclivi est. E quibus omnibus clarè constat, motum in nervis (finito somno) eò versum tendere, quò diximus; nempe ad partes exteriores, adque glandulas emunctrices & reductrices.

3. *Humores moventur reciprocè, scilicet accessu & recessu.*

Tertium motus genus in vasis, est reciprocum; nempe in iisdem ductibus vicissim prorsum ac retrorsum: atque hoc pacto aer in arteria asperà citetur, dum spiritum alternatim per eosdem canales recipimus & emittimus: eo tamen fortè discrimine, ut duplo plus temporis in expiratione, quàm in inspiratione opus sit; alteroque tanto ampliùs expiretur, quàm inspiratu proximo ingressum fuerat. Liquor autem in nervis, haud tam crebro reciprocatur: verum, ut diximus, invadente somno duntaxat, & jam primùm exporrectis, fit illius accessus & recessus quidam: quemadmodum etiam forsitan in contrariis animi affectibus; veluti in gaudio, ac mœlitiâ; amore, & odio; spe, metuque; in ira quoque atque erubescentiâ; &c. motus in nervis fit retrogradus: uti etiam in tumorum quorundam metastasi; ex. gr. in strumis, & glandium præternaturalium primordiis; ubi materia à nervis primùm suppeditata, ab iisdem denuo resorberi, inque alias partes transferri potest. De iis verò, utpote perceptu arduis, impræsentiarum haud dicam ampliùs.

4. *electivè, seu attractione similari.*

Quartum genus, quo liquores in vasis concitantur, fit attractione electivâ sive similari. De motu

motu hoc jam antea generatim egimus, nec libet dicta repetere. Id nunc solum addam; axiomata illa ab omnibus recepta, *Similia similibus nutriuntur & conservantur*; item, *Simile simili gaudet*; satis evincere, succum nutritium in nervis huic motus <sup>estque an-</sup> generi obnoxium esse. Monui pridem, humores <sup>trahio hu-</sup> congeneres in ipsis quoque arteriis quodammodo <sup>iusmodi po-</sup> ad se invicem congregari: est autem nervorum <sup>tentior in</sup> hæc in re, præ illis, triplex privilegium: quorum <sup>nervis,</sup> primum, est liquoris in nervis lentus admodum <sup>quam in</sup> arteriis: <sup>arteriis:</sup> motus: alterum, canalis eorum, ab interjectis innumeris fibrulis, multiplex divisio: ultimum denique, crebræ illorum inter se connexiones, & plexus.

Motus sanguinis in arteriis est rapidus valde, humoribusque vix tantillum otii largitur, ut vel sui similibus associantur, vel ad partes illas abeant, quibuscum iis necessitudo maxima intercedit. Succus verò alibilis in nervis, placidè admodum & sine <sup>quia humor</sup> perturbatione prolabitur; partibusque singulis <sup>in iis placi-</sup> permittitur, quicquid ipsis collibitum fuerit, ad se <sup>dè move-</sup> rapere. <sup>tur:</sup>

Præterea, motus in arteriis fit, tanquam in tubo spatiofo atque integro; indèque evenit, ut humores congeneres, licèt sibi invicem aliquatenus appropinquent, eodèmq; properent, non possint tamen à dissimilium consortio planè expediri. Nervorum autem canalis plurimis fibrulis dividitur, è quibus pars nervi media constituitur; ac <sup>ex quia fi-</sup> propterea liquores varii facilè, citra permissionem <sup>brarum in</sup> aliquam, inter alias aliàsque fibras proreperint. <sup>nervi copia</sup> <sup>facit, ne</sup> <sup>humores</sup> <sup>diversi con-</sup> <sup>turbentur:</sup>

Postremò, arteriæ raras admodum inter se communiones nascæ sunt; & quæ ad sunt, id agunt solummodo, ut, si vas unum vel à compressu vel

ac denique,  
quia ner-  
vorum con-  
nexiones,  
plexusque  
crebriores  
sunt.

aliter oclusum fuerit, alterum illico laboranti auxilium ferat: aliàs enim humor in quemlibet rarium effusus, per eundem necessariò progreditur, donec ad ultima capillaria perventum sit: nec potest è vase uno in aliud transilire. Nervi autem, ob frequentes eorum connexiones (quibus ramus unius cum alterius ramo conjungitur) variò, que inter se plexus mutuos, & propter motum in eodem vase reciprocum; facile liquores suos ex hoc ramo in illum, partemque adò quamlibet peculiari humore nutriendam, transfulerint.

Electivi  
hujus mo-  
tus utili-  
tati.

Erat protectò iste succi nutritii motus necessarius, quò pars quælibet alimentum sibi peculiare, nullo obstante, seligeret. Quippe ossa, tendines, ligamenta, cerebrum, humores oculorum, &c. singula sibi peculiare nutrimentum postulant: quo necessariò deslitterentur, nisi nutritus ille quoquoeversum liberrimè profluere.

5. Humo-  
res concit-  
antur ab  
irritatione;  
eujus tres  
sunt causa:  
plenitudo,

Denique, liquores in vasis cientur ab irritatione aliquà: eadèque causà similiter succum nutritivum quoque in nervis propellit. Fit autem illa trifariam: nempe, à plenitudine; ab acrimonia; & à vigatione nervorum.

Plenitudo omnis, cum ubique molesta sit, necessariò partem oneratam plùs minùsve extimulat; facitque, ut humorem opprimentem, aut ejus saltem aliquid, in vicinam partem vel excernat, vel rejiciat. Indè fit, ut uberior alimenti copia, in nonnullis pinguedinem accumulet; aliis, Veneris sit incitamentum; in aliis, affectionem hystericam excuset, ubi plusculum ejus in uterum decubuerit; in quibusdam scrophulas ac strumas producat; & interdum sævos dentium, aliarumq; partium dolores inferat; prout nempe prægravati nervi,

nervi, in hanc illamve partem sese fortè exoneraverint.

Acrimonia humorum, ubicunque adfuerit, facile irritationem quandam producit : succus autem alimentarius naturaliter ab omni mordacitate alienus est ; utpote mitis, dulcis, mollisque, & nullà acredine partem laceffens. Fit tamen interdum, ut, contractâ labe, acris evadat ; nervosque vellicando, fluxiones partibus jam debilitatis inducat : quemadmodum in arthritide vagâ usu venit : in illa, inquam, ubi dolor statim ingruit, articulúmque, citra tumorem aut coloris mutationem aliquam, acerrimè dilaniat : tumor enim ruborque, à sanguinis per arterias affluxu manifestè proveniunt, & rarò à principio conspiciuntur.

Nervorum *vigoratio* (nam sic loqui cogimur) per vigoratio nervorum. humorem, si quis in ipsis fuerit, necessariò expellit : nam & contractionem unâ, luctâmque in se complectitur ; quæ in robustiore vase, citra liquoris expressionem aliquam, nequaquam evenerint. Tres autem sunt hujus vigorationis causæ : nimirum *perceptio*, sive *sensatio* ; *appetitus* ; & *motus musculorum*. A sensu doloris vigorantur nervi, simulque fluxionem in partem affectam concitant, dum nervus contrahitur, humorémque in se hospitantem abigit. Idem pariter à *voluptatis* sensu contingit ; quo vigentes nervi, humorem alacriter profundunt : sicuti in venereæ rei impetu, liquorem suum prædivitem in generationis organa copiosè ejaculantur ; quo absumpto, tristitia subsequitur, atque etiam (si nimium illius factum sit dispendium) macies, cerebri laxitas, &c. *Appetitus* quoque (modò vehemens fuerit) vigorem nervis impertit, eosdémque ad motum irritat : quem-

admodum timor trepidationem affert, simulque sudorem frigidum ciet. Et fortassis à reliquis etiam animi affectionibus, nervi variis irritamentis incitantur. *Motu* quoque & exercitatione recalcant corpora nostra, nervisque tensio ac robur additur. Possunt quidem omnes istæ causæ fortè nonnunquam concurrere; & tunc verisimile est, omnem prorsus succum alibilem è nervis excludi; ut in ipsa morientium lucta (præsertim quorum vitæ vis illata fuerit) plerunque evenit. Eamque causam esse diximus, cur tum in mortuorum, tum etiam in viventium dissectionibus, succus nutritius in nervis minimè reperiatur.

Atque hætenus quidem, quid de generali actione usuque lymphæ-ductuum, & nervorum quoque (quatenus hi eodem referuntur) conjectem, explicui. Idq; à me factum est; haud adèò ut alios sententiæ nostræ adstringerem, quàm ut ad grande illud nervorum *mysterium* viam aliquam patefacerem. Quà in re, si susceptus à me labor, aliis ad idem porro faciendum incitamento fuerit, facemque aliquatenus prætulerit; tametsi nemini conjecturæ nostræ placebunt, imò verò & erroris posthac manifestæ deprehendentur; operæ tamen exantlatæ nequaquam prænitebit. Neque enim studia illa malè collocata arbitror, quæ intellectui humano, in indagando vero, quomodocunque auxiliatum venerint. Verùm, ut ad rem revertar de nudo, oportet, quæ à nobis jam dicta sunt, ipsi hepatis particulatim applicentur.

*Quæ dicta sunt, referuntur ad lymphæ-ductuum nervosque qui in hepate reperiuntur.*

Asserendum itaq; lymphæ-ductus in hepate, non solum halitibus illic in aquam condensatis, sed & succo nutritio superfluo per nervos hepaticos ad vecto, efferendis inservire. Est certè vero perquam simile,

simile, liquoris in vasis istis partem maximam ab halitibus jam dictis proficisci. Quippe hepar pars calida est, debentque necessariò halitus plurimi in eodem exurgere. Adfunt etiam numerosi lymphæ-ductus, qui haud temere nullumque in finem extracti sunt. Denique, nervi hepatici perexiles sunt; ut dimidio longè minus liquoris afferant, quàm à lymphæ-ductibus asportatur. Quamobrem existimem, vasa isthæc (præsertim in hoc viscere) ab ipsis sanguinis halitibus potissimum impleri; & quod è nervis provenit, cum illis comparatum, perexiguum esse. Nihilominus, quoniam liquor in lymphæ-ductibus repertus, aquâ merè stillati- tiâ crassior est; fatendum profectò, partem aliquam humoris è nervis emissi cum eodem commisceri. Qui humor, licèt partibus illis, ad quas nervi cum amandant, nulli usui sit; quoniam tamen vitalis constitutionis ratione, succus est non illætabilis; haud planè è corpore eliminandus erat, sed lym- phæ-ductuum operâ sanguini denuo restituendus: ac propterea, quamvis liquor iste *secrementum* dici possit; *excrementi* tamen nomen haudquaquam propriè meretur.

Vasa isthæc ex hepate prodeuntia, venâmque Portæ comitata, pancreatis partem perreptant: quamprimum autem illa bifurcatur, ramo mæsen- terico associantur; paulòque pòst, factò diverti- culo, versùs receptaculum commune abeunt, inque ipsum exonerantur; ubi liquor eorum chylo commiscetur, & cum hoc unà per du- ctum thoracicum in venam subclaviam trans- fertur. Dixi sæpe, liquorem hunc sanguini proficuum esse: nunc addam sòldum, quânam

*Lympha-  
ductuum  
progressio,  
& deple-  
tio:*

*Liquoris  
istius utili-  
tas.*

in re utilitas ista consistat. Nimirum sanguinis coagulationem prohibet : & cum maxima illius pars jam antea ad volatilitatem sive exhalationem perducta sit , spiritibus vitalibus facillè socium sese adiungit , sanguinisque micationem promovet.

## FINIS.

---



## INDEX.

# INDEX.

## A.

**A**ciditas aliquando dulcedinem præcedit. pag. 358

Aciditas dulcedini præcedanea, in quo fundetur. 354

Acidus liquor quomodo producatur. 361

Acrimonia est irritationis causa. 455

Actio similis & organica. 297, 298

Actiōis & usus partium discrimina. 294

eorum tria genera. 297

Actiōes & usus vasorum extra hepar 12 Propositionibus comprehensi. 176

Administrationes due anatomice, quarum operâ vasa hepatis innotescant. 210

Administrationem Spigelii mancā esse. 213

Administratio Authoris. 215

Adnascencia hepatis. 57

Equalitas distributionis ramorum portæ. 245

Affluxionis tres cause. 85

Agens naturale num quicquam in usum publicum molitur. 295

Albuminis generatio in uero gallinæ. 418

Amaror bilis. 246

Amarities dulcedinem antecedens, in quo fundetur. 356

Amarities eam consequens, in quo posita sit. 363

Anastomosi nullam inter vasa hepatica inveniri. 270, 278

Anastomoseon specie quomodo

Autores decepti fuerint. 275, 276, 278

Anatomie subiectum & definitio. 1, 4, 5

Nominis ratio. 1

Differentiæ. 2

Divisiones primæ. 7

Observanda in eadem. 3

Operationes. 1

Cur Aorta in sinistro, & Cava in dextro sitæ sint. 61

Vide Administrationem Anatomicam.

Aorte



# INDEX.

- Aorte influentia in latus finistrum.* 71
- Arteriae hepaticae distributio.* 261. *Ortus ejusdem.* 259
- Arteriae lienis.* 429, 430
- Motus sanguinis in Arteriis est promiscuus.* 206, 207, 208
- Asperitatem, & Levitatem, esse accidentia communia figurae.* 45
- Asperitas dulcedinem praecedens.* 358
- Astrictio dulcedinem praecedens.* ibid.
- Atra bilis.* 346
- Attractio similis asseritur.* 26, 171, 200, 372, 452, 453. *qualisnam ea sit.* 204. *quibus mediis perficiatur.* 200. *ad eam tria requiruntur.* 203 *cur dicatur similis.* ib. *potentior est in nervis, quam in arteriis.* 453, 454
- Attractionis similis alimentii, utilitas.* 454
- Attractionis organicae quatuor modi.* 163
- Vide similitum congregationem.*
- B.
- B**ilis atra. 346
- color illius. 346. *quomodo ea ad depurationem sanguinis conducatur.* 200
- Bilis congesta triplex usus.* 198
- effluxus ejus an cesset, durante collatione.* 195. *cause.* 197
- Bilis elementa.* 344. *illius productio.* 374. *ejus genera sunt varia.* 169
- Bilis non pedetentim, sed collatim effluit.* 192. *est excrementum.* 344. *non tamen tota excernitur.* 184. *quomodo è sanguine generetur.* 363, 364, 365, 366. *motus ejus naturalis quis sit.* 185
- Biliosus humor non nutrit.* 346
- Bilis, obstructionem, & sanguinis coagulationem impedit.* 200. *putredini resistit.* 199
- Bilaria vasa sunt bilis receptacula.* 182.
- Bilis, versus ventriculum & intestina pellicitur.* 375. *cur ad ventriculum & intestina, antequam ad hepar appellat, circumducatur.* 377. *ejus qualitates.* 345
- Bilis regurgitatio tandem facit irritationem.* 191
- Bilis stimulatio ad excretionem unde fiat.* 184
- C.
- C**alculi in poro bilario. 88
- Calor

# INDEX.

- Calor vitalis* quomodo bilem producat. 347
- Caloris vitalis conservatio* Naturæ magno constat. 369
- Canalis venosus* Portæ. 242
- Origo capsulæ, portæ & pori biliaris communis.* 257  
ejus dignitas. *ibid.*  
connexio, & distributio. 258
- Capsulæ usus* ad promovendam pulsationem portæ. 387
- Cavæ, Portæ, & pori biliarii communitates.* 218
- Cavæ & Portæ proportio.* 235  
radicum Cavæ distributio. 246. ortus. 247. truncus. 248. rami. 249
- Cavæ usus.* 396
- Cavi hepatis causa.* 127
- Cavi hepatis inæqualitates.* 129. quid circa Cavitatem partis notandum. 41
- Cavitas hepatis in homine minus profunda, quam in aliis animalibus.* 122
- An Cerebrum succum nutritium suppeditet.* 424
- Circumductio bilis* antequam ad hepar appellat. 377. hujus Circumductionis utilitates. 379
- Clausura* insertionis obliquæ bilem repellit. 187
- Clausura* illa à compressione fit validior. 188
- Colatura* est duplex; vel artificialis, vel naturalis. 391
- Colaturæ naturalis varia genera.* *ibid.*
- Colatura* ad excretionem tendens, triplex. 391
- Colaturæ naturales* includunt actionem similem. *ibid.*
- Partes organicæ* inservientes Colaturæ huic. 393. partes similes eidem inservientes, & quomodo operentur. *ibid.*
- Communitates* quinque inter Cavam, Portam, & Porum biliarium. 218, ad 237
- Congregatio* similium asseritur. 374
- Vide *Attractionem.*
- Connexiones hepatis.* 52
- Connexiones Cavæ & Portæ.* 272
- Connexio duplex* vesiculæ felleæ. 135, 139
- Connexiones Portæ, & pori biliarii.* 269
- Connexionum harum usus.* 288
- Quid circa Continuitatem partis* inquirendum sit. 40
- Continuitas hepatis.* 98
- Continuitas tunice ejusdem.* 99
- & *parenchymatis.* *ib.*
- Contusiones*

# INDEX.

Contusiones parenchymatis hepatis. 101  
 Cordis positura. 64  
 Cor non sanguificat. 299. & quare. 321  
 Cor in reliquas partes principatum quatenus obineat. 335  
 Cordi & hepati diversa sunt munia. 319

## D.

**D**extri lateris robur asseritur. 73, 74, 75  
 hepatis in illud influentia. 69  
 In dextro latere Cavam collocari debere. 61  
 Discriminatio vasorum hepatis utilis. 232  
 Discrimina eorum sex. 233, 234  
 Quot modis ab invicem discriminantur. 232, 233  
 Dissimilari materia caret unionione naturali. 20  
 Dissimilari partis definitio. 14. distinctio. 16  
 Distributio Portæ intra hepar. 241. Venæ Cavae. 246  
 Pori bilarii. 251. Capsulae, Portæ atque Poro bilario communis. 256, 258. Arteriae hepaticæ. 261. Nervorum in hepate. 263. Lympha-

ductuum. 266  
 Distributionis ramorum Portæ æqualitas. 245  
 Distributio alimenti nervis tribuitur. 413  
 Divisiones corporis humani tres. 7. illarum consensus. ibid. reductio ad dichotomiam. ibid.  
 Divisio quarta. 8  
 Ductus communis proportio ad meatum cysticum & hepaticum. 144. ejusdem connexionis modus. ibid. insertio ejus regressum bilis præpedit. 145, 146. insertionis discrimina. 147. valvulas nullas habet. 144  
 Dulcedinis origo. 357  
 Quomodo dulcia amarescant. 364  
 Durae partes. 35

## E.

**E**ffluvia possunt excitare corpora graviora ad motum, non autem eadem bajulare. 201  
 Elementi definitio. 27  
 Elementa intermedia multiformia. ibid. septem modis separantur. 27, 28, 29  
 Elementa ultima. 32  
 Elementa

# INDEX.

<i>Elementa chymica &amp; Aristotelica inter se comparantur.</i>	33	<i>Fixationis status.</i>	353
<i>Elementa bilis.</i>	344	<i>Fluxionis tres causæ.</i>	85
<i>Elementorum status triplex.</i>	352	<i>Formæ naturalis definitio propria.</i>	13
<i>Exaltationis status.</i>	353	<i>Fractionum ossium glutinatio.</i>	417
<i>Excitatio quomodo fiat.</i>	201	<i>Fusionis status.</i>	353

## F.

<b>F</b> <i>allopilii sententia examinatur.</i>	165.	<i>quinque propositionibus exponitur.</i>	166, 168
<i>Fellea vasa foris conspicua recensentur.</i>	133.	<i>&amp; eorum ab internis differentie.</i>	ibid.
<i>Felleorum vasorum extra hepar positorum actiones &amp; usus.</i>	148, 176		
<i>Fibrosæ partes.</i>	36		
<i>Figura</i> { <i>externa.</i> }	40		
{ <i>interna.</i> }	41		
<i>Figura internæ partes.</i>	ibid.		
<i>Figura hepatis externa.</i>	108		
<i>ejus partes, &amp; causæ.</i>	126		
<i>Figuram hepatis determinantes regule sex.</i>	111, 115		
<i>Figura exprimens distributionem Portæ &amp; Pori bilarii.</i>	254		
<i>Fissura hepatis.</i>	128		

## G.

<b>G</b> <i>ibbum hepatis.</i>	136
<i>Glandularum cum nervis negotium.</i>	438
<i>Glandularum divisio, respectu habito ad nervos.</i>	438
<i>Glandule excretrices &amp; reductrices.</i>	439
<i>An Glandule mesenterii sint nutritiæ.</i>	440
<i>Glandule lombares ejusdem sunt usus cum mesentericis.</i>	442
<i>Glandularum &amp; lienis communitates &amp; differentie.</i>	444
<i>Glandularum &amp; lienis diversa esse munia.</i>	ib.
<i>Gustandi facultatis vis.</i>	347
<i>Gustus à spiritibus præcipuè afficitur.</i>	348
<i>Gustandi facultas, de rerum elementis dijudicat.</i>	347
<i>Gustus quomodo promoveatur.</i>	347

*Hæmorrhoi-*

# INDEX.

H.

**H**æmorrhoidalium vena-  
rum origo. 239  
Hepatis actio & usus. 341,  
380, 381, 382. Illius Ad-  
nascentia 57. Anatomia. 47.  
Continuitas. 98. continuita-  
tis hujus solutiones. 99, 100,  
&c. partium divulsio. 100  
Hepatis dignitas. 381.  
connexiones. 52. Diffe-  
rentia à liene. 91  
Hepatis figura externa. 108.  
ejusdem partes, & causæ. 126.  
interna figura. 216. Regu-  
le sex figuram ejus externam  
determinantes. 111. hepar  
toti corporis trunco conforme  
est. 117. quid ejus longitu-  
dinem, latitudinem, crassi-  
tatem, ovalem circumferenti-  
am definit. 120  
Hepatis fissura. 128. flexi-  
bilitas minor quàm in aliis  
animalibus. 121  
Hepatis gibbum. 126. influen-  
tia in latus dextrum. 69. la-  
teri suo plus roboris affert  
quàm opposito. 73. ligamen-  
ta hepatis. 51. motus illius  
obscuri. 53  
Magnitudo ejus absoluta & re-  
lativa. 77. magnitudinis dif-  
ferentia respectu ætatis, sexus

castrationis. 81, 82, 83. hepa-  
tis mensura & pondus. 77,  
78, &c. hepatis tumores. 85.  
hydatides hepatis. 89. munia  
ejus & cordis diversa sunt.

319

Numerus partium hepatis. 90,  
94. est unicum. 91. cur  
indivisum 116. non sangui-  
ficat. 306, 313, &c. Galenus  
sensum illi bebetem tribuens  
descenditur. 263. vasa. 217

Hystericæ affectionis exem-  
plum. 55

Hepatis situs. 49. causa hujus  
efficiens & finalis. 67. Tu-  
mores illum variant. 50. si-  
tum mutatur à corde. 64  
cur sedem habeat in supremo  
abdominis loco. 60. cur in  
dextro hypochondrio situm sit.

61, 66

I.

**J**ulii Jасolini opinio per-  
penditur. 168. tribus pro-  
positionibus comprehenditur.

169

Instrumentum infectioni li-  
quorum in vasa inserviens.

211

Irritatio est vel originalis, vel  
per consensum. 391, 392,

393, 398

Irritationis tres causæ. 454,  
455. Insipiditas

# INDEX.

*Inspiditas immediatè dulcedinem præcedens.* 358  
*Inspiditatis tria genera.* 359

## L.

**L** *Acilearum venarum duo genera.* 316, 440, 441, 442  
*In latus dextrum hepatis influentia,* 69. *in sinistrum, lienis.* *ibid.*  
*Laurentii sententia ad tres propositiones reducitur.* 149.  
*Prima perpenditur.* 150.  
*ejusque fundamentum convellitur.* 151. *illius observatio enervatur.* *ibid.* & *retorque-*  
*tur.* 157. *secunda refellitur.* 158. *quatuor argumentis.* 158, 161. *Tertia expenditur.* 162. *erroris ejus occasio.* 156  
*A liene plurimum discrepat*  
*bepar.* 91  
*Lienis bubuli dissectio.* 429  
*Lien quid nervis contribuat.* *ibid.*  
*Lieni vas excretorium proprium deest.* 432. *Cui tot nervi in liene reperiuntur.* *ib.*  
*Lienis & glandium convenientia & discrepantia.* 443, 444  
*Lienis & glandium diversa*

*esse munia.* *ibid.*  
*Lienem non esse melancholicæ officinam.* 443  
*Lobus hepatis ejusdemque usus.* 130, 131. *Cur bepar lobis crecat.* 93  
*Longitudo hepatis.* 79  
*Lubricitas interna hepatis.* 82  
*Lymphae ductuum actio & usus.* 401. *eos humorem aquæum abducere.* *ibid.* *quoniam eundem transferant.* *ibid.* *unde idem adveniat.* 402. *partem ejus maximam per arterias advenire.* *ibid.* *reliquam per alia vasa, & per quæ.* 403. *non per vas aliquod quinti generis.* 404, 405  
*Lymphae ductuum laticem omnem à nervis non suppeditari.* 445  
*Lymphae ductuum latices pauciores esse, quàm apparent.* 448  
*Lymphae ductuum primi inventores, & descriptio.* 266. *hec vasa Asellio errandi ansam dedisse.* 268  
*Lymphae ductus hepatici.* 456. *eorum progressio & depletio.* 457. *liquoris quem deferunt, utilitas.* 457

H b

Magni-

# INDEX.

## M.

- M**agnitudo partis. 39  
 Magnitudo hepatis relativa. 77  
 Materię naturalis definitio propria. 13. ejusdem divisio. ibid.  
 Materia & forma venarum unde. 338  
 Meatus partium. 42  
 Meatus cystici angustia. 158  
 Meatus cysticus valvulis destituitur. 140. ductus ejus amplitudo. ibid. ejusdem anulus fibrosus. ibid.  
 Membranosę partes. 35  
 Mercurius duplex. 349  
 Mistorum separationes varię. 28, 29  
 Molles partes. 36  
 Morbi hepatis in situ. 55, 56, 57  
 Morbi hepatis in magnitudine aucta vel diminuta 85, 86, 87, 88, 89  
 De morbis hepatis in numero partium aucto observationes. 96, 97  
 Morbi hepatis in continuitate. 100, 101, 102, 103, 104, 105, &c.  
 Motus hepatis obscuri. 53

- Motum omnium hepatis partium non esse aequalem. 57  
 Motus bilis naturalis quis sit. 185  
 Motus sanguinis in radicibus Cavae. 247  
 Motus humorum in vasis quinque genera. 449, 450, 451, ad 455

## N.

- N**ervorum hepaticorum ortus. 262  
 Nervorum in hepate distributio. 263  
 Nervi hepatici usus in promovenda Portę pulsatione. 388, 389  
 Nervi hepatici usus in Pori biliarii irritatione. 397, &c.  
 Nervi sexti paris insigne commercium. 425. ejusdem plexijs, associationes & inosculationes. 426, 427  
 Nervi sexti paris descriptio. 426  
 Nervos succum nutritium alicubi imbibere. 423, 424, 425, 428, 429  
 Nervi splenici. 431  
 Nervorum copia in liene. 432  
 Nervosę fibrę lienis. ibid. & cur tam numerosę. 433  
 Nervosę

# INDEX.

- Nervosæ fibras usum lienis insinuare.* 433. *easdem liquorem à liene elicere.* *ibid.*
- Nervos impuritates suas in glandes renales derivare.* 435
- Nervorum cum glandibus commercium.* 438
- Per nervos partem lymphæ advehi.* 403, 404
- Nervos omnem lymphæ ductuum laticem non suggerere.* 445
- Nervorum frequentes connexiones.* 426, 427, 428
- Nervorum vigorationem humores concitare.* 455
- Nervosarum partium vulnera extillare liquorem.* 414
- Nervis tribuitur alimenti distributio.* 413, 414, &c.
- Nervos cavitate manifestâ destitui.* 419 & *cur.* 420, 421. *eosdem in defunctis inanes esse.* 421 & *quæmobrem.* 420, 421. *in viventibus transversim sectos, nihil liquoris effundere, nec ab injecto ligamine intumescere.* 419. & *quare.* 422
- Numerus partium.* 39
- Numerus partium hepatis.* 90
- de Morbis hepatis in numero partium aucto, observationes.* 96, 97
- Numerus partium integrantium hepatis deficiens.* 94. *redundans.* 95
- Nutritii succi motus.* 449
- Nutritius succus parçè absumitur.* 445
- Nutritii succi copia minor quàm vulgò putatur.* 445
- Nutritium succum quæ partes suppeditent.* 423. *ad* 429
- Nutritium succum distribui per nervos.* 413, 414, &c.
- Nutritionis inequalitas in Rachitide.* 418
- Nutritius succus statim à pastu quò feratur.* 350. *quò, tempore somni.* *ibid.* & *quò, somno finito.* *ibid.*

## O.

- O**bstuctionis tria genera. 44. *tres causæ.* 86
- Obstructiones parenchymatis hepatis.* 103
- Officium totius hepatis.* 341
- Officii nomen.* 341
- Officium hepatis proprium.* 381
- Officium vesiculæ felleæ.* 138
- Omenti influentia in latus sinistrum.* 70
- Organicæ formæ partes quinque.* 38

Hb 2      Organico-



# INDEX.

<i>Organicarum partium essentia realis.</i>	38	<i>Permeabilitatis duo genera.</i>	47
<i>Organica &amp; inorganica partes fundantur in formâ.</i>	18	<i>In Phthili usus emplastrorum cephalicorum.</i>	413
<i>Organica partes totam partium formam absorbent. ibid.</i>		<i>Pituita in intestinis à bile separatur.</i>	375
<i>Ossium fracturorum conglutatio.</i>	517	<i>Plentitudo est causa irritationis.</i>	454
P.		<i>Plexus sexti paris.</i>	426
<b>P</b> <i>Ancreatis influentia in latius sinistrum.</i>	70	<i>Plexus ejusdem usus.</i>	437
<i>In paralyfi partes absumi.</i>	413	<i>Ponderum hepatis discrimina.</i>	80, 81
<i>Parenchymata sanguinea &amp; phlegmatica.</i>	37	<i>Pori sive permeabilitas partium.</i>	41
<i>Parenchymatis figura interna quomodo dignoscatur.</i>	216	<i>Pori bilarii distributio &amp; truncus.</i>	251
<i>Parenchyma hepatis agrè fert arteriæ impetum.</i>	378, 379	<i>Pori bilarii distributio intra hepar.</i>	441
<i>Parenchymatis hepatis actio &amp; usus. 390. ejusdem dignitas. ibid. idem coli vicem præstare. ibid.</i>		<i>Pori bilarii capillares æqualiter terminantur in toto hepate.</i>	255
<i>Parenchymatis illius partes non modo sanguineas, sed &amp; bili-osas dari.</i>	394	<i>Pori bilarii dignitas &amp; capacitas. 143. longitudo &amp; latitudo.</i>	144
<i>Partium distinctio triplex.</i>	9	<i>Porus bilarius valvulis caret. 243. rectâ in intestinum aperitur.</i>	154
<i>Partium definitio communis.</i>	10	<i>Pori bilarii usus.</i>	396
<i>Partium materia &amp; forma.</i>	11	<i>ad Pori bilarii usum quid contribuat vasorum felleorum irritatio. ibid.</i>	
<i>Partes excrecentes &amp; informate.</i>	34	<i>Pori bilarii irritatio.</i>	398
<i>Partes spermatica, sanguinea, molles, dura, tensiles. 34, 36, 37.</i>		<i>irritationis ejusdem per consensum causa. 399. &amp; usus.</i>	400
		<i>Pori</i>	

# INDEX.

- Pori bilarii, Cavæ, & Portæ*  
*communitates.* 218. ad 227  
*Portæ distributio.* 241  
*ejusdem æqualitas.* 245  
*Portam esse arteriæ affinem.*  
 286  
*Portæ usus.* ibid.  
*Portam aliquo modo pulsare.*  
 ib.  
*Ad Portæ truncum quomodo*  
*sanguis deducatur.* 380  
*Portæ truncus ubi hepar subeat.*  
 241  
*Portæ sinus & canalis veno-*  
*sus.* 242  
*Portæ distributio extra hepar.*  
 238, 239, 240  
*intra hepar.* 241  
*ejus quinque ramorum distri-*  
*butio.* 243, 244  
*Portæ & Cavæ proportio* 235  
*Postulata quædam, figuræ trun-*  
*ci humani utilitatem demon-*  
*strantia.* 117, 118, 119  
*Principii definitio.* 327  
*ejus variæ significationes. ib.*  
*tria genera.* 330  
*Principium continuationis ve-*  
*narum.* 332  
 R.  
*In R* Acbitide nutritionem  
*esse inæqualem.* 418  
*Quid circa Ramificationem*  
*partium observandum.* 45
- Renales Glandes facultate se-*  
*cretrice gaudent.* 436.  
*Rubedinis sanguinis causa*  
*S.* 303  
**S**anguineæ partes. 37  
*Sanguis est principium ve-*  
*natum efficiens.* 336  
*Sanguificationis modus.* 306  
*Sanguificatio est actio simila-*  
*ris.* 311  
*Sanguinis primus auctor.* 300  
*Sanguine omnes partes non*  
*nutriri.* 406. *quenam ille*  
*sint.* 412  
*Sanguinem multis partibus esse*  
*dissimilem.* ibid.  
*Ex sanguine quæ partes fiant*  
 ibid.  
*Ex sanguine partes ab initio*  
*haud erant factæ.* 411  
*Sanguinem minus fixum &*  
*permanentem esse solidis par-*  
*tibus.* 406, 407, 408  
*Sanguinem partes solidas de-*  
*prædari.* 409, 410  
*Sanguis depuratur ex secretio-*  
*ne bilis.* 343  
*Sanguinis motus promiscuus in*  
*arteriis.* 206, 207, 208  
*Sanguinis motus in radicibus*  
*Cavæ.* 247  
*Sanguinis iter ad Portæ trun-*  
*cum.* 180  
*Sanguinis & chyli discrimina.*  
 312 H b 3 Sanguis

# INDEX.

- Sanguis biliosus ad ventriculum & intestina fertur.* 373  
*& quare.* 375  
*Sanguis biliosus non rectè deducitur ad hepar per arterias.* 377  
*Sanguis biliosus necdum depuratus non debet ad cavam reduci.* 380  
*Sanguine abundantes frequenter macilenti.* 414  
*Seminis generatio in testiculis.* 415, 416  
*Similaris attractio.*  
*Vide Attractionem.*  
*Similaris partis definitio.* 13, 26  
*Similium partium natura realis.* 26. *& divisiones.* 34  
*materia partium ultima, est tantum similari.* 18  
*Similares & dissimilares partes fundantur in materia.* 17  
*Similares partes totam partium materiam representant.* 18  
*usus distinctionis partium similium & dissimilium.* 23  
*Similitudo in partibus similibus quæ requiratur.* 15  
*Similium congregatio quousque in sanguine procedat.* 374  
*Similium vis similia ad se congregandi.* 29
- Vide Congregationem similia.*  
*Similares hepatis partes.* 93  
*earum enumeratio.* 94  
*Sinistri à dextro latere differentia.* 69. ad 75  
*in sinistrum latus quæ partes influant.* 70, 71  
*Sinus portæ.* 242  
*Situs hepatis.* 49. *circa situm partium quid inquirendum.* 38  
*Spermatice partes.* 34, 35  
*Spiritus quid significet.* 348  
*Spirituum sulphureorum discrimina & status triplex.* 352  
*Spiritus quibus mediis reddantur volatiles & fugitivi.* 359  
*Spiritus dulces quomodo profugiant.* 366  
*Spirituum processus ab assumpto alimento ad eorum exhalationem.* 367  
*Status tres elementorum, quomodo ad gustum referantur.* 354  
*Stimulatio bilis ad excretionem unde fiat.* 184  
*Strumarum origo.* 414
- T.**
- T** *Abule due hepatis excarnati.* 292, 293  
*Thymi*

# INDEX.

<i>Thymi usus.</i>	443
<i>Transpirationis insignes usus.</i>	369
<i>Truncus ramorum Cave.</i>	248
<i>Truncus pori bilarii.</i>	251
<i>Truncus Portæ.</i>	241, 242
<i>figura Trunci in corpore humano qualisnam sit.</i>	117, 118,
<i>119. ejusdem figure utilitas.</i>	ibid.
<i>Tumores hepatici.</i>	85
<i>calidi, frigidi.</i>	87.
<i>parenchymati hepatis peculiare.</i>	87

## V.

<i>Valvule nulle in ductu communi.</i>	144
<i>Valvula Laurentii rejicitur, quam non viderat.</i>	152
<i>Vappa quomodo fiat.</i>	361
<i>Venarum origo.</i>	327
<i>Venarum materia &amp; forma unde</i>	338
<i>Venæ habent principium continuationis.</i>	332.
<i>scaturiginis.</i>	333
<i>Venæ sanguinem conservant.</i>	315
<i>Venæ non sanguificant.</i>	299,
	325
<i>Ventriculi inflatio.</i>	56

*Influentia in latus sinistrum.*

	70
<i>Vesicula felleæ figura.</i>	135
<i>radices, earumque insertio in vesiculam.</i>	136.
<i>connexio.</i>	155
<i>anulus fibrosus.</i>	139.
<i>officium.</i>	138.
<i>Vesiculam felleam aliquantulum dilatare posse.</i>	178
<i>Vesiculam felleam naturaliter impleri à radicibus suis.</i>	180
<i>Vesiculam felleam semper esse plenam.</i>	176.
<i>quare.</i>	177
<i>Vesiculam felleam nimis repletam ad excretionem stimulari.</i>	184.
<i>quomodo à vesicâ urinariâ discrepet.</i>	177
<i>Volatilitatis status.</i>	353
<i>Usus duplex vel activus vel passivus</i>	294
<i>Usus activus duplex.</i>	295
<i>Usus est vel similis vel organicus.</i>	297
<i>Usus proprii cujusvis partis clarum indicium.</i>	433
<i>Usus publicus ac nobilis hepatis concessus.</i>	342
<i>Usus distributionis ramorum portæ.</i>	246
<i>Vulnera hepatis.</i>	100
<i>Vulnera vasorum hepatis.</i>	105

Totius Libri Finis.